

2
VITA
VENERABILIS PATRIS
ANTONII
A SANCTISSIMO SACRAMENTO
ORDINIS FF. PRÆDICATORUM.
LIBRI DUO.

ACCESSIT LIBER TERTIUS DE PRÆSTANTIORIBUS
EJUSDEM ANTONII DISCIPULIS.

Authore R. P. Fr. BRUNONE FARAUDY Sacræ Theologiæ
Professore, ac Congregationis Sanctissimi Sacramenti Ordinis
Prædicatorum ex-Vicario Generali.



AVENIONE,
Typis ANTONII IGNATII FEZ, in Vico Bancasse.

M. DCC. LVI.

CUM SUPERIORUM PERMISSU ET APPROBATIONE.

I M P R I M A T U R,

SI videbitur Reverendissimo Patri Inquisitori.

BRUN VIC. GENERALIS.

~~~~~  
I M P R I M A T U R,

**F**R. J. B. MABIL Inquisitor totius Comitatus Aven.  
Die 11. Septembris 1756.



REVERENDISSIMO PATRI  
JOANNI THOMÆ BOXADORS  
SACRÆ THEOLOGIÆ PROFESSORI,  
TOTIUSQUE ORDINIS FF. FRÆDICATORUM GENERALI  
MAGISTRO.

REVERENDISSIME PATER,



PTAVERAT Reverendissimus bona memoria Ant-  
oninus Bremond Antecessor Vester, ut, venerabilis Patris Anto-  
nii à Sanctissimo Sacramento vita, jàm pridem à diversis Autho-  
ribus gallico sermone conscriptâ latinizate donaretur, meque ad  
hoc opus, aptiori profectò demandandum, litteris Roma datis delegit.

Debita Optimo Patri, ac Benefactori reverentiæ magis, quàm  
virium mearum habitâ ratione, operi illicò manum admovi,  
REVERENDISSIME PATER, illudque, auxiliante Deo, ad fi-  
nem perductum, obtentâ debitâ facultate, publici juris feci.

Illud idem Tibi, qui eidem Reverendissimo in Magistratus officio,  
maximo totius Ordinis bono, nuper successisti fuerat nuncupandum,  
tùm quia Paternitati Tux Reverendissima acceptissimum fore certò

## D E D I C A T I O.

*considerem, tùm maximè, ut mei ergà te propensi animi, ac filialis observantia pignus existeret.*

*Pro singulari ergà Prædicatòrum Ordinem benevolentia, congregato Roma generali Capitulo adesse voluit Benedictus decimus quartus, nedùm Supremâ Authoritate, pastoralis omnium Ecclesiarum sollicitudine, ac ardentiori propaganda Catholica fidei studio, verùm etiàm sacrâ eloquentiâ, ac omnigenâ eruditione Pontifex verè Maximus, tuam ad totius Ordinis Magisterium electionem (quæ maxima tua laus est) valdè probavit, totique Ordini vivâ voce gratulatus est, de Electi præclaris dotibus optimè conscius.*

*Assumptionis tuæ accepto nuncio universùs quâ latè patet Prædicatòrum Ordo effusissimo gaudio ætutùm correptus est, quodque nihil mihi optatius contigerit, nequè jucundius, Deo benedixi, & latatus sum.*

*Eo justior gaudendi ratio, REVERENDISSIME PATER, quod Sancti Patris Dominici instituta profluentes exemplar habeant in te quod inspiciant, Patrem quem diligant, Doctorem quem audiant Duem quem sequantur, Magistrum Generalem, inquam, novâ Dignitate clarum, virtutibus, ac merito clariorem.*

*Talem te probaverunt, talem te agnoverunt novissimi Romani Capitali Sapientissimi Patres, cùm te Divino prorsus instinctu, ac consentientibus votis in Generalem Magistrum elegerunt; quod quidem præclarum munus ingentia merita postulabant.*

*Nequè hic natalium tuorum splendorem, generis claritatem, aut gloriosi in sæculo demandata negotia recenseam, RIVERENDISSIME PATER; modestia tuæ vim non lecem intulerim, quod absit. Eo melius gloriàm transeuntis Sæculi despexeris, quo majora promissa sunt humilem Christum sequentibus præmia.*

*Ut te ad totius Ordinis decorem, ac tuæ Sanctissimi Sacramenti Congregationis incrementum quàm diutissimè serveet Deus ferventiores fundet præces.*

REVERENDISSIMÆ PATERNITATIS TUÆ

*in Conventu Vestro  
Avisanensi Calendis  
Julii 1756.*

*Humillimus servus Filiusque  
Obsequentissimus F. BRUNO  
FARAUDY Ordinis Prædicatòrum.*



POTENTISSIMÆ CŒLORUM,  
TERRARUMQUE REGINÆ BEATISSIMÆ  
VIRGINI Mariæ,

*Quam in rurali Sacello inter vineas nuncupato, peculiari cultu  
Avisanenses venerantur.*

VOTUM.

**D**ILEXIT te Antonius dùm viveret, Beatissima Virgo, Antonium vicissim dilexisti, quæ pulchræ dilectionis Mater es. Ad te confugit in angustiiis, ipsi fuisti propitia, quæ Mater es misericordie. Laudes tuas non tacuit, ipsum, obrentis à Deo gratiis, decorasti, quæ Virgo potens es.

Hujus viræ historiam, in adjectâ Ecclesiæ tuæ intèr vineas Eremiticâ Domo, ingravescente ætate, conscriptam tibi committo. Novitiis nostris proderit ad salutem; ex sententiâ successerit, si benignè protexeris.

Ecclesiam tuam intèr vineas intrant justî, & Tabernaculum es in umbraculum diei ab æstu, & in absconsonem à turbine, & à pluvîâ: intèr hujus vitæ procellas fluctuantes non obruuntur tempestate. Ingrediuntur peccatores, te tenente non corrunt, te protegente non metuunt.

Vineæ florentes dantes odorem suum, memoriam revocant tui, quæ integerrimâ Virginitate, ac suavissimo virtutum omnium odore Terram, Cœlumque perfudisti. Avisanenses dilexerunt te, Mater amabilis, posuerunt te custodem in vineis, ipsorum vineas, campos, olivata custodi. Sanctifica eos in nomine Unigeniti Filii tui. Tibi devotissimam hanc Prædicatorum familiam protege. Mihi misero peccatori viventi fave, adis, adprecor, morienti,

*Hæc scribe-  
bam die quar-  
tâ Junii flo-  
rentibus Vi-  
neis.*

---

## PRÆMONITIO AD LECTOREM.

Orat. in  
laud. Sancti  
Athanasii.

**Q**Uæ servus Dei Antonius, auxiliante Deo, gessit in terris, ea profecto digna sunt, quæ à scriptoribus immortalitati commendentur; non enim pium, ac tutum est, ait S. Gregorius Nazianzenus, pietate præstantes viros silentio præterire.

Ex nostris tres provinciam hanc potissimum susceperunt. R. Pater Archangelus Gabriel anno 1682. R. Pater Carolus à sancto Vincentio anno 1702. R. Pater Antonius Tournon, elegantiori stylo, anno 1748.

Antonii vitæ historiam à his gallico sermone conscriptam ipse scriptorum minimus [ Reverendissimo bonæ memoriæ Antonino Bremond totius Ordinis Generali Magistro litteris Romæ datis adhortante ] latinitate donavi, ut quæ unius Galliæ terminis quodammodo circumscribitur per plures gentes possit perveni, ac nostris, cujullibet Provinciæ Novitiis prodesse.

Nec fortasse ipsis regularem vitam professis meus hic labor infructuosus accidat, eò vel maximè, quod eisdem adstricti legibus ad eundem finem collineare teneantur facienda scient, ut spero, qui facta legerint.

Prælaudatum Archangelum Gabriel omnimodâ quamvis virtute præclarum, ac Antonii in habendis missionibus individuum comitem, in omnibus non subsequor, nè minutissima; quæ fusè recensuit, exscribam; quæ fuerint majora, ac certiora

breviori narratione complectar; id unum vereor; nè procul à rei dignitate remotus, tenui laudatione Antonii gloriam imminuam.

Ut verum fatear, Lector benevole, in conscribendo hujusce Operis libro tertio, qui de præstantioribus Antonii Discipulis inscribitur, me valdè habui præpeditum quòd namquè de uno dixerim, de alio dicendum veniat; quodque eisdem fermè virtutibus claruerint, eademque plures obierint munia, multa fuerant aut reticenda, aut repetenda: reticere haud æquum, repetere molestum.

Hoc, ut minuerem impedimentum, referenda retuli, immutatis terminis, diversoque, quo potui usus circuitu; id cæterum sìn minùs egerim pertactantæ materiæ, vel etiàm imperitiæ nostræ tribuas velim.

Thorum [ gallicè le Thor ] de quo sæpe sæpiùs recurret sermo, Vindascini Comitatus, Pontificiæ Ditionis, non ampla quidem, sed copiosa Civitas est. Leucis tribus Avenione distat. Plures ibi numerantur Familiæ nobiliores. Percelebris, & abundans Vallis Clausæ fons, quem forgiam vocant, circumquaque alluit Civitatis mænia.

Cæterum, quod aliquos ex Civibus meis inter præstantiores Antonii discipulos retulerim æquus nemo mihi vitio vertet; quasi verò præpostero in patriam amore, aut turpi inanis gloriæ appetitu, ad eorum vitam conscribendam fuerim adductus. Sanctus Gregorius Nazianzenus Gorgoniæ fororis laudes profecutus est. Sanctus Ambrosius Sartyri fratris insignia merita commemorat. Sanctus Augustinus Monicæ matris vitam libro nono Con-

fectionum testatam reliquit. Horum merita sancti Patres, non propinquitatis, sed sanctimonix habitâ ratione, publicis Orationibus celebrarunt: eodem pari modo, Civium meorum nonnullos laudavi, non idcirco quod Cives mei fuerint, sed quia laude digni inventi sunt.

Ne obscuritati, quæ maximum historix vitium est, locus fiat, Oppidorum nomina, ac Religiosorum virorum cognomina latinè non reddo. Vocibus biblicis quandoque utor, piis de rebus scribens. Tenuitatis meæ benè conscius, in multis quàmvis offendisse me nihil dubitem, salvâ tamen veritate, quæ historix anima à Tullio dicitur, scripsisse me pro certo habe. Capitum omnium Seriem ultima Operis pagina ministrabit.

## PROTESTATIO AUTHORIS.

Cum in conscribendam famuli Dei Antonii, ejusque Discipulorum vitam, nondum plurima retulerim, quæ humanas vires excedere videntur, & miracula dijudicari, verum etiam diversa præfagia futurorum, necnon revelationes, illustrationes, & similia, norint omnes hujusmodi enarrationes lecturi, me non intendere eas accipi tanquam ab Apostolica Sede examinatas, & approbatas, sed dumtaxat ut credendas eâ fide, quæ historiæ debetur humanæ. Quapropter sælicis recordationis Urbani Papæ VIII. decreto inhærendo, ejusdemque declarationi habitæ anno 1631. protestor me in enarrandis Antonii, ejusdemque Discipulorum gestis, nolle eis arrogare famam, vel opinionem Sanctitatis, nec cultum in eos inducere, nondum auditâ Ecclesiæ voce, ac Romani Pontificis oraculo. Sic profiteor, ut obediencissimus ejusdem Catholicæ Ecclesiæ filius.

*Facultas Reverendissimi Patris Magistri Generalis.*

Nos Fr. Antoninus Bremond sacre Theologiæ Professor, ac totius Ordinis FF. Prædicatorum humilis Magister Generalis, & servus.

Tenore præsentium, nostrique auctoritate Officii potestatem facimus, & facultatem, quantum in nobis est, impertimur Reverendo admodum Patri Brugnoni Faraudy sacre Theologiæ Professore, ac Vicario Generali Congregationis nostræ Sanctissimi Sacramenti typis mandandi Librum quem latino idiomate composuit cuique titulus est *Antonii à Sanctissimo Sacramento Ordinis Prædicatorum, ejusque Discipulorum Vita* modò prius censorio judicio fuerit approbatus à duobus sacre Theologiæ Professoribus Ordinis nostri, servatisque cæteris de jure servandis. In nomine Patris, & Filii, & Spiritus Sancti. Amen. In quorum fidem his Officii nostri sigillo munitis subscripsimus Romæ in Conventu nostro S. Mariæ supèr Minervam Die 16. Februarii 1752.

Fr. ANTONINUS BREMOND, *Magister Ordinis.*

*Registr. pag. 321.*

Fr. Jacobus Thomas d'Astézan S. Theologiæ  
Professor, & Pro-Socius.



---

## APPROBATIONES DOCTORUM ORDINIS.

**V**itam Venerabilis Patris Antonii à Sanctissimo Sacramento Ordinis FF. Prædicatorum, virtutum famâ, Apostolico zelo, arctiori pœnitentiâ, ac profligandæ Calvinianæ hæresis præcipuo studio, in toto Galliæ Regno percelebris, à Reverendo admodum Patre Brunone Faraudy sacre Theologiæ Professore, ac Congregationis nostræ Exvicario Generali nitido, ac elegantiori stylo latinè conscriptam, ego infrâ scriptus attento, & quidem eò libentiori animo perlègi, quòd neddum Novitiis nostris, verùm etiam Missionariis, ac cujusslibet instituti regularem vitam Professis multùm, Deo benedicente, sit profutura; quodquè nihil in eâ, diligenti adhibito examine, vel à fide Catholicâ, vel à bonis moribus alienum repperim, eam dignam judico quæ typis mandetur, ac publici juris fiat. Datum in nostro Vassionensi Conventu, Die duodecimâ Aprilis anno 1756.

*Fr. Marianus Rambaud Ordinis  
FF. Prædicatorum Sacre Theologiæ  
Professor, ac Sancti Officii Vicarius.*

**E**go infrâ scriptus Librum cui titulus est *Antonii à Sanctissimo Sacramento Ordinis FF. Prædicatorum; ejusque præstantiorum Discipulorum Vita* ab admodum Reverendo Patre Brunone Faraudy Congregationis Sanctissimi Sacramenti Exvicario Generali, necnon sacre Theologiæ Professore meritissimo, magnâ cum diligentia, & dignitate elaboratum, summâ animi mei voluptate perlègi, cumque in eo nihil animadversione dignum repperim, nihil quod Authoris sufficientiam, sagacitatem, & eloquentiam non demonstret, sed omnia fidei Catholicæ, bonis moribus, veritatisque maximè consona, ideò talem Librum in lucem edi oportere, ut non modò Novitiis, sed etiam Professis, imò, & omni Legenti proficiat, judicavi in Conventu nostro Tricastino, Dje quintâ Maii anno 1756.

*Fr. Bruno Colomb. Sacre Theologiæ  
Professor Ordinis FF. Prædicatorum.*



VITA  
 VENERABILIS PATRIS  
 ANTONII  
 A SANCTISSIMO SACRAMENTO  
 ORDINIS FF. PRÆDICATORUM.  
 ~~~~~  
 LIBER PRIMUS.

CAPUT PRIMUM.

Ortus ejus, ac Parentes.



ANTONIUS arctioris pœnitentiæ eximius cultor, Missionarius Apostolicus, Concionatorum sæculi decimi septimi clarissimum decus, augendæ pietatis, ac profligandæ Calvinianæ hæresis studiosissimus, Congregationis Sanctissimi Sacramenti Ordinis Prædicatorum, novique Ordinis Monialium Institutor, maximo Catholicæ Ecclesiæ bono, necnon florentissimi Galliæ Regni ornamento, Parisiis anno à Virginis partu millesimo sexcentesimo primo, die vigesimâ tertiâ Februarii, Clemente Octavo summo Pontifice, & Henrico Magno Galliæ Rege natus, in Ecclesiâ

Arch. Gabr.
 tom. 1. p. 2.

Sancti Mederici lustralibus aquis postridiè ablutus est.

Ipsius Pater Antonius. *Le Quiou* Ambianensis, clarusque apud Senatum Parisiensem Causarum Patronus, inter proveciores ejusdem professionis viros doctrinâ, eloquentiâ, morumque integritate, quantumvis junior, numerabatur: eâ venustate perorabat, ut audientiam faceret, altumque silentium nullo negotio assequeretur.

Justitiæ tenax, & intactus ab avaritiæ sordibus, injusta sibi si causâ videretur, Dei amorem hominum benevolentiae, ac cœlestia bona temporalibus præferens, nemini, vel amico, aut generis nobilitate præclaro, ingentia quamvis sponderent præmia, patrocinebatur.

Quod noxarum amarè pœniteret, discusso somno, noctu surgens Psalmos, qui ad pœnitentiam pertinent, profluentibus lacrymis, in genua nixus recitabat. Sex tantummodò suprà viginti annos natus laterali morbo correptus Parisiis piissimè obiit; defuncti memoriam illius ætatis Poëtæ versibus celebrarunt. D. Hercules *de Harlay* Parisiensis Senatus primarius Præses junioris Causidici mortem vehementer doluit, cumque fuisse Oratorum sui sæculi præstantiorem, pronunciavit.

Pia Antonii mater Margarita *le Caron* concepto foetu abortum timens, Beatissimæ Virgini Lætienti, in Picardiâ, totoque Galliæ Regno miraculis, ac populorum frequentiam percelebri, nascituram prolem dicavit, ut qui Deiparam Virginem colere, ejusque cultum promovere maximè deberet impostèrùm, eidem à matris utero consecraretur.

Defuncto viro plenam operibus bonis viduitatem egit: amissis oculis, adversum casum æquo animo tulit: temporalium rerum intuitu privata, Deum assidue contemplabatur, eique internâ dilectione conjuncta est. Qui sanctitate præfaret filium, quotidianâ prece postulabat: res ei pro votis successit, suumque Antonium ab omnibus sanctum vocari, antequam è vitâ migraret, lætantiè audivit.

CAPUT II.

Antonii pueri mores, & educatio.

Hisce parentibus ortus, qualis futurus esset reliquo tempore, ab ipsis ineuntis ætatis primordiis signa quædam præmonstrarunt: nunquam visus est. Pactis aviditate molestus, illudque ad nutricis suggerbat arbitrium. Quemadmodum de B. Patriarchâ Dominico memoriæ proditum est, in cunis vesperi diligentèr, cautèque dispositus, ac indè à tutelari Angelo, ut piè creditum est, eductus, humi jacens, ac illæsus matutinis horis à Matre, ac nutrice sæpenumero inventus est. Grandiusculo suboriebantur juges lacrymæ, afflictumque à mœrore animum vultus ipse repræsentabat, quo significatum voluere multi, arctiori pœnitentiæ puerum destinari.

Quòd à naturâ tristis non sim, inquit, divino nutu hæc contigisse putaverim; haud dubiè voluit Deus, ut mea jamtum, proximorumque peccata deslerem; quâ in re heu! Me segnem habui; his explendis partibus præ societate defui.

Relat. part. x.

Dilucente ratione sanctiori disciplinâ à pia matre educatus, ad Deum capit pleniori gradu festinare: Christianæ virtutes ætatem sequebantur; impellente nemine, ipse per se, quidquid devotionis esset amplexus nedum usu recepta pietatis officia exequabatur, verum etiam nova identidem excogitabat: carissimæ Matri promptissimum præstabat obsequium: oratione potissimum delectatus, à puerilibus nugis semper abhorruit.

Sevioris pœnitentiæ adhuc infantulus tirocinium posuit, arctamque æternæ salutis viam, alacri animo, ingressus est; septemnis namque mundanas, etiam modestiores maternæ domûs horrens delicias, aut nudo cubabat tabulato, aut non positis vestibus, lectum adibat; increpanti Matri, cautione hac utor, blandè respondit filius, ut ad matutinas preces citius recitandas paratus sim. In villam, ad animi relaxationem à fratre suo Henrico identidem ductus, Virginem Theresiam imitatus, subducens se, urticis, quæ acrem

doloris sensum afferrent, corpus suum perfricabat in sui castigatione industrius.

Jam tùm singulare ipsius erat divini verbi audiendi desiderium; sæpè ad sacras conciones deductus, iisdem fermè verbis reddebat, quæ à Concionatoribus audivisset, eorumque tùm gestus, tùm pronunciandi modum eâ gratiâ repræsentabat, ut audientibus non levem admirationem afferret, ac obeundo postmodùm prædicationis officio proludere videretur.

Mira fuit Antonii decennis in cibo, & potu temperantia; Ægyptiorum Monachorum jejunium imitatus, semel in die, vespertinis horis, aquæ incocto pane, ac sale dumtaxat condito vesceretur; hoc victu integras quadragesimas transègit; adeò ut, jam inde absolutissimum Christianæ pœnitentiæ exemplar haberetur.

Quòd teneræ ætati, fluxæque corporis habitudini Antonii agendi modum tenera Mater adversari juremeritò crederet, filium gravitèr objurgatum, à rigidiori vivendi ratione avocare nitebatur; quod mortem ipse suam repræsentaret amarè conquesta est, ac imprudentiæ vitio arguit: cui ille, rogo te, timorem minuas, Mater amantissima, sine me, susceptâ pœnâ, peccata expiare.

Proh inversi mores! gravium criminum rei inertiam diffuunt, in deliciis vitam ducunt, de pœnitentiâ non curant: Antonius insons, quod non læsit numen placare est sollicitus, susceptisque spontè cruciatibus, ad cœlestem patriam contendit.

CAPUT III.

In Parisiensi Academiâ humaniorum litterarum studio addicitur.

MAternæ domi ab optimo Magistro, ad duodecimum usquè ætatis annum prima litterarum rudimenta, ac grammaticam edoctus, Rhetoricæ, dein civili juri addictus est, ut scilicèt Patrem imitatus, Causidici postmodùm officio fingeretur.

Longiùs à maternâ domo aberat gymnasium litterarium;

quapropter, nè amplissimæ Civitatis vias, nè sine gravi incommodò, quotidie discurrere Antonius cogeretur, viciniore eidem gymnasio habitatione conductâ, ipsum, pactâ mercede, alendum mater tradidit Sacerdoti pietate, ac doctrinâ commendabili, quodque vehementiori teneretur addiscendi desiderio pius adolescens, non multùm laboravit, à carissimâ matre separari.

Hic cæterùm ad studia suaptè propensus, maximæ hoc sibi voluptati erat libros terere, Præceptorum lectiones avidis auribus auscultari, eosque de diversis interrogare, adeò ut, maximam de se expectationem concitaret.

Verùm, quod omnes mirabantur, quodque rarò contingat, pietatem à studio non separabat; quidquid scholasticis exercitationibus superesset temporis, aut piis lectionibus, aut orationi impendebat: quæ ad Collegium, aut Ecclesiam duceret viam, tantummodò noverat: ab asperiori victu, solitoque jejunandi more non recessit: nunquàm mentitus est, nè joco quidèm.

Quas humanâ fragilitate admisisset leves noxas, frequentiori Sacramenti Pœnitentiæ usu (excalceato Carmelitâ, cuius salutaribus monitis multùm profecit aurem præbentè) abstergere conabatur, ac sacrâ Eucharistiâ frequentè refectus, gustare jam cœpit quoniàm suavis est Dominus; improborum consuetudinem sedulò devitans, nunc Carthusianos, nunc excalceatos Carmelitas adibat, ut Sanctorum exemplo, piisque allocutionibus proficeret.

Antonii adolescentiam Condiscipulorum contempsit nemo; exemplo quippè ipsis erat in verbo, in conversatione, in fide, in castitate: juvenilia desideria fugiens, sectabatur justitiam, & pacem.

CAPUT IV.

In civilis Juris studium incumbit.

Rhetoricis artibus perpolitus, ad civile Jus animum adjecit, eo consilio, ut ad altiorem jurisprudentiæ gradum pertingeret; nè nimium sibi tribuebat; egregio nam-

quæ à naturâ instructus ingenio, dicendique facultate præstans Patrem, ut Parisienses ominabantur, multùm longèque superasset, amplioresque forensis Curiaë dignitates fuisset assecutus, si institutum studiorum cursum, quo cœperat pede, tenuisset; at verò currenti ac propè diem Doctoris laurea donando, moram Deus intulit.

Audirà in sancti Eustachii Sacrà Æde, de ultimo, ac tremendo Dei judicio publicâ concione; infelicitissimo concubinariî cujuspiam casu perterritus, ac in publicum pervergatâ junioris Novitiî Ordinis Prædicatorum præciosâ morte permotus, blandientem mundum despiciens, religiosam vitam inire, ac cœlestis Regni gloriam perquirere constituit; nequè verò eum elegerat Deus, ut litigantium causas deffenderet, verùm, ut ipsius gloriam concionando procuraret, peccatores ad meliorem frugem revocaret, eisque, qui in errorum tenebris sedent, veræ fidei lumen afferret.

C A P U T V.

Maternam Domum repetit.

EX Parisiensi Academia ad propria cum rediisset, ob morum suavitatem, quodquæ uberes ex litterarum studio fructus retulisset, à carissimâ Matre per amantèr exceptus est.

Ipse verò ex audirà, ut prædictum est, concione, Dei judicia pertimescens, ac de æternâ acquirendâ salute unice sollicitus, Reverendissimi Patri Joanni Baptistæ Carré Ordinis Prædicatorum, in Regiâ civitate, pietate ac doctrinâ percelebri ac in salutis viâ Ductori peritissimo, admittas à puero culpas confessus est.

Tùm deposito, ut præ humilitate affirmabat, gravium peccatorum onere, in fiduciam timores conversi sunt, ac ardentiora acquirendæ salutis desideria primis succedere: mundum, cui nuncium mittere cogitabat ut carcerem, regularem statum, cui adscribi peroptabat ut Paradisum habebat: tum cognitâ transeuntis sæculi vanitate, illâ, quam mundus dare non potest pace, ac spirituali gaudio, quod

omne desiderium superat, perfrui plenissimè cœpit, Deique misericordiam admiratus, ipsi gratias egit ex animo.

Maternæ domi per annum commoratus, noctes ipsas immorabatur in precibus, ac singulis diebus Sabbati solo esuriam pane & aquâ sitim, summâ cum parsimoniâ sedabat; austeriori jejunio, cæterisque corporis afflictationibus hanc adjunxisse narrant, qui de ejus vitâ primitus scripserunt.

Sæviente Parisiis hyeme, Antonius, quàmvis à naturâ præter modum alius, ac imbecillo corpore, ad ignem nedum non veniebat, ut calefieret, verum etiam super nudum asserem seminudus ipsâ nocte cubabat, adeò ut frigoris accerbitate, matutinis horis planè confectus videretur. Tunc suscepτος à Christo Domino, hominum causâ, cruciatus, ac divini amoris flammâ succensus, algoris aculeos lætissimè perferebat.

Hoc eodem anno, sacro Paschatis die, cùm in solitâ cœlestium contemplatione multum profecisset, ampliori Orationis dono à miserante Deo affectus, terrestria magis, magisque cœpit fastidire, ac Carthusianorum, vèl etiâ exalceatorum Carmelitarum ut institutum amplecteretur, ipsi venit in mentem. Solitudinis gaudens silentio, atque pace, Sanctum Brunonem, qui ab hominum convictu planè remotus, apud asperros Carthusiæ montes vitam angelicè peregerat cœpit invocare, Sanctissimæ Virgini Thereziæ, quam singularem sibi Patronam elegerat, cujusque virilem animum, in arduis constantiam, ac ardentissimum zelum postmodum est imitatus, ferventiores preces adhibuit, ut superno illustratus lumine, viam, in quâ ambularet, edoceretur.

CAPUT VI.

Prædicatorum Ordini nomen dat.

Humiles servi sui preces exaudivit Deus. Qui mundo major esse jam cœperat, quique nullâ sæculi cupiditate tardaretur, habito cum prælaudato Joanne Baptistâ Carré, de mundi vanitate colloquio, ac Prædicatorum Ordinis austeritates edoctus (harum enarrationem hilari vultu

audiebat) ut æternam animæ salutem in tuto poneret, eidem Ordini nomen dare statutum habuit in animo, ac deliberatum.

Extat Parifiis in vico Sancti Honorati eorumdem Prædicatorum Conventus, pietate, eruditione, ac regulari observantia commendabilis: ibi Dominicanæ adscribi familiæ à R. Patre *Giraldel* ejusdem Domus Priore, ac postmodum Congregationis Sancti Ludovici Vicario Generali, enixè petiit: ibi variè explorato adolescentis animo, sacræ Religionis habitum à prædicto Joanne Baptistâ *Carré* Novitiorum Magistro, ingenti mentis alacritate suscepit anno 1622. die decima sexta Augusti.

Par fuit tunc utrinque lætitia: Joannes Baptista suo Ordini Antonium aggregare; Antonius verò sese totum divino cultui devovere summoperè gavissus est.

Mox Sancti Paris Dominici mores adeò fœlicitèr est affectus, ut verè sui ævi Dominicus postmodum meruerit ab omnibus appellari. Novus miles, novam, ac spiritualem militiam inchoavit; cujus virtutes in materna Domo, necnon in Parisiensi Academiâ patuerant, cœperunt cæteris Novitiis, totique Religiosorum virorum cœtui fulgentioribus radiis collucere.

Dimisso seculari habitu, induit novum hominem, qui secundum Deum creatus est in justitia & sanctitate veritatis, novumque adjecit acquirendæ sanctitatis animi fervorem. Apes imitatus, quæ flores ad mel faciendum idoneos carpunt; ipse quoque, quæ, aut fratrum exemplo, aut piâ lectione didicisset, ingenii sui curâ, ac profectus studio, in unum saporem commutabat, quærebatque in aliis, quod imitando proficeret.

Obeundis exercitationum muneribus horarum erat observantissimus: singulari modestiâ, ac in minimis diligentia, perutili cæteris Novitiis erat exemplo, quodque ipsius *Semita* quasi lux splendens procederet, & cresceret usquè ad perfectam diem. Novitiorum Magister ipsum allocutus, Antonii nomine, inquit, nullum hæcenus habet Sanctum Ordo Prædicatorum, tu primus esse-velis? Id, si, Dei gratiâ, contigerit, nè molestè feres, modestè respondit.

Nullò ab eodem Magistro regebatur negotio, flexilemque

præbebat se ad omne ejus imperium : gravatè nihil, cùm tædio nihil, nihil non libenti faciebat animo. Obedientiam ad eò coluit, ut quemadmodùm de Sancto Raymundo memoriæ proditum est, totus Superiorum nutu penderet.

De dato cœlitùs novitio summoperè gaudebat sanctissimæ Annunciationis Religiosorum virorum cœtus, omnium in se oculos, animumque vertebat, hæque indentidèm in hac sanctiori Domo audiebantur voces, *Quis putas Novitius iste erit?*

CAPUT VII.

Solemnibus votis obligat se.

PERACTO miro fervore regularis statùs tirocinio, unàque Patrum omnium sententiâ probatus, acceptante R. Patre Petro *Ranquet* Parisiensis Conventus Priore, solemnia vota nuncupavit anno 1623. die vigesimâ quartâ Augusti. Quanta porro fuerit tunc sui cordis lætitia, haud facile quis dixerit; triplici votorum nexu Deo illigatus gloriosâ libertate donatum, relictis omnibus Christum secutus, prædivitem reputavit se: utilis sanè commutatio, ait, pro eo qui super omnia est, omnia reliquissè! Quodque Sancto Bernardo edocente, plus concupiscentia mundi, quàm substantia noceat, nedùm possessiones, sed etiam cupiditates, & eas maxime, relinquit, ac intèr reliquenda seipsum numerare oblitus non est. Acquirendæ perfectionis longius inter novo studio, novâque mentis contentione arripuit, sui que Ordinis leges ad mortem usque, nullâ admittâ dispensatione, servare constituit.

Nec ambitiosus honores, nec avarus thesauros, nec voluptarius delicias plus appetat, quàm Antonius virtutem; & verò, inquit, in eò quem composuit spiritualium exercitiorum libro, ad benè vivendum caput est benè vivendi desiderium; nequè enim belli Dux gloriam, nequè mercator divitias assequatur, nisi ille gloriam, iste divitias desideraverit; in hoc propterea laudatus est Daniel Propheta, quod esset vir desideriorum.

Emissâ professione, quo promptiùs ad expetitæ perfectio-
nis apicem pertingeret, nullaque eum præteriret proficiendi
ratio, veterum Ægyptiorum Monachorum exemplum secu-
tus, Diarium exorsus est, quod ad multos annos continua-
tum, post ejus obitum in propriis Commentariis repertum
est. Quæcumque à Magistro, aut quovis alio audivisset recta
consilia, quæcumque, aut legendo, aut meditando insedissent
animo piæ cogitationes, à quibus potissimum vitiis præcavere,
quæque peccandi pericula effugere statuisset, in eodem Diario
diligentissimè describuntur.

CAPUT VIII.

Philosophia, dein sacra Theologia studet.

UT adjunctâ eximiæ pietati doctrinâ, obeundis statûs
sui muniis aptior fieret, optimo Magistro edocente,
Philosophicis, ac Theologicis disciplinis perdiscendis addic-
tus est; ipse verò, quamvis primum locum daret pietati,
eximio quo pollebat ingenio, non leves ad utramque scien-
tiam habuit progressus.

Piissimi discipuli hûc collineabant studia, ut suæ ac proxi-
morum salutis possent imposterùm prodesse, nè scire deside-
rabat, eo tantùm fine ut sciret, quodd ex Sancto Bernardo
culpanda curiositas est, nequè ut sciretur ipse, quodd tur-
pis vanitas est; sed ut ædificaret, & charitas est, &, ut
ædificaretur, & prudentia est.

Magistri, cui singularem habebat honorem, auditâ lec-
tione eâ prudentiâ premebat argumenta ut nihil humilitati,
aut modestiæ detraheret & disputatio: intricis, ut persæ-
pè sit, non hærens, ipsum controversiæ nodum attingere
nitebatur: confusè nihil, nihil clamosè quærebat, aut pro-
ponebat, quo respondens offenderetur; si quem verò, vel
minimùm læsisse credat, ad ejus pedes prostratus jacebat,
donè factò signo, erigeretur; uno proponente tacebat, nè
loquentem impediret.

Quod in malèvolam animam non intret sapientia nè ha-
bitet in corpore subdito peccatis, vel minimam criminis la-
bem sedulò devitans, Beatissimæ Mariæ Virgini, æterni lu-

minis Matri, filiale præstabat obsequium; cellæ, ac solitudinis amicus, ultrò, citròque cursare nunquam visus est: orationi lectio, lectioni succedebat oratio: Sancti Hieronimi monito obsecutus, diù considerabat quid loquendum sit, & adhuc tacens prævidebat, nè quid dixisse pœniteret. Silentium, quod unâ Patrum omnium Sententiâ, certior est proficiendi ratio, nedùm locis, ac temporibus statutis per quam accuratè servabat, verùm etiâ, obtentâ à Magistro loquendi veniâ, tantâ circumspectione utebatur, ut, vel loquens, silentium servare videretur.

Hæc Christi Domini verba, omne verbum otiosum, quod locuti fuerint homines, reddent de eo rationem in die iudicii, cautum aded Antonium effecerant, ut qui ipsius usi fuerint consuetudine, nè semel quidem, sinè causâ fuisse locutum, affirmaverint.

O Prædicatorum Ordinem foelicem, si Novitii omnes, ac studentes Antonium fuerint imitati! resflorescet profectò Dominicanæ Religio, fietque in Matrem filiorum lætantem.

CAPUT IX.

Sacerdotio initiatur.

PLacidâ in Parisiensi Sanctissimæ Annunciationis Conventu perfruebatur pace servus Dei. Deo mente conjunctus, ac in pervestigandâ virtute planè intentus, quæcumque ad regularem perfectionem conducere asssequi pro viribus nitabatur; at verò mentis tranquillitatem imparatus dolor affectus est.

Monent Superiores, ut ad sacrum Præbiteratus Ordinem brevi provehendus, diligentem in hac re adhibeat præparationem: ipsi verò, quod tanto honore prorsus indignum reputaret se, gravior ex monitu induit consternatio; non levem quippè, quam requirat sacerdotale munus sanctimoniam attentius considerans, eo commotus est metu, ut Conversorum statum sacerdotio libentè prætulisset. Tùm Sanctorum quorundam exemplum secutus aut fugiat, aut abdat se, nisi prohibuisset conscientia. Quem impellebat obedientia, repellebat

humilitas; egonè, inquit, ad reverenda ipsis Angelis ministeria miser accedam? Excelsus Rex gloriæ Christus, ipse verò servorum abjectissimus; victima sancta est, ipse peccator; immaculata hostia, ipse immundus sum: urget, orat, obsecrat, ut proposito sacerdotio immunis remaneat.

Verumtamen quod divinæ obfistere voluntati vereatur, Prælatorum mandato obsecutus, ad sacrum Præbiteratus ordinem in pervigilio Nativitatis Domini nostri Jesu Christi evectus, Dominicâ primâ post Octavam Epiphaniæ, præmissis spiritualibus exercitiis, ingentique mentis suavitate, sacerdoti sui primitias Divinæ obtulit Majestati, plurimisque gratiis à Beatissimâ Mariâ Virgine, perdurante sacrificio, donatus perhibetur.

Nèc ordinatus Præbiter onus suum, ut plerique, alleviasse putavit, quodque, sancto Bernardo edocente, sanè melius sit salvari in humili statu fidelis populi, quàm in Cleri sublimitate, & deterius vivere, & districtius judicari, luculentissimum ipsi fuit nova dignitas ad ampliorem progressum incitamentum. Ad sacrum faciendum, novâ quotidie, ac ferventiori sollicitudine præparabat se, quodque terrent eum noxæ vel leviores, & ad tantum Sacramentum suscipiendum retraherent conscientiam eam interrogabat diligentius, sollicitâ indagazione disquirebat, ac præmissâ sacrâ confessione, ab omni inquinamento carnis, & spiritûs emundabat sese: sacro peracto gratiarum actionem protrahebat, eaque perdurante, seraphico ardore succensus, ac resplendenti facie. sæpenu-
merò visus est.

CAPUT X.

Novitiis præficitur.

Const. Dist.
I. cap. 14.

BEnè, ac sapienter instituerunt majores nostri, ut Priores, novitiis Magistrum diligentem præponant, qui cordis humilitatem eos doceat, & ubicumque negligentè se habuerint, verbo, vel signo, quantum potest, eos studeat emendare.

Benè, inquam, ac sapienter posita hæc lex est; cujuslibet namque Religionis decus, & incrementum ex bonâ novitiorum institutione maximè penderet; vetus consuetudo, naturæ vim obtinet; impressa, rudi adolescentium animo pia documenta, usque ad senectam proficiunt, & teneris infusa mentibus virtutum semina, altius sedent, ac crescunt, ætate crescente. Hæc attentis considerantes Parisiensis Conventus RR. Patres, Antonium, quantumvis juniorem, obtentâ à Reverendissimo Ordinis Magistro super ætatem dispensatione, novitiorum institutioni Parisiis primùm præfecerunt; Dein verò anno videlicet 1631. Congregationis sancti Ludovici Vicarius Generalis optimum factu judicavit, si ad Avenionense Prædicatorum Domicilium, ubi permulti recens induti aderant magnæ spei juvenes, mitteret, ibi, ut eodem Magistri novitiorum officio fungeretur. Recta profecto fuit ipsius mens, rectumque consilium. Antonius namque qui ab ipso Religionis tirocinio, consummatum aliquid, perfectumque attigerit, essetque vir, undè virtutum omnium exempla peti possent, Superioris expectationi non respondit modò, verùm etiam superavit. Ingenua quâ pollebat indoles, morum candor eximius, præstantissima humilitas, jugis animi fervor, judicii maturitas, ac prudentia non minùs amabilem, quàm admirabilem reddidere.

In hoc magni momenti obeundo munere, maxima Dei famuli virtus enituit: Novitios exemplo, vivisque adhortationibus ad omnem sanctimoniam efformabat; Qui non contentarent animo, quique variis, ut persæpè fit, tentationibus vexarentur obfirmabat in proposito; insidiantis Demonis fraudes deregebat. Quo possent modo callidi hostis, conatus superare docebat; ut, non sibi, sed Divinæ gratiæ niti deberent, monebat: Patriarcham Dominicum imitatus, si quem molestum, aut afflictum animadvertisset sic ei totis viribus consolebat, ut dolorem, miro pietatis affectu deliniret.

A novitiis amari potius appetebat, quàm timeri. Urbannitate, & obsequio omnium sibi animos demerebatur, quodque ad ejus vocem non solum omnes admovent, sed animos adhiberent etiam, ac mentes, bono ipsorum affectu, ad majorem Dei gloriam appositè utebatur. Alienus ab irâ, eâ prudentiâ, ac mansuetudine pœnas imponebat, ut pœnam

amarent qui deliquissent. Vultum ejus miro fulgore, ex confortio sermonis Domini radiantem cum vidissent maxima ipsis accessit sanctioris Magistri existimatio.

Ant. Tour.
tom. 5. pag.
915.

Ex his, quos tùm Parisiis, tùm Avenione educavit novitiis benè multi, pietate, doctrinâ, ac regulari observantiâ clarissimi, Tolosanæ, ac sancti Ludovici Provincias potissimum illustrarunt, alii verò, quos sub Antonii disciplinâ, uberes fructus collegerant, in longinquas partes reportarunt.

Hi maximè fuerunt Henricus *de Salieres*, Polonus, & Georgius *Herbestein* Germanus; hic, abjuratâ Lutheranâ hæresi, ac relicta Ferdinandi II. Imperatoris Aulâ, suscepto Romæ Ordinis Prædicatorum habitu, Avenionem à Reverendissimo Nicolao Rodolpho Generali Magistro missus, tantum Antonio duce profecit, ut Sacerdotio potitus, cum in Germaniam rediisset, natalium splendore minùs quàm virtutum exemplo omnibus præfulgere visus est, anno 1642. à Ferdinando III. Imperatore ad Christianissimum Galliæ Regem Ludovicum decimum tertium missus, ut cum eodem Rege de consiliandâ inter Christianos Principes pace tractaret; expletâ sæliciter legatione novam existimationis significationem ab eodem Imperatore retulit, amplissimique reditus Archiepiscopatu modestè recusato, quadraginta & amplius nobiles adolescentes ad Ordinis habitum recepit, eosque religiosi moribus imbuït. Magnam moriens reliquit vitæ sanctioris famam. Ad Antonium redeo. De rectâ in Conventu Avenionensi Novitiorum institutione certior factus Reverendissimus Nicolaus Rodolphus, sequentibus litteris anno 1638. die quinâ Novembris Antonio gratulatus est.

Plurimum, inquit, gavîsus sum de Patris Henrici Salieres. Profectu, & Patris Georgii Herbestein perfectione religiosâ, quos, Deo juvante, in suis Provinciis maximè profuturos spero, eorumque loco, alios, qui illorum vestigia sequentur tibi missurum me brevi confido, maximè conspiciens, te in talibus delectari, in quibus credis non frustra, sed fructuosè laborare.

Avenionem nondum advenerat Dei famulus, cum resplendenti facie, ac diademate caput redimitus Venerabili Sorori Mariæ *de Blondau* Tertii Ordinis nostri, ac rotâ Civitate virtutum famâ præcelebri, per visum præmonstratus est.

CAPUT XI.

Retento Magistri Novitiorum Officio, Charitatis servit operibus.

AVenione annos quatuor commoratus, à R. Patre Conventus Priore obtinuit, ut accuratè expletis muneris sui partibus, quod reliquum fuerit temporis, charitatis ergà proximos tribueret operibus.

Tùm in carcere detentos amicissimis verbis consolari, Nosocomia frequentare, cubilia sternere, scopis pavimenta munda, in lectulo infirmos decentè collocare, fercula inferre eo studio, eaque mentis alacritate satagebat, ut in ægotantium minimo, Christum agnoscere, ac venerari testaretur.

Nequè verò corpora solum, sed animæ quoque sollicitiori operâ curabantur; penè morituros ad peccatorum pœnitentiam, cœlestisque Patriæ desiderium excitabat, fœlicemque transitum piis orationibus precabatur; jam tùm, infractò ab laboribus animo, exceptâ fidelium sacrâ confessione, eos ad sectanda Christi vestigia, & ad peccati detestationem, eo fervore, excitabat, ut permulti à laxiori vivendi ratione revocati sint: super sacrum Antonii Tribunal sedentes Angelos, ac ignitum radium ex ejus ore egredientem vir pietate insignis non semel conspexit.

Beatissimæ Mariæ Virginis laudes, ejusque sacri Rosarii utilitates, insolitâ hominum frequentâ, singulis diebus Sabbati, eo mentis fervore recensabat, ut permulti, ut eidem societati adscriberentur, certatim postularent: in eadem Avenionensi Civitate Tertiî Ordinis nostri Sorores duas, signo crucis, brevique peractâ oratione, è gravi morbo liberasse perhibetur.

Tot charitatis officiis intentus servatis, vel etiam auctis corporis afflictationibus, duarum horarum spatium, ut maxime, antè noctem mediam somno tribuebat; decantatis verò matutinis precibus, in Ecclesia antè sanctissimum Eucharistiæ Sacramentum, donèc illucesseret, genuflexus orabat, & hæc perpetua fuit Antonii, quoad vixit, agendi ratio. Inter hæc R. Conventus Avenionensis Prior prudenter veritus, nè tot

Ant. Tour.
tom. 5. p. 16.

occupationes aut Magistri sanitati nocerent, aut perfectam Novitiorum institutionem impedirent, à verbi Dei præconio, necnon ab audiendis extraneorum confessionibus cùm revocasset Antonium, illicò paruit servus Dei, nec vel minimùm conquestus est. Hocque exemplo obedientiam victimis esse præferendam, quos efformabat Novitios luculentè edocuit.

C A P U T XII.

Novam Sanctissimi Sacramenti Congregationem instituit.

Venerabilis Patris Sebastiani Michaëlis operâ vigeat, nedùm in amplissimo Prædicatorum Avenionensi Conventu, verum etiam in totâ sancti Ludovici Congregatione (hæc postmodùm in Provinciam, quæ Tholosana dicitur erecta est) regularis Observantia; at verò, Sacro Tridentino Concilio dispensante possessiones quasdam, à redditus admiserant quòd quidem novum subsidium temporum calamitates, refrigercente multorum charitate, postulabant. Ut igitur primævam sui Ordinis Observantiam planè restitueret, ac omnimodam paupertatem ab ipso Patriarchâ Dominico, in primo Bononiensi Capitulo anno 1221. celebrato sancitam Antonius profiteretur, utque, abdicatis temporalibus bonis, verbi Dei prædicationi, audiendisque fidelium confessionibus, ipse, sui que liberjùs vacarent, nulla que eos à spiritali opere terrena cura impediret, Congregationem instituere decrevit, quæ possessiones nullas admitteret, redditusque nullos possideret, quodque, solo Deo conscio, inierat Parisiis consilium, Avenione exequi aggressus est.

Divinitùs profectò injecta Antonio mens fuit; aliud namque spectavit nihil, quàm ut pristino fervore renovato, refloresceret Dominicani Ordinis decor ad Dei gloriam, & animarum salutem. Totaque hæc fuit instituenda Congregationis ratio.

Verùntamen diffidens sibi, cùmque nihil ritè, nihilque providenter debeant homines sine Dei ope, & consilio auspiciari, quo maturiùs in re tanti momenti procederet ad ferventiores preces jejunium, novasque corporis afflictationes

adhibuit, Beatissimæ Mariæ Virginis, ac sanctorum Patris Dominici, & Caroli Borromæi auxilium imploravit, remque totam piorum hominum precationibus commendavit.

Interea quid medicaretur Reverendissimum Nicolaum Rodulphum Generalem Magistrum aperto animo monuit, datisque litteris, ejus exquisivit consilium.

Hic summopere lætatus est, quodque sibi nihil esset anti- quius, quam Ordinis sui decus, & incrementum amantissi- mis verbis respondit Antonio sicut oblatum ab Angelo volumen comedit Ezechielis Propheta, eo planè modo comedi litteras tuas, fili carissime, & facta sunt in ore meo sicut mel dulce: olii plusculum cum nactus fuero: pluribus verbis ad te rescribam; interea confide, animo & spe.

Cognitâ hac de re Antonii voluntate, veriti sunt primùm Conventus Avenionensis graviores Patres, timuit postmodum prælaudatus Generalis Magister nè divideretur Ordo, nevé infringeretur capitis unitas, quod quidem sapientioribus ipsius grave malum jure meritò visum est.

Arch. Gabr.
tom. 1. pag.
132.

Ant. Tonr.
tom. 5. pag.
517.

CAPUT XIII.

Romam proficiscitur.

Uapropter, ut quam Reverendissimus animo conceperat suspensionem faciliùs abstergeret, anno 1635. die vigesimâ sextâ Aprilis, acceptâ antè sacrae Edis Altare majus, à R. Patre Josepho Tillac Avenionensis Conventus Vicario benedictione, ac recitato alternis vicibus itinerario, nè non obtentâ ab Excellentissimo Friderico Sforzia Avenionensi Prolegato habendarum Missionum facultate, Romam profectus est, spontè dimissò, quod sibi à prædicto Vicario religiosâ charitate datum fuerat viatico; nulla namque temporalis vitæ subsidia secum deferre, emendicato pane victitare, ac pedibus iter agere, tunc primùm constituit, ac à suscepto consilio, per totam vitam, vel ætate longævus, non recessit.

Ad Oppidum de Merindol ad Druentiam flumen hac ipsâ die cum pervenisset, quòd nemo hospitio statim receperit, amicæ paupertatis primitias lætantiè expertus est; ibi Apostolicâ auctoritate munitus, ac annuente Parocho, habitâ pos-

tridiè matutinis horis ad populum concione, magna incolis de viri modestiâ, sacrâ eloquentiâ, ac Apostolico zelo subiit admiratio, quodque virtus de illo exiret, ipsum tangere, vel etiam ipsius vestes discerpere omnis turba quærebat, tùm rogantibus ne discederet ab eis modestè respondit. *Quia & aliis Civitatibus oportet me evangelizare Regnum Dei.*

Antonium abire ægrè passi sunt cives de Merindol, eumque longiùs ab Oppido, honoris gratiâ persecuti sunt: Quæ inibi mira per servum suum operatus est Deus, suo loco referam. Instituti sui memor, quodque procurandæ salutis animarum studio vehementiùs ageretur, in locis singulis, quæ sibi ex itinere obviam darent, de divinis rebus, ad populum dicebar, magno auditorum fructu.

Aquis-sextiis, & San-Maximino transiens, Oppidum de Courens rectò profectus est, ibique sacram Ædem, ut de more solebat, statim ingressus, & antè Sanctissimum Eucharistiæ Sacramentum prostratus, tanto charitatis igne succensus est, ut proximorum æternam salutem numquam magis desideraverit; tùm habito de lethalis peccati gravitate sermone, adèd commoti sunt auditores, ut nedùm in uberes lacrymas erumperent, verùm etiam, solutâ concione, eum omnes, præcedente Magistratu, convenerint, ut gratias agerent, ipsisque benè precaretur; hos tamen populares applausus, ac delatos sibi honores, eâ animi modestiâ, ac humilitate respuebat servus Dei, ut pudore suffusus interno animi mœrore torqueretur.

Quam cœperat insistens viam, visitato devotionis ergò, nostræ Dominæ Gratiarum Sacello in totâ Gallo-Provinciâ peregrinorum frequentiâ, ac miraculorum gloriâ percelebri, Massiliam profectus, à nostris peramanter, ut affolet, exceptus est; ibi tribus junioribus viduis pietate præstantibus, quæque ad altiorem sanctitatis gradum nitebantur, earum ope instituendum fore novum sanctimonialium ordinem, quibus venerabile Eucharistiæ Sacramentum diù noctûque adorandi cura incumberet, prænunciavit: juxtâ propheticum dictum *cùm pertransieris per aquas tecum ero, & flumina non operient te*, propè Oppidum de Vidaubam, Torrentem redundantibus aquis, miraculo pertransiisse pius San-Maximinensis Præsbyter, itineris socius scripto testatus est.

CAPUT XIV.

Romam advenit.

Celeritate usus, mentisque recollectione servatâ, eodem anno 1635. die verò decimâ septimâ Junii Dominicâ infra Octavam Corporis Christi Romam ut advenerit, Reverendissimum Nicolaum Rodolphum Generalem Magistrum de fugiendâ Ordinis divisione, capitique unitate servandâ fecit certiozem; ipsi omnem sustulit dubitationem, ipsiusque mentem præviâ anxietate liberavit.

Venientem filium peramantèr amplexus est Pater optimus; ipso coram, ac adstantibus Patribus à consiliis quod meditaretur operis causas disertè profecutus est Antonius, utilitates recensuit, ad interrogata respondit, propositas difficultates, eâ judicii vi, eâque prudentiâ solvit, ut ejus omnes probaverint consilium de fœlici successu quodammodo certiores. Cæterum quanti apud Reverendissimum esset servus Dei, tunc maxime apparuit; in ipsâ Urbe ipsi obtulit Domum, quæ institundæ Congregationis caput esset, & origo; at verò quòd Calviniana pestis in Galliâ potissimum grassaretur, ac Missionariis, qui Catholicam fidem ruerentur, magis indigeret, de sententiâ discessit; ipsi interim in probationis Domo cellam assignavit, ut Novitios, qui in Minervitano Conventu permulti tunc aderant, ad Dei amorem, & regularem observantiam, tùm exemplo, tùm ferventiori adhortatione inflammarer.

Ant. Tour.
tom. 5. p. 516.

Tot benevolentiæ, ac existimationis argumentis hanc gratiam addidit idem Reverendissimus, ut ad Urbanum eo nomine Octavum ipsemet duceret. Summopere lætatus est Summus Pontifex, servum Dei comitèr admodùm excepit, ipsius ardens regularis Observantiæ studium est admiratus, instituendam propè diem in suo Vindascino Comitatu novam Congregationem, vivæ vocis Oraculo approbavit, eisque, qui in eadem Congregatione Deo famularentur, ac animarum procurandæ salutis impensius vacarent Apostolicam benedictionem impertitus est. Incredibilem hæc Antonio lætitiâ at-

tulere, hæc ipsi ad prosequendum, quod inierat consilium dedere animos.

Visitaris Romanis Sacrariis, quæ Apostolorum Princeps, totque Martyres voluntariæ passionis triumpho consecrarunt, perantiqua sancti Xisti, sanctæque Sabinae Cœnobîa, quæ beatissimus Patriarcha Dominicus præsentia sua cohonestaverat, adiit, ibique miraculi illius memor, quo, suppeditatis, Angelorum ministerio, panibus, pauperes fratres fuerant enutriti summopere gavisus est, novumque pauperpatis, quo ferebatur, amor accepit incrementum.

Inter hæc gravi, ac periculoso morbo correptus, implorata sancti Philippi Nerii ope, factoque voto de celebrandâ ad ejus Altare Missâ intra paucos dies, mirantibus fratribus, integerrimæ sanitati restitutus est.

At verò (quod Antonio erat antiquius) Dominicâ primâ Octobris anni prædicti, instituendæ Congregationis, quæ abdicatis temporalibus bonis sacris Missionibus, unique animarum, verbi Dei præconio, procurandæ salutis incumberet. (Qui profecto præcipuus est Ordinis Prædicatorum finis) patentibus litteris Reverendissimus Ordinis Magister fecit potestatem, utque Avenionem redux Antonius, nullâ interpositâ morâ, cogitata perficeret vehementer est adhorrtatus, consiliis ad fructuosè regendum idoneis instruxit, ut sub ipso immediato regimine foveretur, vigeretque instituenda Congregatio statuit, eodemque Reverendissimo suadente, electionibus, gradibus, ac certo Conventui affiliationibus Antonius renunciavit.

Româ discessurus, nisi constaret animo consilium profecto, voluntatemque mutasset; R. Pater Dominicus de Marinis siquidem, Conventus sanctæ Mariæ super Minervam Prior, ob singularem eruditionem; ac virtutum præstantiam, ad Avenionensem Archiepiscopatum postea evectus, Antonii sanctitate permotus, quodque toti urbi maximè profuturum judicaret, eum Romæ detinere seridè cogitavit: Quos præterea in minerviranâ probationis domo, quatuor mensium spatio, instituerat, quosque morum suavitate, piisque allocutionibus sibi arctius devinxerat Novitii, ut Romæ remaneret, aut abeuntem sequerentur ad unum omnes expostularunt: Amabant Discipuli, redamabat Magister; Antonio adhærere lu-

crum putabant hi, à carissimis filiis separari amantissimo Patri perdifficile. Pia tunc cùm fieret contentio, superveniens Reverendissimus uni Fr. Dominico *Palaviciny* Volterano Antonium sequendi, cæteris remanentibus, copiam fecit.

CAPUT XV.

Lauretum religionis causâ profiscitur.

Rebus ità compositis, obtentâ à Reverendissimo abeundi veniâ, ipsique de collatis beneficiis gratulatus, ad asciscendam Beatissimæ Mariæ Virginis opem, sacram Laurentanam Domum, ut jamdudùm erat in votis, sæviente hyeme, magnosque labores perpeffus, rectò adiit, ibique consolationis, & gaudii Oceano, ut ità loquar, vix absorptus non est.

Sacram Ædem scopis mundandi obtento permisso; id peculiaris beneficii loco posuit, maximoque honorì tribuit; respiciens autem qui mittebant munera sua in Gazophilacum divites ipse ab omni pecuniâ inops schedulam misit, quæ perpetuam sui, Virgini Matri consecrationem scripto continebat; *Nihil te*, inquit, *quod possim rependere dignum invenio, Mater amantissima, do tibi, quod unum habeo, meipsum; munus hoc quantum id cumque est nè dedigneris.* Ibi biduum commoratus, semel, & iterùm, inexplicabili mentis suavitate, in ejusdem B. Virginis sacra Æde Missæ sacrificium obtulit, plurimisque gratis donatus est.

Româ discessuro mandaverat Reverendissimus, ut, peractâ Laurentanâ peregrinatione, prima Seraphici Patris Francisci Cœnobii vîsaret; quodquæ loca Sanctorum vestigiis conspicua, libentè frequentaret servus Dei, fuit hæc ipsi gratissima commendatio: Quaproptèr per antiquam Domunculam *de Rivortorto*, ut vocant Itali, vehementèr admiratus, spiritali gaudio repletus est. Ibi namquæ Beatissimus Patriarcha Franciscus, ac Socii, abdicatis temporalibus bonis, ac vitæ commodis, omnimodam paupertatem tanto mentis favore coluerant ab initio, ut asperissimo victu utentes, nudos asseres, aut nudam humum pro cubili, ac ergastulum, quod hominem vix caperet, haberent pro cubiculo: secum hæc

animo reputans *quidni*, inquit, *ipse hæc præclarè gesta, Deo fretus aggrediar?*

Conventum *de Burliano* ubi prima Franciscanorum, qui postea Observantes dicti sunt caput Reformatio, pauperrium sanctæ Claræ Monasterium, necnon Ecclesiam sanctæ Mariæ Angelorum, quam Portiunculam vocant, nec obeundo præterivit. Assisum cum venisset sanctissimum Patriarcham Franciscum Evangelicæ paupertatis amicum, ac humanæ gloriæ contemptorem egregium exoravit, ac super Altare, quod sacras viri reliquias continet, spirituali gaudio repletus, sacrum fecit.

C A P U T X V I.

Bononiæ è gravi morbo periclitatur.

Ant. Tour.
tom. 5. P.
§18.

Longiori itinere exhaustus, tertianâ feбри, quam in Pisauriensi Civitate contraxerat, Bononiæ affectus est; nec tamèn ferè quidquam de assiduitate precandi, ac de consueta victus asperitate diminuit; ægritudinem cautè dissimulabat, nè sibi remedia adhiberentur, aut solaria.

Verumtamen celeberrimi Bononiensis Conventus Religiosi viri, eximæ sancti Patris Dominici non charitatis minùs, quàm Reliquiarum hæredes, attentius adnotato Antonii præsentis statu, Medicis adhibitis, diligentissimè curarunt de viri merito certiores.

Dies duodecim Bononiæ commoratus, cum febris accessiones conquievisset, ad sepulchrum B. Patriarchæ Dominici convolabat, ibique pro sanctâ Matre Ecclesiâ, ejusquè supremo Pastore, ibi pro Prædicatorum Ordinis incremento, ejusque Generali Magistro ferventiores preces fundebat; ut Galliæ Regnum, à Calvinianâ hæresi expurgatum, Catholicæ fidei restitueretur deprecatus est; ibi ipsius mentis fervor vehementer est accensus, & evangelicæ paupertatis amor novum accepit incrementum.

Qui Parisiis spiritum conceperat perfectionis, & gratiæ, ad difficillima quæque pro Christo subeunda certamina Bononiæ accensus est; exin Patriarcham Dominicum, præclarum

rum Missionarium exemplar, ardentiori studio imitari, mo-
resque exprimere constituit.

Perfectæ charitatis officiis, piâque Bononiensium fratrum
sedulitate, redintegratâ, ut existimavit, sanitate cum in
viam rediisset, in febrem postridiè recidit; Tertianâ hæc pri-
mum, in continuam postmodum conversa est.

A viro nobili, cujus præelegantem villam casu offende-
rat, contemptim ablegatus, stabulum à pecudibus vacuum,
incumbente nocte, semi-animis ingressus est: Tunc nascenti
Unigenito Dei Filio quodammodo similis, inexplicabili
gaudio repletus est, ac inter eventus prosperos hunc habuit
desiderabiliorem *Naturæ*, inquit, *an gratiæ tribuendum, nes-*
cio: tam bene mihi hac nocte fuit, ut numquam magis: ipsam
duxi in deliciis: tugurium Palatii loco fuit mihi: in præsepio,
suppositis paleis, decumbens, febrique æstuans plumeo strato incu-
bare videbar mihi.

Rel. parte 2.

Ægritudinis molestias, febris æstus, ac sitis ardorem
profectò expertus est, at verò *Ubi cor ardet flammam mem-*
bra non sentiunt.

Maxi. hom.
2. de S. Laur.

Postridiè, cum ire pergeret, viribus adedò defecit, ut
moriatur profectò, nisi Plaustrarius quidam illac transiens,
misericordiâ commotus Carro, Scabris lapidibus onusto (quod
supplicii potius causa fuit, quàm solatii) impositum, Mu-
tinam pervehisset, ubi, sæviante febri, proximè ad mortem
accessit.

De viri periculo admonitus Reverendissimus Nicolaus
Rodolphus Generalis Magister, ejus vicem vehementer do-
luit, litterisque amantissimis, datis Romæ die duodecimâ
Decembris anno 1635, non levem ægroto attulit consola-
tionem. R. Conventus Mutinensis Priori de præstitâ eximiâ
charitate gratulatus est, cæterisque Italiæ Conventuum Su-
perioribus, mandavit ut diligentissimè curarent Antonium,
si advenisset, ac tandiù retinerent, quandiù voluerit, quan-
diùque iteratus in morbum lapsus timeretur.

Cæterum in Conventu Mutinensi menses quatuor com-
moratus, eximia patientiæ, humilitatis, obedientiæ ac pœ-
nitentiæ exhibuit argumenta; nunc tertianâ, nunc continuâ,
febri affectus, à missâ quotidie celebrandâ, nisi Prioris
prohibitio præcessisset, seipso, fortior non abstinuit, tunc

spirituali, quo sacrum faciens perfundebatur gaudio, obedientiam, nec ægrè præferebat.

Adveniente sacri Jejunii Quadragesimâ R. Mutinensis Prior de Antonii incolumitate sollicitus, voluit ut, sin minùs carnes, ova saltèm, & lacticia ad cibum adhiberet; præclusâ omni exceptione paruit Antonius; at verò transacto biduo humili prece tandèm obtinuit, ut communem mensam frequentaret, ac quadragesimali cibo uteretur, à singulari namquè agendi ratione semper abhoruit. Quas postmodùm, maximo auditorum fructu, habuit ad populum conciones, remittente febris, in eodem Mutinensi Conventu ex parte composuit.

CAPUT XVII.

Prima Congregationis Domus extruitur.

Ant. Tour.
tom. 5. p. 518.

PRistinæ valetudini restitutus Antonius Avenionem anno 1636. Junio desinente, adveniens toti Civitati non leve gaudium attulit. Aream, tùm ad extruendam Domum, tùm ad hortum Olitorium ordinandum aptissimam, ac extrâ amplissimæ Civitatis mœnia positam Antonio obtulere viri nobiliores Avenionenses, ut retinerent, scilicet, tantoque bono perfruerentur; ipse verò habitâ, ut æquum erat, gratiarum actione, abundat, inquit, spiritualibus auxiliis Avenio Civitas, nec desunt operarii pervigiles, quorum operâ, & studio floret christiana Religio; extat amplissimus Prædicatorum Conventus, extat ejusdem Ordinis Monasterium; imprudenter egerim, si novam Avenione foundationem, pauperum ipse, ac rusticorum prædicator, admiserim.

Extat in Vindascino Comitatu, ac Diœcesi Cavallicensi Oppidulum (*Lagnès* dicitur, ac leucis quinque Avenione distat) ibi Illustrissimus D. Joannes Scipio *de saint Tronquet* ejusdem loci Condominus, nedùm eximia charitate, verùm etiâ generis nobilitate, ac bellica laude, terrâ, mariquæ clarissimus, domum dono dedit Antonio quæ nasciturâ, ut itâ loquar, Congregationi prima præberet incunabula.

Tunc nullâ interpositâ morâ, præsentè Illustrissimo D. Fa-

britio de la Bourdesiere Cavallicensi Episcopo, in prædicto Oppido, plaudentibus incolis, novæ Congregationis fundamentum posuit die decimâ Julii anno 1636.

Ob singularem in servum Dei venerationem voluit Præsul benevolus, ut ordinatum ibi Sacellum benediceret, in eoque primus missam celebraret: eximie pietatis exemplo, utrique actioni spectator interfuit.

Levia fuere, ut verum fatear Sanctissimi Sacramenti Congregationis initia; ipsam servus Dei comparavit grano sinapis quod quamvis per exiguum sit, si semel radices egerit, germinat, diffunditur in ramos, & magnam in arborem crescit. Quæ fortiori cuique viro minuiscent animum, ipsi spem, & alacritatem addidere.

Nec fiduciam modò, & alacritatem, verùm etiam inexplicabile gaudium initia hæc Antonio fecerunt; quod namque ab emissâ professione, vel etiam à suscepto regulari habitu, Parisiis degens, expetierat, hæc in prædicto Oppidulo pro votis planè est affecurus.

CAPUT XVIII.

Qua sit in domo hac Fratrum vivendi ratio.

Concessâ à viro nobili Avenionensi *Domus*, humilis est, ac amicæ paupertatis formam maximè repræsentat Antonius, eique, qui ex vicinis Ordinis Provinciis eum convenerunt, ut arctam æternæ salutis viam ipso præunte, sequantur Sanctissimi Patris Dominici gloriam speculantes, in eadem imaginem transformari contendunt. Nèc redditus possident neque possessiones. Pane ostiatim emendicato victitant, nec in crastinum sunt solliciti. Non attonso, ac grossiori panno, ut mendicantes decet, vestiuntur. Silentium, abstinencia, jejunia, cæteraque sacrarum Constitutionum capita, nullâ admittâ dispensatione, perquam accuratè servantur. Antonii voluntas omnibus lex est, atque norma, unum illud spectant omnes, quid velit, continuoque exequuntur. Præscriptis Ordinis austeritatibus, susceptos spontè cruciatus certatim, & alacritèr superaddunt. Alii super *Palearem* mattam, alii

super nudam humum cubant, alii antè Sanctissimum Eucharistiæ Sacramentum orantes, pernoctant. Omni indiscriminatum tempestate mediâ nocte, ad matutinum persolvendum surgentes, ad tertiam usque horam sacras vigiliâs permulti protrahunt. Quotidianum habetur Capitulum, nèc culpæ, vel leviores, impunitæ dimittuntur. Ad præstitutum temporis articulum ad Chorum cum venerint, horas Canonicas attentè, ac devotè persolvunt, atque, ut in Beatissimam Mariam Virginem augeatur fidelium cultus, quotidie vestertinis horis, ex tribus Sanctissimi Rosarii partibus unam, congregato populo, adjunctis piis meditationibus, exponunt. Mentali orationi diebus singulis per duas horas vacant. Deo mente conjuncti, ac cœlestia meditantes a vanis colloquiis abstinere. Oleribus dumtaxat, aut inconditis leguminibus nutriuntur, sin verò his quidquàm addatur, ea est omnium temperantia, ut unus minoris prætii, ac ponderis Oniscus alendis fratribus octo, per dies quatuor sufficiat. Ter plerique, decurrente Hebdomadâ, in pane, & aqua jejunt. Altero quoque die acri flagello in sua terga sæviunt. Mense assidentes, ne corporali cibo nimium addicti, Deum recogitare intermittant, campanulæ signo, ut mentem sursum erigant, identidè admonentur. A periculoso proprietatis vitio vehementius abhorrentes, nihil proprium dicunt nihilque proprium habent, ipsis omnia sunt communia.

Pristino Ordinis fervore renovato, longè, latèque manavit novi hujus Dominicanorum cætus fama; adeo, ut effusè venirent vicinorum Oppidorum incolæ, novos concionatores audituri, admissaque peccata plangentes recederent. Ipse Antonius, quod sancti Patris Dominici mores, ac virtutes exhiberet, alter Dominicus passim ab omnibus dicebatur.

Neque adulatoria hæc fuit aut falsa commendatio; suprà enarratis quippè privatæ vitæ austeritatibus, operosiores Apostolici numeris labores, infatigabili adjunxit studio; ipsius, ac sociorum Conciones, vel ipsa colloquia nedum in Oppido de Lagnés, verum etiàm in totâ Cavallicensi Diœcesi restringunt odia, compescunt lites, pacem conciliant, remissum sanctæ charitatis fervorem amplificanc, renovatur veterum Christianorum pietas, & Sacramentorum usus. Dominicis, ac festivis, vel etiam profestis diebus, finitimam regionem percur-

runt, spirituales animarum campos, saluberrimo prædicationis imbre, irrigantes; non frigoris asperitas, non æstatis ardores, non sævientes venti, non ingruentes pluviae, non nives, non glacies sanctæ charitatis, quo accenduntur, ignem minuunt, nè indefesso frangitur labore tantorum Prædicatorum animus.

Insulæ Civitatis Moniales, quas Ursulinas vocant, quibusque ad plures annos Antonius sanctissimè præfuit, ad arc-tioris vitæ propositum vivis ipsius adhortationibus excitatæ, rel. part. 2. aliæ (ut Antonii verbis utar) trigessimæ, aliæ sexagesimæ, aliæ verò centesimæ boni operis fructum attulerunt. Primævum Ordinis fervorem, intentâ aded mente resumpserunt, ut earum nonnullæ, cum magnâ sanctitatis laude, è vitâ discesserint.

Maximè intereà Romæ afficiebatur gaudio Reverendissimus Nicolaus Rodolphus Generalis Magister: incæptæ novæ Congregationis accepto nuncio, de tanto opere Antonio gratulatus est ipsique patentes litteras misit, quibus nova Mas-siliæ, Arelate, & Aquis-sextiis fundandi Domicilia facultatem impartitur. (Gratiam hanc ab eodem Reverendissimo enixè postulaverant earundem civitatum viri nobiliores) nè verò in augenda congregatione servo Dei mora afferretur, utque promptius cogitata perficeret, adjecit præceptum formale, necnon excommunicationem latæ sententiæ omnibus, & singulis suæ obedientiæ subjectis, qui earum executioni directè vel indirectè, per se, vel per alios impedimentum quoquomodo afferre præsumerent. Harum litterarum authographum habetur in nostro Thorensis Conventus Archivio.

CAPUT XIX.

Thorum ex Oppido de Lagnés domicilium transfert.

Tot intereà bonæ spei adolescentes regulari veste induendi, tot ex ipsomet Ordine Prædicatorum ad Antonium veniunt juniores Sacerdotes, ut domus, cæteroqui arctior, Discipulos non capiat, nè valeat Oppidulum, tot fratrum vic-tui, quantumvis tenui, necessaria suppeditare.

Quapropter, suadente prælaudato Cavallicensi Episcopo, ad

Thorensem civitatem, unâ leucâ distantem domicilium transtulit servus Dei, ibique eam, quæ nunc prima habetur, congregationis domum extruere aggressus est.

Quoniam verò inimicus homo, in iis maximè, quæ Dei sunt, solet ziazania superfeminare, contentiones, contradictiones, oppositiones, ad impediendam hujusce domûs foundationem non defuere.

Re ad excellentissimum Fridericum Sforzia Prolegatum Avenionensem delatâ auditis partibus, latâque sententiâ, Antonius judicio pænitus liberatus est, ac novæ Thorensis domus anno 1637. die octavâ Junii Sanctissimæ Trinitati sacrâ possessionem iniit.

Tùm mutatis animis, àc, singulari Dei nutu, depositâ similitudine, magna intèr Thorenses contentio facta est, ipsique procacioris ingenii homines ad promovendam novæ domûs constructionem ardentiores facti sunt; multa multi pro suis quisque viribus offerre, ligna parare, arenatum rutro subigere, cœmentario Opifici inservire, omnes lætari.

Tunc præterea contigere, quæ divinæ virtutis opera nonnullis visa sunt. Cœmentarii namquè Opifices onera humanis viribus longè majora deferebant, ex his unus, lapidis pergrandis mole oppressus, quo atteri, ac comminui debuerat, surrexit illæsus; jumenta ipsa debiliora, annosa, quæque exêso corpore vix hærerent ossibus, gravi imposito onere fiebant vegetiora.

Antonius interim ac socii alia per alios exercentes, sibi prædicationis munus reservarunt; sancti Patris Dominici, imò Domini nostri Jesu-Christi vestigiis inhærentes, non amplas dumtaxat Civitates, verùm etiam Castella circuibant, docentes, & prædicantes Evangelium Regni: neglecto ut prædictum est, æstivis caloribus æstu, ac hyemalis frigoris asperitate, sacras missiones ut antea cæperant, peragentes, ad peccati detestationem, ac terrenorum contemptum audientes inflammabant.

Nequè hîc repetenda veniunt, quæ superiori Capite dicta sunt. Domi degentes Antonii observant consilia, & omnes motus. Quod imperaverit, omnes exaudiunt. Per humilitatis gradus ad majora festinant. Idem velle & nolle unum facit de multis. Bellum cum salutis hostibus exercent. Fratres

cum fratribus de virtute pugnant, arctissimæ poenitentiae exercitiis delectantur, summam paupertatem habent pro divitiis; in hoc cognoscunt omnes, quod Christi Discipuli sunt, quod charitatem habent ad invicem.

Magnum Avenione, ac in toto Vindasino Comitatu erat Thorensis Prædicatorum familiæ nomen; Præsules, ac Populi renovatum sanctissimi Patriarchæ Dominici spiritum, ac relatos ex sacris Missionibus uberes fructus admirabantur. Arelatensis, Aquis, ac Massiliensis Magistratus datis literis Antonium rogabant ut in eisdem Civitatibus novæ domus foundationem admitteret. Fridericus Sforzia Patricius Romanus, avenionensis primùm Prolegatus, dein verò Cardinalis Episcopus Ariminensis, cùm audiisset, quæ de Antonio, ejusque sociis dicebantur mirabilia, eâ tantùm de causâ Thorum venit, ut narratorum veritatem comprobaret, comperitoque domûs præsentis statu divinæ gratiæ potentiam agnovit, Thorense domicilium in suam fidem, ac clientelam accepit, omnemque opem Antonio peramanter pollicitus est. Ut quod cæperat opus, intentis viribus prosequeretur est adhortatus, eumque, quoad vixit, peculiari benevolentia cohonestavit.

CAPUT XX.

Nova domus propè Massiliam extruitur varii motus excitantur.

Generalis Magistri auctoritate munitus Antonius, non multò post, anno videlicet 1639. tertiam domum ædificandam curavit in Massiliensi territorio, ad Sacellum Nostræ Domine du Roüet sibi a Monachis Sancti Victoris Massiliensis peculiari affectu, liberaliter concessum. Ut in Thorensi, ita in Massiliensi Conventu leges perquam accuratè servabantur.

Fateatur hic eruditissimus noster Echard, quidni, & ipse fatear? In augendæ Congregationis prosequendo consilio humanum quid Antonio excidisse. Arctiori, quo agebatur poenitentiae desiderio, utque Apostolis ad prædicandum Evangelium mittendis similior fieret, firmitusque, ut quidè putabat, subsisteret cæpta Congregatio, optimum factu judicavit anno 1640. die vigesima-octavâ Augusti, si tùm ipse,

Jac. Ech. t.

2. p. 664

ol. 1.

c

Aug. in psal.
31. conc. 1.

tum sui dimissis calceis, sandaliis uterentur, hancque pedum nuditatem prælaudatus Fridericus Sforzia Avenionensis Prolegatus, Pontificiâ quâ valebat auctoritate, peculiari respecto (Bullam vocant) Antonio agente, probavit. *Quod nolit Deus sancti ipsi quandòque desiderant, quia ipsis bonum apparet.*

Jac. Ech.
Loc. cit.

Ut primum apparuit nudipes, omnium sermone vapulavit, variae in eum excitatae sunt tempestates, amici sui, & proximi sui adversus eum appropinquaverunt, & steterunt. Hos maxime pungebat, inquit prælaudatus Echard, unitas Ordinis, inter tot turbines, à multis seculis adhuc inconcussa, quam ex hac pedum nuditate certò ruituram, ex aliorum Ordinum experienciâ præfagiebant, in quâ tamen tota posita est Ordinis Prædicatorum substantia, ac ceterum Ecclesia jam nulla est, si non sit una, uni Christi Vicario adhærens, sic & Ordo Dominici, si non sit unus, uni Magistro copulatus, cui omnes profitentur, jam nullus est.

Quapropter eo dumtaxat, quem diximus metu, nè ab Antonio Ordinis divisio nasceretur, Reverendissimus Generalis Magister, qui ab hac divisione juremerito, ac vehementius abhorreret, concessas antehac patentes litteras rescidit, datam Antonio nova fundandi domicilia facultatem irritam fecit, nènon, agente Eminentissimo Cardinali de Richelieu Archiepiscopo Lugdunensi, ac Abbate Monasticæ domus sancti Victoris, è Thorensi, ac Massiliensi domibus ejecti, Romam citati sunt excalceati Prædicatores.

C A P U T XXI.

Romam iterum proficiscitur.

IN sperato nuncio commoti sunt omnes, ac obstupuerunt; nonnulli, nimio timore dejecti, quodque ad suscipiendum longius iter, aut non suppetere vires, aut deficeret animus, ad ea undè venerant domicilia ægrè, ac profluentibus lacrymis reversi sunt. Antonius verò Reverendissimi mandato, quâ par est reverentiâ obsecutus, nullâ interpositâ morâ, anno 1642. die ultimâ Martii cum sociis novem, quorum quinque Sacerdotes, duo Clerici, duo verò erant conversi

conversi cum è civitate ad sancti Eutropii oppidum navigassent, accidit perincommodè, ut ex Sacerdotibus unus è ravi descendens, alliso altero crure, lecto detineretur.

Interjectis aliquot diebus, quod gravius ægrotaret, quam ut brevi curari posse vidèretur, relicto, qui decumbenti inserviret, converso, eumque paterno affectu, verbisque amantissimis consolatus, mari commisit sese Romam iturus.

Exortà non multò post seiori tempestate, ad sanctæ Margaritæ Insulas navis apulit, ibique dum transmissionem expectaret, nè otio dislueret, nè solveretur, quò flagrabat salutis animarum studium, Apostolicà munitus auctoritate, ac annuente Reverendissimo Grassensi Episcopo, milites Insularum Custodes, præviâ Confessione expiatos, Cœlesti pane Dominicâ Palmarum refecit; socii verò, Antonio duce, rudes Christianæ doctrinæ præceptis probè instituebant, milites verò, tum privatis colloquiis, tum publicâ concione, ab ebrietate, blasphemis, fraudibusque deterrire nitabantur.

Elapsis diebus circitè novemdecim, factâ maris tranquillitate, navim rursus conscendens centum Cellas, secundo vento, cum appulisset, carceri addictus est; præmiserat namque Reverendissimus Ordinis Magister omnibus Italiæ Conventuum Superiobus excalceati Dominicani formam, adjecto præcepto formali ut eum detinerent si advenisset.

Elapso octiduo, servum Dei Romam advenientem idem Reverendissimus, qui cæteròquin virum, ob egregia merita, & virtutum præstantiam magni faceret, hiscemet verbis est allocutus *Quò mentem intendis fili carissime? Quid cogites de retinendâ, quam perperam assumpsisti pedum nuditate scire sanè velim? An ergò tibi videtur, quod melius sit elegisse? aberrasti profecto, aberrasti: id mea, id totius Ordinis interest, tantæ novitati diligentius occurrere; extrà culpam non sim, nisi hanc, quâ valeo auctoritate, depulerim. Quid tibi sit faciendum tuum jam consilium est; abi, hocque privatim delibera.* Magnam quamvis injecerint Antonio sollicitudinem verba hæc, nihilominus Cellam ingressus, cui à Definitoribus Capituli Generalis eodem anno 1644. jussu Urbani Octavi celebrari, latâ Sententiâ, fuerat addictus, placidâ pace, mentisque tranquillitate primùm potitus est. Deo grates, ac laudes retulit; in genua

provolutus tabulatum est deosculatus, maximæque gratiæ tribuit hanc culparum suarum pœnam sustinere.

Verùm, permittente Deo, horrendis anxietatibus postmodùm traditus est: has esse damnatorum cruciatibus perfimiles, vir pietate insignis, ac in Galliâ degens, revelante Deo, cum cognovisset, Antonii vicem doluit, eumque datis litteris consolatus est. Tantus erat, quem patiebatur dolor, ut, nisi minuisset eum Deus, brevi se crederet moriturum.

Hiscè in angustis positus libellum, qui de Imitatione Christi inscribitur, quemque semper secum deferabat cum aperuisset, divino planè consilio factum est, ut in ea verba fortuitò incideret, quæ, ut potè præsentis sui statui apprimè convenientia, afflictum à mœrore animum erexere.

C A P U T X X I I.

Pedum nuditatem dimittit.

TUm habito cum RR. Patribus Joanne Richaume Romæ sancti Xisti Conventus Vicario, & Petro Coliard sanctissimæ Annunciationis Cœnobii Parisiensis Priore (hic negotiorum causâ Romam venerat) colloquio, ad Reverendissimum Ordinis Magistrum reversus Antonius, *Totus, inquit, in tuâ potestate sum, quam imponere legem placuerit lubentèr accipiam, quamque pedum nuditatem, bono animo susceperam, abjectâ omni cunctatione, dimitto.*

Aug. in psal.

32.

Quamquàm autem corde mortali privatim aliquid velint justì, quod suæ interim causæ, vel negotio, vel præsentì necessitati convenient, ubi intellexerint, vel cognoverint, aliud Deum velle, præponunt voluntatem melioris voluntati suæ, & voluntatem Omnipotentis voluntati infirmi, & voluntatem Dei voluntati hominis.

Melioris voluntatem voluntati suæ prætulit Dei famulus, à pedum nuditatem, quam tùm apud Excellentissimum Prolegatum Avenionensem, tùm apud supremæ Aquensis Curiæ Judices, vel etiàm apud summum Pontificem fortiori animo defenderat, ut potè ab Ordine Prædicatorum alienam conceptis verbis, ac longiori enarratione postmodùm reprobavit, Rel. cap. II. ac imprudentiæ (ut Sanctorum mos est) humiliter tribuit,

quod observantiæ regulari profuturum perperam fuerat arbitratus.

Ut apparuit calceatus pedes in præparationem Evangelii pacis, in gratiam Ordinis receptus est, ac Reverendissimi Thomæ Turci Cremonensis in Generalem Magistrum hincemer diebus electi, existimationem aded, ac benevolentiam est assecutus, ut juniores Novitios, qui ex Boemiæ Regno Romam venerant regulari veste induendi, monasticæ vitæ præceptis imbuendos ipsi commiserit.

C A P U T X X I I I .

Antonii Socii in Galliam remittuntur.

ANtonio Romæ, Joanne verò Dalmassy Anagninæ remanentibus, cæteri omnes ad R. Gallo Provinciæ Priorem Provincialemissi sunt, adjecto, de competenti Domicilio eisdem providendi, mandato.

Hi Castellanam perantiquam ejusdem Gallo Provinciæ Civitatem cum pervenissent, messiem quidem multam, operarios autem paucos repperunt; quapropter annuente eodem Priore Provinciali, ac urgentibus Reverendissimo Senecensi Episcopo, ejusdemque Civitatis Clero, & Magistratu, ibi biennio sunt commorati, regularis Disciplinæ legibus intenti, ac Domino fervientes in lætitiâ.

Nec ipsis tunc negotium defuit. Vocationis suæ memores, asperrimos montes percurrunt, concionantur, sacras habent missiones, montanam plebem christianis moribus, ac præceptis informant, pueris prima fidei capita tradunt, fidelium confessiones excipiunt, Sacri Rosarii Societatem, aut instituunt, aut jam pridem collapsam reſtaurant. Extat prælaudati præfatus sequens testimonium suapte manu latinè conscriptum.

Ludovicus du Chainé Dei & Sanctæ Sedis Apostolica gratiâ Episcopus, & Dominus temporalis Senecensis. Cum in nostrâ Diœcesi aliisque finitimis Fratrum Dominicanorum qui in summa paupertate, & sine redditibus vivunt, & quorum reformatio in Conventu du Thor Comitatus Avenionensis incipit diligentiam, zelum, pietatem, doctrinamque in rusticis hominibus catechisan-

dis, horum confessionibus excipiendis, caterisque rebus, quæ ad missiones pertinent peragendis experientiâ probaverimus libenter hoc veritatis testimonium reddimus hos sancti Dominici pauperes alumnos magnam Episcopis Operam præstare posse in illorum Parrochiis perlustrandis, populis Christianâ Doctrinâ imbuendis, ad Evangelii normam instituendis exercendo Prædicatorum, quo nomine vocantur, officio; idèd optandum esse, ut in unaquæque Diœcesi illorum Monasteria instituuntur, ac longè, latèque hæc piissima Reformatio propagetur. Datum in nostro Castro Senecensi anno 1659^o die vigesimâ primâ junii. Ad Antonium redeo.

C A P U T X X I V .

Parisiis mittitur

QUàmvis de datâ ab Antonio fide, nihil dubitaret Reverendissimus Ordinis Magister, attâmen, ut magis magisque ejus probaretur obedientia, nihilque de resumendâ pedum nuditate ab eo timeretur, urgente prætereâ ipsius in Galliam reditum Illustrissimo Comite de Chaumont Ludovici decimi quarti Galliarum Regis, apud Summum Pontificem Oratore, Parisiis mittere constituit, suamque de hac re, ipsi sententiam denunciavit.

Hic verò, qui à suscepto regulari habitu promptissimum præstaret Prælati obsequium, Magistri Generalis mentem non est perscrutatus, nèc curiosius reversionis tempus exquisivit, nullâ usus est excusatione, moras non nexuit, abire præstò fuit.

Biennium itaque Romæ commoratus, ac Joanne Dalmassy anagnâ revocato, ac Antonio reddito, anno 1644. die octavâ Novembris Parisios ambo missi sunt, ibi quamdiù Reverendissimo placuerit permanfuri, ipsisque factâ potestate, vel Sti. Germani, vel Sti. Honorati Conventum, quem vellent, eligendi.

Nèc mora. Prælaudato comiti (huic Antonii res non minùs cordi erant, quàm suæ, accerrimumque, Gallie Rege jubente, servi Dei deffensorem tùm Romæ, tùm Parisiis præbuit se) de acceptis beneficiis habitâ gratiarum actione, visitatis Romanis sacriariis, acceptâ à novo Generali Magistro

benedictione, diversisque ab eo donatis munusculis, servatis consuetis jejuniis, abstinentiâ, orationibus, ac mentis recollectione, cæptum iter prosecuti, Christi bonus odor effecti sunt, apud eos maximè, qui viatores, aut alloquerentur, aut hospitio reciperent.

Sæviente hyeme, longoque itinere, quod pedibus, nulloque sumpto viarico, confecerant fatigati, Parisios die secundâ Februarii insequentis anni cum advenissent, lætati sunt amici, & ad consalutationis officium venerunt festinanter.

Inter eos maximè sanctissimæ Annunciationis Conventus Fratrum benevolentia enituit, suæque in tantum virum existimationis argumenta præbuere; quodque ab instituendâ novæ Congregationis consilio discessisse crederetur, RR. Patres *Guillermus* Congregationis sancti Ludovici Vicarius Generalis, & *Martir Coliard* prædicti Parisiensis Conventus Prior oblato Magistri Novitiorum officio, Antonium Parisiis retinere conati sunt.

Ipe verò, quippè qui laboribus nullis frangeretur, nèc otio indulgens, aut quieti, per advenientem Quadragesimam in Ecclesia Sancti Thomæ ad Regiam Basilicam, tribusque post Pascha diebus Dominicis, in sancti Sulpitii sacrâ Æde, tantâ Civium frequentiâ conciones habuit, ut Ecclesiæ, quantumvis amplissimæ, aauditores vix caperent. Magnum ex tunc Parisiis fuit Antonii nomen; nedùm rudes, ac plæbei, verùm etiâ nobiliores ipsi veniebant, ut concionantem audirent, eoque Duce, in æternæ salutis viâ uterentur.

CAPUT XXV.

Thorum remittitur.

Inter hæc Thorensis Magistratus dato ad summum Pontificem (Antonio inscio & absente) libello supplici, recensitis egregiis ipsius dotibus, nècnon enarratâ, quæ ex ejusdem ministerio obveniebat populis ingenti utilitate, ut Thorum remitteretur cum exposulassèt, factum est, ut Reverendissimus Thomas Turcus in Generalem Magistrum recens electus, ad lustrandos Galliæ, ac Hispaniæ Con-

ventus Româ profectus, Avenionem anno 1645. circa festum omnium Sanctorum advenit.

Illuc, per litteras, suadente R. Patre *Richaume* sancti Xisti Romani Conventus Priore cum carissimo socio Joanne Dalmaffy incunctanter venit Antonius ut, quod per litteras perierat, vivâ voce consequeretur; certò namquè prævidebat institutæ Congregationis ruinam, si diutius abesse cogeretur.

Venientem peramanter excepit Generalis Magister, ac totâ coràm Avenionensi Prædicatorum familiâ laudavit *Videtur Roma*, inquit, *verè enim est vir eximia sanctitatis habitoque privatim longiori colloquio, piisque munusculis donatum ad pauperrimum Thorense Domicilium pro votis dimisit.*

Audito servi Dei proximo adventu, in occursum prodire Thoreses, ejusque aspectu suprâ quàm cuilibet credibile est lætati sunt; mortuus eras, aiunt & revixisti, perieras, & inventus es, optimi Patris nomine appellabant, honorisque gratiâ ad Conventum deduxerunt. Domum reversi miserunt ei munera, in certissimum amoris, & gaudii testimonium. Cæterum ex Hispania rediens prælaudatus Generalis Magister, Thorum feriâ sextâ majoris Hebdomadæ, matutinis horis cum venisset totâ die jejunavit pane & aquâ contentus. Orationem habuit, assumptis pro Textu sermonis hiscemet verbis *Nolite timere pusillus grex*. Mutuam charitatem, victus asperitatem, ardentissimum proximorum salutis studium, mentis fervorem, extremam paupertatem, Regulæ, ac sacrarum Constitutionum observantiam admiratus, ut, quâ cæperant viâ ambularent, ferventiori oratione adhortatus est. Utinam, ait, quæ maximè viget in Domo hac regularis Disciplina, in omnibus Ordinis Conventibus refloresceret. Carissimis in Christo filiis, præ gaudio lacrymantibus, benedixit, eisque omnem opem, ac tutelam pollicitus profectus est, Romam reversurus.

CAPUT XXVI.

Parisiensis Conventus Prior eligitur.

SEDATÂ feviori tempestate, quietam litoris stationem tenuisse se, credebat servus Dei, torque labores passus, placidâ in pauperrimo Thorensi Domicilio perfruebatur pace cum novo obedientiæ experimento, suavissimum Deo obrulit propriæ voluntatis sacrificium.

Ant. Tour.
tom. 5. pag.
522.

Parisiensis SS. Annunciationis Conventus Religiosi viri, quippèqui, ut prænotavimus, Antonium maximè diligenter, ejusdemque venerarentur sanctimoniam, eum sibi, consentientibus votis, in Priorem elegerunt, duoque ejusdem sanctioris familiæ graviores Patres Thorum missi sunt, qui ipsi electionis litteras denunciarent.

Miratus est Dei famulus, gravique timore perculsus, ut propositam fugeret dignitatem (huic ferendo oneri imparem existimabat se) litteras dedit Reverendissimo enixè rogans, ut id muneris depelleret a se. Verebatur insuper, nè capta intèr tot labores Congregatio, ipso longiùs abeunte, corrueret, nevé evanescerent hætenùs suscepta consilia. Hoc ipsum erat, quod Antonium habebat anxium.

Postulatam gratiam abnuit Generalis Magister, litterisque anno 1648. die decimâ nonâ Februarii Cæsâr-Augustæ datis, non imperando quidem, sed adhorrando voluit, ut oblatum admitteret Parisiensis Prioratûs Officium.

Ant. Tour.
tom. 5. pag.
523

Superiorum nutu, ait, Parisios vocat te Christus, ipsum, omni præclusâ excusatione, sequaris, oportet; quod in uno Gallo-Provincia recessu facis, bonum est, melius est quod juberis: Christum amas? oves pasce, non quas elegeris, sed quarum cura fuerit tibi demandata, hoc sinè modo aderit tibi Deus, nec à pusillo grege, quem in Thorensi deserto ad tempus deferas, Providentia suæ oculos avertet.

Hoc accepto responso, obsecutus est humilis vir, ac Joanne Dalmaffy instituto Thorensis Conventus Vicario, Parisiorum anno 1648. incunte Maio, profectus est; hanc porrò multorum dierum viam pedes, ac sine viatico de more conse-

cit servatis jejuniis, & abstinentiâ, bis quamvis, vel etiam ter prædicaret verbum Dei uno die.

Lætienfem Ecclesiam in totâ Picardiæ Provinciâ miraculorum gloriâ, ac Populorum frequentiam percelebrem Deo sub invocatione Beatissimæ Mariæ Virginis dicatam, cuique eum Parentes devoverant priusquam nasceretur rectè adit, ut ejusdem Virginis auxilium imploraret, seseque ipsius commendaret patrocinio.

Orabat ibi flexis genibus, cum subfuscus Beatæ Virginis Statuæ vultus in album derepentè conversus est; quo miraculo, per horam perdurante, intellexit vir Dei, Hispanos milites, qui tunc in Picardiam irrupserant, eique ingentem inferebant vastitatem propediem, initâ pace, ad propriâ reversuros. Immissam à Deo cogitationem monstravit eventus.

Læritiâ demigrans, ad Conventum de Gonesse profectus est, ut spiritualibus exercitiis per octiduum vacaret, atque ad fructuosè regendam commissam sibi domum divinam opem asciret.

Nèc tamèn potuit cogitata perficere, aut diutiùs latere; audito namquè Parisiis ipsius adventu, RR. PP. Joannes Baptistæ *Guillermes* Congregationis sancti Ludovici Vicarius Generalis, & Ludovicus *Breton* Magister Novitiorum, illuc cum venissent, ad Parisiensem Conventum, in quo vigesimo sexto, abhinc anno regularem habitum susceperat, lætantiùs perduxerunt.

Hilari admodum blandoque vultu, ac luculentis bevolentia argumentis Antonius exceptus est; ipse vero serenâ fronte, ad unum omnes amplexus, omnibus se amabilem exhibuit.

C A P U T XXVII.

Rectè fungitur Prioris officio.

CÆterum perfecti Superioris, si quis designare formam cupiat, à nostro Antonio exemplum petat, oportet. Ab ipso suscepti officii die, pervigilare jam cœpit, quasi rationem pro animabus fratrum sibi commissorum redditurus. Pastoris optimi functus officio, Dei amorem, mutuam charitatem

charitatem, humilitatem, victus asperitatem, salutis animarum studium, solitudinis amorem, regulæ, ac sacrarum Constitutionum observantiam cæterasque, quæ regularem vitam profectos virtutes deceant, in subjectâ sibi domo tueri, vel etiâ augere prudenti studio sategit.

An suo quisque staret officio, an servaretur silentium exploraturus, diversas Ædium regiones frequenter discurrebat; an rectè instituerentur Novitii, an studiorum exercitia accuratè perficerentur diligentèr attendebat; Dispensationes (quas vocant) nisi certæ necessitati niterentur, omninò subtraxit; fratrum è Claustro exitum, urgente dumtaxat necessitate permittebat; habito quotidiano Capitulo de his quas adnotasset transgressionibus, arguebat, eâ porrò charitate, ac mansuetudine, ut nullius animum exasperaret, nullum læderet, ad virtutem omnes accenderet.

Patriarchæ doctissimi doctus filius, eos, qui doctrinâ præstarent excelso in loco semper habuit, eos præsertim, qui sancitis jejunii, abstinentiæ, ac orationis legibus accuratè parerent; Magistros curæ suæ commissos frequenter hortabatur, ut qui cæteros doctrinâ antecellerent, cæteris etiâ virtutum prælucere exemplo, *lucere vanum*, aiebat cum sancto Bernardo, *ardere parùm, lucere, & ardere perfectum* Parisiensis Conventus RR. PP. de tanti Prioris rectâ intentione certissimi, ipsius agendi modum non severitatî, sed officii sui debito tribuebant. Magnâ apud eos valebat auctoritate, nèc mirùm, sancti Gregorii namquè monito obsecutus, quidquid ab aliis fieri vellet, ipse Prior incipiebat.

Bern. de S.
Jean Bapt.

Prodesse magis, quàm præesse cupiens, ad præstitutum temporis articulum, choro diù, noctûque aderat, ac divinas preces, eo mentis fervore, eâ recollectione, eâque devotione decantabat, ut jamjam interesse Angelorum Choris, beatâ visione frui, cælestisque Patriæ gaudia prægustare videretur. Orabat spiritu, orabat, & mente; psallebat spiritu, psallebat & mente utilis silentii tenax, è propriâ cellâ non egrediebatur, nisi obeundis muneris sui partibus, vel excipiendis fidelium confessionibus, aut (quod quidem opus numquàm intermisit) procuranda, Verbi Dei præconio, proximorum salute; quandiù Parisiis mansit, nisi charitas

cogeret, aut necessitas, neminem salutandum adiit, Parentes non invisit, nec assentariunculâ quâdam magnatorum favorem aucupari visus est. Conquerenti quandòque Marti respondit mihi gregis custodia commissâ est, ipsum ab hoste defendere partes meæ sunt, ab eo, vel ad tempus recedere nefas, expleto officii mei triennio invisam te, quodque postulas consequeris.

A suscepto regulari habitu asperiori, victu non fuerat usus. Thori degens jejunare jam cœperat pane, & aquâ contentus, addito diebus Dominicis, & festivis leviori pulmento; at verò ut Parisios advenerit, substracto sibi pulmento, panem secundarium (furfuracum optasset) ad cibum meram aquam ad potum, vel etiâ iter agens, adhibuit, eamque asperrimi jejunii consuetudinem per quinquennium constanti animo retinuit: biduum, triduumve quandòque ab omni cibo, potuque abstinere; aded ut alter Joannes, qui testante sacro eloquio, venit nequè manducans, nequè bibens palâm ab omnibus diceretur.

Suaprè naturâ alius, vel hieme sevientem, non multiplicato vestitu, nec ad ignem calefactus præstabat se tutum à frigore. Lectum nunquàm adiit, sed innixus Cathedrâ, parvo, brevique somno utebatur. Victus admodum asper, & horridus, tot sponte suscepti cruciatus, qui fortissimi cujusque viri debuerant vires exhaurire, novum, ac insolitum servo Dei robur, & animum adjungere videbantur; vegetior fiebat; concionantis latera firma omnes mirabantur, vocemque grandiore.

Celebre Parisiis erat Antonii nomen, ejusque virtutum famâ personabat Regia Civitas: nobiliores fœminæ, aulici, ac optimates, tot virtutum fragantiâ allekti, quique eum in æternæ salutis viâ ductorem peritissimum agnoscerent, ipsum exquirebant, eo, ut, tùm ad consilia, tùm ad sacras confessiones uterentur.

Ab altitudine diei timuit humilis Prior, quippequi ab omni fastu, plurique existimatione vehementer abhorreret; ex nobilioribus fœminis unam dumtaxat Vindocini Dominam, quæ sinceram humilitatem coleret, quæque præcipuo honorum, divitiarum, ac natalium splendore præfulgens, velle nesciri, confitentem audivit.

CAPUT XXVIII.

Reginam intèr, & Parisienses pacem conciliat.

Refugit animus dicere, ac reluctans scribo, quæ silentio præterire optarem valdè. Hoc vel ipso tempore occupaverant hostes Galliæ Regni fines; diffidebant intèr se Procerum animi; vigeant in ipso Regni medio civilia bella; magna Parisiis erat dissidentium petulantia; recrudescabant odia, ac similitates; inualescebant tumultuantium voces; muniebantur, transversis sæpibus, viarum capita; recesserat Anna Austriaca cum Regio filio, ut populi defectionem ulcisceretur: timendum verò, nè omnia in deterius ruerent, nevé severiori exortâ tempestate, ad scopulos alissa Gallia naufragium pateretur.

Cum non posset Antonius tot ingruentibus malis occurrere, elevatis ad Cælum manibus Deum pacis auctorem enixè precabatur, ut Parisienses ad debitum Regi præstandum obsequium adducerentur, utque Regina, pro Regni totius bono, ac populi solatio, mitiora iniret consilia.

Intèr hæc Parisiensis Senatus Præses servum Dei cum adiiisset, ipsum rogavit, ut ineundæ pacis ministrum præberet se eique, quâ posset à Reginâ audiri, rationem suggestit.

Exercendæ charitatis, ac asserendæ Regiæ potestatis occasionem nactus, San-Germanum, quò tunc Aula convenerat, incunctanter profectus est. Repulsam statim passus, à suscepto bono opere abductus non est; Castri Brienni Comitissa, Reginæ cultui, mundoque præfectâ interveniente, ad Regium consilium adductus, Regem præmissâ reverentiâ, consultâ simplicitate hiscemet verbis est allocutus *Ut Majestati vestræ benedicat Deus, ut gratiam iriuiat, vitamque pro subditorum, totiusque Regni bono longiorem præstet adprecor.* Brevis hæc placuit salutatio.

Venientem Regina placidâ fronte, animoque benevolo excepit; ipsius in Regem, ac Patriam pietatem admirata, pro Parisiensi populo misericordiam implorantem libenter

audivit, ab ipso moneri æquo animo passa est; voluit, ut Regio filio benediceret, totiusque Regni statum suis precibus commendavit, eumque benè sperare jussum, comitèr admodùm, ac blandè dimisit.

Decennis Rex antè servum Dei, cancellatis brachiis, insitâ gravitate stans, ab eo non deflexit oculos quandiù Reginam est allocutus; demirabatur Juvenis Princeps, quasi verò in ipso hominis vultu magnæ sanctitatis, præcellique animi signa dignosceret, & verò internam Spiritus Sancti gratiæ abundantiam ipsa adedò facies præferebat, ut milites ipsi quibus viæ publicæ redundabant, quorumque rara pietas est, officiosâ honoris significatione prosequerentur quem non noverant.

Verùm quod longius procederet expetitiæ pacis negotium, quodque Regem diligeret Antonius, ac Patriæ saluti prospicere vehementèr optaret, San-Germanum reversus est, ibique cum Comitissis *de Vendome*, & *de Poùllaillon* habito colloquio, ab eisque, quæ in rem conducirant sciscitatus, omnem diligentiam adhibuit, omnemque viam persecutus est, ut cogitata perficeret; quodque humanâ solummodò fretus ope, tantum opus assequi non posse existimaret, ad Deum, in cujus manu cor Regis est, de more confugit, ac San-Germano dies quindecim commoratus, continuâ prece, austeriori jejunio, ac frequentiori sui corporis verba-tione, præter omnium expectationem secutam pacem impetrasse, cùm nulla ineundæ pacis extarent indicia, omnium fuit Parisiensium civium opinio.

Tunc gratulati sunt proceres, ac plebei, ipsaque Regina San-Germano Parisios reversa, Antonium perhonorificè adiit, accepti beneficii gratiam habuit, ut Aulam frequentèr adiret, hortata est, ipsique novam inceptæ Congregationis Domum in Regia Civitate quod libenter admitteret, testata est; ipse verò qui sibi nihil, totum Omnipotenti Deo tribueret, ad sanctæ Genovesæ Parisiensium Patronæ sacram Ædem profectus de accepto beneficio gratias rependit.

Populorum plausus, Procerum gratulationes, ac peculiaris Reginæ benevolentia servo Dei nequaquàm exulere animos: seculi vanitatem proterens, ac humanæ gloriæ contemptor, menses duos suprâ viginti Parisiis commoratus

bis tantummodò Aulam adiit, primum quidem, ut pro Metensibus Ordinis sancti Dominici Monialibus, bellorum injuriâ ad summam egestatem redactis, eleemosinam à Regina obtineret, iterùm verò ut Reverendissimum Ordinis Magistrum pro retinendo in sancti Ludovici Congregatione Generali Noviriato, quâ apud Reginam valebat auctoritate, juvaret. Postulata est affecutus, nec difficulter.

Tot inquam honores, Conventus sui Patrum, quos, aut Magistros habuerat, aut condiscipulos, de eo benè merendi plena studii, officiique voluntas, à naturâ cuilibet insitus amor patriæ internum, quem patiebatur animi cruciatum delinire non valuerunt : quandiù Parisiis mansit, gravatum habuit se, quodamque martirii genus passus est ; pauperrimum, & ab hominum consortio sejunctum Thorense domicilium vehementiùs expetebat ; eò tendebant vota, eò spectabant desideria, eò suspiria properabant.

CAPUT XXIX.

Metenses Ordinis S. Dominici Moniales visitat.

Interim R. Patre Joanne Baptistâ *Guillerm* Congregationis sancti Ludovici Vicario Generali pietate, ac doctrinâ commendabili, repentinâ morte è vivis sublato, Reverendissimus Thomas Turcus Ordinis Magister de Antonii prudentiâ ac zelo benè conscius eum ejusdem Congregationis Vicarium instituit ad tempus, quoad novus, juxta consuetam Ordinis formam, eligeretur.

Novâ hac auctus dignitate, Lotharingiam, pro officii sui debito, profectus est, Metenses Ordinis sancti Dominici Moniales visitaturus ; hæ verò, quod fide integrâ, sincerâque mente Christo Sponso servientes, bonis operibus abundarent, Deo mente conjunctæ à secularium colloquiis abhorrent, ac rejecto carnum usu, servatoque à festo Exaltationis sanctæ Crucis usque ad Pascha jejunio, herbis dumtaxat, ac leguminibus vescerentur, inexplicabilis gaudii causam piissimo Visitatori attulerunt. Fœlix reverâ cætus Virginum quibus præcipuum studium est Christi vestigia sequi,

quæque per absolutam sacrarum Constitutionum observantiam, ad promissa servis Fidelibus præmia, viris permultis quandoque fortiores, contendunt.

Severioris eisdem pœnitentiæ reliquit exemplum; solum quippè panem ad cibum, ac solam aquam ad potum adhibuit, toto, quo Metis commoratus est octiduo. Expleto Visitationis officio Moniales ad Dei amorem, ac in bono perseverantiam cohortatus, Parisios reversus est.

Habito per id tempus Congregationis sancti Ludovi Capitulo, novi Vicarii Generalis institutione, quo premebatur onere, liberatus est.

Interea Reverendissimus Thomas Turcus Generalis Magister, qui Antonium Parisios vocaverat, suæque ibi auctoritate detinebat, lustratis Galliæ, Belgii, ac Hispaniæ Conventibus, longioris itineris laboribus exhaustus obiit Romæ die primâ decembris anno 1649. Tanti viri doctrinâ, prudentiâ, ac regularis disciplinæ zelo clarissimi mortem quo contrigit momento supernâ revelatione cognovit, eamque maximè doluit.

C A P U T X X X.

Ex Galliâ Romam discedit.

UT de Successore instituendo ageretur, convocatum est Romæ totius Ordinis Generale Capitulum. Tunc suadentibus, nè cogentibus dixerim, qui aderant in Parisiensî domo gravioribus Patribus, Romam tertium profectus est, eo consilio, ut pro majori sancti Ludovici Congregationis incremento, nupèr conditæ leges, ab habendo propediem prædicto Generali Capitulo firmarentur.

Relicto itaque Suppore, quem instruxit consiliis ad fructuosè regendum idoneis, habitâ, congregatis fratribus, de silentiis, ac solitudinis utilitate, de necessario in adimplendis disciplinæ regularis exercitiis, mentis fervore, ac de fulgendo secularium personarum frequentiori colloquio, præclarâ oratione, visitatis de more nostræ Dominiæ, ac sanctæ Genovesæ sacris Ædibus, carissimæ Matri ultimâ, ut præ-

videbat, nunciatâ salute, fratre Dominico *Thomassin* Con-
verso comite, Italiam versûs per Burgundiam, & Helve-
tiam iter intendit.

Helvetiorum Regio, ut notum est, in-tredecim Pagos,
cũ Municipia dividitur, quorum septem à Catholicis, sex
verò ab hæreticis incoluntur; in istis haud dictu facile, quot
ludibria, quot convicia, quotvè contumelias passus sit ser-
vus Dei. Neocomensis Comitatus hæretici accerbis in eum
invehebant, cum clamore, & sibilis insectabantur, lapidibus
prætereuntem appetebant, ac malitiosè de rectâ viâ deduc-
ebant. Quò diverteret, qui hospitio reciperet, quo vesceretur
panem sæpius non habuit. Super abundabat intèrim gau-
dio, persecutionem passus non deficiebat, dejectus non pe-
ribat, semper mortificationem Jesu in corpore suo circum-
ferens, in mortem tradi propter Jesum lucrum putasset.

Lucerinum Lacum trajiciens, cùm reflante vento, vix
non mergeretur Navigium, seipsum, ac vectores ab immi-
nenti periculo suis precibus liberasse perhibetur. Prærup-
tos Helvetiæ montes, vèl Majo ineunte altæ adeò preme-
bant nives, ut nullum extaret hominis, feræ vestigium,
gelu gliscebant accerbitas, & rigor borealis; hùc, illuc
palando, à recto tramite sæpè sæpius aberrabat; non præ-
viso discrimine, viæ ducem nullum assumpserrat. Hisce
in angustiis positus, elevatis ad Cælum manibus, brevi-
que peractâ oratione, juvenem pulcherrimum prætereuntem
vidit, quem quamvis levipes, graduque incederet pleniori,
assequi non valuit: vix fuerat omni periculo liberatus, cùm
ex oculis Ductor evanuit. Tunc missum à Deo Angelum,
qui præcederet, ac in viâ custodiret, internâ revelatione
cognovit, Deique providentiam admiratus flexis genibus,
ac profluentibus lacrymis, de tanto beneficio gratias egit,
quodque susceperat iter prosecutus est.

Graviora inanis gloriæ pericula pertimescens socio distric-
tè veruit, nè volentem nesciri proderet, suumque Parisien-
sis Prioratus officium manifestaret Conventuum Superioribus
ad quos per viam divertisset, nè scilicet honoratius, aut
lautiori cibo exciperetur.

Verùtamen quem occultabat humilitas, miraculum Favén-
tiæ declaravit. In Prædicatorum hujusce Civitatis Conventu,

quò pridie advenerat, magnum noctu excitatum incendium ita invaluit, ut obistente nullo, tota domus conflagrasset; clamor interea fit totis Ædibus, ingensque fratrum trepidatio. Audit Antonius, festinanter accurrit, fusisque ad Deum precibus, ita planè cessavit incendium, ut præter timorem nihil mali passi sint Faventini Fratres : hinc laudes, hinc gratiarum actio, hinc major reverentia, hinc maxima novi hospitis existimatio, quam, ut fugeret, verecundiâ suffusus, Faventiâ incunctanter digressus est.

CAPUT XXXI.

Ariminum advenit.

ARiminensem tunc regebat Ecclesiam Eminentissimus Cardinalis Fridericus Sforzia Patritius Romanus. Hic Avenione Prolegatum agens, ex intimo sensu Antonium dilexerat, multisque obstinat beneficiis.

Horum memor servus Dei, priusquam Prædicatorum Ordinis Conventum adiisset, nè amplioris Civitatis vias iterum frequentare cogereur, subter brachium manticulam manu verò dexterâ viatorium baculum, consuetâ simplicitate, re-nens, reverentiæ, gratique animi causâ, Antistitem convenit, ab eoque peramanter exceptus est.

Urget Præsul, ut propriis utatur Ædibus, gratiam hanc, ut opinor, mihi tribues, inquit, nè haud dubiè improbabat Ariminenis Prior; gratias egit maximas Antonius; oblatum honorem modestè respuit, pronoque genu adhibita reverentiâ, recepit sese. Tunc Ordinis Conventum progressus, nè propalato Parisiensis Prioris officio, benevolè quidem, & urbanicè missis tamèn verborum blanditiis, ut munerum exors exceptus est.

Vixdum ad mensam confederat cenaturus, cùm Eminentissimus Cardinalis lautissimum epulum, in quo ciborum quadragesimalium affluentia, & nitor ex æquo certarent Parisiensis Priori misit.

Obstupuit Ostiarius, eumque non levis cæpit admiratio; at servis, inquit, huc per errorem adfertis munus aliud portandum.

portandum nequè enim adest Domi Parisiensis Prior. Loquentem servi vix audiunt, subito impetu intrant, ac præsulis mandata exsequuntur. Obstupuere Ariminensis Domus Religiosi viri, quippè qui novi hospitis meritum, ac dignitatem nescirent. De celato nomine conquesti, ac curiosius adnotata, quam vultu præferbat modestiâ, ac gravitate maximo eum honore profecuti sunt.

Quod verò postridiè multo manè esset discessurus Eminen-
tissimum Cardinalem, unâ cum R. Ariminensi Priore iterùm
adiit, ut ipsi gratias rependeret. Equisitis laudibus Antonii
virtutes præsul amplificavit, nova ab eo eximiæ benevolen-
tiæ, maximæque existimationis accepit argumenta, fidelissi-
mum B. Patriarchæ Dominici imitatore, ac primævi fer-
voris restauratorem vocavit, accensisque funeralibus, nedùm
ad Conventûs, verùm etiâ ad interioris cubiculi januam
perhonorificè reduci imperavit. Antonius verò attonitus eo
pudore suffundebatur, ut officiosis verbis humili silentio res-
ponderet.

Gravem hanc persecutionem (hoc nomine honores vocabat
Dei famulus) ut fugeret, quam statuerat horam discessus
præveniens, è Civitate Ariminensi clanculum, ac si foret
immanis criminis reus, ultoremque Judicem vereretur, non-
dùm certâ luce, obliqua viâ digressus est.

Anno itaque 1650. die secundâ Junii Romam cum adve-
nisset, qui duobus abhinc annis, Generalis Capituli decreto,
carceri fuerat addictus, maximo ab omnibus honore excep-
tus est; ipsi, ut potè Parisiensis Conventus Priori, cella Pro-
vinciali Hispaniæ (hic ac Capitulum non venerat infirmitate
detentus) parata, adjudicata est: ipsemet Joannes Baptista de
Marinis pietate, eruditione, ac mansuetudine eximius, in
eodem Romano Capitulo in Generalem Magistrum electus,
cum Dei famulo de totius Ordinis bono, de restituendâ ubi
defecisset regulari disciplinâ, de promovendis apud infideles
sacris missionibus, ac de augendâ SS. Sacramenti Congre-
gatione sapè collocutus, Antonii sapientiam laudavit pru-
dentiam, ac zelum demiratus est, eique à Parisiensi Prio-
ratu absoluto, Thorum revertendi copiam fecit. *Quin optatis
tuis, inquit, fiat satis, haud quaquàm per me steterit.*

CAPUT XXXII.

Thorum regreditur.

VOtorum summam affecutus, sui que juris quodam modo factus, die trigesimâ Junii ejusdem anni 1650. Româ demigrans, Thorum reversurus, graviora iter agens incommoda passus est.

Cùm nullum Romæ accepisset certæ valetudinis testimonium, pestemque in Insubriâ grassari esset rumor eum hospitio recipere detestabant ligures, aded ut necessario cibo totâ die privatus, subditi jejunus pernoctare sæpenuerò cogeretur.

Nicæâ transiens ad Oppidum de Toudon Comitatus Nicæensis Diœcesis Glandevenensis devenit mense Augusto desinente. Ibi, viribus quantumvis exhaustus, contemptâ æstivi caloris intemperie, infracto ab laboribus animo, sacram per dies quindecim missionem habuit, dissidentes conciliavit, pacem omnibus attulit. Tunc neminem omninò, neque ætatis imbecillitas, neque cura rei familiaris domi potuit retinere. Ibi villici, relicto rure, effusè veniebant fervidissimum concionatorem audituri: Ibi septemni adolescentulo regularem in suâ SS. Sacramenti Congregatione statum, impositâ ipsius capiti manu, prænunciavit. Is fuit R. P. Christophorus Brun, cujus elogium videtis hujus Operis Lib. 3. Cap. 14.

Antonius intereâ Thorum deveniens, ingenti civium gratulatione, populo comitante, festisque puerorum vocibus Conventus ingressus est; Orphani filii, veniente amantissimo Patre, aded lætati sunt, ut revixisse quisque sibi videretur: miscuere gaudia fletibus.

CAPUT XXXIII.

Novum Ordinem Sanctimonialium instituit.

De Imit. Chr.
lib. 3. cap. 5.

AMor Jesu nobilis ad magna operanda impellit & ad desideranda semper perfectiora excitat; onus non sentit, labores non reputat, plus affectat, quam valet, quia cuncta sibi posse

arbitratur. Suo hæc exemplo comprobavit Antonius.

In Parisiensi Conventu Novitium agens, magna ad Dei gloriam jam tùm volvebat animo consilia. Ergà Augustissimum Eucharistiæ Sacramentum mirificè affectus, ejus cultum promovere semper studuit, illud, ut fideles per vices perpetuò adorarent, vehementèr optabat, quatenùs admissæ in Ecclesiis irreverentiæ, ac Jesu Christo ab indignè fumentibus irrogatæ injuriæ, quodam modò sarciantur.

Piissimi hujus instituti initium quodam Avenione posuerat anno 1634. Magistri Novitiorum fungens officio; verum subindè tot negotiis distentus, sæpè loco mutatus, torque ad Dei gloriam, & Ordinis obsequium susceptæ peregrinationes causâ fuere, cur tantum opus intermitteret.

Verumtâmen anno 1659. mense Martio, innumeris superatis impedimentis, humanâ prorsùs ope destitutus, pecuniâ pauper, sed fide dives annuente R. Domino Stephano *du Puget* Massiliensium Antistite, ab anna-mariâ, Catharinâ, & Clara-mariâ junioribus viduis assumpto regulari habitu, novum Ordinem Sanctimonialium, quibus à SS. Sacramento nomen est, Massiliæ instituit, sub regulâ sancti Augustini, cui addidit constitutiones sapientiâ, ac discretione mirabiles. Eas approbavit Summus Pontifex Innocentius eo nomine undecimus, cui placuit Confirmationis Pontificium Diploma, peculiari affectu, suaptè manu consignare.

Novum hoc Institutum in sancti Mathæi Apostoli, & Evangelistæ clientelam commisit, idcirco quod in Christi Ecclesiâ Virgines sacro velo primus inauguraverit, quodque Iphigenia Regia Filia ejus operâ virginitatem Deo voverit, arque ab Hirtaco Ætiopiæ Rege, qui eam velleret sibi dari in matrimonium occisus, virginitatis victima appellatus sit.

Prædicatorum habitum inverso ordine imitatus Institutor, talarî veste nigri, scapulari verò ac pallio albi coloris novas indui Moniales peroptavit, quodque Canticorum Sponsa Sponsum roget, ut ponat eam ut signaculum super cor suum, ut signaculum super brachium suum, duobus argenteis scutulis SS. Sacramenti formam referentibus, ad cor uno, ad dextrum brachium altero, interpositâ veste, applicatis, eadem insignivit, ut scilicet Jesu Christo affectu, & opere esse inserviendum perpetuò commoneantur, ac luculentissimum

ob oculos habeant perfectæ dilectionis incitamentum.

Piissimo huic instituto tantum benedixit Deus, ut novæ Moniales, charitate in Deum, humilitate, fervore mentis, jugi cœlestium meditatione, à vanis secularium utriusque sexus personarum colloquiis segregatæ, nedum Massiliæ, verum etiam in totâ Gallo-Provincia, ac Ocitaniâ inferiori Christi bonus odor effectæ sint. Sacram hanc Virginum familiam, optimam commissi sibi gregis portionem Reverendissimus Henricus Xaverius *de Belzunce* Massiliensium Præsul hoc ipso tempore vocare consuevit, easque, quavis valeat ope, tuetur.

Nec mirandum valde, Christo adhærentes mundum contemnunt, cœlestia gustantes terrena fastidiunt, antè divinissimum Eucharistiæ Sacramentum diù, nocturneque prostratæ *tantò magis ardent, quantò hinc viciniùs vident.*

Greg. Mag.
Hom. 24.

Tantarum virtutum suavissimus odor, ut prænotavimus, longè, latèque diffusus est; quapropter D. Josephus Franciscus *de Roquard* pietatis eximie præbiter, evocatis è Massiliensi domo tribus ejusdem Ordinis Monialibus, prudentiâ, ac regularis disciplinæ zelo conspicuis, traditâ paternâ domo assignatis amplis redditibus, Bolenæ, quæ Vindascini Comitatus, ac tricastinæ Diœcesis copiosa Civitas est, novum Monasterium excitavit, Sacellum adornavit, sacrarium, tum vasis argenteis, tum prætiôsâ supellectili instruxit. Ipsius sorores dum eundem Ordinem professæ sunt; vidua Mater, servato seculari habitu, exactum Monialium agendi modum, quoad vixit, secuta est.

Cæterum in hujus novi Ordinis institutione tot fuere superanda impedimenta, ut vix animo non defecerit Antonius; at verò si quid secundum Deum, ac rectæ rationis præscriptum agere, maturâ deliberatione statuisset, id infractâ animi constantiâ prosequeretur, resque occurrebat ulla tam ardua, tamque difficilis, quam perficere se posse, divino fretus auxilio, non consideret; ipsi ut forti viro, crescebat animus in ipsâ rerum difficultate.



CAPUT XXXIV.

Congregatio augetur, nova excitantur domicilia.

Magno interea afficiebatur mœrore servus Dei. Favebat quidem Reverendissimus Ordinis Magister, plaudebant populi, Thorensis Prædicatorum familiæ fama manabat quotidie larius, verum nonus cum jam annus abierit, unum dumtaxat habet Thorensis domicilium; pauci ex aliis Provinciis adjunguntur focii, pauciores veniunt adolescentes regulari veste induendi, adeo ut Antonii res oblitus Deus ipse videatur. Veretur propterea ne dilabatur cæptum opus, nevé evanescant hæcenus suscepti labores, eò vel maxime quod Reverendissimus Joannes-Baptista de Marinis Generalis Magister, vir cæteroquæ mitissimus, ac sibi benevolus, de adscribendo viciniore Ordinis Provinciæ Thorensi Conventu, quorundam rogatu, seriò cogitaret.

Inter hæc, ad consuetum confugit orationis officium, Beatissimæ Mariæ Virginis patrocinium implorat, Sancti Patris. Dominici opem exposcit. In Avenionensi Conventu quò negotia vocaverant, antè Sanctissimum Eucharistiæ Sacramentum noctu, per solutis matutinis, postratus, Christo dum peramantèr conqueritur, superna hæc ipsi vox insonuit *Nonne tibi sum plusquam centum domus?* Hoc audito responso, vehementèr obstupuit Dei famulus, ingentique pudore oppressus *Utique Domine Jesu*, inquit, *tu mihi es omnia, præter te nihil amplius velim.*

Mirabilis Deus in Sanctis suis, qui nec tribulationes, nec jucunditates smit habere perpetuas, sed tùm de adversis, tùm de prosperis justorum via admirabili varietate contextit! Deus inquam, qui humiliat & sublevat, afflictum à mœrore Antonii animum erigit, ingentemque ipsi, novis beneficiis, addit alacritatem. Augetur instituta Congregatio, bonæ spei adolescentætes ad spirituales militiam dant nomina, crescit Novitiorum numerus, nova excitantur domicilia.

Rmus D. Ludovicus de Fortias Avenionensis, ex Episcopali Cavallicensi Sede, ad Carpentoractensem, translatus, quibus agebatur salutis animarum studio, ac pastorali solli-

S. Jean Chr.

citudine, apud Saltum per antiquam Superioris Gallo-Provinciae Civitatem novam domum anno 1658. ædificandam curavit, eo consilio ut, quæ in eandem Civitatem recens obrepserat Calvinianam hæresim, aut præfocaret Antonius, aut tantum malum, verbi Dei præconio, procùl à Diæcesis finibus depelleret.

Grassabatur tunc temporis in Aquissextiarum partibus eadem Calviniana pestis, viresque acquirebat eundo. Turbulenta multorum ingenia novitatis amor occupabat. Prophana ab Hæreticis Tempia ædificabantur, certum habebant, fixumque domicilium errorum Administri, palàm concionabantur, in manifesto versabatur vera, ac Catholica fides.

Ad hanc itaque debellandam hæresim, & coercendam Ministrorum audaciam, Antonium pugilem fortem, ac intrepidum veritatis defensorum anno 1660. destinavit Eminentissimus Cardinalis Hyeronimus Grimaldy Aquisensis Archiepiscopus, ac præ cæteris suæ Diæcesis, Civitatibus, Oppidum *de Cadenet*, quippè quod ad perficienda cogitata, aptius visum sit, delegit, ibique, tùm suâ, tùm Illiui Andree Marchionis *d'Oraison* ope, nova domus à fundamentis erecta est. Cadenetensem Prædicatorum familiam in suam fidem recepit prælaudatus Cardinalis, eamque, maximâ, quâ valebat auctoritate, jovit, quotiès se daret occasio.

Elapso quadriennio, anno scilicèt 1664. Reverendissimus Claudius *de Ruffier*, ex Cisterciensi Monacho factus Episcopus Tricastinus, audiens, quæ de Antonio, ejusque sociis mira dicebantur, datis litteris Dei famulum, Thori degentem, accersit, eique per solemnes sacræ Quadragesimæ dies in suâ Cathedrali Ecclesiâ, verbum Dei prædicandi munus injunxit.

Præsentia auxit famam. Antonium Apostolico zelo quotidie concionantem audivit Præsul piissimus opere ac sermone potentem pronunciavit, victusque asperitatem modestiam, humilitatem, ac temporalium bonorum contemptum demiratus, nullâ interpositâ morâ, emprâ, proprio ære Areâ ampliori, tùm ad extruendam domum, tùm ad hortum olitorium ordinandum idoneâ, concessâque à venerabili Capitulo Ecclesiâ extrâ Civitatis mœnia positâ, novi Conventus fecit initium, ut quod Vindascinus Comitatus, ac Gallo-

Provincia bonum possidebant, eodem itidem bono Delphinatus perfrueretur.

Anno 1672. Rmus Ludovicus Alphonsus de *Suarés* Avenionensis, ob virtutum, ac meritum insignia, antè tempus à sacris Ecclesiæ legibus præstitutum, Vasionensis Episcopus ordinatus, ut ovium sibi commissarum saluti prospiceret, totamque Diœcesim à pestiferâ gliscentium hæresum labe immunem servaret Vasionem, quæ Vindascini Comitatus perantiqua Civitas est, ad habendas tùm apud Hæreticos, tùm apud Catholicos sacras missiones Antonio, ejusque sociis domum extruendam curavit, eosque, quò citiùs perficeretur, decuniâ jovit.

Sextam apud Oppidum de Bedoin ejusdem Vindascini Comitatus, ac Diœcesis Carpentoractensis cœperat domum ædificare, at verò morte præventus hujus perficiendæ curam R. Patri Joanni Francisco Bernard, in Vicarii Generalis officio successori reliquit. De his, ac de Avisanensi, à Servi Dei obitu, extructo domicilio, vel etiâ de Dienfi domo à Tolosana Provinciâ ad sanctissimi Sacramenti Congregationem à Reverendissimo Patre Antonio Bremond Ordinis Magistro nupèr translatâ, fugiori narratione dicam in generali ejusdem Congregationis historiâ, propediem, si mihi vita contigerit, conscribendâ.

CAPUT XXXV.

Antonius informandis Fratribus totus incumbit.

QUoniam ad regularis cujuslibet instituti firmamentum, nequè illud quidè satisfactum est, Domum Domui adjungere, nisi has, qui incolunt Domos Religiosi viri, institutoris mentem affectu: sanctis legibus pareant, & ad præstitutum finem pervenire sedulò adnitantur, Antonius informandis fratribus, tùm publicis, tùm privatis ad locutionibus, datis litteris, voce, exemplo quovis possit modo, totus incumbit, ut quæ largâ manu spiritualia bona à Deo suscepit, in alios transfundat, ac curæ suæ commissi fratres religiosi moribus imbuantur.

Arch. Gabr.
tom. I. pag.
379. & alibi.

In tribus, inquit, paupertatis, castitatis, ac obedientiae votis regularis instituti summam consistere nemo non scit; verumtamen qui sanctitas Ordinis sui leges parvi pendet, easque volens, ac lubens, seclusâ necessitate, prætergreditur Religiosi viri nomine, ac titulo immeritò gloriatur, nè probus admodum dicendus est, nequè perfectus; idcirco quod voluntati Dei, à quo vocatus est, non respondeat, datam religioni frangat fidem, nè promissis steter; præterquam quod Spiritus sancti hæc verba sunt *Qui spernit modicam, paulatim decidet.*

Eccli. 9.

Hom. 25. in
Evang.

Decurrente tirocinio, ac emissâ professione per annos alii quot acquirendæ perfectioni, vel sedulo studuisse, sat nemini esse debet; ut quisque ætate progreditur, debet in virtutis studio proficere, virtus enim boni operis, ut monet Gregorius Magnus, perseverantia est.

Illud urgebat in primis, nè scilicet vitæ commodis nimium servientes, ac delicias amantes, corpus christianæ poenitentiae inimicum, proindèque omni asperitatum genere cruciandum blandius haberent, qui enim mundo valedixerit, à sensuum voluptatibus tenetur abstinere, annique decem ab ejus vitâ detrahentur, qui detruendâ valetudine plus nimio fuerit sollicitus. Quod usu compertum habeo (credat qui velit) promptior è morbo evadendi ratio est levioribus infirmitatibus non lenocinari, &, quò citius quis poterit, communem victum sequi: alia secularium, alia sunt religiosorum virorum remedia, illi delicatiori, isti austeriori cibo, ac mentis fervore citius convalescunt; eapropter fratres suos ad qui venerint frequentèr recogitare, cum sancto Bernardo hortabatur; parum namquè sit, omnia reliquisse, nisi inter relinquenda vos numerare memineritis.

Ordo Prædicatorum (prosequitur Antonius) unum Mariæ, alterum Marthæ complectitur officium. Instituti hujus vota professi, non suæ tantummodò, verum etiam proximorum salutis (quo profectò gloriosius nihil, nihil utilius sit) ut consulant, status ratio postulat; non mediocris propterea culpæ reus est, qui non prædicat, prædicare cum possit, nè facillè Regnum Cælorum solus ingreditur, qui, abscondito talento, ad Regnum Cælorum proximos ducere, ex neglectu, contemnit; concionatores propterea frequentèr monebat,

nebat, ut Cellæ addicti, nèc ultro citròque cursantes, aut orationi, piisque meditationibus vacarent, aut sacræ scripturæ libros, Sanctorumque Patrum volumina studiose perlegerent, quatenus sanctioribus disciplinis eruditi, populos edocerent publicè, quæ privatim didicissent.

Quod dispersi sint lapides Sanctuarii in capite omnium platearum vehementer dolebat servus Dei; quapropter, ut perraro in publicum venirent curæ suæ commissi fratres diligenter attendebat, eorumque è Claustro exitum Sancti Ludovici Bertrandi Valentini Conventus Prioris exemplum secutus, urgens dumtaxat necessitate, permittebat: *Miraculum, aiebat cum sancto Gregorio Magno, sit populis visa in publico persona Pastoris*, graviorique de causâ, visa persona religiosi viri, quippè qui mundo nuntium cum remisertit, solitudinem amore plùs cæteris debeat.

In r. Reg.
cap. 16.

Nullâ urgente causâ Parentes invisere, ad eos frequenter litteras dare, eorum negotiis implicari, res novas curiosius inquirere vitio tribuens, hæc Sancti Cypriani verba sæpius repetebat *considerandum est, fratres dilectissimi, & identidem recogitandum renunciasse nos seculo, & tanquàm hospites, ac peregrini hic interim nos degere; Patriam nostram Paradisum computamus, parentes Patriarchas habere jam capimus, quid non properamus, & currimus?*

CAPUT XXXVI.

Susceptam institutionem continuat.

TRaditis quæ ad privatæ vitæ rationem pertinent documentis, ad ea progreditur quæ Prælati in regendo, Concionatoribus in Prædicando, Confessariis in fidelium confessionibus audiendis, Procuratoribus, cèdè Syndicis in bonis temporalibus administrandis, vel etiam laicis in conquirendis elemosinis maximè convenient.

Prælati, inquit cum Sancto Augustino, non potestate dominante, sed charitate serviente felices existiment sese; in obeundis commissi muneris partibus ad majorem Dei gloriam actiones suas omnes, cogitationes suas omnes, omnia

Aug. ep. 64.
ad Aurel.

Greg. Mag.
lib. 10. Mor.

Greg. Mag.
lib. 2. super
Ezech.

concilia sua referant; caveant in primis, nè obtentâ Dignitate, superbiant; periculofam mentis elarionem fugiant, si quantò in loco superiori, tantò in majori periculo versari meminerint, ac judicium durissimum his qui præsunt esse faciendum mente recogitaverint. Ut salutifera adhortationum, ac piarum adlocutionum subjectis sibi fratribus præsint alimenta, debent ipsi orationis spirituali Pabulo enutriri. Non tam ex victus asperitate, ac spontaneis corporis afflictationibus, quàm ex sincerâ humilitate, ac promptiori obedientiâ eorum profectum metiantur, oportet. Exemplo magis, quàm verbo ad disciplinæ regularis observantiam pertrahere adnitantur; tanta autem dispensatione, ut monet S. Augustinus, temperent se, ut nequè cum erigunt se, intrinsecùs rigidi fiant nequè cùm se humilient, extrinsecùs remissi, quia & in disciplinâ humilitatem, & in humilitate disciplinam custodire fructuosi regiminis ratio postulat. Non asperè, non duritèr, non modo imperioso subditos emendent, & corrigant; magis docendo, quàm jubendo; magis monendo, quàm minando vitia tollant. Timeant cæterùm, nè si plus nimio velint hominibus placere, Christi servi non sint. Quoniam, monente Gregorio Magno, *Juvenes etiâ rectè sapientes, non debent incautè ad prædicandum proflire*, caveant diligentissimè Priores, nè Confessarii, aut Concionatoris officium committant, nisi fratribus moribus, ac scientiâ probatis, nè imperitiâ ministrantium vergat in perniciem animarum.

Quod omnium divinorum divinissimum sit, ad æternam animarum salutem cooperari, ut docet S. Dyonisius, Concionatores adhortabatur, ut Dominum nostrum Jesum-Christum absolutissimum Prædicatorum exemplar præ oculos habentes, ipsum imitari, eique sincerâ charitate adhærere niterentur, neque vellent adulatorio Sermone, aut humanâ sapientiâ hominibus placere. *Laudem namquè de prædicatione quærere, est rem magnam vili prætio vendere.*

A Prædicatoribus (eosdem alloquitur) non de propriâ tantummodò vitâ, sed de aliorum etiâ salute ratio reddenda est; illas propterea à vobis virtutes requirit Deus, quæ ad multorum salutem procurandam necessariæ sunt, atquè utiles, humilitatem, scilicet, Apostolicum zelum, modestiam, laborum tolerantiam, temporalium bonorum contemp-

tum, tecti humilis, ac cibi vilioris amorem, ut hoc facientes, & vos, & qui vos audiunt salvi fiant.

Persecutiones, & convicia pati, Catholicam fidem defendere, ejusque causâ, sanguinem fundere, ipsamque mortem, si sese occasio dederit, oppetere, exemplo S. Patris Dominici, parati sitis oportet.

Ut arduum (ejusdem Antonii verba sunt) ita fructuosum est, quodque augendæ pietati, serendisque virtutibus plurimum valeat, Confessariorum officium: privatim prædicantes, à turpi vitâ ad emendatiorem peccatores traducere, in arduâ salutis viâ justos confirmare, conscientiæ stimulos tollere, afflictos consolari, auxiliante Dei gratiâ, faciliè possint, si moralem Theologiam apprimè edocti, quibus par est prudentiâ, & charitate suo munere perfungantur; ipsorum propterea esse debet agendi ratio ab omni personarum acceptione aliena; culpanda namquè perversitas sit si pauperibus divites, ac plebeis nobiles in audiendis confessionibus prætulerint qui æternam omnium salutem indiscriminatim procurare tenentur. Cùm modestiâ, ac mansuetudine devitiis, evangelicâ libertate, redarguant; nèc nimiam severitatem adhibeant, nèc præposterâ indulgentiâ emolliantur. Oleum, & vinum inflictiis vulneribus infundant, ut efficacius ægroti sanentur. Ut perniciosam avaritiæ labem Confessarii effugiant, nullaque de ipsis possit esse suspicio, à munusculis recipiendis cautè abstineant.

A bonorum temporalium administris regularis disciplinæ relaxationem potissimum dimanare Antonius judicabat; in obeundo munere nimiam plerumquè utuntur libertate; è Claustro egredi ipsi liberum est; specioso servandæ, vel etiâ augendæ rei familiaris obtentu, spirituale bonum non satis curant, à sancitis legibus (quæ humana fragilitas est) facile recedunt. Eos diligenter Prælati observent, oportet. Syndici, ceu Procuratoris eis dumtaxat committant officium qui sapientiâ judicio, ac modestiâ præstent, quique Ordinibus legibus accuratè pareant, aberrantesque sensus identidem studeant revocare.

Nè verò Clerici, aut Sacerdotes à sacrarum litterarum studio, aut verbi ministerio averterentur, tot in qualibet Domo Conversos posuit, quot obeundis domesticis munijs,

ac erogandis ostiatim elemosinis sufficerent; hos porrò hortabatur frequentissimè, ut modò hùc, modò illùc discurrentes, dimissis vanis colloquiis, aut orarent, aut divina meditarentur; ut nemini essent oneri, repulsam æquo animo paterentur, communique cibo essent contenti. Vobis, aiebat, legis mysteria pro concione explicare, consentibus aurem præbere, cæteraque ecclesiastica obire ministeria per statum non licet; verùm tamèn bono virtutum exemplo, ferventiori prece, servatâ modestia, ac humilitate, piisque collocationibus Ecclesiæ utiles esse ac æternam proximorum salutem procurare vobis integrum est. Vitia, errores, pravos hominum mores sermone confectari Concionatorum, oratione verò, ac jejunio peccatorum conversionem à miserante Deo obtinere vestrum est. Doctores eximios, Concionatores eloquentiâ insignes, si careant humilitate, & iuanem gloriam aucupentur, excelsus Dominus à longè cognoscit; quandòque fit, ut qui proveniunt ex publicâ concione spirituales fructus, Concionatoris eloquentiæ minùs, quàm Conversi focii ferventioribus precibus tribuendi sint. His aliisque benè multis diversarum virtutum præceptionibus, quas prætereo, nè longior sim, institutæ Congregationis fratres Antonius informare nitebatur.

C A P U T X X X V I I .

Sacris Missionibus dat operam.

PRæcipuus est ordinis FF. Prædicatorum finis sacras Missiones habere, ac æternam proximorum salutem verbi ministerio procurare.

Saluberrimi officii hujus memor Antonius, auctâ Congregatione, eruditis ad regularem disciplinam fratribus, ac virtutum omnium præsidio munitus, verbi Dei prædicationi se totum dedit.

Tunc augendæ pietatis, ac dilatandæ fidei apostolico ardore succensus, nullum, ut infra patebit, vitabat periculum, nullum horrebat supplicium, & si millies posset mori, non putavit æternam gloriæ coronam posse se aliquâ ratione promereri.

Profligarâ in toto Galliæ Regno Calvinianâ hæresi, Turcicum Imperium ad christianam fidem, & Romanæ Ecclesiæ obedientiam traducere, Mahumetanorum delubra in sacra christianorum templa commutare, ac Christi Domini crucem, dejecto crescentis Lunæ signo, Constantinopolitanis arcibus reponere, propriæ etiâ vitæ periculo, vehementer optasset vir desideriorum. Audito apud Sinenses Evangelii progressu, ac Nannetenis Edicti recissione, summopere gavissus est. Hæc Congregatis fratribus Lætabundus nunciabat. Si quem in Japoniæ Imperio, aut alibi, pro Christianâ fide sanguinem fudisse audivisset, invidebat, quodque tanto honore prorsus indignum reputaret se, profusus lacrimis, afflictabatur.

Exteras, ut olim B. Patriarcha Dominicus, adire nationes constituerat; verum viciniore Vindaschini Comitatus. Ocitanæ inferioris, Gallo-Provinciæ, Delphinatus, Gebennarum, vel etiam Genevensis Agri regiones copiosam ei messem obtulerunt. Probat propterea novos milites Dux, confirmat pavidos, desides adhortatur, omnibus facit animos, opem B. M. Virginis, cui datum est cunctas hæreses in toto mundo interimere, enixis precibus implorat, ipsius Sacrum Rosarium, utpotè singulare ad vitia extirpanda præsidium, ingenti mentis fervore prædicat, nihilque prætermittit, quod hæreticos ad fidem, peccatores verò ad pœnitentiam alliciat. Discurrit, festinat, utque celerius à culpâ reviviscant, nunc quasi vicinam mortis foveam ostentat, nunc appropinquantem iratum judicem denunciât, præcipitum ostendit, gehennam comminatur, quodque erroris administri multos veræ fidei lumen recipere cupientes minis deterreant, ac sacrarum Aedium aditu prohibeant, non in Ecclesiis tantummodo, verum etiam in ipso platearum medio concionatur.

Quodvis Oppidum vespertinis horis ingressus, nullâ interpositâ morâ, nec præviâ fatigati corporis requie, ad Ecclesiam rectò adit, ac, annuente Parocho, datoque æris campani signo, suggestum conscendit concionaturus. Tunc effusè veniunt cives, relictâ cœnâ, servum Dei verba facientem audituri, nec extrâ culpam esse credunt, si, vel uni ex Antonii concionibus non interfuerint.

Cæterum minimè fucatæ eloquentiæ vir, non ineptos populi plausus, non vanam facundiæ commendationem, sed

sinceram audientium conversionem aucupatur, eo mentis fervore, ut peccati odium, ac virtutis amorem ipsorum cordibus ingeneret, divinique amoris ignem undique spirare videatur. Uberes lacrymæ, alta suspiria, iterati gemitus, & antè actæ vitæ detestatio Antonii concionem sequuntur: defixis humi oculis, ac sibimet irati discedunt, qui audierint, vel etiam sese ad ejus pedes abjiciunt, ut de tota vitâ confiteantur.

In unam, & alteram Lurmarinam, ac Vallis aquarum Regionem irrepererat Calviniana pestis, ac turbulenta quorundam ingenia novitatis amor occupaverat. Illuc clanculum veniebant errorum Ministri, universas domos subvertebant, docentes quæ non oportet, aut turpis lucri gratiâ, aut cæco falsæ religionis zelo; quodque pravis doctrinis Catholicos imbuerent, à rectâ fide permulti recedebant, ac in manifestum veniebat discrimen cæterorum fides.

In tantâ rerum perturbatione, totque ingruentibus malis, illuc, speciali Eminentissimi Cardinalis Grimaldy Aqueusium Archiepiscopi mandato advolavit Antonius, Ministrorum audaciam retudit, errorumque tenebras clarissimâ sacrarum scripturarum luce, veterumque Patrum sententiis depulit, quodque Calvinianâ hæresi nondum viriatos in rectâ fide retinuerit, eosque qui sese Sanctæ Romanæ Ecclesiæ, ejusque supremi Pastoris obedientiâ subtraxerant, ad eandem fidem revocaverit, prædictarum Vallium Apostolus dictus est, factusque est prælaudato Cardinali carissimus.

Calamitatem indignissimam subiit provinciæ Delphinatus, ac Diœcesis Vapincensis Oppidum *de Montbrun* anno circitèr 1652. hujusce loci Dominus, stirpis antiquitate clarissimus, ac nobilissimis totius pænè Provinciæ familiis, per antiquâ affinitate conjunctus, incautè, aut curiosè lectis libris Genevæ impressis, quique falsas de rebus fidei sententias continerent, tremendo Dei judicio, è Catholico, hæreticus Calvinista de repente effectus est. Exin sævientibus hæreticis apertè suffragatur, errorum ministros advocat, passis ulnis, porrectisque brachiis cujuslibet instituti apostatas excipit, perantiquum veteris Religionis morem abolere nititur, aded ut Oppidum *de Montbrun* minoris Genevæ in hac totâ Regione nomen obtimeat; quodque auctoritate plu-

rimum valeat, nisi citò citiùs ad calvinianas partes transferint subditi cives, bonorum spoliationem, vincula, carceres, ipsamque mortem comminatur; hi verò qui vitam potius perdant, quàm fidem, gravissimam hanc persecutionem passi, Antonii opem implorant.

Novam hanc profligandæ hæresis, ac tuendæ fidei occasionem nactus servus Dei, prædictum Oppidum *de Montbrun* fidentèr ingressus, in ipso amplioris plateæ medio ligneam Crucem extulit, ad ipsam quotidie sæpiùs per duos menses, de controversiis orationem habuit, hæreticorum fautori illac transeunti, nèc ferocientis viri auctoritate deterrius, Apostolicâ libertate, Apostasiam exprobravit, eo successu, ut, auxiliante Deo, titubantibus Catholicis in debitâ Sanctæ Romanæ Ecclesiæ obedientiâ confirmatis, permultos pestiferâ pravarum opinionum labe inquinatos, ad rectam fidem revocaverit.

Maxima Antonii, ac Sociorum hæc laus est, quod aliquot post annis, eorum operâ ac studio profligatis erroribus, vix hæreticorum unus ibi inventus sit, ejusque nobilis viri, qui eandem ditionem *de Montbrun* substitutionis jure possidet, religione, ac pietate, antecessorum excessus abundè compensentur.

CAPUT XXXVIII.

In Oppido de Merindol sacram missionem aggreditur.

EXtat in Gallo-Provinciâ, ac Diæcesi Aquisi, ad ipsos Vindasini Comitatus fines Oppidum *de Merindol*, ad prærupti montis declive positum; hunc in locum, utpotè munitiorem, adituque perdificilem, excusso Regiæ potestatis jugo, abjectisque Sanctæ Romanæ Ecclesiæ legibus, olim perfugerat Valdensium hæreticorum manus.

Decurrente seculo decimo-sexto, nèc relictis erroribus pristinis, sacrilegis Calvinii commentis ad unum omnes adhæserunt: nec Franciscus Primus Galliæ Rex, magno quamvis flagraret Catholicæ Religionis studio, pertinaciam frangere, neque Aquisi Senatus, sancitis legibus, valuit fanaticorum

superbiam superare. Robustiori improbitate domorum deflagrationem, ipsamque mortem errorum abjuratori anno 1545. permulti prætulērunt.

Reædificatæ sunt interea Domus, ac iteratò frequentatum est Oppidum incolis, qui nèc patribus meliores rem falsam pervicaciùs tuerentur.

Hos, urgente Christi charitate, ab errorum tenebris revocare, ac sylvescentis in dies agri, divinâ fretus ope, vepres revellere cum sit aggressus Antonius, eamdem obstinationem, ceû potiùs ferocitatem commonstrarunt Valdo-Calvinistæ Merindolani: infestis oculis advenientem intuentur, ædium aditu prohibent, tectum denegant, intrâ Oppidum pernoctare non patiuntur, periculum denunciant, mortem comminantur.

Quod hæc Apostolici viri zelum non modò non minuant, quin potiùs augeant, quodque pro fide mori lucrum credat, præmissis precibus, ac jejuniis, adjunctis sociis tribus, ac plurimis è viciniâ advocatis Catholicis comitatus, prædictum Oppidum, veræ fidei præconibus hæctenus impervium, multò manè intrepidè ingressus, in prominentiori loco sanctæ Crucis vexillum extulit, extructo, ac decentè ornato lignario Sacello sacrum fecit, sollemnem ingenti apparatu habuit supplicationem, ac Sanctissimum Eucharistiæ Sacramentum manu tenens, velut Josuè Arcam Domini, Urbem Jericho, profanum scilicet Calvinistarum Templum, sacros hymnos concinens circumivit, ardentiori zelo concionatus est, ac sacram per multos dies habendam missionem denunciavit.

Latantibus advenis, indignatione commoventur hæretici cives, debachantur, furuntque: quod verò Regiam potestatem, ac pœnarum sanctionem vereantur, ab omni contumeliâ abstinent, molestiam dissimulant, suum intrâ se animi dolorem taciti premunt, ac illatæ, ut vocant, injuriæ ultionem in aliud tempus remittunt.

Fervidissimi Missionarii præsentia hæreticorum manus quodammodò vinciebat, dicentem oderant, cujus animi magnitudinem, nullo infringendam periculo mirabantur; at verò, ut primùm abierit, erectam crucem dejiciunt, conculcant, in frustra discindunt, igne consumunt. Nèc inultum dimissum est sacrilegum facinus: exscripta totius rei gesta Acta, Aquis

Aquensis Senatus iudicibus missa sunt; quodque, rogatu humili, necnon amicorum favore Antonius impediatur, quominus reorum culpa sanguinis effusione puniatur, exilio alij, alij multa affecti sunt, edicitque sollemni iudicio summa Curia, ut novam Crucem dejectæ persimilem, propriis impendiis eodem loci quantocius statuunt hæretici, prohibuitque sanctione capitis, nè quis eam disturbare auderet in posterum. Hujus Sententiæ, ipsi Cruci affigendæ, executio Merindolanis Consulibus demandata est.

Nec propterea nefarii cohibentur hæreticorum conatus; Cadenetum, incumbente nocte, regredientem servum Dei ex insidiis adoriuntur, conviciis afficiunt, impostorem vocant, fustibus dirissimè cædunt, adeò, ut proprius nihil factatum sit, quam ut occideretur; ipse verò ad imitationem Christi capitis toleravit opprobria, sustinuit irrisiones, flagella non timuit, delectabatur, quicumque eum propter Evangelium vulnerasset. Ad nova subeunda certamina, divinâ ope servatus, quâ manibus, quâ pedibus reptans, cadenetum gaudens reversus est.

Aquissextiis tunc aderat Anna Austriaca, Galliæ Regina cum regio filio; quas Antonio moliebantur insidiæ Merindolani, ipsam non latuere; servum Dei verberibus contusum, ut primum audivit, horruit, tantoque facinore indignata, qui agros de Merindol sale seminatos, steriles facerent, quique, aut domos everterent, aut concremarent mittere præstò fuit, quodque animo constituerat, perfecisset profectò, nisi vincens in bono malum servus Dei, Reginam incunctanter, æger licet, cum adiisset, ab eâ in genua Pronus obsecratione humili, ut sententiam mutaret, obtinuit.

Quem Parisiis benè noverat Regina, comitèr admodum Aquassextias venientem excepit, cum ipso aliquandiù est colloca, quodque illatam à Merindolanis atrocem injuriam usque adeò remitteret, ac remittendam curaret, magna sibi incidit admiratio. Aulicis coràm sanctum appellavit. *Aureas cruces aliis petentibus*, inquit, *vir iste Sanctus reposita in Oppido de Merindol cruce lignea contentus est.* Regio filio, cui Parisiis benedixerat voluit, ut iterùm benediceret Aquissextiis discessurus, totiusque Regni foelicem statum suis precibus commendavit.

CAPUT XXXIX.

Regiâ potestate tutatur, Missionarius Apostolicus instituitur.

INtereâ Galliæ Rex christianissimus Ludovicus decimus-quartus, Calvinianæ pravitatis infectator accerrimus, catholicâ fide, æquè ac Regiâ potestate, ac heroicâ fortitudine verè Magnus, quod Antonius, ejusque focii in discrimen venirent apud hæreticos, quodque contumeliis affici, ac in habendis missionibus impediri audivisset, ut eorum salutem prospiceret, Diplomate regio, præmissâ præconis voce. in publicâ cujuslibet Civitatis, aut Oppidi plateâ affigendo, omnibus, & singulis Curiarum suarum Judicibus districtè præcepit, ut opem omnem, ac favorem Antonio, ejusque fociiis præstarent, prohibuitque capitalis poenæ sanctione Calvinianæ sectæ Administris, nè verbo, aut factò, ceù minis, vel alio quovis modo, à Missionariorum publicis concionibus, aut privatis colloquiis quemquam retrahere pertentarent. Datæ sunt hæ litteræ Aquisfextiis anno 1660. die decimâ-quartâ Martii.

Sed, & Summus Pontifex Alexander, eo nomine septimus, de Evangelicis Antonii laboribus, ab Eminentissimo Hyeronimo Cardinali Grimaldy Aquensium Archiepiscopo, ac Reverendissimo Josepho Mariâ de Suares Vasionensium Præsule certior factus, summoperè lætatus est, ac Brevi Apostolico continuandæ contrâ hæreticos missionis eum Præfectorum instituit, cum omnibus privilegiis, ac potestate, quæ apud Infideles Missionariis tribui solent. Subsecutum est super his anno 1662. die septimâ Decembris Sacræ Inquisitionis Generalis de Propagandâ Fide Decretum, eandemque gratiam concessit Antonio Clemens Decimus Alexandri Successor.



CAPUT XXX.

Intermissam in Oppido de Merindol sacram missionem repetit.

Pontificiâ, vel etiâ Regiâ auctoritate munitus Antonius, qui cæteroqui, ut prænotavimus, pro fide mori haud quaquâ interire crederet, sed gloriosâ sibi immortalẽ parare, redintegratâ sanitate, ac resumptis viribus, novo animi fervore, novoque profligandæ hæresis studio, Merindolium regressus est.

Ibi, ut firmiùs consisteret, comparatâ ampliori Domo, stru-ctoque, ac congruentè ornato Sacello sacrosanctum Missæ Sacrificium, reclusis foribus, palâm exequitur, Divinum Officiũ diũ noctuque cum Sociis, altâ voce, & alternis vicibus persolvit, Catholicis, qui ex vicinis Oppidis venerint, rectè vivendi præcepta tradit, aurem præbet confitentibus, Sanctissimum Christi Corpus impertitur, eosque qui, abjuratâ hæresi, ad veram fidem redierint, factâ sibi à Summo Pontifice potestate, reconciliat.

Hoc, vel ipso tempore, indictâ Provinciali Synodo Merindolium plures venerunt Calvinianæ hæresis Administri, ut quod bonum semen seminaverat Antonius, aut impedirent, aut zizania super seminarent: hi porrò, quos ille ad fidem, ac Romani Pontificis obedientiam adduxerat, tũ publicâ concione, tũ privatis colloquiis pervertere, vel etiam hæreticos in malo confirmare, intentis viribus nitebantur.

In armis stetit, nè ab acie recessit Christi miles, cumque potens esset exhortari in doctrinâ sanâ, & eos, qui contradicebant arguere, hæreticorum errores confutare, Catholicum Dogma evincere, captiosa Calvinistarum effugia refellere tantâ virtute, ac efficacîâ cepit, ut à miserabili errore, ad rectum fidei, ac salutis iter permulti revocati sint; multi verò, cùm indurarentur, & non crederent, maledicebant ei.

Neminem porrò insectabatur Antonius, aberat à concionibus, & colloquiis verborum asperitas, aberant impropria, à quærimoniæ; ingenii, quâ pollebat mansuetudine, om-

nibus omnia factus est, ut omnes Christo lucrificeret; Bellum faciebat, non ut provocaret, sed ut converteret.

C A P U T X X X X I.

Genevam versus progreditur.

Geneva Civitas in ipsis Helvetiæ, vel etiam Germaniæ faucibus posita, venalium commercio florens divitiis affluens, priscâ civium pietate celebris, quod fugato Pastore, ac dispersis ovibus, à recta fide & Catholicâ Religione desciverit, æternam subiit ignominiae labem

Illuc Sanctus Franciscus Salesius, boni Pastoris functus officio, non semel profectus est, ut errantes oves ad caulam reduceret, huc anno 1667. quâ mox dicam occasione, adire Antonius constituit.

Habitâ itaque in hac Avisanensi Civitate sacrâ Missionē, Vindaschini Comitatus, Gallo-Provinciæ, Delphinatus, Helviorum Velaunorum, Gabalorum, ac Cebennarum regionibus, sex annorum spatium, magnâ ex parte, peragratis, dum post Missæ sacrificium in gratiarum actione remaneret, repetitam hanc audivit cœlitus vocem, *Genevam adorire, Genevam adorire.*

Quod sacra expeditio hæc ipsi in mentem hæc tunc non venisset, obstupuit, ac inexplicabili gaudio repletus Geneventium conversionem vehementius explorare jam cœpit, quodque tarda molimina nesciat Spiritus sancti gratia ad peragendum longius iter illicò accinxit se.

Interea, ut à suscepto concilio detereat amicorum quisque tantum nititur, quantum potest; profectam ætatem obijciunt, denunciant pericula, difficilemque aditum exaggerant; at, inquit, catholicæ Religionis causâ Missionarios non paucos Genevenses hæretici martyrio affecere, itane vitam contemnis, ut mortem non timeas?

Sed frustra. In socium assumpto R. Patre Archangelo Gabriel pietate, doctrinâ ac zelo in primis commendabili, viam longiorem iniit pede, absque viatico lætus progressus est, emendicato pane victitans sexagenario major.

Celebre Montis floridi, Ordinis S. Patris Dominici Monasterium (Gratianopoli non longè distat) eundo, ac re-

deundo, cùm inviseret, ad regularem observantiam, ac Dei amorem vivis adhortationibus Moniales excitabat, easque monebat assiduè, ut rerum caducarum pertæfæ, cœlestia bona tantùmmodò desiderarent ut silentio, ac orationi impensè vacantes, secularium personarum frequentiores aditus, ac colloquia fugerent, & ut erat ipse demissione animi, victusque asperitate conspicuus, irâ eisdem eas virtutibus informare nitebatur.

Nobiles Virgines, quæ viri sanctitatem benè noverant, ut boni operis fierent participes, necessarios sumptus, tùm alendis Missionariis, tùm adornando luminaribus sacello, ubi ubi sacram missionem peregisset, per annos decem, alacri animo suppeditarunt.

Ut Genevensem Regionem vidit, Jesum-Christum, quem non dirutæ furentibus hæreticis sacrae Aedes Sacramento Altaris continerent, genuflexus, ac nudato capite adoravit, erectisque ad Cælum manibus, tenero affectu, & Apostolico zelo succensus *Adsis mihi Domine Jesu inquit, corporeis audientium auribus ipse loquar, tu loquere menti, cordi tu loquere ut discusso errorum nubilo, te audiant, qui veritas es, te sequantur, qui es via: Plantabo ipse, ipse rigabo, nequè enim sum aliquid. Tu Deus incrementum da, qui potens es, ac benignus.* Post hæc Reverendissimum Joannem d'Aranthon Genevensium Episcopum adiit. Hic Sancti Francisci Salesii sedis, ac pastoralis sollicitudinis hæres, quique unammodò Dei gloriam, ac commissarum curæ suæ ovium salutem cogitaret, & appeteret, cum Antonium, maxima sibi de viri incredibili zelo subiit admiratio; opem omnem peramanter pollicitus est, ac exploratâ peractiduum ipsius sanctimoniâ peragendæ missionis fecit copiam ac commendatitias ad omnes suæ Diœcesis Parochos misit.

Tunc Apostolicæ Sedis, ac tanti Præfulis auctoritate munitus, datisque litteris ad omnes institutæ Congregationis Priores, ut ipsorum precationibus scèlicem ineundæ missionis exitum comendaret, Genevam Civitatem circuevit, ac totam Regionem prædicando peragravit. Unius Parochiæ populo in pietatis studio roborato, pagos finitimos invisebat, nec ab eorum quoquam discedebat, quin aut ab hæresi ad fidem, aut à præcipiti vitiorum viâ ad rectum salutis iter permultos traduxisset,

Abundabant in hisce partibus errores, & terrores : Antonius errores sapientiâ, terrores animi fortitudine superavit ; nec hæreticorum sævitiam formidavit, nec persecutorum furore ejus constantia devicta succubuit.

Hanc tanti momenti missionem mensibus Septembri, & Octobri per annos decem, qui obitum præcesserunt apostolico zelo, ingentique mentis alacritate prosecutus est. *Genevæ profecturus, inquit, inardescit animus, provectioris ætatis oblitus, juventuti restitutor, redeunt vires, levipes fio.*

Archangelo Gabriel Antonii vitæ historiam prælo paranti, prælaudatus Genevensis Antistes Commentarium, suapte manu gallicè conscriptum misit. Hunc verbo tenus latinè expressum libens subjungo.

Ant. Tour.
com. s. p. 533.

Reverendus Pater Antonius le Quien Dominicanus in omnibus Paraciis ad trium leucarum spatium Genevæ Civitati circumpositis, duobus per decem annos mensibus laboravit. Ut promptius populi adducerentur, ac latius venirent, exhibitio Venerabili Eucharistia sacramento, quadragintâ horarum preces, ut vocant, exsolvebat. Bis, quandoque ter uno die habebat ad populum concionem. Horas decem, vel etiam duodecim in audiendis fidelium confessionibus perdurabat. Noctes ipsas in Ecclesiâ antè sanctissimum Eucharistia sacramentum, aut orans, aut Altaris suppedaneo innixus, ducebat. Radicibus, aut leguminibus vescebatur. Si præ nimia lassitudine, aliquantulâ requie indigeret, paleari culcitrâ, ut plurimum, quiescebat. Ne Ecclesiarum Rectoribus esset oneri, missâ Grætionopoli ab amicis pecuniâ Cereos, qui ad Altare accenderentur comparabat. Nihil à me petiit unquam. Quod mihi honori verterem, ad mensam meam, ut pauciori cibo vesceretur vix obtinui : prædicandi, & à peccatis absolvendi facultatem me genua nixus postulabat, hiscemet additis verbis, hanc, mi Domine, te gratiam rogo, ut mihi servo inutili adsit Deus, leviori-que labori meo faveat, deprecare. Novos calceos, ut admitteret, rogatus à me, attriti calcei ad pedem aptius conveniunt, iis commodius utor, bellè respondit. Panis frustulum, vinique semisextarium sibi, ut pauperi erogatum, ut maximè excipiebat loco discessurus. Iter agens de cibo nequaquam erat sollicitus. Hordeaceo pane vescentem, quamque ex viciniore rivulo aquam craterâ fictili hausisset, bibentem plurimi reperere, neque ab austeriori victu recessit sexagenario, vel etiam septuagenario major. Eximie sanctitatis vir ab omnibus passim dicebatur. Decur-

rente quam mecum habuit in Oppido de la Roche sacrâ missione, triginta quamvis adessent sacramenti poenitentiae administri Antonium omnes exquirebant, ut ipsi peccata confiterentur. Valida, ac suavis erat Antonii oratio. In quatuor Ducatus Sabaudiae Regionibus Genevæ finitimis, Getsenfi scilicet, Tremisensi, Valdensi, ac Caballicensi maximos fructus retulit Genevam saepe, ac fidenter ingressus, apostatas multos inde revocavit. Vbi ubi missionem perageret, haereticos non paucos catholicae fidei restituit, catholicos reiraxit à vitiis, ac familiis ipsis non levem attulit sanctitatem. Viros in primis nobiles à laxiori vivendi consuetudine, ad christianam perfectionem perduxit. Alterâ, quam in Getsenfi Regione habuit, peractâ Missione Genevam ingressus, per antiquam sancti Petri Sacram Aedem in prophanum Templum ab haereticis sacrilegè commutatam rectè adiit cum sociis, pro civium conversione oraturus. Attoniti praesentem audiunt, qui Rempublicam gerunt. Antonium accersunt, de diversis interrogant, quodque ipsius agendi modum non probent, Civitatis ingressum prohibent, ac dimittunt. Hæc Præsul sapientissimus.

Datis litteris ad Christianissimum Galliae Regem Ludovicum decimum - quartum, quod loci in Regione Genevensi sint res, debitâ reverentiâ Antonius admonuit: quod compertum habeo, inquit, Calvinistæ permulti hæresim fictè profitentur, quodque à Catholicâ Religione alieni non sint, ad Romanam Ecclesiam redeant profectò, si potenti quâ valet auctoritate Majestas vestra, liberum Catholicæ Religionis exercitium Genevensis Senatus concesserit. Quid rescripserit Rex sapientissimus, quemque habuerint exitum litteræ hæ, commentaria non referunt.

CAPUT XXXXII.

Variè ab hæreticis, vel etiam à Catholicis vexatur.

Christi ad discipulos hæc verba sunt si me persecuti sunt, & vos persequentur. Hoc cœlestis Magistri prædictum Antonius, mundo bellum illaturus, quod non nesciret, à suscepro prædicationis officio, ad quævis subeunda pericula obfirmavit se, omneque gaudium existimavit, si pro nomine

Jesu contumeliam pateretur enim verò probatissimi alioquin, ac gratissimi Deo, & hominibus viri necesse fuit, ut patientiam probaret tentatio. Maligno alii, alii invido animo infectati sunt.

Hæretici, quod ipsorum errores luculentè refellat, ut famam minuant, vel etiam tollant, nullam adversùs eum injuriam prætermittunt: veneficum, magum, impostorem, vagum, seductorem vocant, ad ejus perniciem vires suas omnes conferunt: nunc hìc, nunc illic Calvinistæ mulieres aquâ perfundunt prætereuntem. Pueri lapidibus appetunt. Obstrepant viri, ad tibiam saltant, tympano concrepant, ut concionantem impediunt, verberibus contusum tẽr lethalter sauciant; ille verò ingesta in se convitia, ac ludibria, voces improbas, & omnes alias insanæ multitudinis contumelias libentissimè perferebat, mirâque tot injuriarum tolerantia persecutores superabat.

In Genevensi Regione mendiculam instruunt, quæ in festo Dæmone captam dicat se, fascinoque, Antonii operâ, implicatam asseveret. Bilem movet amicis malevola ficti criminis offensio, ac mulierculam falsi convictam judici tradere, utique puniendam, presto sunt. Intercedit Antonius, & illatæ calumniæ gratiam facit ex animo, at, inquit, injurias ulcisci Christiano nefas, nequè enim *discipulus est suprà, Magistrum, nequè servus suprà Dominum suum; sufficit discipulo, ut sit sicut Magister ejus, & Servo sicut Dominus ejus.*

Merindolani hæretici, ut prænotavimus, fervidissimum Concionatorem ultrà modum persequuntur, comminantur, insidias struunt, necem non semel machinantur. Noctis silentio, de rebus piis dùm colloqueretur cùm fociis servus Dei, Domum circumveniunt armati, tumultuantur, furiosis vociferationibus infantiunt, Domus januam convellunt, in Antonii necem conspirant, quodque atrocis facinoris iniere consilium, profecto perficiant, nisi periclitanti subsidio venerint catholici, qui pro viri salute caput libentèr objiciant.

Inter hæc minimè trepidat, nèc minimùm commoveretur, piam allocutionem continuat, matutinum officium, in genua nixus, paccatâ mente, persolvit, nèc ultionem requirit.

Tantam injuriam impunitam non patiuntur supremæ Aquensis Curiaë Judices, quodque Religioni maximè faveant, Antonii

tonii vicem ipsi per sese ulciscuntur; reorum alios, Dei famulo ægrè ferente, carceri adjudicant, aliis gravem mulctam infligunt.

In ampliori Gallo-Provincia Civitate vir nobilis, idcirco quod ejus famulam sceleris consciam à libidine revocasset, seorsim inventum, instar belluæ ferro petita, aggressus est, ac nefanda aded in eum contorsit convicia, ut pejora in facinosum nequaquam possent; verum cum servus Dei parienti animo ferens nihil responderet, furiosus vir, à verbis ad verbera veniens cum fuste, repititis ictibus graviter percussit. Aggressoris nomen cautè celavit Antonius, nè de injuria apud Judicem expostulavit. Livoribus, quos ei verbera intulerunt, quasi quibusdam gloriabatur coronis.

CAPUT XXXXIII.

Avenione concionatur.

Sæviori sedatâ vexationum tempestate aliquandîd latuit Dei famulus in Thorenfi Domicilio, à conturbatione hominum, & contradictione linguarum remotus.

Annos natus quinque supra septuaginta, dùm congregatis pueris, ut ipsius usus ferebat, divinæ legis elementa explicare rusticolas instituere, pauperum confessiones excipere, eorumque, quoquid posset modo, inopiæ prospicere cum non intermitteret, optimi senis modestiæ, ac humilitati vis quædam illata est.

Optarat Reverendissimus Hyacinthus Libelly Ordinis Prædicarorum, ex sacris Apostolici Palatii Magistro, ad Avenionensem Archiepiscopatum recens assumptus, ut in principe sancti Agricoli, ejusdem amplissimæ Civitatis Parœciâ per adventum, & Quadragesimam Divini verbi Præconem ageret, eique accersito, quid veller, denunciavit.

Ingenti verecundiâ suffusus Antonius, ignosce quæso, mi Domine, ait, quod expertis præstare nequeo, proposito explendo muneri impar sum mihi omnium Concionatorum minimo data est gratia hæc in villulis tantummodò Christum nunciare, evangelizare pauperibus misit me Dominus.

Qui auditiv humilem, excusatum non habuit, urgere

non destitit, ac Reverendissimi Generalis Magistri auctoritate, ad suam sententiam traxit, præ humilitate, reluctanter.

Itaque doctissimi Præsulis voluntati obsecutus, austeriori jejunio, ac ferventiori prece præparatus, Avenionem, statuto tempore profectus est.

Ut primum dicentem audierunt Avenionenses, omnium in se oculos repente convertit, Urbemque totam ejus nominis fama pervasit; ipsius virtutes omnium sermone celebrantur, insolita concionantem civium corona commendabat, effusè veniebant proceres, ac plebæi adedò ut Ecclesia, quantumvis amplissima, auditores non caperet.

Rectam quidem docebat Antonius æternæ salutis viam, non tamen in sublimitate sermonis, aut sapientiæ annuntiabat Avenionensibus testimonium Christi. Ipsi sermo, & prædicatio sua non in persuasibilibus humanæ sapientiæ verbis, sed in ostensione spiritus, & virtutis. Sapientiam loquebatur inter perfectos, scientiam verò non hujus seculi neque Principum hujus seculi, qui destruuntur, non enim erat sicut plurimi adulterantes verbum Dei, sed ex sinceritate, sed sicut ex Deo, coram Deo, in Christo loquebatur.

Vitiorum turpitudinem, quæque gravia inferat damna lethale peccatum, eâ promebat vi, ut non levis audientibus ejusdem peccati horror incuteretur, & ad poenitentiam ex petendam incitatus, fletu, abominati criminis teste, madentibus oculis unusquisque discederet: ad certandum cum triplici humani generis hoste dæmone scilicet, mundo, ac carnis illecebris, tanto audientes hortabatur fervore, ut pugnae idonei efficerentur. Ex suggestu verba faciens Beatissimæ Mariæ Virginis sacri Rosarii signum lævâ manu tenebat, nec offendeabantur auditores.

Solutâ concione, eum multi conveniebant, ut consilia peterent, aut torius vitæ noxas confiterentur. Ab ipsa hora quarta matutina sacrum Antonii Tribunal ingens circumstabat civium numerus. Concurrerat autem multitudo vicinarum Civitatum Avenionem, afferentes ægros, ut liberarentur ab infirmitatibus suis: horum aliquot, signo crucis, brevique peractâ oratione, curasse perhibetur.

Dei famulum per id tempus, certiora edidisse miracula constanti famâ, atque omnium sermone celebratur; de his

Reverendissimo Avenionensi Archiepiscopo præcipiente, juridicè inquisitum est. Hæc augebant famam : hac de causâ, auditorum, ac pœnitentium crescebat quotidie numerus.

Urgente Christi charitate omni petenti tribuebat se ; quidquid, recitatis precibus, sacroque peracto superesset temporis, charitatis impendebat operibus. Nihil interea de conuersis sui corporis cruciatibus remittebat ; timebat enim, nè cum aliis prædicaverit, reprobis ipse efficeretur.

Delatos honores summâ humilitate respuens, quod tota plauderet Avenionensis Civitas dolebat, quamque pateretur animi anxietatem Archangelo Gabriel socio sæpenumerò testatus est. Fugâ, vanæ gloriæ periculum libenter declinasset, in secretiorem locum discessurus.

Quod inutilem servum reputaret se, sibi nihil, totum divinæ gratiæ tribuebat. Nihil habere quod non acceperit recordabatur, nè propterea gloriabatur quasi non accepisset.

Vulgati corporis mulierculas, necnon puellas, quæ ad dictam prætio haberent pudicitiam, quæque toti Civitati gravem offensionem facerent, à libidine turpique lucro unâ concione revocatas, ac de tota vita confitentes cum audivisset, approbante prælaudato Avenionensi Archiepiscopo, domo rebus omnibus necessariis instructâ conclusit. Hæc loco mutata, datisque eleemosinis aucta, Boni Pastoris domus hodiè dicitur.

Ut eum pertentaret (hæc narrabat mihi Archangelus Gabriel Antonii socius) ad prandium vocavit Sabbato Sancto Excellentissimus Prolegatus. Non ambigit servus Dei, nè oblatum honorem respuit, quique solo pane privarim vesceretur, de appositis dapibus sobriè usus est, ut scilicet austerioris hominis nomen effugeret : thunni oculum, qui profectò gustu jucundior est, furcinulâ eductum Antonio porrigens Prolegatus, hocnè frustulum, inquit, mei gratia comedes ? Obvio quolibet cibo utor, modestè respondit servus Dei.

Hunc agendi modum prudentiæ, vel etiam humilitati tribuit Prolegatus, ejusque, cum abiisset, laudes fusè prosecutus est.

Feriâ tertiâ post Pascha, perfunctus concionatoris officio, ac peractâ missione. ut plausus conviciis amariores declinaret, clam clabi statuit, sociumque secretò monuit, ut posttridie, multò mane, abire præstò sit.

Ant. Tour.
tom. 5. p. 535.

Præter spem, animoque repugnante, præventus est Antonius, nèc potuit cogitata perficere. Antequàm illucesceret circumcingitur Conventus, vici affluentium Civium turbâ replentur, qui sancti Concionatoris, ut aiunt, benedictionem expectent.

Reclusis foribus, Ostiarius velit, aut nolit, irritâ in præcavendo diligentia, Conventum tumultuosè ingrediuntur, in intimam usquè ædem penetrant, at, inquirunt, sanctum, ac Dei amicum volumus videre.

Inter hæc, quod devotiori populo aliquid tribuendum prudenter censeat Conventus Avenionensis Prior suadet Antonio, ut ad majus amplissimæ Ecclesiæ Altare sacrum faciat, sanctissimoque Eucharistiæ sacramento in manus sumpto, congregatæ multitudini benedicat.

Nèc populo factum est satis, nequè contenti discedunt qui advenerant; Antonium requirunt; usquè ad ipsum veniunt, detinere pertentant, timentque nè discedat ab eis.

Discessit interea, eoque abeunte, ea fuit undequaque confluentium civium multitudo, ut vix præfocatus non sit, quodque humili viro fuit permolestum, quodque accerbiorum pudoris, ac verecundiæ sensum attulit, transeunti offerebant ægros, ac malè habentes, ut imposita manu, pristinæ sanitati restitueret; alii flexis genibus, ut ipsis benediceret, deprecabantur; alii imprudenter irruerant in eum, vestes discerpuri.

Quapropter Excellentissimus Prolegatus de viri salute in primis sollicitus, Rhedam, necnon Helvetiorum manum misit, ut, è turbâ ereptus, Thorum incolumis deduceretur.

Effusè ex Urbe prodeunt Cives, quemque velociori cursu abeuntem non valent assequi, jucundis laudibus prosequuntur.

Ant. Tour, tom. 5. p. 535. Ex ferventiori hoc, ac insolito laudum, ac honorum impetu, novum Eliam mundo brevi tollendum præfagiebant viri sapientiores, nèc falsò sunt ominati.



CAPUT XXXXIV.

Genevam ultimùm proficiscitur.

IN Thorenſi Domicilio aliquandù commoratus, ad Oppidum de Merindol reverſus eſt, ut quod à multis annis coluerat rude ſolum, cœleſtis prædicationis imbre irrigaret, quæque inimicus homo ſuper feminaffet zizania, eradicaret.

Dein Maſſiliam adiit, ut cariffimas in Chriſto filias ſanctiſſimi ſacramenti Moniales obfirmaret in bono, quaſdam iſpis, quæ ſupervenerant, dubitationes tolleret, quæque forent peragenda præfiniret.

Pæſtoris optimi fungens officio, omnes inviſit Congregationis Domos, confirmans animas fratrum, exhortans que eos, ut permanerent in diſciplina Dei. *Deus autem gratiæ*, inquit, *qui vocavit vos, modicum paſſos ipſe perficiet ſolidabitque.*

I. Petr. 5.

Genevam poſtmodùm profeſtus, ibique à Regis Galliæ apud Rempublicam Oratore (Reſidentem vocant) peramantèr exceptus, in Oppidis, ac villulis Civitati circumpoſitis, conſuerſis Miſſionum exercitiis vacavit, novo populorum applauſu, novæque audientium utilitate.

Dei, qui exaltat humiles, permiſſu, qui Avenione delati fuerant honores Antonio, Maſſiliæ, Aquileſiis, Valentis, Viennæ & Gratianopoli renovati ſunt. Illac tranſiens totus mundus poſt eum abiit; ipſi pueri, lætis vocibus, prætereuntem ſequabantur, hi verò, quos habuiſſet obvios tranſeunti genua fleſcebant. Quanto tunc animi dolore torqueretur, in eo quem compoſuit Relationum Libro teſtatur, nèc quis facilè dixerit.

Rel. part. 2.

In Genevenſi Regione duobus circiter menſibus commoratus, ibique ſparſo Divini verbi ſemine, hinc menſe Julio deſinente digreſſus eſt ad propria reverſurus æſtivo calore longiori itinere, quod pedibus, ac emendicato pane de more conſecerat, nècnon copioſo imbre exhaustis viribus, die ſecundâ Auguſti Thorum devenit ſeptuagenario major.

Quartanâ febris vexatus, internam, quam patiebatur, corporis ægritudinem, ut omne solatium averteret à se, celavit tacitus; validi animi vir fatiscens artus spiritui servire cogebar: in pervigilio sancti Patris Dominici diù, noctuque Choro interfuit, pane, & aquâ contentus jejunavit.

Crasso Thorenses, salubri saltuenses utuntur Cœlo. Illud recuperandæ sanitatis gratia, suadentibus fratribus, profectus, præcelsum montem, quem Ventosum dicunt, sævientem boreali vento, ingentique exortâ procellâ, quam fugere non valuit, cum concidisset viribus, ad saltuensem Conventum semi-animis deductus, morti proximus omnium judicio visus est.

Verùm vocatis Medicis, diligentique adhibitâ curatione, interjectis aliquot diebus, aliquantulum instauratâ sanitate, sensibusque restitutus, ad Cadenerense Domicilium, quod graviora vocabant negotia, deferri velle testatus est.

C A P U T X X X X V .

Antonii Obitus.

Totâ saltuensi Civitate disseminato, in quo versabatur Dei famulus, vitæ periculo, auditoque, quod inierat abundi consilio, ingens illic tumultus fit, concurrunt cives de tanto thesauro solliciti, custodes adhibent, excubias agunt, Domum circumstant armati, nè scilicet clam, aut furtim effugiat.

Quid inter hæc venerandus senex? Quod abjectissimè sentiat de se, dolet, collacrymatur, baculo innixus, pudore, ac mœstitiâ oppressus ad Conventus januam cum venerit, nè abeuntem doleant humili, lenique sermone, rogat. *Boni estis vos*, inquit, *qui de me servo inutili curatis, meique miserrimi peccatoris estis solliciti; graviora me negotia vocant aliud, ut abeam, amabo vos, nè agrè patiamini.* Insistunt, orant, obsecrant, urgent, ut remaneat. Attamen quod virum maxime venerentur, eique præ angustiam, & ægritudine vix non deficienti nolint esse molestiores, ad propria mœsti revertuntur.

Interea quam prælaudatus Andreas *d'Oraison* Dominus de *Cadenet* præmiserat vectus læticia, ad Conventum de *Cadenet* cum pervenisset, tantus, subito impetu, effluxit à cerebro ad pectus noxius humor, die sextâ Octobris, ut vix præfocatus non sit.

Tum ultimum instare sibi diem præsentiens, præmissâ totius antea vitæ confessione, sacrum Eucharistiæ Viaticum humillimè petiit; eoque genuflexus, ac toto Ordinis habitu indutus, incredibili devotione, mentisque fervore refectus est.

Sacrâ peractâ unctione, ita alleviavit eum Deus, ut melius illicò habere jam cæperit. Visu, auditu, ac integrâ loquendi facultate ægro restitutus, quidquid superesset temporis ad extremum cum invisibili humani generis hoste ineundum certamen accinxit se. Diversarum virtutum; amoris nempe, humilitatis, ac poenitentiae ferventiores actus distinctâ, alarumque voce protulit. Amantissimus Pater circumstantibus, ac collacrymantibus filiis mutuam charitatem, in regulari observantiâ perseverantiam, evangelicæ paupertatis amorem, obedientiam, ac procurandæ proximorum salutis indeficiens studium, præsentis animo, commendavit. Quor, ubi, & à quibus habendæ forent in sequenti anno sacra missiones præfinivit, suumque Missionariorum cuique munus attribuit; cumque pro Summo Pontifice, Catholicæ Ecclesiæ felici statu, sacro Cardinalium Collegio, Reverendissimo Ordinis Magistro, ac demum pro à se institutâ Sanctissimi Sacramenti Congregatione singulatim orasset, totum se dedit mentis recollectioni, & inter sacra cum Christo crucifixo, cujus imaginem manu gestabat, divini amoris colloquia, cælestium bonorum æstuans desiderio, nullo prorsus cum morte luctamine placidissimè obdormivit in Domino in prædicto Conventu de *Cadenet* anno 1676. die septimâ Octobris horâ secundâ matutinâ, decurrente ætatis suæ anno 76. à suscepto regulari habitu 54. ab institutâ Congregatione 41.

Defuncti facies miro quodam fulgore resplenduit, quique sanctitatis formam prætulerat dum viveret, vitâ functus retinuit, auxitque; ipsum, citrà pii animi sensum, fuerit intuitus nemo.

Pervulgato Antonii obitu ingens repente factus est homi-

num concursus ; hi pedes , hi manus certatim exosculari , alii precatorias coronas corpori applicare , alii vestes discerpere , omnes ipsius opem implorare.

Nè verò ipsius corporis membra , multitudinis inconsultæ pietati paterent , qui turbam submoverent admoti sunt armati custodes. Cadenetensis Magistratus , prælaudatus Andreas Marchio *d'Oraison* , ejusque germanus frater Commendator *de Reneville* servi Dei exequias solemni ritu peractas , cohonestarunt.

Corpus ejus , ut præceperat moriturus , apparatu nullo , in prædicti Cadenetensis Conventus sacrâ Æde , in Præsbyterio ad dextrum latus aræ maximæ in communi Sacerdotum tumulto , arcâ lignea separatim inclusum ac debitè obseratum repositum est.

Antonium æternâ beatitudine perfrui permultis fuisse divinitus revelatum perhibetur ; multi , vel etiam in ecclesiasticâ dignitate constituti ipsum privatim invocare consueverunt , eique injuriam fecisse credant , si pro ipso oraverint. Ad ejus sepulchrum non Cives modò , verùm etiam alienigenæ veniunt solvendi voti causâ , ac de beneficiis à Deo , ejus patrocínio acceptis , gratias habituri. Advigilarunt jam indè à principio nostri , advigilant etiamnùm , nè Dei famulo , nondùm auditâ Ecclesiæ voce , ac Summi Pontificis oraculo , cultus publicus adhibeatur. De Antonii morte doloris plurimùm hausit Reverendissimus Joannes Thomas de Rocaberry Ordinis Prædicatorum Generalis Magister , datisque Romæ litteris ad R. admodùm Patrem Joannem Franciscum Bernard Congregationis Vicarium Generalem , & Antonii successorem , *Maximo doloris sensu* , inquit , *accepimus lugubres nuntios obitâs Venerabilis Patris Fr. Antonii Quevei , quem Deus meritis , quam amnis graviolem in Cælum transtulit ad paratas suas observantia striciori , salutisque animarum zelo coronas ; Verùm summopere desideramus , ut acta à præfato suavissima memoria Antonio Queveo , exactè colligantur , ut ejus vita posteris sit exemplo , nè enim tot beneficia , à Deo illi collata , ut lati audivimus , aeterno silentio danda sunt. Tu ipse multa vidisti , ac probasti , cuique erit , pro tuo in virum tam pium affectu , ut sincerè illa ad amussim describantur.*

CAPUT XXXVI.

Antonii forma, & statura Corporis.

Circumferuntur quædam, tùm Avenione, tùm Aquisfextiis sculptæ Antonii effigies, nèc ad veram ipsius formam delineatæ. Extat in Cadenetenfi Domicilio cerea totius vultus imago ex demortui facie perperam, & imperitè expressa. Aberret haud dubiè pîctor, ea si fuerit imitatus.

Ut à R. Patre Archangelo Gabriel ejus in obeundis missionibus, per trigintà annos, socio sæpenumerò audiivi, staturâ fuit quæ mediam superet. Totus corporis habitus ad gravitatem compositus. Serena fronte; hæc ætate procedente rugosa fit. Blando, mitique aspectu. Subrubeis genis priusquam senesceret. Inferius labrum levius eminet. Non naturæ vitio, sed modestiæ causâ capite ad dextram paululùm inclinato, Calvitium passus est Senex, ità tamèn, ut medium sinciput albi capilli flocum retineat.



LIBER SECUNDUS

ANTONII VITÆ.

DE PRÆCIPUIS IPSIUS VIRTUTIBUS SINGULATIM.

Cùm de his, quæ in Dei famulo virtutibus efful-
sere, obiter tantummodò, occasione datâ ege-
rim, ut scilicet narrationis textus continenti se-
rie duceretur, de eisdem pauló fufius dicere in-
tenti operis, ut quidem videtur mihi, ratio
postulat; ità fiet, auxiliante Deo, ut Novitiũ
nostri, qui Antonii mores fuerint demirati,
ejusque virtutum enarrationem unico veluti
tractu perlegerint, eum imitatione assequi ad-
nitantur. *Nàm si propterea justos, fidelesque diligimus,
quod in ipsis justitiam, fidemque suscipimus, possumus nos quo-
que esse quod sunt, si faciamus ipsi quod faciant.*

Cyp. de
Mart.

CAPUT PRIMUM.

Antonii in Deum Charitas.



UT perfectam quâ in Deum ardebat charitatem prorsus ostendam, exscribendi forent mihi libri tres, quos urgente jam senio, conscripsit, quique in Cadenensi Conventu reverentèr asservantur. In his ad Deum super omnia diligendum lectorem vehementius adhortando, nativis coloribus veram inflammati cordis sui speciem effinxit.

Dei gratiâ nedùm paternam Domum, ac carissimam matrem, verum etiam quas profectò obtinuisset in secula dignitates, ut Christum humilem sequeretur, spontè dimisit; in angustiis, in persecutionibus, in plagis, in verberibus,

VITA VENERAB. P. ANTONII. Lib. II. 81
in omnium rerum inopia per summam in Jesum Christum
dilectionem, quid dixerim, patienter habebat se? Gaudebat,
lætitiâ exultabat, delectabatur.

Anno 1650. ob hanc quam diximus causam, Romam ter-
ritum profectus Genevensi Regionem prætergradiens verba
hæc modulatis vocibus identidem decantabat *Bone Deus !
quanta in corde tuo dilectio, quantus amor ! vel hac Apostoli ad
Romanos : Quis nos separabit à charitate Christi ? tribulatio ? an
angustia ? an fames ? an nuditas ? an periculum ? an persecutio ? an
gladius ?* Hacque ratione, ut pro amore amorem rependeret,
inardescibat.

Deum consummatâ charitate, in cœlesti patriâ diligendi
tantâ flagrabat cupiditate, ut solvi corporis vinculis vehe-
mentius optaret; cumque ipsi integrum non esset, inflammati
cordis imperus cohibere, in Cellula solus parietibus ipsis Dei
amorem prædicabat, seseque in omnem partem circum agens,
quasi verò Orbem terrarum alloqueretur, in has voces erum-
pebat, Amorem ! Amorem ! Amorem !

Ad quemcumque litteras daret, quemcumque inviseret,
quemcumque alloqueretur ad Dei amorem pertrahere nite-
batur; hûc cogitationes omnes, hûc opera omnia, hûc om-
nia ipsius consilia referebantur: quotiès verò accerbissimam
Christi Domini mortem mente revolveret, pro Christo vicissim
(quod luculentissimum est dilectionis argumentum) mori cu-
piebat, & quoniam subeundi martirii ipsi defuerit occasio,
jugi poenitentia, susceptisque spontè cruciatibus, illud com-
pensare quoadvixit, vehementer studuit.

Hoc divini amoris æstu, tum maximè agebatur, cum vel
accepta à Deo beneficia secum cogitaret, vel sacrum Missæ
sacrificium obtulisset; tum divino pabulo refectus, seraphico
ardore succensus, ac miro quodam splendore coruscare, sæ-
penumero, ut prænotavimus visus est.

CAPUT II.

Ejusdem charitas in proximos.

Qui Deum amaret supèr omnia, proximos ut seipsum
diligere, ab ipsâ tenerâ ætate jam cœpit. Sortitus
animam bonam, totusque ad misericordiam composuit, tantâ

commiseratione pauperes, ac mendicos prosequeretur, ut dùm in Parisiensi Academiâ studiorum causâ versaretur, vel etiam regularem statum professus, proprias vestes in eorum usum libenter erogasset, si præ honestate licuisset. Advenientes mendicos lætus excipiebat; jucundiora cum eis miscebat colloquia.

Tantum abest, ut eos odisset, qui sibi mortem inferre pertentassent, ut omnia sua ineorum usum, amoris causâ, contulisset; quod cum aliàs tùm verò decurente Merindolana missione planissimè innotuit; hæreticos namquè qui sibi necem fuerant machinati, aut sacrilegi facinoris reos, quâ apud Aquis Senatus Judices valebat auctoritate, morte liberavit. In quadam Gallo-Provinciæ Civitate à viro nobili maledictis laceffitus, ac fustibus dirissimè cæsus, nedùm ultionem persecutus non est, verùm etiam percussoris nomen cautè celavit, nè ipsius honori ignominiae labem inferret.

Laudabilem hunc in singulis institutæ Congregationis Conventibus morem induxit, ut, cuilibet adveniienti mendico, pulmentum quotidie distribuatur: hujusce charitatis officii cum fuisset oblitus in Cadenetensi Conventu rei familiaris Procurator, tanto doloris sensu Antonius affectus est, ut culpam ab illo in seipsum transferens, ab omni pulmento, in Conventu degens, per annos decem abstineret.

Facillimus erat ad Antonium egenorum omnium aditus, eorumquè animos nedùm piâ consolatione demulcebat, verùm etiam tùm collectis, tùm spontè oblatiis elemosinis ipsorum inopiæ prospicere nitebatur. Ubi ubi per sacros Quadragesimæ dies habuisset ad populum conciones, taxatum pro habitâ missione stipendium, nè relicto sibi obolo, priusquàm è loco discederet, quamvis mendicatò ipse viveret, pauperibus erogabat.

Ædificabatur saltuensis Domus, duæque tantummodò exstabant ibi Cellulæ, totidè numero fratribus ad commorandum necessariæ; contigit tunc, ut heremita lacerâ veste indutus, sædoque vulnere malè affectus advenerit, enixè rogans, ut hospitio exciperetur: tunc Antonius, qui neminem repelleret à se, quique in personâ pauperum Christum ipsum agnosceret, nedùm quam incolebat Cellulam, verum etiam proprium lectulum heremitæ peramantè concessit;

ipse verò in Ecclesiâ antè Sanctissimum Eucharistiæ Sacramentum orans, noctem totam insomnem duxit. Ad Thorenſis Domus januam, sæviante hyeme, cum venisset mendicus nudis pedibus, detractos è vestigiò, quibus ipse induebatur, calceos ad eum misit. Longior profectò sim, si cuncta Antonii misericordiæ opera sigillatim recenseam.

CAPUT III.

Antonii præcipuus in sanctissimam Eucharistiam cultus.

Immensa divinæ largitatis beneficia exhibita populo christiano, inæstimabilem sanctissimæ Eucharistiæ conferunt dignitatem. Hoc Sacramento nullum prætiosius, mirabilius nullum, nullum salubrius. *Nihil ita ira impetum cohibet, superbiæ tumorem sedat, sanat livoris vulnus, extinguit libidinis flammam, sitim temperat avaritiæ, ac totius indecoris fugat pruriginem.* Huic proptereâ honorem præcipuum Antonius semper exhibuit, quem filiis suis impensè commendavit, eisque, veluti quodam hæreditario jure reliquit.

Bern. Serm.
15. in Cant.

Patriam, ac gentilitium cognomen oblitus, ut se totum Jesu Christo dicatum contestaretur à sanctissimo Sacramento nuncupari postulavit regulari veste induendus. Instituendam Congregationem eodem titulo insigniri à R^{mo}. Nicolao Rodulpho Ordinis Generali Magistro humiliter petiit: post *Salve Regina*, Antiphonam *Memoriam fecit* cum versiculo, & collectâ, in omne futurum tempus, finito Completorio, in quolibet Congregationis Conventu quotidie decantari præcepit. In Ecclesiâ antè divinissimum Eucharistiæ Sacramentum pernoctare solitus, modò genuflexus, modò extensis brachiis stans, tanto divini amoris flagrabat incendio, ut mirâ suavitare perfusus, in extasim quodammodò raperetur.

Quoties aut dubio fluctuaret, aut tribulationibus angere-
retur, multisque undique cinctus angustiis, ad Christum, veluti ad perennem luminis, ac consolationis fontem confugebat; hæc tanquàm ad Polum vertebatur Antonii mens. Ad Christum accedebat, & illuminabatur, ad eum veniebat, & reficiebatur, gustabat, & videbat quoniam suavis est Dominus.

Iter agens, cujusvis Civitatis, aut Oppidi sacram Ædem, quò longius posset videre, genuflexus, ac nudato capite Christum adorabat, ac peccatorum, qui in eadem Civitate, aut Oppido fuissent, conversionem, enixis precibus postulabat.

Urbem ingressus primùm omnium Ecclesiam, quantumvis remotam, vel longiori itinere fatigatus adibat, nèc indè discedebat, antequàm Jesu-Christo supremum amoris, ac reverentiæ cultum adhibuisset. Pium hunc agendi modum filiis suis valdè commendavit, ac in sanctissimi Sacramenti Congregatione obtinuit laudabilis consuetudo, ut hoc ab omnibus fiat.

Toto quo tempore in Genevensi Regione habuit sacras missiones, Æde sacrâ, quæ sanctissimum Eucharistiæ Sacramentum contineret ut Paradisi amenitate lætabatur; ibi pernoctabat in deliciis, ibi peculiaribus gratiis donatus est; ibi ab ubertate domus Dei repletus, ibi in meroribus, & angustiis cœlestis voluptatis torrente potatus est; ibi Antonii crescebat fides, adaugebatur spes, & charitas fiebat ardentior; hinc recta consilia, hinc quos in catholicâ Ecclesiâ uberes fructus protulit, quæque mirabilia operatus est, tanquàm à copiosissimo fonte dimanarunt.

Greg. lib. 2.
in 1. Reg.

Missam quotidie piissimo in Deum animo celebrabat, saturabatur quia famelicus, quique ab omni culpâ jejunalet, Divinum Sacramentum percipiebat in plenitudine virtutis: Sacro peracto gratiarum actionem protrahens, tantâ suavitate perfundebatur, ut præ gaudio aut defluerent lacrymæ, aut præ nimio æstu amor accresceret. Tunc nèc fide tantum, sed quodam etiâ animi sensu, Christum præsentem agnoscebat, ac dulciora miscebat gratitudinis, & amoris colloquia.

Ut sacrum faceret, tantoque bono perfrueretur, quatuor, vel etiâ quinque leucarum spatium plerumque confecit pede. Oblatum Missæ sacrificium Antonii lassitudinem abstergebat, redibant vires, ad prosequendum caprum iter fiebat vegetior; in fortitudine cibi illius præruptos montes sæpè præter gressus est, ætate longævus.

Institutam ab Urbano Papâ eo nomine quarto sanctissimi Sacramenti Solemnitatem majori quo poterat apparatu celebrabat. Per totam ejusdem festivitatis Octavam vix ab Ec-

clesia discedens, antè Altare majus in genua nixus, ac nudato capite noctes ducebat insomnes: cum alia multa, tunc vèl maximè cupiebat, ut ab hæreticis, aut indignè sumentibus, Christo irrogatæ injuriæ sarcirentur. Hujus sacramenti devorione mirificè affectus Ordinem Monialium, quibus à sanctissimo Sacramento nomen est, quæque Christum noctù, diùque perpetuò adorent, ut suprà diximus, Massiliæ instituit.

CAPUT IV.

Beatissimam Mariam Virginem veneratur.

POtens est Ordinis FF. Prædicatorum Advocata Beatissima Virgo Maria. Ipsius singulari patrocinio ad animarum salutem institutus, vitia depulit, hæresum monstra compressit, uberesque in horrea Patris familias fructus jam inde à principio reportavit. Ejusdem Beatissimæ Virginis patrocinium, ut assequeretur Antonius, in ejus fidem, ac clientelam commisit sese à puero; hanc Matrem agnovit, hanc filiali dilectione prosecutus est, ejus laudes, quoad vixit, impensè prædicavit, illius opem expertus, innumeris ab eâ gratiis donatus est. Pro suâ in sanctissimum Rosarium eximiâ devotione, cui in piissimo hoc Dei paræ Virginis cultu similem fortasse non invenias, voluit, ut omnes qui ædificarentur Conventus, aut consecrarentur Ecclesiæ, successivè dicarentur Deo in honorem mysteriorum quæ in sacro hoc orandi ritu percensentur.

In variis Galliæ Regni Provinciis ejusdem Rosarii societatem, aut instituit, aut jam pridem collapsam restituit, eique innumeros utriusque sexus Christi fideles adscripsit.

Voluit, ut in singulis institutæ Congregationis Conventibus vespertinis horis, præmissò æris campani signo, ex tribus una Rosarii pars congregato populo, omni indiscriminatum tempestate quotidie proponatur, adjunctis iis, quæ ad Christianam pietatem, ac vitia tollenda maximè conducant. In Tricastina Delphinatûs inferioris Civitate laudabilis hæc maximè viget, consuetudo. Ibi nedùm DD. Canonici, ve-

rùm etiã viri nobiles ac militum Duces, quique ex virtutis præscripto vitam agere desiderant, ad Prædicatorum Ecclesiam veniunt ut quotidianum Beatissimæ Mariæ Virgini pensum persolvant, in charitate crescant, suoque unusquisque munere rectè perfungatur.

Vèl iter agens Antonius Rosarii signum semper habebat præ manibus, adjunctâque mysteriorum meditatione, preces devotiori mente, quò posset sæpius, quotidie recitabat.

C A P U T V.

Antonii Humilitas.

Virtutes inter, quæ singularem Dei famuli sanctimoniam comprobarunt præstantissima aded enituit humilitas, ut, singulari Dei dono, in verbo, in opere, in colloquio, sive laudarent eum populi, sive contumeliis afficerent, nè levis quidem in eo apparuerit superbiæ nota.

Ut ad promissa humilibus præmia tutius pertingeret, virtuti huic acquirendæ, à suscepto regulari habitu, semper studuit; jam tùm eâ præstabat animi submissione, ut mortalium abjectissimum putaret se, ac peculiari sibi gloriæ duceret, ab omnibus contemni, & malè haberi.

Subesse cupiens, non præesse cujuslibet eum tædebat imperii. Gravare aliis semper præfuit, eo quamvis esset ingenio, ut quidquid exequi, ac præstare optimè posset. Imparem se, cæteros rebus administrandis idoneos putabat.

Sancti Patris Dominici exemplum secutus loca, in quibus honore haberetur devitare solitus, in quibus ludibrio esset libenter adibat. Urbes prætergrediens non frequentioribus, sed deviiis, quantumvis longioribus, ibat viis, ut scilicet plaudentis populi laudes declinaret.

Parisiis degens Optimates, aut viros nobiles, nisi necessitas cogeret, non inivit, nè aulico cultu Principum quempiam prosecutus est, cumque laudare se, aut despicere paris superbiæ periculum sit, nè gloriantèr de se dixit unquam nè contempnim.

Ne sensim in animam irreperet pestiferæ superbiæ virus,
hæc

hæc dum laudaretur, submissâ voce, verba recitabat, *Non nobis Domine, non nobis, sed nomini tuo da gloriam vel ista Gloria Patri, & Filio, & Spiritui Sancto.* Parisiensem patriam celans, de nomine percunctantibus respondebat *orate ut nomen meum scriptum sit in Cœlis.*

Quidquid in sui gloriam cederet, alto, perpetuoque premebat silentio, quæque accepisset cœlitus dona, intento adeo animo, occultabat, ut P. Joannes Dalmaffy, vir cæteroquin spiritualium usu exercitatissimus, annos octodecim cum Antonio commoratus de his vix quidquam cognovisse testatus sit. Hæc Confessarii jussu, urgente jam senio litteris quidem mandavit; verum nihil sibi, Divinæ gratiæ torum sic tribuit, ut nihil humilitati detrahat enarratio. Virginem Thereziam imitatus, qui accepta dona ad Dei gloriam recensuit, proprios defectus ad sui verecundiam non tacuit, sicque factum est, ut per scripta doceret posteros, & per humilitatem custodiret semetipsum.

Hæc secum reputans Christi Domini verba *Reges gentium dominantur eorum, vos autem non sic; sed qui major est in vobis, fiat sicut minor* nedum Prior verum etiam Congregationis Vicarius Generalis abjectissima obibat Conventûs ministeria; fratribus suis alacritè inservire, Domum verrere, coquinaria vasa mundare, januam custodire, ægris inservire, aquam abluendis manibus infundere, pultem mendicantibus dispartiri, peregrinos hospitio recipere, exemptâ mensâ, vasa efferre summopere lætabatur. Feriâ quintâ in Cœnâ Domini, ubi ubi inveniretur Christi exemplum securus, sociorum pedes suis ipse manibus lavabat, ac demissè osculabatur. Conquerentibus respondit aliquando *Rectorem te posuerunt, noli extolli, esto in illis, quasi unus ex ipsis.*

Luc. 12.

Prælatorum quorundam non leve hoc malum est, ut perfractè nimis in sententiâ persistent, quodcumque judicaverint rectum putent, initamque sententiam plus æquo deffendant. Ab hoc vicio Antonius abhoruit; diffidens sibi, juniores ipsos ad consilium adhibebat, eorumque stabat judicio quamvis à proprio sensu quandoquæ esset alienum.

Ecc. 32.

Demissè adeo sentiebat de se, ut mortalium infimum se crederet, sibi quæ cæteros omnes ad virtutem, & exemplo esse, & incitamento fateretur: propriæ infirmitatis me-

mor omnes sibi, se nemini præferebat, unique Dei misericordiæ nixus, merum nihil reputabat quidquid bonis operis moliretur.

Aug. sup.
Joan.

Perfacile est, ait S. Augustinus vestem contemptam habere, inclinato capite incedere, sed verum humilem patientia ostendit injuria. Graviores parabantur Dei famulo exercendæ humilitatis argumenta; in vitium vertebant nonnulli, quod ipsi erat gloriæ. In instituendæ Congregationis prosequendo consilio, in obeundis apud hæreticos sacris missionibus infensissimos habuit adversarios, qui nullam tùm publicè, tùm privatim injuriam prætermitterent. Variis laceffitibus verborum contumeliis, hilari semper fuit animo, nèc minimùm conquestus est. Patiebatur contemptibiliter haberi, quod sanctus Anselmus luculentissimum vocat sinceræ humilitatis argumentum.

In scholâ Christi edoctus, duro sermone furorem non suscitabat, sed molli responsione frangebat iram; nèc malum pro malo, nèc maledictum reddebat pro maledicto, sed e contrâ benedicebat, quia in hoc vocatum putabat se, ut cœleste Regnum patientiâ, & humilitate possideret.

Immanes injurias passus, moderatum aded præbuit se, ut persecutores ipsos in admirationem converterit, ab eisque exquisitissimis verbis postmodum laudatus sit. Sed de his quid plura? Tota Antonii vita, totusque ipsius agendi modus, perpetua fuit, & constans veræ humilitatis connexio.

CAPUT VI.

Antonii voluntaria Paupertas.

Actiori aded vinculo connectuntur humilitas & paupertas, ut tùm Scriptura sacra, tùm Sancti Ecclesiæ Patres humilitatem paupertatis, paupertatem humilitatis nomine appellare consueverint: æquo incedunt pede virtutes hæ: ut quisquis paupertatem amat, ita humilitati studet, ut quisquis humilitatem colit, paupertate delectatur. Christianæ perfectionis humilitas, regularis perfectionis paupertas basis est, ac fundamentum.

Virtute hac excelluit Antonius; nemo fortasse qui volun-

tariam plus amaverit paupertatem inventus est, & quidem, quod pauperiorem habuerit neminem universus quâ latè pater Ordo Prædicatorum, transmissio scripto testatus est è Dominicanorum Conventus sancti Honorati Parisiensium cœtu vir gravissimus.

Qui in ipsâ votorum solemnium nuncupatione omnia propter Christum detrimentum fecerat, aurum, argentum, amplas facultates, opes copiosas, affluentes divitias ad extremum usque spiritum, ut stercora arbitratus est. Terrenam substantiam pondus reputabat, non subsidium. Nihil proprium dicebat, nihil possidebat suum; omnibus tamquàm commondatis utebatur; quodque peregrinum procùl à Patriæ finibus extorrem haberet sese, futuram Civitatem inquirebat, ad hanc Antonii vora suspirabant. Doctorem Christum audiebat, quia est veritas; pauperem Christum sequebatur, quia est via.

Sancti Patris Dominici exemplum secutus, temporalia vitæ subsidia, cum iter ageret, nulla deferrebat, imò ab aliis spontè oblata, modestè respuebat, extremæ inopiæ incommoda alacri mente superabat.

Ab iis longè diversus, qui paupertatis titulo gloriantes, paupertatem quæ sequuntur incommoda, intentâ mente ablegant abs se, fiuntque, ut ait sanctus Augustinus, pauperes delicati, nedùm superfluis, verùm etiam necessariis destitutus superabundat gaudio, Deoque gratias agebat; non enim, ut monet S. Bernardus, paupertas virtus est, sed paupertatis amor & exercitatio.

Exquisiti nihil, prætiosi nihil ad usum adhibuit; duæ, tresve infabrè depictæ carthacæ imagines, sella paleis contexta, nullius artismensula, culcitrà, ac cervicali stramineis, laneoque stragulo instructus lectulus, arctiorem Cellam ardonabant, missis quiescentiis, quæ puerum magis deceant, quàm virum.

Cujuslibet regularis Instituti vota professos monet Sanctus Augustinus, ut nolint vestibis placere, sed moribus, nè interiores animæ sordes contrahat mundæ vestis nimius appetitus. Consilii hujus memor Antonius, quique paupertatem diligeret, sed non sordes, obsoletam quidem, sed tersam ab ipso religiosæ vitæ tirocinio vestem induit. Mundus semper, mundulus nunquam visus est.

Ab Eminentissimo Cardinali Hieronimo Grimaldy Aque-
n-
fium Archiepiscopo, novâ veste donatus erubuit, nec ausus
est in publicum venire, suumque Cadenetense Domicilium
regressus attristâ commutavit. Quæ paupertatem præmonstra-
rent, Religiosi viri divitias, ipsiusque præcipua ornamenta
dictitabat.

Valentiores escas respuens, de imbecillimis parcè vesceba-
tur; de insulsis, & inconditis nunquam conquestus est; in
obeundis sacris missionibus, à ruricolis aggrestem in morem,
vulgari cibo scilicèt, oleribus, ordeaceo pane, merâ aquâ
exceptus gaudebat, sibi que opatius nihil, nihil jucundius,
quàm si in fenili (quod sibi frequentèr contigit) pernoctare
cogeretur. Tùm solabatur socios, eosque ad majores pro proxi-
morum salute subeundos labores hortabatur. Internum animæ
gaudium, gaudiosa verba referebant.

Splendidâ suppellectili, instructo Cubili exceptus, non plu-
meum, formæque elegantioris stratum adibat, sed aut nudo cu-
babat tabulato, aut duriusculo famuli cujuspiam lectulo pau-
lulûm quiescebat, ut amicæ paupertatis incommoda perpetuò
sentiret.

Tantus inerat Antonio paupertatis amor, ut cupediam
omnem, vel æger respueret; nèc medicum ascrivit unquam,
nèc alicujus prætii pharmaco usus est: Æger olus mandu-
cabat, amariori intybo appetitum revelabat. Gravi morbo
decumbens, missum sibi à prælaudato Domino *d'Oraison*
perdicis pullum, ad Cadenetense Valetudinarium remitti
præcepit, at, inquit, nèc pauperem decent voluptuariæ escæ.

Qui egenorum statum Regum opibus, ac splendori ante-
poneret, mendico vetustis, vilibusque laciniiis operto, si
quem haberet obvium, invidebat, illius esse usquequaque
persimilem vehementèr optasset, illiusque vestem si præ ho-
nestate licuisset, alacritèr induisset. Dilexit Antonius deco-
rem Domus Dei, & locum habitationis gloriæ ejus. Con-
decens, ac munda, ut esset sacra suppellex intento advi-
gilabat studio: munditiam hanc Conventuum Prælati, ac
sacrarîi Custodibus strictè commendavit; verûntâmen præ-
tiosioribus ornamentis, argento, auroque contextis, ægrè
utebatur; quo factum est, ut Parisiensis Conventus cùm
Priorem ageret, à Vindascini Comitatus viro nobili (hic

Parifios advenerat, ipſique Antonius fuerat Avenione à confeſſionibus) in ipſo ſacrario, die ſollemni ſalutatus pergrave, ac ſplendidiffimum Pluviale deferens, Præſbyterium ingreſſurus, ut ſanctiſſimo Euchariftiæ Sacramento in manus ſumpto populo, benediceret, *en fili mi*, inquit, *quâ gravi, ac præfulgente Trabeâ onuſtus incedo, fœliciores nos, cùm Thori degentes leviùs veſtimur.*

CAPUT VII.

Ejuſdem Caſtimonia.

PUlchriùs nihil, nihil præſtabiliùs, quàm caſtus Evangelii Miniſter, qui in carne præter carnem vivens angelicam æmulatur puritatem. Chriſto integerrimæ Virginis filio quodammodò ſimilis, proximorum procurandæ ſaluti aptior fit, evangelicis laboribus gratiam accreſcit ampliorem, ac fructuoſior fit prædicatio; *nequè enim*, ait Gregorius Magnus *Opus bonum eſt aliquid ſine caſtitate.*

Una hæc ſemper fuit Pariſienſium Dominicanorum ſententia, tot inter præſentis ſæculi pericula, prætioſum virginitatis lilium Antonium conſervaviſſe, ſacramque Religionis veſtem hoc ornataſ monili induiſſe; hæc ad Dei gloriam teſtati ſunt, qui de totâ vitâ conſitentem audierant.

O mira Dei ſuper filios hominum conſilia! Nè magnitudo donorum extolleret Antonium datus eſt ei ſtimulus carnis, Angelus Satanæ, proſectò, ut heroica tanti viri virtus perficeretur.

Cùm delectaretur legi Dei ſecundùm interiorem hominem, videbat aliam legem in membris ſuis repugnantem legi mentis ſuæ. Qui ad luxuriam, ac blaſphemiam impellit malus Demon, immani adeò bello ſervum Dei eſt perſecutus, ut nihil ipſi diù, noctèque ab eo quietis conce-deretur; nunc obſcenas ſpecies ejus menti vehementer ob-ſistere, nunc verba blaſphemix auribus inſufflare, nunc inordinatos concupiſcentiæ motus in carne excitare.

Viribus, & animo defeciſſet, niſi Deus, qui in cœramen induxerat pavidum, ut coronaret victorem, preſtò aduſiſſet laboranti.

Hom. 13.
in Evan.

Ingravescente certamine quid agat Antonius? Infœlix ego homo, ait, quis me liberabit de corpore mortis hujus? Vicem suam dolet, humi dejectus ad Deum confugit, ipsius opem lacrymabundus implorat, Beatissimæ Mariæ Virgini ferventiores fundit preces, se totum Confessario patefacit, ejusque exquirat consilia; nec oratione modò, verùm etiam jejunio, genus hoc demoniorum conatur ejicere, ad saluterum Pœnitentiæ sacramentum quotidie recurrit.

Leves sunt, quos hæc tunc pertulit cruciatus, si cum iis, qui ipsi restant perferendi comparentur. Gravissimis tentationibus diù vexatus lascivientis carnis incitamenta constanter repulit à se, nec eis, vel minimùm, est obsecutus; quoniam verò bonarum mentium est, ait Gregorius Magnus, culpam agnoscere, ubi culpa non est, timet Antonius, ne illecebram peccati, aut incautus admiserit, aut in repellendâ fuerit deses: hæc volvens animo, accerrimis conscientiæ stimulis dies, noctesque pungitur, angoribus conficitur, mœrore contabescit; accerbus adedò est, ac vehemens quem patitur dolor, ut, vel ipsa præcordia discerpi sibi videantur. *Contentum nobiscum quotidie tentationes, contendunt nobiscum delectationes; & si non consentiamus, tamen molestiam patimur, & contendimus.*

Aug. in Psal.
148.

Nihil interea de ardentissimo salutis animarum studio, nihil de consuetis pœnitentiæ, ac pietatis exercitiis remisit, jejuniis, vigiliis, cæterisque corporis afflictationibus impensè vacavit, noctes orando ducebat insomnes, quinquennio in pane, & aquâ jejunavit, quamvis iter ageret, aut per sacros Quadragesimæ dies populis prædicaret; Sacellum Nostræ Dominæ De Rochefort in ipsis Ocitanæ finibus percelebre nudis pedibus (qui etiam itineris processu duris offendiculis sauciati, copioso fluebant cruore) frequentèr adiit, sacris missionibus, vel apud hæreticos periculosis, vel apud Catholicos difficillimis, perseverantèr, infractoque ab laboribus animo, operam dedit, ut scilicet æffetum corpus menti servire cogeretur.

Tandem quemadmodum, cadentibus ventis, acquiescit mare, ut discusso nubilo, serenum sit sic, sedatis anxietatibus pristinis, optatâ diù animi pax Antonio reddita est. In Cebennarum regione missionem habens, cum annos duos suprâ

triginta bonum certamen certasset, subacto satanâ, tantâ à miserante Deo castimoniâ donatus est, ut omni imposterum libidinis sensu carruerit, ac zonâ castitatis lumbos præcinctus, turpissimi vitii incitamenta non senserit.

Nec tamén fugatus hostis, frequentesque de Satanâ reportati triumphî, segnem egerunt Antonium; immundum spiritum, cum exierit ab homine reverti posse, Christo edocente, non nescit; quapropter cavere sibi, insidias suspicari, Demonis astus vereri, pericula prævidere, sensuum custodiæ advigilare, cilicio, flagellis, ferreo cingulo, aliisque poenis corpus atterere non destitit. Aprimè sciens prætiosum castitatis thesaurum in vasis fictilibus habere se, semper pavidus, nunquam fuit securus, ut caveret timenda, etiam tuta pertimuit. Diffidens sibi, quodque impudicum oculum, impudici cordis nuntium esse, à sancto Augustino didicerit, tum maximè ætate junior pepigit fœdus cum oculis suis, ut nè cogitaret quidem de virgine; à sæminarum consuetudine semper abhorrui, dejectis in terram oculis, nullam de facie novit, easque solius vocis sono dignoscebat; non nisi de Divinis cùm eis breviter colloquebatur, nunquam verò solus neque in loco ab arbitris remoto: subductus socius ipsum non audire quidem, sed conspiciari faciliè poterat.

Feminis ingenio acutioribus loquacibus, ac facetis nullus apud Antonium erat auditus, eas verò quibus aurem daret confitentibus ad alium sacræ Pœnitentiæ Administrum, vel reluctantes, identidem remittebat, nè sibi nimium addictæ in angusto sint, neque pietas ipsa in vitium verteretur: glutinosa namque seminarum mens omnibus, quæ frequentat, adhæret.

Biennio antèquam è vita migraret, ab illustri eximiae pulchritudinis feminâ Aquassextias, rogatu humili accersitus, ut de quibusdam magni momenti negotiis secum ageret, noluit acquiescere, eisqui, qui apud eum auctoritate valerent, confitanti animo restitit. Hæc audiens Eminentissimus Cardinalis Grimaldy, ejusdem Civitatis Archiepiscopus, Pater Antonius, inquit, talis est, ut nemo ipsi sit castitate similis.

Dum Avenione conciones ultimùm haberet, à viro nobili, iteratis precibus, tandèm obtinuit, ut inhonestam veneris effigiem concremaret; ad se missam, seque coràm explica-

tam noluit contueri, ne, inquit, ejus species menti meæ impressa remaneat.

Proh sancte Deus ! Antonius septuagenario major, exhaustis viribus, spontè susceptis cruciatibus attritus, castimoniâ donatus, diffidit sibi, timet, omne, vel leve criminis periculum reformidat, servandæ castitati totus advigilat, dùm juvenum plerique ætate firmâ, deliciis vacantes, à pœnitentiâ abhorrentes, variis concupiscentiæ motibus agitati, nullam adhibent in præcavendo solertiam; quò fit, ut præfumentes de se, & de suâ virtute gloriantes humiliet quandoque Deus.

CAPUT VIII.

Antonii obedientia.

Vir obediens
loquetur vic-
toriam. Prov.
21. 28.

QUOD victoriam locutus sit servus Dei, mirum nemini contingere velim. Vir fuit obediens, nedùm parentibus Domi, verùm etiâ in claustro Superioribus.

Obedientiæ votum in regulari Novitiorum professione emissum, ordine ultimum, cæteris præstat excellentiâ, merito, dignitate, perfectione. Contemnendum corpus, contemnendæ divitiæ aliis, digniora hoc voluntas, scilicet, libertas, anima Domino consecrantur. *Obedientia*, inquit Gregorius Magnus, *victimis jure præponitur, quia per victimas aliena caro, per obedientiam verò voluntas propria mactatur.*

Lib. 13. mor.

Virtutem hanc in primis coluit servus Dei. Nondùm institutâ Congregatione, cui plerumque præfuit, prælatos quos quot habuit in admirationem convertit; quâvis in partem facile agebatur, flexibilemque præbebat se ad omne ipsorum imperium; festivè adeò, tantâque mentis alacritate eorum obtemperabat voluntati, ut incesset eos cupido præcipiendi, ut obedientis delectaret diligentia.

Prælatos audiens, Christum ipsum audire putabat Sancti Bernardi monito obsecutus, non attendebat qualis esset qui præciperet, hoc solum contentus, quod præcepisset: juniores præpositi essent, an senes, morosi an faciles, commodi an graves, subasperi an mites parem eis adhibebat reverentiam; quippè qui

quippe qui Christi vicem gerant, ejusque personam exhibeant.

Quoniam hilarem datorem à Deo diligere sciret, non ex tristitia, aut necessitate, non servili metu, sed charitatis affectu, non timore pœnæ, sed amore justitiæ parebat: aberant excusationes, aberant obmurmurationes, aberant tædia. Quod jussus fuisset, seclusâ omni exceptione, exequabatur; non procrastinabat, sed statim parabat aures auditui, linguam voci, pedes itineri, manus operi. Se totum colligebat, ut mandatum perageret imperantis. Prælatorum voluntatem præveniens, quid optarent exquirebat; quicquid factum opus esset perfecturus. Tùm ipsissima ipsius erant verba hæc, *Ecce ego mitte me.*

Quod obedientiæ perfectio est, quod difficilius, quodque in inferioribus raro contigat, non actu exteriori solummodò Prælatorum jussu exequabatur, verùm etiam eorum consilia hàud perscrutatus, ipsis cum voluntate, judicium quoque submittebat.

Ut nihil dissimulem, emissâ sollemni professione, quod vehementiori ageretur perfectionis desiderio, ac magna ad Dei gloriam, & facere, & pari peroptaret, nollentque superiores ejus votis acquiescere, laboravit plurimùm, & quandoquè conquestus est; verùm, cùm id ei vitio dedisset Novitorum Magister, gravioris culpæ reum inculpavit se, nè eam admisit in posterum.

Tantum in virtutis obedientiæ studio, jam indè à principio processerat, ut Parisiis novitium agens mortem ipsam vel levi inobedientiæ prætulisset, accerbiora mala quandoque passus est, multisque victui necessariis religiosâ anxietate abstinuit, nè Prælatorum, quos statim adire nequireret, jussu violaret, eamque sibi ab initio intulit vim, ut obedientia sibi innata, non labore acquisita videretur.

Postquàm annos quinque suprâ viginti Congregationi præfuisset, consecrâ jam ætate, Patribus Joanni Dalmasly, & Hyancintho Faumont, qui ei in Vicarii Generalis officio successerant quasi verò puer iterum effectus attentâ adèdmente obtemperabat, ut nihil sinè ipsorum consilio moliretur, totusque eorum nutupenderet.

Nequè præpositis tantùm, verùm etiam Confessario, quantumvis juniore, quemque habuisset Novitium, audientem

adèd præbebat se, ut ejus monita pro oraculis duceret, ac quemadmodum in salutis viâ cæcutiret manuduci posset. Se totum illi patefaciens, suam mentem, sua consilia, intimosque animi sensus tantâ simplicitate aperiebat, ac si regularis Instituti tirocinium vix poneret, ac in Divinis rudis foret, ac peregrinus.

Maxima in hoc Dei famuli obedientia enituit, quod, eodem Confessario præcipiente, totius antèactæ victæ suæ historiam litteris commendavit: vix adscribendum est adductus, quemque retrahebat humilitas, obedientia superavit.

C A P U T IX.

Quæ de Antonio mirabilia prædicantur.

TAmetsi nihil reputaret se servus Dei, signa tamen Apostolatus sui super multos facta sunt in signis, & virtutibus multis. Viventem, ac vita functum plurimis ferunt miraculis coruscasse.

Præter ea, quæ superiori libro ei divinitus contigisse relinimus, non pauca de eo mirabilia prædicantur, quorum aliqua sigillatim recensere nobis visum est, tum ut legentium animos religione augeant, tum verò, ut admiranda Dei pietas in humanum genus ex beneficiis servorum deprecatione acceptis magis, magisque elucescat.

Anno 1635. Avenione Romam profectus, cum in Oppido de Merindol ad Druentiam flumen dies aliquot constitisset concionaturus, Elizabetam Blanc nobilem adolescentulam, imposito ipsius capiti, quo ipse vestiebatur scapulari, à strumis adèd liberavit, ut nè levem quidem hujusce ægritudinis molestiam perensisset R. Patri Archangelo Gabriel affirmavit ejusdem adolescentulæ Mater ætate longæva. Mulierem à mensibus octodecim paralyticam integerrimæ sanitati restituit. Mulierem alteram à sanguinis profluvio, & stomachi resolutione, fuis ad Deum precibus, curavit. Puellam tumescere, ac transverso capite deformem; alteram verò brachii stupore percussam, distortis oculis, cæcam ferè, ac surdam ad pristinam valetudinem revocavit. Pueros duos

herniâ unum, confractis à lapsu humeris alterum ad sanitatem reduxit. Aurialum *Fournilier* ruri degentem, à plantâ pedis ad renes usquè, à tribus annis, absquè ullâ recuperandæ sanitatis spe, membris omnibus captum signo crucis, stupentibus parentibus, sanavit; tùm distractis, quibus priusquam ægrotaret induebatur vestibus, è lecto surgens novis indui postulavit: repentinæ hujusce curationis testes fuerunt prædicti Oppidi incolæ omnes. Avenione anno 1634. cùm Magistri Novitiorum officio fungeretur, Eleonoram tertium Sancti Patris Dominici Ordinem professam, graviter ægotantem cùm invisisset, quid hîc moraris filia? inquit, Nostræ Dominae de Donis Sacram Ædem (hæc est Metropolis) perge, ac Domum reversa in te flagris animadverte. Paruit Eleonora, ac integræ valetudini restituta est. Eodem planè modo Maria de *Blondeau*, cujus sanctioris vitæ gesta Antonius ipse conscripsit, à diuturnâ infirmitate curata est.

In Sacello de *Lagnès* Antonij orantis caput flammeus radius; spectante populo, non semel exornavit, ac facies resplenduit. Ibi renovatum est miraculum quod, Prædicatorum Ordinis exordio, B. Patriarchæ Dominici precibus operatus est Deus. modica namquè panis, quæ superfuerant fragmenta, quæ duobus reficiendis fratribus fuissent satis, sic Antonij precibus multiplicavit Deus, ut duodecim inde refecti sint. Antonio Romam appropinquanti Christus apparuit, ac de institutendæ propediem Congregationis sælici exitu fecit certiozem.

Prophetica prænotione Dei famulum claruisse, ac secreta cordium non semel penetrasse omnium dùm viveret, fuit fama consentiens. Quidquid Fr. Stephanus Conversus cogitaret, quidvè mente revolveret ipsi patefecit, ac distinctè explicuit. Hæc anno 1702. in Saltuensi Conventu eundem Stephanum sexagenario majorem ac veritatis amicum enarrantem ipsemet audiui.

Anno 1664. quod gravissima Massiliæ pestis immineret, magna subiit civibus trepidatio. Recipere sese, ac in tutum abire præsto sunt. Quid agant, quidvè consilii capiant Antonium consulunt Monasterii sanctissimi Sacramenti Moniales, ipse verò datis litteris timore liberat, securitatem facit, ac contagio immunem fore Civitatem, conceptis verbis, rescribit.

Urbe totâ disseminato Antonij responso, cùm ex timore

collegerint se Massilienses, domi remanent, ad propria redeunt, qui abierant, & ab infligendâ divinitûs calamitate, famuli Dei precibus, liberatos se, unâ voce confitentur.

In Oppido de Cadenet Francisca Brun paralytica defuncti pheretro admota, ingenti omnium stupore, & gaudio fanata est, ac vitam duxit longiorem incolumis. Alia multa refert Archangelus Gabriel Antonii miracula; hæc prætereo, nè longior sim.

C A P U T X.

Antonii Opera ascetica & historica.

A Ugendæ fidelium pietati, aut propugnandæ adversus hæreticos Catholicæ religioni egregiam, quandiù vixit, navavit operam servus Dei, ut ex prædictis constat; quædam tamèn, subcivis horis, ad ampliorem, tùm Congregationis fratrum, tùm SS. Sacramenti Monialium institutionem, opera gallicè composuit. Sunt autem hæc.

Vita Christi abscondita, à duodecimo, scilicet, ad trigessimum usque ætatis annum. Avenione impress. anno 1659. & iterum ibidem, postea Biterris 1662. Opellam hanc italicè redditam Eminentissimus Cardinalis Antonius Barberinus Romæ excudi curavit. Sanctificatio animæ idest de his quæ ad christianam perfectionem maximè conducunt. Opus posthumum impress. yvenione anno 1685.

Directorium spirituale. Docet quæ agenda, quæque ab iis sunt vitanda, qui virtutem sectari, vitamque sanctiorem ducere sincere desiderant.

De abnegatione sui ipsius. Hoc in opere à temporalium rerum cognitâ vanitate, animam ducit ad earundem contemptum, ut soli Deo adhæreat, eumque diligit super omnia.

Jesu Christi in animam amor. Dialogus est, ceù colloquium. Christus exponit animæ sponsæ, quæ ipsi hactenùs præstitit bona, quæ quotidie præstat, quæque in posterum præstanda disponit in triplici ordine naturæ, gratiæ, & gloriæ. Christo anima respondet ardentissimis amoris, ac gratitudinis affectibus.

Vita Venerabilis Mariæ de Blondeau Tertii Ordinis sancti
Parris Dominici sororis, ac Avenione virtutum famâ per-
celebris.

Relationes, ceterâ vitæ suæ, ac gestorum commentarii his-
toricè conscripti. Hoc in opere fusiori narratione conscripto,
& quadrifariam diviso, hæc præstat. Primo sigillatim refert
quæcumque sibi in instituendâ congregatione contingere. Se-
cundò causas exponit, quæ ad hanc instituendam potissi-
mum impulerunt. Tertiò per censet difficultates, quosque la-
bores habuit perferendos in hujus operis executione. Quar-
tò ad suorum preces, vel etiâ prævio confessarii jussu,
ad majorem Dei gloriam enarrat gratias omnes, quibus à
miserante Deo donatus est.

Spiritualium exercitiorum liber in duas partes distributus.
Primâ Novitii ad emittendam professionem, alterâ verò or-
dinandi ad sacros Ordines ritè suscipiendos disponuntur.





LIBER TERTIUS.

ANTONII DISCIPULI PRÆSTANTIORES.

Cum sacro eloquio testante, gloria Patris sit filius sapiens, Antonii à Sanctissimo Sacramento laudibus plurimum detrhaxerim, si eorum, qui ejusdem præceptis, ac disciplinâ eruditi institutam ab eo Congregationem potissimum illustrant virtutes, vel strictum non recenseam. Id, ut opinor, postulat suscepti operis ratio.

CAPUT PRIMUM

Joannes Dalmassy à sanctissimâ Trinitate.

Fecit Deus Antonio adjutorium simile sibi, quâ die Joannem Dalmassy perduxit in lucem. Hic, ob præclaras quibus pollebat animi dotes, morum integritatem, scilicet, animi fortitudinem, perfectam disciplinæ regularis observantiam, ac ardentissimum salutis animarum studium famulo Dei fuit semper gratissimus. Firmissimum institutæ Congregationis fulcimentum, fidelem, vel in rebus gerendis, vel in laboribus perferendis datum sibi à Deo comilitonem dictitabat, eumque à suscepto regulari habitu nè levitèr quidem consultâ voluntate, peccasse sæpenumero contestatus est.

Jac. Ech.
tom. 2.

Non Glandevæ, ut nuperrimus Author scripsit (ampla enim, & perantiqua Civitas hæc, Alpium maritimarum Metropolis circâ annum 700. à Sarracenis, ut ferunt, funditus everfa, extat nomine tenus, civesque, sedatâ tempestate, ad amplificatum Oppidum d'Entrevaux domicilium transtulerunt) sed in eo Comitatus Nicænsis, ac Diæcesis Glandevenfis Oppido, quod vocant *les Cros* copiosis, nobilibusque parentibus anno à Virginis partu 1609. die vigesimâ octavâ Septembris natus est.

Fratri sui filius Niceam cum totâ familiâ translato domicilio, ibique obtentâ Senatoris ampliori dignitate, sapientiâ, morumque integritate omnibus, quoadvixit, præfulgere visus est. Posterî Consulatu, reique politicæ præfeturâ egregie perfunguntur, dùm hæc scribo.

Piè, ac ingenuè in Patriâ educatus, domestici Magistrî curâ primis litterarum rudimentis imbutus, ab eoque grammaticam edoctus, Aquassextias, studiorum causâ, missus, magnos ad sciëntiam, majores ad pietatem habuit progressus.

Ibi juris sui quodammodò factus, ad orationem cæpit junium adhibere, animam frequentiori Sacramentorum usu reficere, vigiliis, arctiorique pœnitentiâ corpus atterere. Clarissimum ibi virtutum omnium, præsertim verò castimonîæ, humilitatis, ac modestiæ specimen exhibuit se. Ibi ardentiori charitate proximos complexus; defraudabat se victu suo, vestituque elegantiori, ut missam à prædivite Patre copiosam pecuniam, largiori manu, in sinu pauperum absconderet: proinde ac si Monachi professus fuisset institutum, perraro procedebat in publicum, cœtus devitabat, conviviis non intererat, refugiebat à ludis, abhorrebat spectacula; conclusus Domi, aut studio, aut piorum librorum lectioni vacabat. Bis tantummodò uno die parco utebatur cibo, potuque, nèc à laudabili hac consuetudine, aut amicorum inductu, aut condiscipulorum molestiis recessit.

Copiosa, ac percelebris Aquissextiarum Civitas, cujus perelegantes ædes, ampla compita, ad amussim directas vias, rhedarium curriculum salientibus aquis, ulmisque frondosis duplici ordine hinc, inde digestis, ornatum mirantur alienigenæ, Joannem curiosum non habuit; quæ ad Ecclesiam, aut Collegium viam duceret tantummodò novit, toto quo tempore, Aquissextiis est commoratus.

Nèc propterea ab comitate alienum, aut à naturâ tristem quis dixerit: Jucundæ consuetudinis adolescens fastidiebat quidem quæ mundi sunt, verumtamen piis exercitiis potissimum delectatus, internum animæ gaudium ipso vultu præferebat.

Quod cœlestem Jerusalem jam tùm conspiceret, defixumque teneret ad Christum mentis oculum, perfectioribus destinari, altiusque Dei gratiâ provehendum præfagebant

Aquiseptiensis, nèc falsò sunt ominati; novemdecim quippè annos natus, humaniorum litterarum peracto curriculo, mundo, cui nunquam adhæserat, nuntium remittere secretò constituit.

Nèc parentes latuit diù susceptum à carissimo filio consilium; hospes namquè piissimi adolescentis mentem subodoratus, optimum factu judicavit, si eos per litteras commoneret: hi verò quod maximam in Joanne reponerent spem, quique Ordini Ecclesiastico, aut seculari Dignitati filium destinassent in mœrore versati sunt ex nuncio.

Mater, quæ ad persuadendum aptior visa est, quæque apud Joannem auctoritate, & gratiâ plurimum posset, Aquiseptias nihil cunctata venit, ut Joannis voluntatem, aliò flecteret: nèc triginta leucarum spatium à suscipiendo longiori itinere fœminam deterruit.

Ut filium vidit lacrymis statim locuta est, quæ voce non poterat, eum esse ingratum criminata est, sua illi exprobravit officia: heù, inquit, in parentes filiorum pietas! O infœlicem me! Siccinè lac triennio dedi, & alui, ut nos deseras! Nihil mihi, Patri tuo nihil ad dolorem accerbius accadat.

At verò quod firmavit Deus commovere, quodque planxit revellere quis valeat? Dolorem tuum doleo, Mater amantiſſima, respondit Joannes, gratiam agnosco tuam, nèc beneficiorum immemor sum, at hæc Christi vocantis injuria est expectare placitum: frater mihi est natu minor, hic amplam, nèc invitum hæreditatem admittet.

Quàm pulchra juvenis virtus? iratæ Matris vultum sustinet, nullis blanditiarum illecebris, nullis percensitis honorum titulis, non allatis prætiosis vestibus, ac molliori linteo, à proposito dimovetur; Matri uberrimè flenti constanti animo resistit, internoque Christi vocantis amore, tenerum ejus affectum superavit.

Victor è periculoso certamine, ut Christo arctius conjungeretur, ad Prædicatorum Avenionense domicilium eruditione, asperiori victu, ac regulari observantiâ in primis commendabile profectus, regularem habitum humiliter petiit, ac transactis quindecim circiter diebus, inexplicabili mentis gaudio obtinuit.

Voti compos effectus, quibus antea virtutibus Aquisfextiis claruerat, Avenione multò magis præfulgere visus est, eo progressu, ut in ipso Religionis tirocinio, humilitate, obedientiâ, pœnitentiâ, ac mentis fervore provectoribus ipsis esset exemplo.

Anno Domini 1629. ætatis verò vigesimo, emissâ solemni professione, philosophiæ, dein sacre Theologiæ addictus, pietatem à studio non separans, ad Dei amorem, cœlestisque Patriæ desiderium condiscipulos inflammare nitebatur.

Interea Antonio anno 1631. Parisiis Avenionem advenienti, ut Magistri Novitiorum fungeretur officio, sese discipulum junxit, eumque in arcta salutis via ducem elegit.

Cùm primum mutuò viderunt, & collocuti sunt sanctioris amicitie fœdus inierunt, collatisque inter se consiliis instituendæ novæ Congregationis, quæ habendis sacris missionibus potissimum incumberet, reditusque nullos possideret, inierententiam. Exindè Antonius Joannem habuit indivulsum comitem, ac in ejusdem Congregationis propagatione adiutorem, ac collegam fidelissimum; anima Antonii conglutinata est animæ Joannis, & dilexit eum quasi animam suam; enim verò æquo pede ad virtutem festinabant, æquali studio peroptabant salutem proximorum.

Extructo Thorensi Domicilio, præditusque Sacerdotio Joannes, factâ sibi à Reverendissimo Ordinis Magistro potestate, Dei famulum incunctantèr adiit, quemque cuilibet obeundo muneri idoneum cupidius expeteret Antonius, advenientem lætus excepit, quodquæ sibi optatius nihil, nihil ad perficienda cogitata utilius contigerit, Deo gratias egit. De tali acquisito viro gratulati sunt amici.

Nè verò lucerna sub modio delitesceret, Antonius novæ Congregationis Vicarius Generalis Joannem quantumvis juniorem Thorensis Conventus Priorem instituit. Hic porrò piissimo Magistro haud absimilis, incenso disciplinæ regularis studio, asperrimo victu, perpetuo fermè jejunio, insolitis sui corporis afflictationibus, mentis recollectione, necnon eximiâ charitate mirabilis effectus est. Thorensis Conventus fratres Prioris optimi exemplum secuti, ad perfectiora contendebant, alteri, ex alterius conspectu, vehementèr accendebatur imitandi desiderium, ardensque exequandi sollicitudo;

adeo ut Thorensis Prædicatorum familia Avenione, ac in toto Vindaschino Comitatu summis laudibus celebraretur, ipseque Reverendissimus Nicolaus Rodolphus Generalis Ordinis Magister, de primævi fervoris renovatione summo perè lætatus sit.

Qui blandientem mundum contempserat, sævienti non cessit. Ob varios adversæ fortunæ casus nulla apud Joannem contigit immutatio, aut animi dejectio; qui non extolleretur prosperis, non frangebatur adversis. Antonii exemplo, assumptâ, ut diximus, pedum nuditate, sanas, irrisiones, ludibria non erubuit: injurias cum sacris missionibus interesset ab hæreticis non semel illatas, læto semper animo pertulit, gaudebatque si pro nomine Jesu contumeliam pati contigisset. Antonium è Thorensi, ac Massiliensi Domibus depulsum, Romamque proficiscentem aliis aliò abeuntibus, secutus est: occumbat potius, quàm illum deserat, *eamus*, inquit, & *mariamur cum illo*.

Taurino, quò commendatitias litteras à Serenissimo Sabaudia Duce impetraturus perrexerat reverfus, audiens Antonium apud centumcellas, Reverendissimi mandato fuisse detentum, illuc adiit, ut si opus fuerit, afflictum à mœnore famuli Dei animum erigeret. Tùm ibi, tùm Romæ secum permansit in tentationibus suis.

Anagninæ mentali orationi dùm vacaret in choro, magno circumdatus lumine non semel visus est. Piperni annum commoratus nec semel quidem egressus è conventu, spiritualibus exercitiis intentus, insigne reliquit cujuslibet virtutis exemplum.

Reditâ tandem Thorensi Domo, congregatisque, qui dispersi fuerant fratribus, salutis animarum studio vehementer accensus, ac in Patris familias excolendâ vineâ indefessus operarius, ab Antonio congregationis Vicario Generali humili prece obtinuit anno 1652. ut, sibi adjuncto Antonio à Jesu, ad superioris Gallo-Provincia partes prædicationis causâ, mitteretur.

Ibi quinque annorum spatio Diæceses quatuor Senecensem, scilicet, Glandevensem, Grassensem, ac Venciensem, omni indiscriminatim tempestate, prædicando peragravit, non montes perpetui, non salebris frequentes viæ, non hyemis frigora, non æstatis ardores à prædicatione deterrebant. In haben-

dis missionibus fervorem, in perferendis laboribus patientiam omnes mirabantur; enim verò nemo in arduis Joannem constantiâ superaverit. Grossiori pano utens, æstate sæviante, toto Ordinis habitu indutus vel iter faciens incedebat.

Ingens populus ad eum audiendum, cum fervidas haberet conciones, undèquaque confluebat, tum, ut salubria monita, tum ut consolationem, opemque perciperet.

Prophanis cantilenis, quæ Christianos maximè dedeceant, quæque bonos adolescentium animos corrumpant, Cantica spiritualia, quibus fidei rudimenta, ac præcipua christianæ religionis mysteria pueri edocerentur subrogavit. Per multa horum exempla typis mandata gratis distribuit: hæc vel ipse, vel socius, congregatis pueris, decantabat, ut addiscerent: hæc in Paræciâ *du Broc* Diæcesis Vencienfis, nonagesimo post anno, dùm in Ecclesia cantarentur, audiivi ipse, & lætatus sum.

Ut ad populi intelligentiam diceret accommodatius, vernaculo gentis sermone, verbisque ad auditorum consuetudinem aptis, ut plurimum utebatur. Rejectis quibus Provinciales abundant facètiis, gravis, ac seria semper fuit Joannis oratio: sapientibus, ac insipientibus debitor, omnibus omnia factus est, ut omnes Christo lucrifaceret.

Carthehistæ functus officio, rudium, ac rusticarum institutioni diligentèr attendebat, rusticitate non offendebarur, nèc desperabat de profectu; aded ut innumerabiles ex ejus concionibus fructus in totam illam regionem dimanaverint; reffloruit justitia, & Sacramentorum usus, extincta sunt odia, sublata blasphemiæ, eliminata perjuria.

Quanta porrò in hisce montibus pertulerit incommoda haud facile quis dixerit; senile namque, vel etiam stabulum pro lecto habuit sæpenumero, mera aqua potum, arinceus panis, & insulsa legumina cibum, ut plurimum, tribuebant; densâ nive cadente vix quandòque oppressus non est; à viâ devius, aut longiori itinere fatigatus subdio pernoctare non semel coactus est. Tum de focii carissimi tuendâ valetudine magis sollicitus, quam de suâ, ipsi suadebat, nèc difficulter, ut omnia, Christi causâ, superaret, nullos enim hujusmodi passos, absque remuneratione dimitti patietur.

Eâ præstabat animi submissione, ut mortalium abjectissi-

num putaret se, ac peculiari sibi gloriæ duceret ab omnibus contemni, & malè haberi. A Reverendissimo Domino Renato le Clér Glandevensi Episcopo, singulari probatâ Joannis humilitate, maximum suæ in tantum virum existimationis, ac benevolentiae accessit incrementum. Quod nihil sit, quod malè narrando depravari non possit, Zelotipus quidam (nomini parco) de in consultâ, ut falsò affirmabat, Joannis in habendis missionibus agendi ratione cum fuisset conquestus, accersit eum Præsul, subiratus est advenienti, verbisque asperioribus infectatus est.

Servus Dei, qui sui despicientiam desideraret, culpæ nullius conscientiam sustentatus, quique adversarios non retorqueundo vinceret, sed patientiam superaret, veritus præterea, nè dùm defenderet se, calumniatori non parceret, omni postpositâ excusatione, dejectis in terram oculis, serenoque vultu audivit tacitus, innocentiam non defendit. Audiebat quæ adversum se dicebantur testimonia, & non respondit ad ullum verbum itâ ut miraretur Præsul vehementer.

Hic adhibitâ diligenti inquisitione, rei que perspectâ veritate, sycphantam condemnavit, Joannem verò exquisitissimis verbis laudavit, eumque inter Missionarios sanctiorem pronunciavit. Antonio Româ Glandevam advenienti de tanto operario gratulatus est.

Peculiari ergâ Beatissimam Mariam Virginem affectu, sacri Rosarii Societatem in singulis prædictarum Diæcesum parœciis, obtentâ à Reverendissimo Ordinis Magistro facultate, instituit. Rosarium ipsum, aut ex tribus partibus unam publicè, & alternatim, adjunctâ mysteriorum meditatione, quotidie vespertinis horis in cujuslibet Civitatis, aut Oppidi sacrâ Aede, recitandi morem induxit. Piâ ac laudabilis hæc consuetudo, quod certum scio, viget etiamnùm.

Anno 1657. die secundâ Aprilis, habitis Venciæ per sacros Quadragesimæ dies ad populum concionibus, festivo apparatu solenni habitâ supplicatione, maximoque populi concursu eandem cum instituisset sacri Rosarii Societatem, Reverendissimus Episcopus Antonius de Godau pietate, ac eruditione notissimus, eidem primus adscribi voluit: RR. Domini Venerabilis Capituli Præpositus Theologus Ædituus, omnesque ad unum Canonici, Præsulis exemplum secuti sunt. Octin-

gentorum utriusque sexus Vencientium Civium nomina, uno die in ejusdem Societatis libro, suapte Joannis manu descripta, ipse legi anno 1752.

Joannem prælaudatus *de Godau* assidue libenterque audiebat; ipsiusque prædicandi modum ut cæteri concionatores fuerint imitati, vehementer optasset Præsul doctissimus; non enim doctas fabulas secutus notam faciebat populis Domini nostri Jesu Christi virtutem, ac sapientiam; utriusque Testamenti, sancti Pauli epistolarum, ac sanctorum Ecclesiæ Patrum, tum maximè magni Chrysostomi auctoritates, apostitè adedò adhibebat, ut fructuosa semper fieret oratio. Intentatas olim à Prophetis pervicaci Judæorum populo minas, validè adedò voce repetebat, ut audientium animos terrore concussos emolliret ad pœnitentiam. Infeneratores vehementer invehebatur; horrorem luxuriæ ingenerans, castitatis laudes, ac præmia extollebat: quæ lethale peccatum graviora mala sequantur, apostolico zelo denunciabat, quodque efficacius esse solet, fufis ad Deum precibus proximorum conversionem exposcebat. Voci pondus addebant lacrymæ ex Joannis oculis defluentes.

Tot intèr labores internâ animi suavitate adedò recreabat illum Deus, ut ad ipsius laudes decantandas iter agens, ac præruptos superioris Gallo-Provinciæ montes transcendens erigeretur, magnamque, leni Sermone, adderet socio alacritatem.

Has porrò animæ delicias asperrimo vitæ genere merebatur. Nemo fortassè carnem suam majori habuit odio; inimicam vocabat omni asperitate cruciandam; corpus suum singulis noctibus, Patriarcham Dominicum imitatus, ferreâ catenâ cædebat, asperrimum cilicium, dirisque aculeis armatum cingulum ad obitum usque gestavit, illudque, nec iter agens, aut ægrotans dimisit. Laneâ interulâ, vel æstate sæviante, semper usus, à carnibus perpetuò abstinuit, neque frequentiori quamvis itinere fatigatus, equitare visus est. Præscripta in sacris Ordinis nostri Constitutionibus à festo Exaltationis sanctæ Crucis usque ad Pascha jejunia per quam accuratè servabat; ut medicamenta, sic alimenta sumpturus, ad mensam accedebat; extremæ inopiæ incommoda læto animo perferebat. Uno verbo dicam. Odio habebat animam suam in hoc mundo, ut eam in vitam æternam custodiret.

Qui verò districtam in potu parcitatem servare,, vino aut abstinebat aut parcissimè utebatur, de aquà frigidà verò, quemadmodum de Beatissimo Francisco narrat sanctus Bonaventura cum sitis æstuarer ardore, vix audebat ad sufficientiam bibere: grossiori panno, ut prænotavimus, vestiebatur; experiencià namque didicerat malignos hostes aspero indumento in fugam converti, molliori verò ad tentationem fortius animari.

Antonii rogatu Congregationis Vicarius Generalis à Reverendissimo Joanne Baptista de Marinis Ordinis Magistro institutus, & ad propria reversus, pastoris optimi partes explevit.

Hac auctus dignitate in fulcienda regulari observantià, ac promovendis sacris missionibus adedò enituit, ut eidem Reverendissimo gratus admodum factus sit.

Ad Oppidum *de Cadenet* profectus, ut construendo ibi novo Domicilio advigilaret, fundamenta effodere, cementario Opifici inservire, non est dedignatus, virtutum namquè omnium parentem humilitatem, eò ab emissà professione impensus coluit, quò uberius cælestibus donis afflueret, omnibus subesse diligentissimè studens, fratribus suis inservire, ac viliora obire ministeria lætabatur.

Tandem continuis spontaneæ pænitentiae cruciatibus exhaustus, gravi morbo correptus est in seculari Domo Conventui ædificando propinquâ. Infirmatus ad mortem tanto mentis fervore, eaque pænitentiâ ductus est, ut nèc Medici operam desideraverit, nec carnibus, nisi uno, qui præcessit obitum die, usus sit.

Præmissâ totius anteaetæ vitæ confessione, sacra Eucharistiæ viatico refectus, Unctione extremâ præmunitus, genuflexus, toto Ordinis habitu indutus, ac extremo lectulo, interpositis manibus, demisso capite, innixus, dùm Jesu Christo gratiis agendis esset intentus, meritis plenus, omniumque virtutum famâ percelebris placidissimè obdormivit in Domino anno 1662. die decimâ sextâ Novembris circâ horam primam matutinam.

In eodem, quem diximus statu Joannem mortuum reperere Cadenetenfis familiæ Religiosi viri, qui ad modicum recesserant, ut, sumptâ Eucharistiâ, Deo liberius vacaret.

Invenustus homo dùm viveret aspectu pulcher mortuus appa-

ruit : puerilia , non viri grandis membra flexibilitate dixeris. Eodem quo obiit momento Joseph de la Forest puellulus , in cunis degens , a tonitis parentibus Joannis transiit nunciavit. Novem post mensibus ut , extructâ Cadenerensi sacrâ Æde , communi Sacerdotum tumulo corpus inferretur , incorruptum , integrisque vestibus obvolutum inventum est , quamvis subditi sepultum , ac extrantes ex novi ædificii tecto tegulâ ad ipsummet & sepulturæ locum pluviam aquam diffunderent.

Permuli Joannis Patrocinio plurimis à Deo gratiis donati perhibentur. Quoniâ sic certavit , ut vinceret , sic cucurrit , ut comprehendisse credatur , in angustiis , in periculis , in rebus dubiis ipsius opem implorare consueverunt Cadenerenses. Famulo Dei Antonio oranti , magno circumdatus lumine , apparuit , ac de fœlici æternæ salutis statu fecit certiozem.

CAPUT II.

Antonius San-Leger à Jesu.

A Quisfextiis , quæ est Gallo-Provinciæ Metropolis , anno 1621 die undecimâ Martii ingenuis parentibus ortus ab ineunte ætate morum candore , ac innocentia præfulgere visus est , quodque pia Mater teneram illius ætatem ad optima quæque studia fingere niteretur , oratione , piisque exercitiis adhuc infantulus delectabatur.

Adolescens humaniores litteras in Patriâ edoctus , illecebras seculi , auxiliante Deo , ac Beatissimæ Mariæ Virginis ope protectus , illibatam à quolibet lethali peccato animam servasse , Antonius Congregationis institutor sæpenuerò affirmasse dicitur.

Intèrim assiduis precibus , jejuniis , ac frequentiori Sanctissimæ Eucharistiæ usu rectam vitæ normam cum per annum postulasset , Antonii prædicti famâ percrebrescente , ejusque virtutum odore allectus Thorum venit , nequè inordinatus parentum amor , aut mundi oblectamenta , susceptrum consilium retardarunt.

Tùm nupèr institutâ Congregatione , clericali Ordinis habitu anno 1646 primus indutus est , quodque primitias spiritûs hauserit , instituti sui legum , ac paternarum traditionum abundantius æmulator postmodùm effectus est. Obsecravit , ut fieret in se duplex Antonii spiritus , pœnitentiæ , scilicet , & salutis animarum studii ; ipsique fuit quod petiit. Jam indè cùm Gregorio Magno noverat ad magna præmia perveniri non posse , nisi per magnos labores ; cujus propterea mentem delectabat magnitudo præmiorum , non victûs asperitas , non arctior pœnitentia , non continui fermè sacram missionum labores juniorem Antonium deterruere.

Insequenti anno , die trigèsimâ Novembris Sancti Patris Dominici Ordinem professus , eandem vitæ rationem , quam sibi primùm constituerat , ab obitum usquè perseveranter tenuit , semper sibi constans , à seipso non discessit.

Accuratè adeò Ordinis sui statutis ab initio paruit , ut absolutissimum Observantiæ regularis exemplum ab omnibus passim diceretur. Jeuniis , vigiliis , ac flagellationibus carnem domans , ad religiosæ perfectionis apicem pervenire nitebatur.

Insignis operæ , ac ministerii vir omnibus fermè Congregationis Conventibus , continuatâ successione , præfectus regularem disciplinam , quâ verbo , quâ exemplo mirificè fovit , utque eam ab omni laxitate immunem servaret , omnem posuit operam , nullique labori pepercit. Pervigilabat quasi rationem pro animabus fratrum redditurus ; ipsi verò quod jussisset faciebant cum gaudio , & non gementes , tanti Prioris exemplo , ac frequentiori adhortatione , ad sectanda Sanctorum vestigia laborati.

Fratribus suis charitate , Reverendissimis Episcopis obsequio , Magnatibus simplicitate , populis affabilitate , Deo placuit humilitate. Sanctissimi Patriarchæ Dominici gloriam & exempla specularando in eandem imaginem transformati , ac instituti. Sui finem obtinere sedulò nitebatur.

Quod ingenium acceperit à Deo , ad missiones accommodatissimum , quod nullis laboribus frangeretur , quodque ardentiori animarum salutis studio flagraret bis quandoque , vel etiam tēr uno die habebat ad populum concionem , quodque recitatis precibus , sacroque peracto , supererat temporis ,

poris, audiendis fidelium confessionibus tribuebat, eâ animi contentione, ut de cibo, ac potu nihil curaret, sui que oblitus videretur. Horâ tertiâ vespertinâ jejunus plerumque inventus est, quique nedum algoris, ac vigiliarum, verum etiam inedia patiens esset, ipsum diem cibi expers non semel transiebat.

Joannis Dalmassy in habendis per annos quinque in superiori Gallo-Provincia difficillimis missionibus socius, cum eadem pertulerit incommoda, laborum eorumdem cum fuerit particeps, eisdemque virtutibus claruerit parem gloriam promeritus, pari laude dignus est, quæque de Joanne, præcedenti Capite, diximus, de Antonio, habitâ ratione, fuerint repetenda.

In magnis, arduisque negotiis capefcendis alacritas, vel in gerendis consilium, & cautio Antonio non defuere; quapropter à Reverendissimo Claudio *de Ruffier* Tricastino Episcopo, in diversa Dicecesis suæ loca, conciliandæ pacis arbitèr identidem missus, controversias omnes, magno partium consensu, ac approbatione diremit. Graviora, quæ emerissent negotia ipsi commendare solitus, operariis quatuor ipsis unum æquivalere, ac prudentissimum Antonium doctioribus anteponendum dictitabat Præsul piissimus.

Piarum rerum benè peritum, ac in æternæ salutis viâ ductorem, exercitatione edoctum exquirebant, hi vel maxime, qui Christianam perfectionem assequi desiderarent. Neddum Laici, verum etiam seculares Præsbyteri, ac regularem diversorum Ordinum statum profitentes ipsum frequenter conveniebant, ut ipsius consiliis proficerent. Antonio Congregationis Institutori, annis quatuordecim fuit à confessionibus, nec morienti, qui ferret opem alium desideravit.

Majorem charitatem nemo habuit, quandoquidem animam suam posuit pro fratribus suis; Cives Oppidi *de Bedoin* magnâ ex parte pleuritide laborantes diù, noctâque, infractâ fiduciâ, invisens, eodem ipse morbo affectus est, cum quo dies ferè septem luctatus ad extrema sensim deveniens, sanctioris vitæ cursum præciosâ morte confecit anno 1679. die vigesima-primâ Aprilis.

CAPUT III.

Petrus Galbart à sancto Dominico.

AUriliaci, quæ Arvernæ copiosa Civitas est, anno 1620. die undecimâ Februarii in lucem prodiit. Adolescens, studiorum expleto curriculo, divitiis, & commodis omnibus propter Christum abdicatis, Ordinem Prædicatorum in Provinciâ Ocitanæ professus est.

Quò securius ad braviū supernæ vocationis Dei pertingeret, ad majora extendens seipsum, ut audivit institutam in Vindascino Comitatu Congregationem, in quâ Ordinis Prædicatorum constitutiones, abdicatis possessionibus, ac redditibus, inviolatè servarentur, obtentâ à Reverendissimo facultate, ad eam, nullâ interpositâ morâ, convolvavit.

In sententiâ firmus, ac propositi tenax, volabili, varioque ingenio nunquam visus, secundum propositum quod elegit, sive gratiam, quam accepit, ad operis abrepti perfectionem festinabat pervenire. Recens institutæ Congregationis asperum victum, ac summam paupertatem, eo mentis fervore, complexus est, ut omnibus admirationem afferret, eosque qui à teneris annis eidem Congregationi nomen dedissent, arctiori pœnitentiâ, ardentissimo salutis animarum zelo, mentisque recollectione æquaret, nè dicam antecelleret. Laudabiles ab Antonio inductas consuetudines, nedùm ipse perquam accuratè servabat, verùm etiâ piâ indignatione commovebatur, si quem ab eis, vel minimùm deflexisse animadvertisset.

Laboris amans, studio diurno nocturnas vigilias, Superiorum permisso, adjungebat; si verò somnus obreperet, cathedræ innixus aliquantulùm quiescebat; nè longiores vigilæ divinum officium in communi decantandum impediebant; singulis diebus ad matutinum mediâ nocte persolvendum surgens, choro primus aderat, ac horarium ecclesiastici officii pensum, intentâ adedò mente, ac devotione exsolvebat, ut cæteris attentionem ac devotionem conciliaret.

Salutari sancti Augustini monito obsecutus majorem in se

severitatem exercebat, ut à seipso judicatus, à Domino non judicaretur; quapropter iratus sibi, diris flagellis, aliisque spontè susceptis cruciatibus corpus suum atterebat; singulis diebus sabbati vel evangelicis laboribus fatigatus, sedens in terrâ jejunabat pane, & aquâ contentus.

Alti silentii vir, in loquendo adeò consideratus erat, & parcus, ut nullum planè verbum nisi meditato proferret; nequè amplificationibus utebatur, sed rei gestæ seriem, ac rationum momenta nullâ adhibita arte exponebat. De seipso, de rebus gestis, de peractis laudabiliter missionibus nisi necessitas cogeret, aut Dei gloria postuleret, nihil unquam dixit; ab aliorum factis dictisque exquirendis, nisi ad suam rem spectarent omninò abstinebat.

Qui mundo mortuum reputaret se, populum suum, & domum Patris sui adeò oblitus est, ut de his nèc loqueretur, nèc audire desideraret: acceptas à consanguineo litteras, ad Priorem Conventûs occlusas detulit, rogans, ut quod respondendum videretur, rescriberet; ac, inquit, debito meo fecerim satis, si pro parentibus, ac consanguineis diligentèr oraverim.

Beatissimæ Mariæ pius cultor ejus laudes, & glorias, quoad vixit, impensè prædicavit, ut in ejus fidem, ac clientelam committerent sese Christi fideles adhortabatur; ipsius sacrum Rosarium nedùm Domi, vel etiâ iter agens, intentâ adè mente iteratò recitabat, ut ex frequentiori sacrorum Mysteriorum meditatione (qui Rosarii fructus sunt) incaleresceret animus, augerentur virtutes, futuram Civitatem ardentius inquireret, Deumque plus amaret, qui prior dilexit nos.

Hinc ab Antonio maximè dilectus peregrinationum, ac sacrarum Missionum in socium assumptus, cœlesti aspirante gratiâ, multos vel à vitiorum cœno, vel ab errorum tenebris in viam salutis revocavit; eundem Antonium, quamvis præ humilitate reluctanter compulit, ut quibus à miserante Deo donatus fuisset gratias, quas cautè occultabat, promeret, litterisque mandaret.

Prædicto Antonio è vivis sublato, Petrus suâ in tantum virum reverentiâ, quam servus Dei detulerat Cappam, in proprium usum concedi humilitèr petiit, eâque, quamvis attritâ non gloriabatur modò, verùm etiâ ad invisendos

ægrotos vocatus, extremam ipsius partem, præmissâ brevi oratione, ipsorum capiti fide plenus imponebat.

Cùm autem hinc melius haberent infirmi, ipseque miraculorum patrator diceretur Antonii humilitatis hæres, magis, quàm vestimenti plurimùm doluit, seseque sollicitè occultavit, utque indebitum, ut quidem putabat, honorem fugeret ad aliam transferri Domum petiit, eoque uti remedio inposterum abstinuit.

Ob miram simplicitatem, niveum animi candorem, angelicam modestiam, ac ardentissimam in proximos charitatem dilectus Deo, & hominibus, diuturnâ, ac molestiori ægritudine exhaustus, susceptis devotissimè Ecclesiæ Sacramentis obiit in Cadenetenâ Conventu anno 1680. die undecimâ Januarii.

C A P U T IV.

Joannes Vincentius Bernard à S. Rosario.

Natus est in Civitate d'Oulx Diœcesis Taurinensis: quo anno, quo die, quibus parentibus, Commentaria non referunt.

In Regio San-Maximinensi Conventu absoluto sacrarum litterarum studio, ac Sacerdotio potitus, ibique Magistri Novitiorum, ac Prioris officio magnâ cum laude pietatis, ac prudentiæ perfunctus, obtentâ à Reverendissimo Joanne Baptistâ de Marinis Generali Magistro facultate, ad Sanctissimi Sacramenti Congregationem transiit, eo consilio, ut Antonio Institutori, ac Joanni Dalmaffy adjunctus socius, habendis missionibus totus incumberet.

Ipsam, utpotè magnâ virtute præditum, rectèque tractantem verbum Dei lætus excepit Antonius, ejusque operâ, in Patrisfamilias excolendâ vineâ apud Catholicos, vel etiâ apud hæreticos per aliquot annos, cum ingenti animarum fructu usus est. Joanni Vincentio peculiarem servi Dei conciliabat benevolentiam morum similitudo.

Verumtamen cùm earundem salutis animarum vehemens studium uniûs Vindascini Comitatus sinibus arctaretur, factâ

sibi à Reverendissimo Ordinis Magistro amplissimâ facultate missiones ubi ubi vellet, prævio Ordinariorum assensu, peragendi, totam fermè Galliam peragravit.

Aquissextiis, Massiliæ, Narbonæ, Biterris, Tolosæ, Nannete, Rhedonibus, Rothomagi, Burdigale, Gratianopoli, Lugduni, ac Parisiis permulta reliquit zeli Apostolici monumenta.

Infracto ab laboribus animo, nullique indulgens quieti, diversas Regni regiones omni indiscriminatim tempestate, percurrit, ubiquè concionatur, sæpius verò diversis in locis uno die; ut primùm advenerit accurrunt populi, è sacro suggestu dicentem avidè audiunt, defluunt lacrymæ, gemitus, hæreticorum permulti catholicam fidem suscipiunt, sœneratores à turpi lucro abstinere, desides novâ mentis contentione pietatem sectantur: horum permulti ad sublimioris vitæ perfectionem pervenere.

Joannis Vincentii sermo non comptus nimium, nèc verborum conspersus floribus, sed simplex, non languens, aut remissus, sed vivus, & efficax; eò fructuosius loquebatur, quod non verbo tantùm verùm etiàm exemplo docere, habitamque orationem religiosi moribus comprobaret.

Unâ manu baculum, alterâ verò sacri Rosarii signum gestans, suisque humeris manticam deferens, itinera, vel longiora, pede conficiebat; emendicatis eleemosinis victitans, ac præscripta sui Ordinis jejunia servans, à carnibus perpetuò abstinuit. Eâ præstabat modestiâ, ut animi tranquillitas, ac angelica puritas, vel in ipsâ facie conspicua apparerent.

Nobilis apud Arvenos sœmina, quæ habitore ut vultu esset, ac corpore, toto anno, vel etiam veneris, ac sabari, nècnon sacre Quadragesimæ diebus carnibus vesceretur, cùm Joannem Vincentium his perpetuò abstinere compariisset, facti pœnitens (ea est exempli vis) sacris Ecclesiæ legibus ad obitum usquè obtemperavit.

Cadurci Joannem Vincentium hospitio excepit vir nobilis. Hic in sancti Mathiæ Apostoli pervigilio, instructo lautiori prandio, ac invitatis amicis, advertens virum Apostolicum cibus ab Ecclesiâ vetitis abstinere, interrogavit, quæ hujusce abstinentiæ esset causa? Hac ipsâ die, respondit

fervens Dei, nobilibus æquè, ac ignobilibus præscriptum est ab Ecclesiâ jejunium, vetitusque est carniûs usus; has prætergredi leges, Christiano nefas.

Obstupuit, qui convivio præerat nobilis vir, quodque ipsum præmonuisset nemo, vehementer est conquestus, quæ cum audiisset, qui ipsi erat à confessionibus Præsbyter, quique ad mensam ministraret, pudore suffusus quâ de re, inquit, Pater Joannes Vincentius monuit, ipse præmonuisse debueram.

Eum cum rogasset Illustrissimi Marchionis apud Arvernos uxor, ut in domestico sacello missam celebraret, constanter renuit, iisque verbis eam est allocutus, heu Domina mea! Egonè super Altare sordidis mappis opertum sacrum faciam? Staneo Calice ac immundo corporali utar? Heri (quæ tua humanitas est) ad prandium vocatis me pauperem, ac despectum, ut magni nominis virum excepisti, mundissimo, perelegantique linteo, argenteis vasis, crystallinis cyathis splendebat mensa; siccinè Regem gloriæ Christum, ut novissimum virorum habet Dominatio tua?

Apertâ hac monitione benignè acceptâ Apostolicam Joannis Vincentii libertatem demirata est, de ipsius rectâ intentione certior, ac Sacrosanctum Missæ Sacrificium decentius, ac majori apparatu offerri in posterum curavit. Gratulabantur intereâ, tum seculares, tum Regulares Sacerdotes in vicinia commorantes, qui ad sacrum in eodem Sacello faciendum sæpius vocati, de re hac conqueri, præposterâ in sæminam reverentiâ, non auderent.

In Tolosanâ regione, sacrâ Missione decurrente, Diaconus nobilissimâ stirpe progenitus fusci coloris vestem, ac collare amiculum, quod nodo adscriptum sub mento, explicatus penderet ad pectus deferens, se Joanni Vincentio cum stitisset, sua ut ipsi peccata confiteretur, repulsam retulit, ipsumque noluit audire, donè, qui Clericum decet habitu indutus appareret.

Qui nollet intereâ ad propria regredi inconfessus, ac parentum oburgationem vereretur, perverustum, ac absoletum ab illius Ecclesiæ Parocho cum accepisset commodatò, ipsi peramantèr Joannes Vincentius aurem præbuit confitenti. Res hæc salutarem Diacono pudorem attulit, ipsique tantum pro-

fuit, ut talari veste in posterum usus sit, electusque celebrissimi Capituli Decanus, virtutum omnium exemplo præfulsisse dicatur.

Tot fructuum potior causa fuit singularis Joannis Vincentii in Beatissimam Mariam Virginem cultus; ipsius sacrum Rosarium ubique prædicabat, quosque haberet in itinere obvios, ut sacræ huic societati nomen darent adhortabatur, Reverendissimos Præsules, Abbates, Provinciarum Governatores, Exercituum Duces, ipsosque milites, per ipsorum castra discurrens audaciter adibat, ut eos ad sacrum hunc precandi ritum alliceret; sin verò quempiam cujuslibet conditionis esset, aut gradus, contempsisset hunc, vir, cæteroqui mitissimus, piâ indignatione commovebatur.

Quod tam frequenter de Rosario diceret conquesti sunt nonnulli Bellovacensis Diæcesis (hanc totam lustraverat) Parochi apud Eminentissimum Cardinalem Tussanum *de Janson* Ecclesiæ Bellovacensis Episcopum. Accersitus Joannes Vincentius tanta de Rosarii necessitate, ac excellentiâ differuit, ut stupenter accusatores obmutuerint, Præsulque sapientissimus Joannem Vincentium fuerit adhortatus, ut consuetum de Rosario dicendi morem retineret.

Quamplures diversis in locis Sanctissimi Rosarii societates erexit, erectas amplificavit, eisque innumeros utriusque sexus Christi fideles adscripsit; nec verbotenus, & exemplo, verum etiam scripto piam hanc orandi methodum promovere satagit. Multos de re hac libellos typis mandari curavit; multas prætereâ secum defererebat Beatissimæ Mariæ Virginis chartaceas imagines, quindecim sacri Rosarii mysteria circumquaque referentes, necnon schedulas, quæ tùm sodalium munia, tùm quæ debeant mysteria meditari, vel etiam quas debeant virtutes profiteri, descriptas exhibeant.

Concionem, aut totum Rosarium, aut ex tribus ejusdem partibus una, aut præcedebat, aut sequebatur, eamque, affluente populo, altâ voce recitabat, eâ porrò methodo, ac gratiâ, ut eruditissimus apud Senatum Parisiensem cautarum Patronus, audirâ in Ecclesiâ nostrâ Generalis Novitiatus ad vicum San-Germanum concione vehementer admiratus fervidissimus Rosarii cultor postmodum effectus sit. In toto Galliæ Regno, suppresso lustrico nomine, vel etiam

gentilitio cognomine, Rosarii Pater ab omnibus palàm dicebatur, quique potentissimæ ejusdem Rosarii Reginae acceptus esset, multis ab eâ beneficiis donatus est.

Illud in primis memorandum, quod venerabilis Soror Magdalena Ordinis sanctimonialium, quibus à Misericordia nomen est (hujus sanctioris vitæ historia jamdudùm publici juris facta est) in extasim rapta, vidit Beatissimam Mariam Virginem Joannem Vincentium sereno, blandoque vultu filio suo præsentantem, ipsumque Christum eidem peramantèr blandientem; quod audiens humilis vir, peccatis meis, inquit, sanè obruar, æternisque flammis fuerim addictus, nisi miserum me Beatissima Virgo Misericordiæ Mater potenti, quâ apud Deum valet ope protexerit. Vir sanè desideriorum, quidquid posset pietati prodesse, magno semper studio amplexus sacratissimi cordis Domini nostri Jesu Christi specialem cultum, ut R. Pater *la Colombiere* Societatis Jesu Londini primus prædicavit, ità Joannes Vincentius eundem cultum in toto fermè Galliæ Regno ipse primus inexit. Ejusdem Sanctissimi Cordis Jesu Societatem Zugi, Diæcesis Constantiensis, ac Moguntinæ Provinciæ, in Ecclesiâ Sororum Tertii Ordinis sancti Francisci canonicè institutam, Pontificio diplomate, approbavit Clemens eo nomine undecimus anno 1712. die sextâ Decembris: & verò summa in æternum Patrem, & sanctam Ecclesiam Christi dilectio, immensum in fidelium animis excitare debet amoris incendium.

Plurimas Tertii Ordinis sancti Patris Dominici Congregationes instituit, eo proventu, ut quamplures ejusdem Instituti Sorores, omnium virtutum genere, pœnitentiâ Præsertim, charitate, ac humilitate percelebres è vitâ discesserint. In uno Gallo-Provinciæ Statu triginta hujusmodi Societates erexit: has ut in bono consisterent, identidèm invisebat. Verumtamen, ut probaretur Joannis Vincentii virtus, tentationibus, eisque gravissimis, Dei permisso, non caruit. In magno populorum plausu veritus est maximè, nè cùm aliis prædicasset ipse reprobis efficeretur. De suâ æternâ salute sollicitus, judicii horrore perterritus desperationis abyssu vix abortus non est. Gravior præterea sibi fuit adversus carnem colluctatio.

Ad has redactus angustias abjectissimè sentit de se, quæ
infirmam

insitam hominî à naturâ superbiam frangant attentè considerat, Deum esse bonorum omnium largitorem, nihilque habere se, quod non accepèrit reminiscitur, suam secum miseriam recogitat, & ab humani generis hoste obcænarum rerum specie appetitus, oratione, ac potentissimâ Sacri Rosarii Reginâ protegente, de terro sathanâ gloriosum reportat triumphum.

Tunc ad perfectum mœrentis solatium, Antonius à Sanctissimo Sacramento, ab annis viginti vitâ functus, ei conspicuum exhibuit se, iussitque, ut bono esset animo, quia, inquit, Beatissima Maria Virgo de tuâ salute in Cœlo est sollicita, quibus dictis evanuit.

His auditis in genua procumbens, ac collocrymatus præ gaudio, ad majores pro Christo, ac proximorum salute subeundos labores inardescens, novamque in Belgio habendam missionem medicatus, ad Illustrissimam Comitissam *De Maux* Atrebatî commorantem, bonisque operibus jugiter intentam litteras dedit, quibus, quæ paranda forent præmonebat.

Intèr hæc ultimum sibi instare diem præsentiens, ad Conventum *de Cadenet* regressus est, ibique, quæ retrò erant planè oblitus, quasi verò hac ipsâ die acquirendæ salutis viam fuisset ingressus, mentis fervore, humilitate, obedientiâ, victusque asperitate, ad destinatum prosequeretur bravium, adeo ut ipsos Novitios antecelleret, ipsique senioribus esset exemplo.

Anno à suo reditu nondùm expleto, Christi, ac proximorum urgente charitate, ad Oppidum *de Grandbois* Diœcesis Aquensis vocatus, ut, quâ valebat auctoritate, gravissimam litem componeret, stranguriâ per viam malè affectus est. Quapropter pedem referens, ad propria reversus, dolores acutissimos, eximiâ mentis tranquillitate, hilarique vultu, mensibus duobus passus est.

Cadenerensis Conventus Prior Infirmariam quadam die cùm fuisset ingressus, videns ad decumbentis cervical appensum Rosarii signum, quod aliàs semper habebat præ manibus, subridens, ait, ut quid Pater Joannes Vincenti? Siccinè appropinquante ultimo cum hoste conflictu, militiæ cingulum ponis? Nonnè inermem hostis superabit? Hec me! respondit ægrotus, viribus, animoque deficior, Beatissimæ Mariæ

Virginis sacrum Rosarium quandiu potui recitavi, nunc Christo crucifixus, quatenus Rosarii fructus colligam, ipsa Rosarii Reginâ protegente, Deum adprecor brevi moriturus.

Lectulus ægrotantis factus est tunc Cathedra docentis; Prædicatoris adhuc functus officio adstantibus Novitiis regularem observantiam, junioribus Sacerdotibus salutis animarum zelum, eo mentis fervore commendabat, ut gravioris ægritudinis non sentire molestiam videretur. Qui advenissent Seculares, ut monita salutis ab ejus ore perciperent ad vitiorum emendationem, ac divinorum præceptorum custodiam, eâ vi adhortabatur, ut corde compuncti, in uberes lacrymas erumperent.

In gravi hac infirmitate Servatorem nostrum Jesum Christum cujus nihil aliud vita fuit, nisi crux, & martyrium, imitari gaudebat.

Morti proximus ultima Christianæ Religionis remedia humiliter petiit, ad omnes Ecclesiæ preces ipse respondit, ac ad illa verba *Proficiscere anima Christiana* prædicationis, & vitæ cursum explevit anno 1696. die decimâ octavâ Octobris, à suscepto regulari habitu anno sexagesimo. Horum duos prætriginta, in habendis sacris missionibus insumperat, verè Dominici filius, suæque vocationis memor.

Petierat sæpius à Cadenetensis Conventûs Priore seorsim sepeliri, indignum reputans se, qui communi fratrum tumulo inferretur: humilis sanè petitio! fuerit tamèn deneganda; quapropter convenientibus, tùm Cadenetensis Opidi, tùm vicinorum locorum civibus, demortui corpus certatim deosculantibus, ac vestes decerpentibus, medium intèr corpora Antonii à Sanctissimo Sacramento, & Joannis Dalmaffy sepultum fuit, ut qui in vita sua dilexerant se, ità, & in morte non essent separati.



CAPUT V.

Josephus Aurivelier à Sanctissima Trinitate.

SAn-Maximini, quæ Gallo-Provinciae notissima Civitas est, honestâ stirpe progenitus, ac Aquiflexitii quadrienno studiorum causâ commoratus, alariæ Gallorum turmæ Præfecto civi suo, insciis parentibus, ad militiam nomen dedit.

In Belgium profectus, ac Gandavi repentinâ contubernalis æquitis morte perterrefactus, compertâ præsentis vitæ fragilitate, ac attentius considerato salutis æternæ momento, mundo nuntium remittere constituit.

Nec mora obtentâ deferendæ militiæ veniâ, ad Patriam reversus, Prædicatorum Ordinem amplectendi, spiritualibus armis pugnaturus, iniit sententiam. Tùm R. san-Maximinensis Conventûs Priori de totâ vitâ ritè confessus, ac sanctissimâ Eucharistiâ refectus, sacrae Rosarii sodalitati nomen dedit, ac Beatissimæ Mariæ Virginis, & sanctæ Mariæ Magdalenaë san-Maximinensis Civitatis, totiusque Gallo-Provinciae singularis Patronæ, auxilium expoposcit.

Hac adhibita præparatione Thorum jam indè à Congregationis initio profectus est, ibique probatâ ipsius mente, ac prævio diligenti examine regulari habitu ab ipsomet Antonio à Sanctissimo Sacramento indutus, ac sub tanto Magistro, exacto tirocinio, magnos habuit ad omnem virtutem progressus, quodque statim non adestent studiis promovendis Moderatores, ab eodem Antonio Philosophiam, ac Theologiam edoctus est.

Prudentiâ, ac in agendis dexteritate præditus in promovendâ regulari observantiâ piissimum Institutorem plurimùm juvit, cujusque hauserat spiritum, ad obitum usquæ retinuit; annis sex supra quadragintâ, invicto mentis fervore, jugum Domini portavit, duram, & asperam vitæ rationem perseveranter tenuit. Infirmis viribus vir, de consuetis abstinentiis, jejuniis, vigiliis, aliisque corporis afflictationibus nihil unquam remisit, nullâque, vel etate longævus, dispensatione

usus est, aded ut miraculum planè videretur; ardua namquæ res est, continua, ac perseverans in omnibus monasticæ vitæ exercitiis assiduitas; corpus tùm, & anima perpetuâ contentione constringuntur, crucique affixa quodammodò retinentur, quod martyrii genus, inquit sanctus Bernardus, ed gravius est, quò diuturnius.

Ad prædicationis munus, nècnon ad habendas sacras missiones assumptus, eâ gratiâ Divinæ legis mysteria, ac christianæ moralis præcepta promebat, ut ab omnibus certatim expeteretur, eumque dicentem insolita commendaret auditium corona. Anno 1682. cùm in Saltuens Civitatis sacrâ Æde per Quadragesimam perorasset, magna ibi reliquit virtutum exempla, & sacræ eloquentiæ famam.

At verò, cùm non suppetere vires ab arduo hoc munere recedere coactus, Apostolicum Zelum intrà privatos propriæ Ecclesiæ limites restrinxit, omnemque posuit operam, tùm in fidelium confessionibus audiendis, tùm in Novitiis instituendis, vel etiâ in novis Domibus extruendis, quæ quidem diversa munia fructuosè admodùm, & laudabiliter obivit.

In arctâ salutis viâ peritus ductor, ad perfectam Evangelicæ legis normam fideles efformabat; ad eum veniebant, ut per pœnitentiæ Sacramentum animæ maculas detergerent, aut in dubiis consilia peterent; Josephus verò neminem, pauper esset, an dives, nobilis, an plebeius, idiota, an doctus, repellebat à se, omnibus ad eum patebat aditus, ad unum omnes christianâ charitate complectebatur.

Regendis Domibus admotus vir moderatus, & prudens in coarguendis fratrum culpis non occupantis perturbationis imperu abreptus, salubre expectabat rationis consilium. Tempus ritè capiebat: emendationem differebat ad tempus, ut fructuosior fieret emendatio.

A suscepto regulari habitu adduci non potuit, hortantibus consanguineis, ut Patriam adiret; verùm quinquaginta post annis ed duxit pius in sanctam Mariam Magdalenam animus; sacras hujus Reliquias visitaturus; longiorem hanc peregrinationem propè septuagenarius suscepit, pedesque, sæviente hyeme, confecit: hac peractâ, ab frigore obriquerunt ejus crura sic, ut sensu omni eâ in parte destitueretur. Gravi ulcere superveniente, ac exhaustis viribus in

VENERAB. P. ANTONII. *Lib. III.* 123
Bedoinensi Conventu, ubi Priorem agebat, susceptis devotissime Sacramentis, serenâ facie, cœlestique gloriæ intentus placidâ morte quievit in Domino anno 1693. die vigesimâ primâ Decembris.

CAPUT VI.

Hyacinthus Faumont à S. Joanne.

PErantiquâ lege in Ordine Prædicatorum comparatum est, ut, si quæ Provincia aptum studiis promovendis Moderatorem non habeat, teneatur Magister Ordinis ipsi de sufficienti lectore providere.

Const. Dist.
2. cap. 14.

Sanctissimi Sacramenti recens institutæ Congregationi opus fuit gratia hæc; quapropter R. P. Hyacinthus Faumont Reverendissimi Joannis Baptistæ de Marinis Generalis Magistri hortatu, Thorum libenti animo venit, ut quod Tolosæ sponte dimiserat, lectoris officio fungeretur.

Eo Magistro tantum profecere hujusce Congregationis juniores sacerdotes, ut, quosquot habuit discipulos, tot ferè magistri effecti sint, nè postmodum extranei Doctoris opera desiderata sit.

In amplissimo Tolosano Conventu sanctioribus disciplinis eruditus, non scientiam modò, verum etiam quæ Religiosum virum virtutes deceant, Discipulorum animis inserere nitebatur, eò efficacius, quò clariori præiret exemplo.

Pius, ac eruditus Magister, acsi à suscepto regulari habitu, in pauperrimo Thorensi Domicilio fuisset enutritus, asperiori victu delectabatur; quàmvis vel discipulis edocendis, vel libris conscribendis totus incumberet, infirmæque esset valetudinis, nullâ tamèn vel spontè oblatâ dispensatione usus, ad omnes horas, choro diù, noctèque intererat. Ipsi oblectamento semper fuerunt jejunium, & abstinentia.

Vultus gravitate, oculorum verecundiâ ad castitatem intuentium animos excitabat, & quemadmodum spinæ rosam præcingunt, haud secùs, ejus castitatis decorem sepiebant deliciarum omnium odium & horror.

Alti silentii vir, & ad cœlestes cogitationes mente conver-

fus, nihil dixit, quod dixisse pœniteret; vani sermonis vitandi causâ Cellæ addictus, aut studio vacabat, aut orationi. Singulari modestiâ aded præstabat, ut visibilis Angelus ab omnibus palàm diceretur.

Antonii à Sanctissimo Sacramento rogatu, à Reverendissimo Ordinis Magistro in Congregationis Vicarium Generalem assumptus, hanc annis octo continuatâ successione prudentissimè rexit. Subiectis sibi fratribus charitate, mansuetudine, cœlestisque conversationis exemplo præluxit. Salutis animarum studium, rigidissimæ paupertatis amorem, studiorumque progressum mirificè fovit. Qui benè præfesset, quique in verbo, & doctrinâ laboraret, duplici honore dignus tum à domesticis, tum ab extraneis, quod vixit, habitus est.

Philosophicum opus quarto volumine comprehensum prælo mandandum paraverat, cum repentino, ac insperato casu, oculos perdidit. Tum probata est Hyacinthi virtus, ejusque maximè enituit animi constantia. Tanti boni iacturam patienter ferens, nullumque internæ pacis detrimentum passus, tristis, aut anxius nunquàm visus est.

Psalmos, eos maximè qui de pœnientiâ inscribuntur, Officium pro mortuis, sacrumque B. Mariæ Virginis Rosarium, divina contemplando mysteria, privatim quotidie persolvebat. In recolenda amarissimâ Domini nostri Jesu-Christi passione, ità afficiebatur, ut magnam lacrymarum vim profunderet, ac Crucifixo conformis fieri vehementer optaret. De recuperando visu nihil sollicitus, arctiorem victum constanti animo retinuit.

Quàmvis autem Vicarii Generalis fungeretur officio, ab edocendis Philosophiam, cœu Theologiam junioribus fratribus non destitit tum quia, ut prænotavimus, Congregationis exordio lectores deessent, tum quia paucos, eosque vicinos haberet Conventus visitandos; nequè eruditissimus vir, qui vigeret memoriâ, quique, quæ legisset, aut audivisset eisdem planè verbis redderet, visu indigebat, ut scribentibus dictaret.

Anno 1670. die undecimâ Decembris Antonii, ac Medicorum consilio Avenionem profectus, ut detergeretur oculorum suffusio, morbo colico, ac sanguinis exscreatione correptus, conceptâ

ad Deum migrandi spe, sanctitate, ac doctrinâ conspicuus è vitâ migravit, quodque ad justitiam erudierit multos, fulgere nunc quasi stella in perpetuas æternitates piè creditur.

Cæterùm quod Avenione decesserit, non casu, sed Divinæ providentiæ nutu contigisse nonnulli arbitrati sunt; qui enim Tolosanæ Provinciæ doctrinâ ac regulari Disciplinâ percelebri, pietate, & eruditione præluxerat junior, eidem debuit moriens exhibere virtutum omnium incrementa.

Se totum Sanctissimi Sacramenti Congregationi devoverat, in eâ mori cupiebat. Hac dejectus spe, advocatum Thorenſis Domus Priorem enixè rogavit morti proximus, ut è mortuo corpore extractum cor, ad eundem Thorensem Conventum deferri curaret inibi sepeliendum, in perpetuum amoris testimonium; verùm reversus ad se, ambitionis notam perhorrescens postulata gratiæ pœnituit, tribuitque superbæ, quod amoris sensu petiisset.

CAPUT VII.

Joannes Franciscus Bernard ab Incarnatione.

IN Thorenſi Civitate piis parentibus ortus, ab Antonio à Sanctissimo Sacramento, sub cujus curâ, & regimine adoleverat, regulari habitu indutus est, expletâque probatione, solemnia Novitii carissimi vota admisit anno 1661. die secundâ Februarii.

Amantissimi Patris spiritum assecutus, ejusque disciplinis eruditus, ab ipso Religionis tirocinio ad obitum usquè, pietatis, humilitatis, ac pœnitentiæ clarissimum specimen exhibuit sese, quodque esuriret, ac sitiret justitiam, graduatâ Antonii consuetudine, ac frequentiori colloquio, uberes fructus retulit; cum sancto sanctus, cum perfectò perfectus effectus est. Joannem Franciscum imprimis diligebat Antonius, eique, ut Paulus Timotheo, hoc præceptum commendabat, ut attenderet lectioni, exhortationi, & doctrinæ; hoc enim faciens inquit, & teipsum saluum facies, & eos qui te audient.

Ad Magistri vocem non aures tantummodò admovebat discipulus, sed animum adhibebat etiam, ac mentem; quapropter ob singularem, quâ donatus est in concionando gratiam Diaconatu tantummodò potitus prædicationis officio ad dictus est, cumque christianam pietatem non communi, vulgarique instituto, sed sæliciori proventu complecteretur, antè tempus à sacris Ecclesiæ legibus præstitutum, quamvis præ humilitate reluctans, Præbiter est ordinatus.

Tunc Beatissimo Patriarchâ Dominico ad imitandum sibi proposito, ac prædicandi inito consilio, nihil impensius à Deo petiit, quàm ut revocandis in viam salutis peccatoribus aptior fieret. Montanam Territorii Vivariensis Regionem discurrit, pueris, ac rudibus catechisandis dat operam, vel etiam, Antonio Magistro, ad habendas sacras missiones adjungitur.

Viræ innocentiam eximius, quique, eodem Antonio dirigente, adolescentiam à lethali peccato immunem duxisset, eam tamen præstabat humilitate, ut ab omnibus nesciri desideraret, seque scelestissimum peccatorem diceret, habereturque. Ex leviori noxâ acriori poenitentiam tangebatur, peccata quantumvis levissima acsi fuisset immanium criminum reus, profuentibus lacrymis, Sacerdoti confitebatur.

Quod jussissent superiores alacritè statimque exequabatur; id namquè unum sibi præfixat animo, ut grati sibi essent, an non eorum mandatis studiosissimè obtemperaret. Ab ipso eorum regiminis exordio, intimos animi sensus, necnon secretiora cordis consilia ipsis aperiebat, neque alio ad sacras confessiones usus est.

Nedùm abstinentiam, ac statuta Ordinis jejunia inviolatè servabat, verum etiam cujuslibet hebdomadæ, unâ die solo pane, & merâ aquâ ad victum parcè utebatur; vigiliis, flagellis, ferreoque cingulo corpus suum castigabat, ut in servitutem redactum menti servire cogeretur; quo factum est, ut in carne præter carnem vivens, de Dæmone castitati potissimum insidante, semper triumphaverit.

Decorus facie, & pulcher aspectu, virgineo pudore conspicuus defixos in terra oculos semper habebat. Juvenculas, vel pietatis studiis ex instituto servientes sedulò devitans, à miscendis cum mulieribus colloquiis abstinebat. Quæ eum
in

in Confessarium delegissent, eas Antonii exemplum secutus, in anno sæpiùs, ad alio Sacramenti Pœnitentiæ ministros remittebat, nè nimia familiaritate, ac frequentiori, vel de divinis colloquutione, ipsi arctiùs adhærentes, remedium gratiæ verteretur in occasionem culpæ.

Tantâ curâ, eoque conatu suæ studebat perfectioni Joannes Franciscus, ut nihil eorum omitteret; quæ ipsi afferre possent virtutum incrementa. In quâ, quæ agenda quotidie, quæque vitanda statuisset essent descripta, Schedam secum deferrebat; quæ ad sui emendationem ab Antonio Superiore, aut Magistro audivisset monita salutis, rectaque consilia, pioque motus qui legendo, orando, aut meditando ipsi infundissent animo, litteris commendabat, ut his tanquàm certiori in agendis regula uteretur.

Peculiari ergà Deiparam Virginem affectu nihil sibi jucundiùs, quàm si de ejus laudibus diceret: se suæque omnia illi commiserat, ad eam confugiebat in dubiis, ipsius opem implorabat in angustiis.

Patronos septuaginta intèr Sanctos delegit, quorum nomina in formâ litaniarum digesta, nudato capite genuflexus quotidie recitabat. Mensibus singulis unam Missam in honorem Sanctæ Mariæ Magdalenæ pro obtinendâ peccatorum remissione, alteram verò in honorem Beati Patriarchæ Dominici pro Congregationis, totiusque Ordinis incremento celebrabat. Si præ Rubricis liceret, Beatæ Barbaræ Virginis, & Martyris memoriam agebat sacrum faciens, ut ejus patrocinio justorum mortem consequeretur.

In Joanne Francisco, tametsi ætate juniori, in agendo, tractandisque hominum ingeniis senilis quædam maturitas præmonstrata est; aded, ut nullum fermè negotium susceperit, quod ad optatum exitum non perduxerit; exquisito Antonii consilio, occasione benè utebatur, tempus scitè capiebat, cunctando, rem totam quandoque restituit; nè quid decernendo peccaret, ullâ de re ex præjudicatis opinionibus decidebat.

Tantis illum virtutibus, eâ præsertim ætate prædictum, nondum domestici, verùm etiam extranei unicè diligebant; quapropter Antonius morti proximus eum in Congregationis Vicarium Generalem, recensitis præclaris dotibus, à Reveren-

diffimo Ordinis Magistro postulavit, nè iste abnuir.

Plaudentibus fratribus, quippè qui viri meritum optimè scient, præ maximâ, quâ pollebat modestiâ reluctans, ac profuentibus lacrymis, oblatum munus admisit, sibi que diffidens, Deum assidue precabatur, ut juniorem ætatem in regendâ Congregatione firmaret: Difficilem intereâ regendi artem utroque moderamine itâ temperabat, ut cùm delinquentium reatus audivisset, sciret modò severè corripere, modo humiliter deprecari.

Anno 1677 acceptis litteris, die ultimâ Julii Romæ datis, quibus Reverendissimus Antonius de Monroy Ordinis Magister gratias omnes Congregationi à Prædecessoribus concessas, confirmat, ac renovat, hortaturque, ingentibus adjectis laudibus, nè tùm à viridi observantiâ, tùm à missionibus, ad proximorum salutem peragendis, discedant, sequentem epistolam ad singulos Conventuum Priores misit Joannes Franciscus. Hanc refero, ut quo agebatur spiritu, planius innotescat.

Ex Reverendissimi, ac amantissimi Patris nostri Generalis Magistri Epistolâ, cujus exemplum ad vos transmittimus, intelliget quisque vestrum, Fratres carissimi, quantis nos laudibus efferat, tùm ob regularem observantiam, quam, auxiliante Deo, profitemur; tùm ob missiones quibus incessantè incumbimus. Hortatur vehementè, ut quod perutile opus capimus, constanti animo prosequamur. Paternum affectum, curam, ac tutamen peramanter pollicetur. Faxit Deus, ut quales habet nos, tales apud Deum inveniamur.

Obsecro itaque vos, fratres carissimi, corona mea, & gaudium meum per dilectionem Dei, & Domini nostri Jesu-Christi, ut duo hac Observantia regularis nempe, & salutis animarum zelus, altius cordibus vestris insideant, ut, quæ capistis animo, opere compleatis.

Hèu me! Quantum dedecus! Quantum animi dolor! Si quis vestrum tantæ desidia, tantæque fuerit malitia, ut laxitates inducere, de viciis asperitate quidquam remittere, vel à missionum laboribus cessare pertinetet? Quoi conscientie stimulos patiatur, qui sibi vim inferre detrectans, Apostolica Religionis Spiritum in se, vel in aliis extinguere patiatur? Qui sereno tempore firmi stetit, sereno Cœlo, ac tranquillâ pace perfruentes naufragium

patiamur? Cavete itaque vobis, fratres dilectissimi, conetur unusquisque vestrum perfectam legum observantiam, vitamque Apostolicam in peragendis missionibus fovere, ut ab emissâ professione edocti estis. Attendite vobis, & doctrina: amulamini charismata meliora: ab otiosâ, ac molliori vitâ abhorrete: sanctissimi Patriarchæ Dominici, ac amantissimi Patris nostri Antonii virtutum exempla è memoriâ vestrâ non effluant: facite secundum exemplar, quod vobis monstratum est: Caveamus, nè desidiâ nostrâ degeneres filii illius simus, qui adspirante cœlesti numine, Congregationem nostram ad perfectam, integramque Constitutionum observantiam, & ad continuas habendas missiones instituit. Florebit profectò hæc Congregatio, si vocationis nostræ memores, quæ Deo promissimus accuratè adimpleamus, si ab habendis missionibus non destiterimus.

Audite filii disciplinam Patris: salutare Ordinis nostri leges nè derelinquatis, diligite eas, & conservabunt vos: horis statutis ad chorum festinate; Divinum Officium piè, & attentè persolvite: in canendis Dei laudibus delectamini: innocentiam ad Altare apportate: accedat nemo cum nausæâ, nemo resolutus, omnes accensi, omnes ferventes: secularium personarum, maxime mulierum consortium, quantum charitas permiserit, diligentèr fugite: Præstitum loco & tempore silentium servate: Obedite Præpositis vestris, & subjacete eis: Prædicare verbum Dei in omni patientiâ, & doctrinâ. In audiendis fidelium confessionibus, estote assidui. Unusquisque vestrum, juxta talenta sibi à Deo concessa, vineam Domini excolere non desinat. Timete verò, nè cum aliis prædicaveritis, ipsi reprobi efficiamini, quod Deus avertat. Orate pro me. Hæc loquebatur, hæc scribebat Joannes Franciscus, eò effiacius, quod exemplo verba comprobaret.

In die festo Assumptionis Beatissimæ Mariæ Virginis, peractâ concione, quam æger incaperat, gravi morbo correptus est; nèc omittendum sanè, quodd præ nimio acutissimæ febris ardore delirium passus, quibus replebatur pios affectus expromebat, integros psalmos, planâ modulatione, decantabat, adstantes fratres de ipsorum defectibus blandè, & appositè arguebat; perindè ac si è sacro suggestu haberet ad populum concionem prædicabat verbum Dei, fratres novis Domibus construendis præponendos designabat, vel eos utique, qui in diversis Vindaschini Comitatus, ac Gallo-Provinciæ partibus, insequenti anno, sacras missiones essent ha-

bituri. Delirans, ac morti proximus, quo Vicari Generalis fungebatur officium, adhuc obire quis dixerit.

Cessante delirio, cum ad se rediisset, Ecclesiæ Sacramentis communitus in Thorensi Conventu anno 1678 die vigesima septima Augusti, ætatis suæ trigésimo quarto, sui verò regiminis mense vigésimo, præmaturâ morte temporalem vitam finivit. Cælo donandus. Hujus exequias cohonestarunt Thorensis Civitatis viri nobiles.

C A P U T V I I I .

Andreas Blachere à Jesu.

EOs inter, qui, extracto Thorensi Domicilio, Ordinis habitum ibi primitus susceperunt laudandus venit Andreas. In Oppido *de Burzét* Territorii Vivariensis in lucem prodit, quo anno, quo die, mihi incomperturn.

Futuram adolescentis virtutem præsentiens Antonius, venientem lætus excepit. Ob singularem morum innocentiam, ac eximium animi candorem fuit illi semper carissimus.

HyacinthoFaumont Doctore, studiorum emenso curriculo, ipsique imposito prædicationis officio, annunciabat populis testimonium Jesu Christi non in sublimitate sermonis, sed in ostensione spiritus, & virtutis. Nuper institutæ Congregationi multum profuit, ac pro ejus stabilitate, & incremento laboravit, miræ cæteroqui simplicitatis vir.

Ipsa hæc Andræ simplicitas sapientium hujus sæculi prudentiam superavit, ac prædicto Antonio testante, hæc in eo
 1. Cor. 1. Apostoli verba adimpleta sunt *Quæ stulta sunt mundi elegit Deus ut confundat sapientes, & infirma mundi elegit Deus ut confundat fortia, & ignobilia mundi, & contemptibilia elegit Deus, & ea quæ non sunt, ut ea quæ sunt destrueret, ut non gloriaretur omnis caro in conspectu ejus.*

A cœlestium contemplatione, & à peracto sacrosancto Missæ Sacrificio tantâ cum animi, & corporis alacritate proficiscebatur, ut in fortitudine cibi illius biduum persæpè alterius cibi omnino expers duxerit.

Singulari, ac præcipuo erga Christi passionem agebatur

affectu ; quamobrem loca Sancta Palestinae, ejus mysteriis conspicua perlustrandi veniam, enixis precibus obtinuit ; ubi verò ad Calvariae montem ejusdem Christi accerbissimis poenis insignem, ac morientis sanguine consecratum accederet, effusus in lacrymas, piaque humo imprimens oscula, interno animi dolore vix confectus non est, ac immensam Christi misericordiam demiratus, immortales ipsi gratias egit.

Peractâ sanctorum locorum peregrinatione Thorum regressus vacuam à fratribus novam Domum audiens vehementer doluit, magnamque profudit lacrymarum vim : quid ageret tunc, quò se verteret, ipsi in promptu non fuit. Antonio Romae, Joanne Dalmassy Anagninae commorantibus, ceteri omnes, quos Romam secum adduxerat pius Institutor, Castellanae, quae superioris Gallo-Provinciae Civitas est, conveniant, ibique Christi bonus odor effecti, annuente Reverendissimo D. Senecensi Episcopo, ut praedictum est, Confessarii, ac Concionatoris munus obibant magno populorum applausu, ac fructu.

Illuc statim profectus est Andreas, nullumque ex longissimâ peregrinatione fervoris ac pietatis detrimentum passus, arctiori penitentiâ, ac mentis recollectione optimo ceteris fuit exemplo.

Hoc vel ipso tempore, quae Romae, circa confirmandam Congregationem tum apud Summum Pontificem, tum apud Reverendissimum Ordinis Magistrum agerentur, supernâ revelatione cognovit, ac illicò fratribus nunciavit.

Castellanâ demigrans Thorum, quò regressum putabat Antonium, advenit die tertia Augusti, serotinis horis. Conventum à fratribus vacuum, ac obseratis foribus cum reperisset hæsit percussus, propiusque nihil factum est, quam ut corruerit ex animis ; verumtamèn novos assumens animos, admodò muro scalâ, quam ex viciniore villâ propriis humeris detulerat, Domum per fenestram ingressus est, ac pulsato, nocte mediâ, aere campano, incredibili mentis suavitate in Choro solus matutinum persolvit.

Die quartâ Augusti Beatissimo Patriarchae Dominico sacra, dilucente sole, reферatis Ecclesiae foribus, Missam insolito populi concursu celebravit, fidelium confessiones audivit, ac de laudibus B. Patris Dominici è sacro suggestu peroravit.

Perraro fervoris exemplo ad matutinum persolvendum, mediâ nocte surgebat, diurnum officium, statutis horis, recitabat, abstinentiam, ac præscripta in sacris Constitutionibus jejunia servabat, diebus Dominicis, ac festivis, habitâ ad populum concione, ex tribus Sanctissimi Rosarii parvis unam, vespertinis horis, adstanti populo exponebat, tẽr uno die per mediam horam mentali orationi vacabat, ægrotos invisebat, ac solabatur; adeo ut, non frater unus dumtaxat, sed multiplex fratrum numerus in Thorenfi Cœnobio degere videretur.

In ore omnium, atque sermone præclara versabatur Andreæ virtus, ipsius humilitatem, modestiam, victus asperitatem necnon eximiam in proximos charitatem Thorenseſ admirabantur, & verò magna Andreæ hæc laus est, quod in Conventu solus, non ad oculum serviret, quasi hominibus placens, sed ut servus Christi faceret voluntatem Dei ex animo.

Ut Dei famulum à piis exercitiis deterrerent, utque abire cogeretur variè tentarunt Dæmones. Concutitur Domus, excitantur strepitus, audiuntur ululatus apparent spectra tũm maximè, cũ sub noctem mediam è Cellulâ egressus, ad Chorum pergeret matutinum persoluturus.

Horruit primũ Andreas, ac totis artubus contremuit; verũ redeunte animo, atque inimici detectâ fraude, à consuetâ agendi ratione, divinâ firmatus ope, non recessit, fervorem auxit, corporis afflictationes duplicavit.

Nec fuit sinè præmio virtus. Internis animæ deliciis, mentisque gaudio vana Sathanæ terculamenta abundè compensavit Deus: novos servo suo adjecit animos, novis Andream donavit gratiis, harum hæc præcipua fuit; quadam die sacrum Rosarium, devotiori mente, magnæque mentis suavitate in propriâ Cellulâ recitanti Beatissima Maria Virgo, & sanctus Hyacinthus visibiles apparuerunt, eumque de prospero confirmandæ Congregationis exitu fecere certiorẽ.

R. Pater Jacobus *de la Tour* qui, Antonio Romæ remanente, in Galliam remissus, Brianconii constiterat Thorum veniens, maximo Andream affecit gaudio, cumquẽ in pervigilio Sanctissimæ Pentecostes de optato Antonii reditu col-

loquerentur, viamque quâ esset venturus indicarent, ecce adveniens apparuit Pater amantissimus. Ipsi lætantes occurrerunt; quot verò fuerint amplexus, quantaque gaudia haud faciliè dixerim. De factâ tranquillitate monuit Antonius, Deo unâ benedixerunt, ipsique gratias egerunt, ut decet sanctos.

Andreas intèrim arctiori pœnitentiâ clarus, evangelicâ simplicitate amabilis, ac perseverentiâ eximius prætiosâ morte, ad immarcescibilem æternæ gloriæ coronam convolasse ab omnibus piè creditum est.

CAPUT IX.

Vincentius Maria d'Ollon à Visitatione.

CARPENTORACTUM Vindaschini Comitatus, Pontificiæ Ditionis Caput, Episcopi Sedes, venalium commercio Florens, ampla, & copiosa Civitas est.

Ibi anno 1644 die quintâ Aprilis ingenuis, piisque parentibus ortus Vincentius Maria jam indè à puero egregiam indolem præmonstravit, futuræque sanctimonix non obscura præbuit argumenta; morosus, aut inquietus nunquam visus est; singularis modestia, sedata, ac serena facies cunctis amabilem efficere, voces, quas primum novit proferre, sanctissima nomina fuerunt Jesus, & Maria.

Audiens grandiusculus Franciscum Salesium Genevensem Episcopum sanctorum numero fuisse adscriptum, matrem allocutus, ut vocabor, inquit, si sanctus fiam? providebit Deus, respondit pia mulier, de futuro nomine ne cures velim.

Septennis ad litterarum gymnasium missus, nè puerilium annorum illecebris serviens, in beatorum sortem electus apparuit; præclarâ castimonix laude conspicuus, si quem inhonestè locutum audivisset erubescere, collacrymabatur, verbis emendabat, adeò ut vicissim erubesceret malè locutus.

Hoc vel ipso tempore Prædicatoris fungens officio, factustue quodammodò pietatis Magister, cum vix prima Christianæ Religionis elementa didicisset, quæ à diversis Prædicatoribus audivisset, in eminentiori loco stans, congregatis pueris voce, gestuque reddebat, ac solutâ oratiunculâ, quid

vobis videtur, aiebat, nonne Prædicator futurus sum?

Piis exercitiis jam tùm magnoperè delectatus, sacras *Ædes*, libenter adibat, ac vana refugiebat seculi oblectamenta. Tot inter mundanorum negotia, aut nugas, id unum necessarium reputabat Deo inservire, & æternam salutem adipisci. Ab humani generis hoste obscenarum rerum specie appetitus, oratione, ac jejunio tentatorem fugavit. Mater & soror in Villam progressæ, inter spinas revolventem se, non semel deprehenderunt.

Ingenuas artes, ac Philosophiam in Carpentoractensi Collegio edoctus, superno adspirante numine, eaque, quæ iis, qui propter Christum omnia reliquerint, eumque fuerint secuti promissâ sunt præmia attentè considerans, mundo valedicere constituit. Benè optimè, & non ad insipientiam mihi, secum ipse ait, nam mundus transit, & concupiscentia ejus, & temporalia bona relinquere magis expedit, quàm relinquere.

Ipsius Pater, quippèqui Divinæ voluntati obistere, & carissimum filium nollet contristare, te torum Divino cultui devovere peroptas fili mi, inquit, esto quandò ità placer. At verò ecclesiasticæ militiæ adscriptus, quidni æternam salutem consequaris?

Stetit in proposito Vincentius Maria, ac Cubiculum ingressus, ferventiori præmissâ oratione, rem hanc forti commisit. Schedulas tres, quæ tria verba hæc Dominicus, Franciscus, Ignatius divisim scripta continebant in pileum misit eâ mente, eoque consilio, ut cujus parteseducta schedula referret, fidenti animo prosequeretur.

Tribus in eodem pileo sæpiùs agitatis, cæcâ manu primam extraxit. Tùm sancti Dominici instituta sectari, cognitâ, ut arbitratus est, Dei voluntate, statutum habuit in animo, ac deliberatum.

Anno itaque 1660 die vigesimâ Februarii in Thorensi Domo regulari veste indutus, expletoque tirocinio, emissâ professione plurimis cæpit virtutibus coruscare. Diffidens sibi humanæque instabilitatis benè conscius, in Sanctissimi Sacramenti Congregatione perpetuò remanendi privatum votum emisit.

Nec tardè locus adfuit, quod promissi pœniteret, nisi constaret animo; præ tenui namque corporis habitudine, continuâ

continuâ fermè ægritudine vexatus molestè vixit inposterum; hemi cranîæ erat obnoxius, stomacho laborabat, sibi fastidium pariebatur.

Verùm quod animus corporis vires longè superaret, nedùm patienti, verùm etiâ lætâ mente gravia hæc mala pariebatur, internum animæ gaudium ipsi oculi, vultus ipse, ipsa verba referebant.

Parentes intereâ de Vincentii Mariæ sanitate solliciti, ut ad laxiorem transeat, suadent, obtinendam à Reverendissimo Ordinis Magistro licentiam, ac emissi voti relaxationem pollicentur, spondent pecuniam, de benevolo, ut vocant, Receptore asseverant. Periculosa sanè tentatio!

Nèc inducitur Vincentius Maria, ut audiat; temporalem vitam contemnit, ut æternam tutiùs consequatur; forti, firmoque animo cæptam vitæ rationem retinere velle responder, quamvis intrâ tres dies, certò sciret se esse moriturum.

Quod ingravescente morbo, nèc dormire ipsi esset, nèc studere, seriisque vacare nequirer, Poëticem apprime edoctus, Cantica spiritualia gallico sermone scribebat, sanctorumque laudes carmine celebrabat. Exrant Anagrammata, cuilibet adjuncto Epigrammate, certiora ingenii sui monumenta. Ea refert Archangelus Gabriel in Vincentii Mariæ vitæ compendio. Hæc brevitatis gratiâ prætereo.

Tom. 2. pag.
395.

Adhortante Deo memor erat, quod mors non tardat; quapropter in ultimam exitus sui horam noctes, diesque mentis aciem intendebat: ægrotantis Ezechîæ Regis exemplo, manè usquè ad vespèram, vespèrè verò usquè ad manè sperabat.

Salutaris hæc cogitatio, nedùm servum Dei retrahebat à peccato, verùm etiam ad omne opus bonum impellebat, labores pariebat, & pias exercitationes; quodquè cum Sancto Ambrosio noverit solam virtutem comitem esse defunctorum, antè mortem parabat justitiam sibi.

Disciplinæ regularis observantissimus, nullâ, Prælati ægrè ferentibus, uti voluit dispensatione, à victu asperiori non recessit; consueta servabat Ordinis jejunia. Chorom diù, noctèque sectabatur. Fortiori animo, insolitoque mentis fervore, jejunabat identidem pane, & aquâ contentus. Oblata vix adhibebat solatia, nequè eis utebatur, nisi præcessisset superioris imperium. Omnia vel ipsam vitam faciliè contemnebat, quia se cogitabat moriturum.

A judiciis Dei semper timuit Vincentius Maria; cum Sancto Job verebatur omnia opera sua sciens, quod Deus non parcat delinquenti. Sive comederet, sive biberet, sive aliquid aliud faceret, semper videbatur tuba illa terribilis, suis auribus insonare, *Surgite mortui venite ad judicium*. Enascentia quotidie inferioris appetitus mala desideria adedè rescebant continua hæc extremi judicii meditatio, ut graves inter Lascivientis carnis illecebras, præciosum custodierit virginitatis Liliū, improbam mali Demonis tentationem perseveranter ablegaverit à se, victorque discesserit è certamine.

Antonius à Sanctissimo Sacramento, cui intimus Vincentii Mariæ animus erat apertus *Quot certamina, inquit, quot coronæ! quot præmia! meâ quidem sententiâ ob servatam in tantis periculis castitatem, miraculis clarescet Vincentius.*

Singulari Dei providentiâ, nè miraculo dixerim, aliquantulum sanitate adeptus, insitis dotibus ad majorem Dei gloriam, ac proximorum salutem benè uti aggressus est. Divini verbi præconio addictus, nihil spectavit, aliud nisi, ut peccatores ad rectum salutis iter perduceret; prædicantem libenter audiebant viri doctiores, ac pii, & quidem concinnè dicebat, lectissimisque sententiis abundabat oratio.

Tantâ modestiâ, eâque præstabat animi recollectione, ut terrestres Angelus, ac cœlestis homo ab omnibus diceretur.

Dominum nostrum Jesum Christum imitatus, vitam perdidit, nè perderet obedientiam; anno siquidem 1673, Januario desinente, in Oppido de Sahune Provinciæ Delphinatus, ac Diœcesis Sistaricensis per adventantem Quadragesimam habendis ad populum concionibus destinatus, tenuis valetudinis excusationem modestè attulit, at iterato monitu, bonoque esse animo jussus, nihil deliberandum ultrâ censuit.

Quapropter ad prædictum locum, præfixo tempore, progressus eâ corporis, & animi contentione Divini verbi præconem agere, pueris prima Christianæ fidei præcepta tradere, fidelium confessiones audire cepit, ut, ipso sacra Quadragesimæ medio, eum vires omninò defecerint.

Tùm ad Thorense domicilium deportatus, eximia præbuit invictæ patientiæ argumenta; quodque exhaustis viribus, sacrum Missæ Sacrificium exsequi non posset, infirmario innixus, ad Ecclesiam veniens, Sacrosancto Christi Domini

corpore quotidie reficiebatur, illudque sumebat pro Viatico, nè, morte præventus, tanto auxilio privaretur.

Proh secretiora Dei in filios hominum consilia! qui servatâ innocentia vitam sanctè peregerat, Dei iudicium perhorrescit; quasi tumentes super se fluctus timet Deum pondus ejus non sustinens. De Divinâ misericordia vix non desperat penè moriturus.

Graviter interea affliguntur fratres, qui decumbentis lectum circumstant, monent, hortantur, Dei misericordiam extollunt, Beatissimæ Mariæ Virginis opem implorant, Deo nuncupant vota.

Exaudiuntur multorum preces, benè illicò fit, nubilum omne difugit, reddit serenum; mæstus decumbentis vultus in hilarem commutatur, angoribus succedit pax, timori fiducia. Sacram Domini Jesu è Cruce pendentis imaginem manu perstringens, eamque peramanter deosculatus placidissime obdormivit in Domino anno 1673 die decimâ tertiâ Aprilis.

Defunctum Vincentium Mariam nonnullis claruisse miraculis, quemadmodum Antonius prædixerat, perhibetur.

Maria *Rabasse* puella, pridie confraçto brachio, dum demortui corpus lustrali aquâ aspergit, derepentè sanatur. Hac de re, nè è memoria efflueret, ritu juridico inquisitum est, nèc difficultè, hujus quippè miraculi tot fuere testes, quot in Ecclesiâ adessent viri, ac mulieres.

Francisca *Metau* continuâ febri à mense altero vexata, implorata Vincentii Mariæ ope, integræ sanitati restituta est.

Pontia *Bonaud* altero oculo amisso, ejusdem precibus commendavit se, & visum recuperavit.

In Vapincensi Civitate, Monialis Ursulina hydropisi, sanguinis excreatione, & asthma curata est, chartaceâ Sanctissimi Nominis Jesu imagine, quæ Vincentio Mariæ fuerat usui, ipsi applicatâ.

Carpentoracti Margarita d'*André* nobilis sæmina, defuncti Vincentii Mariæ Mater pulmonis inflammatione brevi moritura, eodem remedio convaluit.

In hac eadem Civitate Alexander *Valete* decennis, epiphorâ, continuâ tussi, nècnon heticâ febri gravatus, exsanguis aded, & exsuccus, ut quamdam animati cadaveris speciem repræsentaret, multiplici morbo revelatus est, concepto à

parentibus voto famuli Dei sepulchrum visitandi; eò mirabilior fuit sanatio, quò promptior. Hanc curati filii Pater Franciscus *Valete* medicæ artis laude præclarus, scripto testatus est: alia multa circumferuntur miracula. Hæc taceo, nè compendii fines prætergrediar.

CAPUT X.

Jacobus de la Valdenne à S. Chatarinâ.

IN eâ Vindascini Comitatus, Pontificiæ Ditionis copiosâ Civitate, quæ Bollena dicitur, nobilissimis parentibus anno 1666 die undecimâ Martii natus est.

Ipsius Pater Joannes Franciscus *de la Valdenne* amplissimâ Comitum *du Puy, de Rochefort* stirpe progenitus, in matrimonium ductâ Joannâ *de Benedicty* clarissimi generis scemina, duas ex eâ suscepit filias, filium unum; Jacobus hic est, cujus vitæ sanctioris historiam strictim litteris mandare suscipimus.

Paternæ Domi piè, sanctèque educatus, morum lenitatem, innatam modestiam, propensissimam omnibus benefaciendi voluntatem, & ad optima quæque comparatam indolem præmonstravit.

Adolescentiam ingressus animum relaxare, cœvorum consuetudine plurimum uti, cætus frequentare, conviviis interesse non respuit; quæ recta, & honesta ipsâ per se lætitiâ faciunt, amicorum inductu, aliquandù secutus est.

Facti pœnitens, immoderatam hæc vitæ suæ rationem, hæc morum perversitatem, gravem hæc in populum offensionem appellavit postmodum, sollicitæ religionis adolescens.

Indolis ad magna compositæ, nè à majorum suorum animi fortitudine degener, militare primùm animo constituit, ad rem bellicam suaptè proclivis: intereâ Gratianopolim missus, ibi litterarum studio operam dedit, eo profectu, ut ingenio, ac doctrinâ æquales anteiret.

Vix non peracto Philosophiæ curriculo, animi anxietatibus, Deo permittente, torquetur, quamcumque oblectationem internus dolor extenuat, nullâ fruitur jucunditate; Di-

vino afflatu ad perfectiora vocatus aliud, atque aliud volutat animo consilium; tunc hoc, tunc illud illi probatur.

Nec perpetuò fluctuat. Superno illustrante lumine, cognitâ blandientis seculi vanitate, ac amittendæ salutis æternæ periculo, in alium virum derepentè mutatus est: Christum, qui cum esset dives propter nos pauper factus est, sequi, ejusque crucem in regulari statu ferre constituit.

Verùm cui Religiosorum virorum cætui nomen der ignorans, ipsi anxio, ut supernæ claritatis radius affulgeat, ferventiores Deo fundit preces, proborum hominum, qui confirmant in bono, consuetudine tantummodò utitur, sacras Ædes, desertaque loca frequentèr adeundo mirificè delectatur, Anesium sacras Sancti Francisci Salesii reliquias visitaturus semèl, atque iterum proficiscitur. Ut viam in quâ ambulet edoceatur, ac obtinendæ gratiæ impedimenta ut removeat, de totâ vitâ ritè confessus, Sanctissimo Eucharistiæ Sacramento frequentius reficitur.

Nec Patrem latuere diù carissimi filii consilia; quapropter veritus maximè, né, se inscio, religiosam vitam Gratianopoli ineat, indè in Patriam eum incunctantèr revocat, hucque suas omnes confert vires, nihil non molitur, ut à proposito decedens filius unicus, ad bellica studia animum referat, gentisque suæ nomen perpetuet.

Interea, cùm eximiâ Jacobus sit, & animi, & corporis indole, ad acuendam adolescentis industriam nevè quid desit filio ad animi culturam, hoc vel ipso tempore ad Parisiensem Academiam eum mittere Joannes Franciscus *de la Valdenne* constituit. Eam ob rem splendidus paratur instructus, Ductor eligitur, commendatitiæ litteræ conscribuntur, itineris ratio omnis præscribitur; at verò Deus scit cogitationes hominum, quoniàm vanæ sunt.

In Tricastinâ Civitate (hæc unâ leucâ Bollenâ distat) novum Domicilium extruxat Antonius à Sanctissimo Sacramento; illuc fortuitò cùm adisset Jacobus novi Dominicarum cætus mutuam charitatem, asperiores victum, extremam paupertatem, mentis, sensuumque recollectionem vehementèr est admiratus. Eo duxerat Spiritus Sancti gratia, illic Omnipotenti Deo ad obitum usquè servire constituit. Bollenam reversus subtracet, quod mente conceperat, Patrem variâ spe laetatur, in morbum incidit.

Verumtamen, quod sibi nihil longius sit, quam suscepti consilii executio, nondum confirmatâ valetudine, paternâ Domo clanculûm egressus, & ad Thorensem Conventum profectus Prædicatorum Ordini adscribi enixè petiit. Ad vovendam paupertatem comparatus, quamcumque penès se haberet pecuniam, pauperibus eundo distribuit.

Intereâ Joannes Franciscus de unico filio magnoperè sollicitus gravi dolore afficitur, quod se non salutato, abierit amarè conqueritur, parentes vicinos, alienigenas interrogat, qui eum diligenter perquirant, servos quaquâversùs mittit.

Altero posteaquam è paternâ domo recessisset die nondum elapso, certum hominem misit Jacobus, qui amantissimum Patrem de suo præsentî statu moneat, datisque litteris humiliter rogat, ut suum probet consilium, suamque admittat excusationem. Epistolam gallicè conscriptam latinè subjiçio.

Elapsus sum, inquit, filiali pietate repugnante; timui verò, nè paterna benevolentia properantem filium retardaret, nequè Patrem plusquàm Christum si dilexero, hujus discipulus non sim; non diù cogitatum nihil facio; arduum quidem opus suscipio; victus in primis asper viget in hac Thorensi Domo, nè meo robore fido, uni Deo credo me, ac committo; Patere quas me hic vivere, hic mori: Tuus esse non desinam, imò tuus eò magis futurus sum, quo Christo vocanti obtemperantior; exiguum nobis vitæ curriculum natura circumscripsit; momentaneum, & leve tribulationis nostræ immensum, ut spero, aternæ gloria pondus operabitur in nobis: hac me multum confirmat cogitatio. Dolorem tuum minuas velim; me amasti, amare perge, mihiq; filio tuo benedictionem impertire.

Manantibus lacrymis hanc legit epistolam Joannes Franciscus, ac insperato nuncio perculsus, nullâ, ut ad se rediit; interpositâ morâ, Thorum profectus est.

Præterquàmquod filium unicum, ad familiæ splendorem, in seculo retinendum perdere nolit, asperioris victus, ac vestitus ferendo oneri parem non judicat; quaproptèr, ut à suscepto consilio deterreat, paternâ, quâ valet auctoritate, impensè utitur. *Vide, inquit, quid agas fili mi, nisi te moneam imprudenter egero, veniet profectò tempus, veniet, cum te facti poeniteat; temporis intercessu, tepefcit animi fervor, voluntas plerumque non præstatur salubre rationis consilium. Blanditur, pronunciat præmia, dignitates pollicetur, suspirat, illacryma-*

tur, ut in sententiam suam filium trahat omni studio contendit.

At verò fortiore animo Jacobus, in propulsandâ oppugnatione perdurat, nec promissis flectitur, nec lacrymis frangitur, nèc objectâ honorum, ac divitiarum specie emollitur; sic respondet, ut constantiam admiratus Pater Divinæ obtemperet voluntati, filique consilium suo probet assensu. Jacobus votorum summam affectus, incredibili mentis suavitate affectus est, ac regulari habitu actutum vestiri humiliter postulavit.

Secularem vestem dimittens, induit novum hominem, eum, qui renovatur in agnitionem, secundum imaginem ejus, qui creavit illum; sicut modò genitus infans solidæ pietatis lac cepit concupiscere, ut in Christo cresceret in salutem.

Ut maturè probetur Jacobi virtus, ipso religionis tirocinio ineunte, cum invisibili humanæ salutis hoste acriter pugnat, mundi gloriam, honores, divitias, oblectamenta ipsius menti objicit malus Demon, eâ vi, ut vix non deficiat viribus, gravissimâque tentatione non obruatur.

Quid agat mœrens? se totum Magistro Novitiorum patefacit, ad orationem recurrit, Mariam cogitat, Mariam invocat, ipsâ tenente non corrui; ipsâ protegente non metuit; gravi hac tentatione expeditus placidâ postmodum pace positus est.

Quò magis elucescat Novitii constantia, accedit res hæc. Abundans, ac noxius humor malè afficit oculos, eosque nè perdat verentur Medici; quapropter, ut paternos lares repetat, nè regularem professionem emittat omnino arbitrantur.

Hæc audiens Jacobus gemit, illacrymatur, vix præ mœrore non moritur: Deo interim benedicit, bono est animo, adeoque facti non poenitet, quin potius adverso casu, animum obfirmet in proposito.

Verebatur quidem, nè adversâ valetudine, à Conventu abire cogeretur; verumtamen à Thorensis Domus Religiosis viris, qui malint potius carissimum Novitium ægrotum, vel etiam cæcum retinere, quàm ad propria remittere, unâ omnium sententiâ, expletâ probatione, admissus est.

Anno itaque 1685 die quintâ Maii novemdecim annos natus solemnia vota, eo mentis fervore Deo nuncupavit,

ut vultus ejus seraphico ardore inflammari visus sit. Unici filii sacrificio Joannes Franciscus *de la Valdenne*, profluentibus lacrymis, interfuit, eique, qui aderant Thorensis Civitatis viri nobiliores gratulati sunt: bonorum hæredem, inquiunt, morientem vidisti, vidisti etiã Sancti nativitatem; & verò sanctitatis insignia Jacobi facies præferebat.

Votiva professio quæ nonnullis de disciplinæ regularis severitate multùm remittendi occasio est, luculentissimum Jacobo fuit ad ampliorem progressum incitamentum; acquirendæ perfectioni eâ mentis contentione operam dabat, ut quæque virtus illa videretur, quam statuisset obtinendam. Orationi inprimis deditus, antè Divinissimum Eucharistiæ Sacramentum diù, noctûque, aut genuflexus orasset, aut cui-libet Sacro interfuisset, si præ studio, aut perdiscendâ lectione liceret. Deo erat ità mente conjunctus & ab erranti oculorum motu alienus, ut Sanctum Bernardum imitatus Sacræ Ædis, Conventûsque formam nesciret; varios psal-morum versiculos per somnum, clarâ voce, decantabat.

Emissâ professione Philosophiæ studio applicatus, ut moris est, præclarissimæ diligentiæ, mansuetudinis, ac modestiæ condiscipulis præbuit exempla; eo pollebat ingenio, ut magnam sui moveret expectationem.

Pro castitate servandâ nuncium mundo remiserat; ob hanc maximè causam, dimissâ paternâ hereditate, regularem statum amplexus est; eaproptèr vel minimam impudiciæ labem, imò ipsam impudiciæ umbram perhorrescens, omni custodiâ servabat cor suum; in visûs custodiâ vigil, ac difixis in terram oculis nullam à suscepto regulari habitu, de facie fœminam novit. Thorum adductam à Patre sororem natu minimam, vix induci potuit, ut cum eâ ad januam Conventûs paucis colloqueretur.

Præsentium nutus omnes diligentèr observans, illud spectabat; quid vellent. Quod toti Communitati fuisset præceptum, tanquàm sibi soli commendatum, religiosâ anxietate, exsequebatur: arduum nihil, nihil abjectum reputabat quod Superiores præcepissent, gloriosum, existimabat obedire.

Paupertatem adedò coluit, ut nemò magis. Ab emissâ professione solâ videbatur penuriâ gloriari, & egestate gaudere. Cella, habitus, suppellex, quæcumque sibi essent usui,
amicam

amicam paupertatem redolebant. Obsoletam vestem, quæque nulla deterior sit, libenter induisset. Superflua subtrahens sibi, à necessariis plerumque abstinuit. Suis non serviens commodis, nihil à prædivite Patre, nihil à consanguineis, ab amicis nihil haud unquam petiit.

Corporeæ constitutionis ingenta imbecillitas, diligentem curationem, cibumque delicatiorem postulabat. His non nisi ægrè utebatur, timebat namque, nè sibi plus nimio indulgeret. Ab veste pulverem dum excuteret infirmarius, at pulvere obduci decet, inquit, in pulverem convertendum.

Eò crevit paupertatis amor, ut sui planè oblitus, nè remedia postuler, nè cujusvis operam requirat: vultu hilari suum intrà se dolorem premit, nè sibi solatia adhibeantur; aded, ut, nisi infirmarius diligentèr adverterit, brevi sit moriturus.

Mundi planè oblitus, nihil de parentum, ac consanguineorum, nihil de Domus suæ præsentis statu perquirebat, nihil interrogabat, nihil percunctabatur. Nobilis vir sibi assinitate conjunctus eum officiosè cum adisset, ut Patris nomine salutaret, suæque familiæ statum exponeret vehementèr est admiratus; statim namquè sermonem aliò transtulit Jacobus, ac de mundi hujus vanitate tam aptè differuit, ut hospes ad propria melior regressus sit.

Virtutum omnium custos, ac decor humilitas Jacobum aded sui juris effecerat, ut quàmvis in eo fulgeret rarissimum splendor, ac prærogativa virtutum, hæc tamèn præcipuum dominium assecuta videbatur; Urbanitatis apprimè sciens, sermonis, morumque elegantia præstans, rusticitatem affectabat, ut ignobilis haberetur; cultus, ac ornatus experte utebatur sermone; Generis nobilitatem, majorum præclare gesta, Dignitates, eisque demandata negotia altissimo premebat silentio; quidquid sui despicientiam afferret amplexus, ab omnibus desiderabat nesciri, nequè appetebat honorari in scholâ humilitatis.

Pœnitentiam cum S. Joanne Chrysostomo misericordiæ matrem vocabat; quapropter corpus suum voluntariis cruciatibus atterat, jejundet quotidie pane, & aquâ contentus, acri flagello cædat se, nè cilicium dimittat, nè ferreum cingulum, nisi currenti moram fecerint Superiores; horum

quædam piâ importunitate petenti, ac in expiscandis rationibus solertissimo, quandoquæ, perrarò tamèn, præ sui corporis imbecillitate, concessere.

Appositis dapibus vescabatur nullo, quod suavitatem augeret addito condimento. Deliciori frustulo, ut in Sanctissimi Sacramenti Congregatione moris est, in honorem pueri Jesu quotidie abstinebat. Escam delicatorem aut primoribus labiis tantummodò degustabat, aut deglutiebat infectam, nè, scilicèt, gustationis jucunditatem sentiret.

Ut abstergeretur glaucoma, pulverem exedendi vi præditum, oculis, Medicorum consilio, insuflabat infirmarius. Acriori hoc, sæpè uno die utebatur remedio, nequè sibi, ut sanitatem afferret, quàm potius, ut obedientiam præstaret, ac patiendi occasionem nancisceretur.

Attenuaverant adedò Jacobum inediæ, asperrimique cruciatus, ut Sceleri speciem referret, ac, invalescente morbo, de ipsius proximâ morte timeretur; ille verò patientiæ servantissimus, ægritudinis molestias voluntatis suæ cùm divinâ consensione, futuræque beatitudinis spe solabatur.

Intereâ patris rogatu Bollenam natale solum, instaurandæ sanitatis ergò deductus, ut se à fratribus suis sejunctum videret, tantum dolorem passus est, ut ægritudo non minuat, quàm potius augeatur, quodque nisi apud fratres suos libentè quiesceret, Conversi duo, qui ipsi inserviebant, piâ decumbentis importunitate devicti, ad Tricastinum Conventum, utpotè viciniorem, transtulerunt.

Ibi, hecticâ febri correptus, inconcussam retinuit animi firmitatem; nè lectum adiit, nè à severâ vitæ ratione recessit; tantâ in perferendis doloribus afficiebatur suavitate, ut, si quem venientem advertisset, cantaret, ut, quæ patiebatur mala leviora crederentur, ejusque vicem minùs dolerent.

Sanationem non attulit diligentissima curatio, nè eum præsentia juvere remedia. Morbo confectus, cœlestium bonorum æstuans desiderio, susceptisque devotissimè Sacramentis obiit die duodecimâ Martii anno 1687. Jacobi vitæ compendium, eodem quo mortuus est anno, à pio Tertii Ordinis nostri Sacerdote gallicè conscriptum, Avenione publicè juris factum est.

CAPUT XI.

Andreas Olivier à sanctâ Agnetæ.

IN Oppido du Broc Diœcesis Venciensis, in ipsis Gallo-Provinciæ finibus, ad Varum fluvium posito, parentibus pietate, & christianâ fide conspicuis natus est anno 1639.

Adolescens humaniores litteras edoctus, ac pubertatis annos vix ingressus, in Thorensi Conventu ab ipso Antonio à Sanctissimo Sacramento regulari habitu indutus est, quodque definitum emittendis solemnibus votis tempus nondum attingeret, biennali functus tirocinio, jugum Domini portavit ab adolescentiâ suâ.

Vir fuit rectus, ac timens Deum, & recedens à malo; veritatis cultor eximius à mendacio semper abhorrui; nihil in eo insidiosum, nihil fallax; simplici, ac nudo sermone utebatur; inter agendum aberat ab omni simulatione & fucò.

Institutoris mentem affecutus, ipsius mores mirâ similitudine effingens, ac regularis Disciplinæ tenax, ipsam tueri, ac propagare vigilantèr studuit; duram, & asperam vitæ rationem tenuit, quoad vixit.

Christianæ simplicitati, doctrinam junxit singularem: Hiacintho Faumont Magistro Philosophiam, ac Theologiam edoctus, nunc istam, nunc illam annis novemdecim, nullâ usus dispensatione, & à nullo tam diurno, quàm nocturno communi exercitio vacans, magnâ cum laude pietatis, & doctrinæ professus est.

Intricatioris utriusque scientiæ difficultates, Doctore Angelico facem præferente, apertissimè explicabat, ac propostita dubia solvebat, mirâ ingenii perspicuitate.

Pietate, ac eruditione insignis Alexander Piny Ordinis Prædicatorum, Philosophici operis Author notissimus viatorum in navigium Lugduni cum conscendisset Avenionem, Rhodani fluente, profecturus, casu contigit, ut Andream ibi reperiret; hic statim pusillus, quique scientis hominis speciem non referret, expleto in primâ salutatione urbanitatis officio, in prædicti navigii angulo, demisso capite, manu unâ corol-

iam precatoriam, alterâ verò baculum tenens continebat se tacitus.

Ad eum intereâ propiùs accessit Alexander, sermonem intulit, de diversis primùm collocutus est, utque viri scientiam exploraret, de Philosophicis sensim iniiit disputationem.

Dicentem audivit Andreas, ad interrogata respondit, explicationem auscultavit, discipulum planè quis dixerit, non magistrum. De multis vicissim sciscitatus est, questiones ordinatè proposuit, pressit argumenta, adeò ut Alexander, vir cæteroqui præacutus ingenio; ad incitas vix redactus non sit; hinc intellexit haud esse tutum, cum ignoto hoste congregari, debeatque nemo, Christo monente, secundùm faciem iudicare.

Singularem Andræ modestiam, ac eruditionem admiratus Alexander, ipsius laudes Avenione apud nostrates profectus est, ipsi amicior nemo vixit in posterum, ac per litteras sæpissimè sunt collocuti.

Ad concionatoris munus quod attinet, unum quavis à Domino talentum acceperit Andreas, non tenuit, non abiit, illudque in terrâ non abscondit. Nonnullis missionibus interfuit. Ad prædicandum verbum Dei, tàm domesticis, tàm extraneis præstò fuit semper: non concionna ad nosdum erat oratio, sed solida, non jejuna sermo, aut exilis, sed optimis firmatus rationibus; Theologicam tamèn prælectionem magis, quàm de moralibus orationem dixeris.

Dominus noster Jesus-Christus, inquiebat, vocatis servis suis, pro sua cuique voluntate bona distribuit; uni dedit quinque talenta, alii duo, alii verò unum; ab eo qui quinque, quinque; ab eo qui duo, duo; ab eo qui unum talentum acceperit, unum reposcet, nè mediocris culpæ reus est, qui ad Prædicatorum Ordinem vocatus verbum Dei prædicare, ex neglectu contemnit.

Qui columbæ simplicitatem maximè coleret, serpentis prudentiâ non caruit; quapropter à Reverendissimo Antonino Oloche Generali Magistro, in pernoscendâ, æstimandâque virtute solertissimo, Congregationis Vicarius Generalis institutus, nihil habuit antiquius, quàm, ut in studiis diligentiam, in habendis missionibus perpetuum studium, Regulæ, ac sacrarum Constitutionum observantiam intactam custodiret.

Eâ auctus dignitate, quam semper coluerat humilitatem impensè servavit, arctiori pœnitentiæ studuit, nihilque de consuetâ agendi ratione remisit. Silentium, recollectionis, ac innocentiae custodem vocabat. Quo promptius ad matutino mediâ nocte persolvendum fratres surgerent, ut statuto tempore cubitum irent, nevè dato signo vigilas imprudenter protraherent, diligentèr attendebat; experientiâ namquè compererat plures hinc valetudinem, ac vires perdidisse.

Mentali orationi vehementer addictus, eos quibus esset a confessionibus, ut perutili huic exercitio operam darent hortabatur in salutis viâ ductor peritissimus: dominicis diebus, decantatis vesperis, antè Sanctissimum Eucharistiæ Sacramentum, positis genibus, ac nudato capite, altâ voce meditabatur, ut Novitii, ac juniores fratres meditari perdiscerent, atquè adstantes seculares ad meditandum alliceret. Codicem, suapte Andreæ manu conscriptum penès me habeo: ibi mentalis orationis utilitatem amplificat, ibi regulas, ac formam fructuosè meditandi disertè tradit in triplici statu vitæ, ut ascetici vocant, purgativæ, illuminativæ, & unitive. Ut in primo statu diutius immorentur, qui christianam perfectionem assequi desiderant, nevè præcipiti, ac illusoriâ prurigne, ad altiorem præproperè contendant; prudenter admonet.

In confirmandis, qui non constarent animo Novitiis mirificè excelluit. Juniorem ac inutilem servum me, decurrente tirocinio, ægotantem, ac hecticâ feбри brevi moriturum, ut Medici omninò arbitrabantur, nisi à regulari statu, ac asperiori vivendi ratione recesserim, afflictum erexit, & admittendam professionem impulit, accendit, animavit. Plurimum ei me debere profiteor, quodque perseveraverim, ipsi, secundum Deum, acceptum refero.

Tametsi senex egregiè vegetus, ac vividus erat Andreas; in eo emicabat vigor animi, & virium; ac verò amplam Theologiam prælo parantem mors insperata subripuit, nimiam, ut creditum est, in scribendo mentis contentione; continuæ febris sanctioris vitæ finem posuit, & ad beatam æternitatem patefecit viam in Thorensi Domo anno 1702 die vigesimâ-nonâ Martii.

CAPUT XII.

Alexius de Guast à Sancto Spiritu.

IN Thorensi Civitate nobilissimâ stirpe progenitus, avitæ gentis claritati, non levis sanctimonix decus adjunxit; inter Equites sancti Joannis Hyerosolimitani, dum adhuc in cunis vagiret infans, admissus, dein verò grandiusculus à Patruo, ejusdem Ordinis Commendatore, Melitam vocatus, ut militaris Instituti tirocinium poneret, navali, ut assolet, contrà Turcas expeditione susceptâ, magnam sibi gloriam comparavit, ipsiusque animus enituit. Mirabantur omnes in Alexio adolescente animi fortitudinem, quâ ingruentia pericula, serenâ fronte intueretur.

Servum Dei Antonium cum adisset pia Alexii Mater (ipsum habebat conscientix suæ judicem) obsecro te, inquit, num ex filiis meis quispiam Congregationi tuæ nomen dabit? Hoc ardentius concupisco, gratiam hanc quotidianâ prece efflagito.

Bono animo esto, nec precem dimittas, respondit servus Dei, votis tuis fiet satis, quod concupiscis, consequeris; Carolus (hoc nomine vocabatur qui postea, cum regulari habitu indueretur Alexius dictus est) militari Ordine derelicto, Dominicanus fiet.

Nihil tùm verosimile habebat mutatio hæc; quâproptèr supernâ hac revelatione cognovisse sapientiores ipsi crediderunt.

Nihil propius quadam die factum est, quàm ut ad paternæ Domus januam ex casu interiret Carolus infantulus; illac fortuitò transiens Antonius, misericordiâ motus propius accessit, lapsum puerum erexit, ejusdemque regularem in Sanctissimi Sacramenti Congregatione statim socio suo ad aurem prædixit.

In ipso emittendæ professionis articulo Melitâ, ætatis suæ anno vigesimo-quarto Thorum regressus, ac in alium virum derepente mutatus, seculum cæpit fastidire, ac de æternâ salute seriò cogitare. Non morantur ejusdem seculi blandi-

menta, non adulatorio frangitur amicorum sermone, nec retrahunt à suscepto consilio ampliores, quas jure merito sperare poterat, dignitates; contra Ecclesiæ hostes, spirituali gladio pugnaturus, regularem Sancti Dominici habitum ab eodem Antonio humiliter petiit.

Optimæ indolis, ac ingenio ad præclara quæque aptissimo adolescentem, exploratâ per menses tres ipsius mente, Congregationi suæ aggregare summopere gavissus est servus Dei, eumque pro cœlitus dato munere habuit. Quod sibi optata contigerint lætata est pia Mater, cæteri verò parentes obstitere, nec desuerunt mali Demonis tentationes, quæ à suscepto consilio Carolum deterrent; ipse verò oratione, ac frequentiori cum Antonio colloquutione, superatis impedimentis, suscepto regulari habitu, ac peracto mirabili fervore Religionis tirocinio, terrenis omnibus posthabitis, solemnia vota emisit in Thorensi Conventu, anno 1660 die decimâ octavâ Augusti.

Ex quâ die placuit ei, qui segregavit eum ex utero matris suæ, & vocavit per gratiam suam, continuò non acquievit carni, & sanguini; angustam portam, arctamque viam, quæ ad vitam ducit firmiori animo ingressus est; delicatiori cibo à puero enutritus, asperrimo victu, perpetuoque ferme jejuno delectabatur, ut, scilicet, hæreditatem justorum, quam diffidebat per vitam rapere, raperet per pœnitentiam: nullâ, vel æger, dispensatione usus est.

Extremam, quæ in Thorensi Domo vigeat paupertatem divitias discitabat. Arctiorem levissimâ suppellectili instructam Cellulam, Regum Palatiis, & opibus anteponebat. Monente Gregorio Magno, considerabat vitæ terminum, & ipse in hac vitâ non erat, quod amaret.

Illius utique, qui ad debellandas aëreas potestates, ac profligandam Demonis superbiam, humilis inter homines apparere dignatus est inhærens vestigiis, humilitatem impensè coluit. Gentis suæ claritatem planè oblitus, nullam ex eâ gloriam hausit, nec à vilioribus quidem Conversorum officiis abhoruit. Clarum illum, nobilem illum cum sancto Joanne Chrysostomo reputabat qui dedignatur servire vitiis, & ab eis non superari contendit.

Quod non supererent vires, ac pro tenui corporis habi-

tudine, peragendis missionibus esset impar, assiduus ad Deum preces, & voluntarios corporis cruciatus pro peccatorum conversione offerebat, tantòque plus Alexii dolor capiebat incrementi, quantò magis ad hominum flagitia animo sese, & cogitatione converteret.

Beneficus, ac christianà ergà proximos charitate insignis, pauperum vicem, ac miserorum æumnas miseratus, quamcunque eis possèt opem ferre, collectis, vel etiàm à pià matre spontè datis elemosinis, omni curà, ac studio satagebat.

Prudentià, magnoque regularis observantiæ zelo pollenti, non semel commissum est Prioris officium; dolebat tunc, nè enì munerì huic parem existimabat se; ad regimen coactus semper venit; parere cæteris, libertatem vocabatur.

Magna apud omnes erat Alexii expectatio, eumque, defuncto Antonio, præcipuum fore Congregationis fulcimentum una erat omnium vox. Conciderunt fratrum suorum omnes spes, huicque expectationi successerunt dolores. Dùm omnibus Pastoris optimi officiis in Conventu Bedoinensi, jugi sollicitudine fungeretur, in gravem morbum incidit, susceptique de more Sacramentis piè mortuus est, qui piè vixerat.

C A P U T X I I I .

Humbertus Courén à Præsentatione.

IN Oppido d'*Aubignan* Vindascini Comitatus, Arausicanæ Diæcesis, parentibus christianà pietate conspicuis, ac Ordini sancti Patris Dominici perantiquo benevolentia nexu addictis anno 1642, die undecimâ Junii in lucem prodiit.

Regularem statum in S^{mi}. Sacramenti Congregatione professus, mansuetudine potissimùm, modestiâ, ac humilitate præfulgere visus est.

Præacuti ingenii adolescens studiis addictus, quæ Magister doceret, nullo fermè negotio assequebatur, ac propositam questionem subtiliori disputatione prosecutus, magno erat condiscipulis ad studium incitamento. In Antonii scholâ edoctus, quodque non alta verba, sed virtuosa vita sanctum, &
Deo

Deo charum efficiat, ut in aureo de Imitatione Christi libello sæpissimè legerat, pietatem à studio non separabat, ac omnia vanitatem reputabat præter amare Deum, & illi soli servire.

Tamen si difficillimis peragendis missionibus vires non suppeterent, hæud tamèn vacavit ab opere, aut in obeundo prædicationis officio, segnem se præbuit, Instituti sui memor. Corporis imbecillitatem mentis fervore superans, annis quadraginta in privatâ Thorensis Conventus sacrâ Æde sanctorum gloriam frequenti laude commemorans, eorum proponere sequenda vestigia. Rhetoricis artibus perpolitus, multisque naturæ præsidiiis ad dicendum paratus, cohærenter loquebatur, ac oratione valebat tam in primis aptâ, & appositâ ad persuadendum, ut quam in partem vellet, flecteret animos, audaces deprimeret, desides excitaret, solaretur afflicto. Orator fuit parùm vehemens, dulcis tamèn.

Beatissimæ Mariæ Virginis laudes, quoad vixit, oratione celebravit, ejusque cultum promovere summo operè studuit. Sanctissimæ Rosarii Societati in prædicto Thorensi Conventu jam pridem erectæ, innumeros utriusque sexus Christi-fideles aggregavit; hinc eandem Mariam Virginem in angustiis, in periculis, in rebus dubiis propitiâ sæpenumerò expertus est.

Ex incenso, quo in Deum ferebatur amore, egregia in proximos charitas redundabat; fluxâ quamvis esset corporis habitudine, ut prædictum est, ingenti labore, ac incommodo audiendis confessionibus totus incumbens, aliud spectabat nihil, nisi, ut errantes ad rectum salutis iter omni ratione perduceret; nèc plebei modò, verùm etiam viri nobiliores, qui pietatem sectari, Deoque inservire sincerâ mente percuperent, Avenione, Insulâ, Cavallione, aliisque è Civitatibus Thorum veniebant, ut, aut concilia peterent in dubiis, aut in salutis viâ Humberto uterentur duce; ipse verò, quibus pollebat morum elegantia, ingeniique suavitate, omnipetenti se tribuens, humanissimè omnes excipiebat. Si contentiones intercessissent, pacem conciliabat, dirimebat controversias, lites compefcebat; mærentibus solatio, egentibus erat præsidio; ignaros erudire, dejectis animos addere, torpentes ad pristinum fervorem revocare. Diù, noctûque cum inviseret infirmos, in extremâ vitæ luctâ versantibus aderat, nimum

timorem leniens, fiduciam, cœlestique Patriæ desiderium adspirabat, piisque precationibus fœlicem transitum adprecabatur.

Mira fuit Humberti temperantia: cibo tam parcè utebatur, ut jejunium perpetuè servare videretur; necessitati non gulæ serviebat; cupedias omnes respuens, vulgari alimento, vel infirmus, libenter utebatur.

Castitatem ità coluit, ut ad pudicitiae studium se intuentes alliceret, nihil nisi pudicum lingua loquebatur, gestus referebant, actiones repræsentabant, oculi ipsi, ipsaque facies demonstrabant.

In eo fuit comitate condita gravitas, omnisque ipsius sermo erat sale conditus. Ipsum vidi, ipsius consuetudine sum usus; quæ vidi, & audiui ingenuè refero.

Regulari disciplinâ, ac singulari prudentiâ præditus quantumvis esset, totam in Claustro vitam duxit, cujuslibet dignitatis exors; id namquè, ab emissâ professione, à Deo postulare consueverat, ut regularis status humilitatem posset ad mortem usquè retinere.

Anno 1710 tempore Jubilei, dùm à primo diluculo aurem præberet confitentibus, latherali morbo derepentè correptus, è sacro Tribunali ad propriam cellulam deportatus, sanctissimum Nomen Jesu, intermortuis vocibus repetens, die primâ Aprilis vitâ functus est.

C A P U T XIV.

Archangelus Gabriel ab Annunciatione.

SEnili gaudio gestiens, alacrique exultantis animi impetu de Archangelo, Antonii individuo in habendis missionibus socio, ejusque virtutum imitatore fidelissimo, scribam. Quinquagesimo sexto abhinc anno regularem habitum de manibus ejus suscepi, ipse expleto tirocinio solemniter Deo, à me nuncupata vota admisit, eum proinde ut alterum Patrem habui, ipsique plurimùm me debere profiteor.

In Civitate *de Sault* superioris Gallo-Provinciæ, ac Diœcesis *Carpentora*ctensis, Joanne *Gabriel*, & Elisabethâ *Jurda*n

VENERAB. P. ANTONII. *Lib. III.* 153
ingenuis parentibus ortus est, anno à Virginis partu 1644
die quintâ Aprilis.

Piè in Patriâ educatus, ac Carpentoracti liberalibus disciplinis eruditus, ad ardua protendere visus est; egregiâ, ac præclaræ indolis adolescens, spretis seculi oblectationibus animum suum dedit ad virtutem, & sapientiam. Intèr scholasticas exercitationes oratoriè dicendo, eximio instructus Judicio visus est, futuramque ejus eloquentiam auditores præfagebant.

Qui Baptismi gratiam consecuturus Joannis nomen obtinuit, suscepto ab ipsomet Antonio regulari habitu, Archangelus ab Annunciatione apellatus est; Gabriel namquè, quod lustricum nomen putavit noster Echard, gentilitium ipsius cognomen est.

Anno 1665 die vigesimâ-primâ Junii, emissâ professione, ac absoluto sacrarum litterarum studio vocationis suæ memor, ac Prædicatorum Patriarchæ verè filius, verbi Dei præconio totis viribus cæpit operam dare, nihil impensius efflagitans, quàm ut revocandis in viam salutis peccatoribus idoneus efficeretur.

Diaconatu tantummodò potitus, in amplioris Oppido de la *Tour d'Aygues* Diocesis Aquensis per sacram Quadragesimam, magnâ auditorum admiratione habuit ad populum conciones, quod quidè Apostolicum munus, annis quinque suprâ quinquaginta, incredibili zelo, maximoque populorum fructu obivit, moribus, & scientiâ probatus, ac in Patris-familias excolendâ vineâ indefessus operarius.

Sepostis prophanarum scientiarum institutionibus, scripturæ Sacræ, ejusque Interpretum lectioni se totum dedit; Apostoli Pauli epistolas penè ex integro memoriæ commendavit; ingentia Sanctorum Patrum volumina, ex quibus singularem sibi eruditionem comparavit, evolvit; tantâ rerum moralium copiâ instructus, ut de re quâlibet in promptu dicere præstò esset.

Hoc sæpius, tum maximè anno 1701 die Michaeli Archangelo sacrâ in Saltuensi Conventu contigit. Qui decantatis vespèris debuerat, ut in Sanctissimi Sacramenti Congregatione mos est, concionem habere, in ipso suggestus ascensu deliquium passus, ad propriam Cellulam manductus est; Archangelus verò ejusdem Domus Prior, qui nollèt congre-

Jac. Echard
Tom. pag 739.

garum populum jejunum dimittere, assumptis pro sermonis argumento hiscemet verbis *Pugnavit Michael, & fecit victoriam* eâ vi peroravit, ut omnes sint admirati, admiratus sum ipse qui aderam.

Concionatoris innata eloquentia, ledissimis utriusque Testamenti, ac veterum Patrum sententiis, optimisque rationibus firmata oratio, gestus congruens, animarum salutis ardens studium, totius corporis habitus, ipsaque facies arcioris pœnitentiæ formam referens, raucioris vocis vitium abundè compensabant; aurium satietatem, si quibusdam contigisset, dicendi copîa vincebat.

Quoniam hujus rei mentio incidit, referam, quæ in Civitate *du Bourg Saint Andeol* ad Rhodanum anno 1704 feriâ quartâ cinerum contingere. Vix ex suggestu sermonis textum protulerat, cum nobilis vir ob Concionatoris raucitatem exasperatus, ab Ecclesiâ, utrâque manu obturatis auribus, fastidiosè digressus est. Postridie verò urgentibus, nè cogentibus dixerim, amicis, ad Ecclesiam reversus, tantâ admiratione commotus est, ut eum nedùm quotidie dicentem magnâ animi voluptate audierit, verùm etiâ à Reverendissimo Vivariensi Episcopo, ut insequenti anno in eadem Civitate per sacram Quadragesimam verba faceret enixè petierit. Gratiâ hanc præful, de viri meritò benè conscius, petenti libentissimè tribuit.

Epist. 72.

Pulcherrimus ordo est, & saluberrimus, inquit S. Bernardus, *ut onus quod portandum imponis tu portes prior, & ex te discas qualiter oporteat aliis moderari*. Salutarem hanc doctrinam edoctus Archangelus, sequendum Christum prædica-
bat, ipse prior sequebatur; portandam crucem denunciabat, ipse prior portabat, arctam viam intrare compellebat, intrabat ipse prior, quæ verbis prædicasset, moribus comprobabat. Tonabat voce, fulgurabat exemplo: quo factum est, ut auditores prædicatoris vitam considerantes, ex prædicatione non levem fructum reportarent.

Vir Dei Antonius ad Genevensem regionem cum proficisceretur Apostolicum munus obiturus, Archangelum delegit præ cæteris, eumque itineris, ac laborum sibi comitem affecit; hic verò tanti Ducis exemplo roboratus, duos longioris itineris labores, temporum injurias, hæreticorum convi-

cia, quæque extremam paupertatem sequantur incommoda, hilari animo perferebat: eorundem laborum particeps in partem venisse præmiorum; in eodem stadio currens, eundem æternæ felicitatis terminum attigisse credendus est. Eundem Antonium plurimum juvit consilio, oratione, sermone, colloquio.

Sanctissimi Sacramenti Monialibus à Reverendissimo Massiliensi Episcopo præpositus, singulari prudentiâ, ac sollicitudine annis fermè quadraginta curam hanc sustinuit. Maior ineunte, peractis missionibus, Massiliam profectus, eas ad omnem virtutem insignitè informabat. Videns gratiam Dei gaudebat, easque hortabatur in proposito cordis permanere in Domino; ibi servandæ, vel etiam augendæ pietati mirificè profuit, præclarum ibi Institutoris opus, tùm privatis colloquiis, tùm publicâ adhortatione obfirmavit.

Ad propria reversus, datis litteris, de retinendâ regulari disciplinâ Moniales identidè commonebat; à quo vitio præcavere, quamque virtutem potissimum sectari quæque deberet indicabat, in æternæ salutis viâ ductor peritissimus. Plurimæ extant in Massiliensi Monasterio Archangeli litteræ religioseque asservantur sæpè sæpius legendæ.

Nè eximius, quo ferebatur, teperceret animi fervor, omni abjectâ temporalium rerum sollicitudine, exercitiis spiritualibus quot annis imprætermisè vacabat, idque à subiectis sibi fratribus Præbiteris, lectoribus, studentibus, ac conversis necessariò requirebat.

Ut breviarium, ac precatoriam coronam, sic de imitatione Christi libellum, nedùm domi, verùm etiam iter agens secum deferrebat, læstibat, ex eo meditationum argumenta, pioque animi sensus, qui actiones, vitamque universam ad virtutis normam dirigerent, premebat.

Nemo Antonii spiritum, aut plenius hausit, aut firmiter retinuit; regularem observantiam junior excepit, senex fulsit, sustinuit verbo, exemplo.

Conventibus præfectus, ac regendis fratribus admotus eos ad religiosæ vitæ studium omni sollicitudine efformabat. Quotidiè, persolutis matutinis, habitâ brevi concione, ut ad Patrem Abraham, sanctissimum nempe Patriarcham Dominicum attenderent, ejusque vestigiis in hærent, sacrarum

litterarum studio, ac Evangelicæ prædicationi impensè operam darent, silentium fervarent, à vaniloquiis abhorrerent, secularium personarum, maximè verò mulierum consortium fugerent, servandæ castitati advigilarent, paupertate, ciboque viliori delectarentur, hortabatur, *Magna promissimus*, aiebat cum sancto Bernardo, *sed majora promissa sunt nobis*.

Sanctitatis, ac prudentiæ laude conspicuus, ejusque virtutum famâ longius manante, tèr, servatis interstitiis, in Generalem Congregationis Vicarium à Reverendissimo Ordinis Magistro institutus, cæteris exemplo præluxit, eoque agere, eadem Congregatio ad Generale Capitulum Romæ anno 1694 celebratum vocatus accepta fuit, & confirmata. A Venerandis ejusdem Capituli Patribus, ob virtutum insignia, magno in honore est habitus, ipseque Reverendissimus Antonius Cloche Generalis Magister Archangelum plurimi fecit, datisque litteris tori Congregationi de tanto viro gratulatus est.

Quod altero crure infirmo, pedes iter agere nequireret, nè tamèn à simplici agendi ratione recessit, ab omni fastu alienus, ac evangelicæ paupertatis amicus; uno asino erat contentus, & nè toto quidèm, partim enim sarcinæ ab utroque latere dependentes occupabant.

Mira fuit Archangeli in consuetudine festivitas; severus, & asper faciem primùm intuenti, idein quibus eum convenerant comis erat, ac benignus; sibi durus cæteris bonus, ac misericors; vigiliis, ac jejuniis vires atterens, nè alii plus nimio, aut vigilarent, aut jejunarent diligentèr attendebat, odio habebat se, cæteros paternâ charitate complectebatur. Quæ scribo ipse sum expertus.

Antonii vitæ historiam, Reverendissimo Joanne Thoma de Rocaberty Ordinis Magistro præcipiente, gallico idiomate, ac fusiori narratione conscriptam, ac duobus Tomis comprehensam publici juris fecit Avenione anno 1682. Ut verum fatear, superfluis abundabat historia hæc, nè multis affluit gallicæ linguæ ornamentis; Author tamèn quantumvis junior in doctrinâ Patrum, qui de moralibus scripserunt apprimè exercitatum probat se. Quod fuit ab initio, quod audivit, quod vidit oculis suis, quod perspexit, & suæ manus contrectaverunt, & testatur, & annunciat nobis. Historia hæc ne-

dùm in singulis Congregationis Conventibus, verùm etiam in multis diversorum Ordinum Cœnobiis, tùm publicè, tùm privatim fructuosè legitur.

Archangelus instituti sui legum observantissimus, nè decurrente missionum tempore, præscripta Ordinis jejunia solvebat; cùm verò Domi degeret, quantumvis ætate provectus, dentibusque decisis, solum panem, potumque parciorum ad refectiunculam adhibebat; nisi ægrotaret, carnibus nunquam usus est.

Quoniam monente Gregorio Magno, prædicans Jesum, & hunc crucifixum debet ejus passionem imitari, ferreâ catenâ lumbos præinctus, diris in sua terga flagellis quatèr per hebdomadam, feriis nempe secunda quarta sexta, ac sabbato adedò sæviebat, ut vestes copioso sanguine respergerentur; audiebam ego, meque ingenti quodam perfusum horrore sentiebam.

Sup. I. Reg.

Præcipuâ, ut Dominicanum decet, in Beatissimam Mariam Virginem pietate Archangelus excelluit; ipsius laudes, quodâ vixit, ferventiori studio prædicavit; ejus sacrum Rosarium, quovis impeditur negotio, adjunctis piis meditationibus privatim, ac genuflexus quotidie recitabat, nè provectâ vel nocte, cubitum ibat, inexpleto filialis hujusce devotionis officio.

Mentis integritatem, corporisque pudicitiam sic adamavit, ut ad tantum thesaurum conservandum nedùm, ut prænotavimus, asperam vitæ rationem, à suscepro regulari habitu indefinenter tenuerit, verùm etiam sensuum custodiæ perpetuò advigilaverit. Fœminarum consortium fugiebat, in nullam figebat oculum, nullam sine teste alloquebatur; quamdam saltuens Civitatis Domum ingressus (ipsi socius adeam) objectâ insperatò inhonestâ effigie illicò clausit oculos, totisque artibus contremuit septuagenario major.

Arctiori pœnitentiâ, ac laboribus evangelicis exhaustus, devotissimè susceptis Ecclesiæ Sacramentis, ipsa hæc verba repetens *Misericordias Domini in æternum cantabo* in Cadentensi Conventu sanctissimè obiit anno 1724 die vigesimâ primâ Januarii, repositam in Cœlis coronam percepturus. Frequentissimo populo, qui partim cupiditate videndi, partim ex pietatis sensu confluxat, in eodem, quo vir Dei Antonius

tumulo sepultus est. Optaverat enim senex optimus, ut quorum una semper mens fuerat eorum quoque corpora, nec sepultura separaret.

CAPUT XV.

Modestus Alziary ab Angelis.

Qui Baptismi gratiam consecuturus Jacobi nomen obtinuit, suscepto regulari habitu, Modestus ab Angelis ab ipsomet Antonio Congregationis Institutore dictus est.

In Oppido de Toudon Comitatus Niceænsis, Diæcesis Glanovenfis, Antonio Alziary, & Francisca Revèl, honestis piisque parentibus anno 1649 die decima-septimâ Januarii natus est.

Gratia ætatem præveniente, à teneris annis viam justitiæ ingressus, Deum deligere cæpit, pietatem coluit, egregiam indolem præmonstravit. Decennis à R. Domino Joanne Juge sacerdote, ejusdemque Todonenfis Ecclesiæ Vicario, primis litterarum rudimentis imbutus, ac grammaticam edoctus est.

Bonum esse viro cum portaverit jugum ab adolescentiâ suâ quod optimè sciret, vix annum agens ætatis suæ decimum quartum, mundum fastidians, dimisso seculari patrimonio Prædicatorum Ordini, in Thorensi Domicilio nomen dedit, ibique in sectandis sancti Patris Dominici vestigiis adedò incubuit, ut ab ipso Antonio tamquàm observantiæ regularis exemplum, cæteris Novitiis proponeretur. Nihil Modesto longius erat, quàm regularis professio; verùm, quod præfinitum à sacro Tridentino Concilio emittendis solemnibus votis tempus nondum attingeret, biennali fundus est tirocinio; emissâ verò professione, susceptæ vitæ rationes adedò est exsecutus, ut mentis fervore, legumque observantiâ æquales longè antecederet; abjectâ primi hominis vetustate de die in diem renovari satagebat, quæque largâ manu à Domino susceperat dona, omni studio ampliari nitebatur.

Prælaudato Hyacintho Faumont Magistro, Philosophicis, ac Theologicis disciplinis eruditus, eas, magno discipulorum

fuctu

fructu, per annos aliquot professus est; verum, cum non doctrinæ minùs, quàm prudentiæ laudem sibi comparasset, Congregationis Conventibus regendis, administrandisque ad-motus, regularem observantiam quâ verbo, quâ exemplo mirificè fovit.

Modestum nemo in procurandis solertiâ, in regendo prudentiâ, in præcavendo sagacitate superaverit: ex re, & tempore consilium capiebat; in eo mirabantur omnes in arduis animi constantiam, in dictis fidem, in factis rectitudinem, in pertractandis negotiis, & sinè festinatione diligentiam, & sine tarditate gravitatem.

Quod cuique opus esset odoratus, accuratè providebat; non cupiditatibus ipse, sed ipsi cupiditates obediebant; ancillæ erant, quæ parerent, dominæ non erant, quibus obtemperaret. Ad iram suaptè proclivis secum ipse pugnabat, erumpentes animi motus (quod magnæ perfecti virtutis est) adèd premebat, ut innata sibi, non labore acquisita mansuetudo videretur.

Nequè eo quisquam intervalla negotiorum fructuosius infumebat, semperque, aut studio vacabat, aut orationi, vel charitatis serviebat officiis; ad susceptam verbi Dei prædicationem, manuum operam adjungens, Conversorum munia, successivis horis, identidè, humilitatis gratiâ, exsequi non dedignabatur. Hortum olitorium, primo diluculo, cæteris fratribus quiescentibus, adaquantem, non semèl ipse vidi.

Mira Modesti fuit in cibo, ac potu temperantia; vino parcè admodum utebatur; allium verò, piper, cæteraque gulæ, vel etiâ libidinis incitamenta semper abhorrui castitatis cultor. Quod in hujus sæculi agone contenderet ab omnibus abstinebat se, sic currebat non quasi in incertum, sic pugnabat non quasi aërem verberans. Cingulo ferreo densis aculeis rigente, jejuniis, vigiliis, ac flagellis castigans corpus suum in servitutem redigebat. Modesti occursum ipse juvabat, & erat aliquid, quod ex ipso, vel tacente, proficeres.

Quod cuilibet obeundo muneri parem ostenderet se, in sollicitudinum partem vocare, ac in rebus dubiis, & arduis ejus operâ, & consiliis uti, plures consueverunt Reveren-

diffimi Præsules; ipse verò, qui præsentiandi ad beneficia jus nacti sint, ut immeritis digniores anteponerent, ut regendis Ecclesiis boni Pastores præficerentur diligentèr attendebat. Dissidentes mirâ dexteritate componens, sedabat animos, æquâ utrinquè gratiâ, lites dirimebat. Speciali Reverendissimi D. Francisci de Galtery Vasionensium Episcopi mandato, mulierculam, simulatâ pietate, rudiori populo mentientem cùm convenisset, detectâ fraude patefecit, & accurrentes ex vicinis Oppidis populos errore liberavit; genuinas namquè virtutes à fictis, vera à falsis miracula dijudicare, eximiâ quâ pollebat judicii vi, ac spiritualium exercitatione, optimè noverat.

Reverendissimus D. Gaspard de Vintimille du Luc Aqueusum Archiepiscopus de Modesti merito certior, cujusque operam desideraret, ut expleto, quo in Cadenetenſi Conventu fungebatur Prioris officium per novum subsequens triennium retineret, à Reverendissimo Ordinis Magistro datis litteris petiit, nè iste abnuir.

Quæ cùm minimè laterent Reverendissimum Antonium Cloche Generalem Ordinis Magistrum Congregationis Vicarium Generalem Modestum tèr instituit. Hac auctus dignitate, abjecto seculari fastu, ac priscâ vivendi ratione nihil immutatâ, humilitatem, quam semper coluerat, constantèr retinuit. Grandis jam natu vir baculo innixus pedes iter agebat, uno dumtaxat Sacerdote, vel etiam Converso, qui manticulam deferret, in socium assumpto. Ab epistolis, ministro nunquam usus, acceptis litteris, quod profectò ingentis operæ, ac laboris opus est, manu propriâ rescribebat.

Eâ Congregationem prudentiâ regebat, ut plus mirari quis posset, aut disciplinæ regularis studium, aut Charitatis obsequium, in promptu non esset. Conventum visitaturus cùm advenisset, Ecclesiam primùm ingressus, antè Sanctissimum Eucharistiæ Sacramentum, positis genibus, Dei, Beatissimæ Mariæ Virginis, ac sancti Patris Dominici implorato auxilio venientesque fratres ad unum omnes peramanter amplexus, bonorum operum exemplum præbebat se; solitis cibariis contentus, lautiorẽ cibum respuebat, ut potè qui à singulari agendi ratione abhorreret.

Nè tepeſceret fervor, nevè facilitas veniæ incentivum tri-

bueret delinquendi, culpas, vel leviores, impunè abire non patiebatur; eâ tamèn prudentiâ in delinquentes zelo justitiæ erigebatur, ut ipforum animos, durâ verborum increpatione, non exasperaret, quin potius leni monitione, culpam agnoscere, ac pœnam admitttere cogerentur, qui deliquissent.

An servarentur vota, an custodirentur leges, an sacra mysteria reverentè persolverentur, an accuratè perficerentur studia diligentissimè inquirebat. Ut fratres omnes, vel ipsi Conversi, spiritualibus exercitiis quot annis vacarent districtè præcipiebat. *Desolatione*, aiebat tunc, *desolata est omnis terra, quia nullus est qui recogitet corde.*

Ubi Philosophiæ, aut Theologiæ adestent studiâ, ut, decurrente visitatione, Theses publicè defenderentur imperabat; ipse verò disputabat, instabat, ac subtiliori argumento neddum discipulum, verùm etiam lectorem urgebat. Qui appositè respondisset laudabat coràm, ipsi, ac cæteris ut animos faceret.

Difficillimam hanc regendi artem, quâ mirificè excelluit, non tam singulari prudentiâ, ac diuturno rerum usu, quàm assiduis precibus sibi comparavit, & hoc maximè donum Dei est foeliciter præesse. Regendo perficiebat, quæ meditando didicisset, rectèque terrena regebat, quia, monente Gregorio Magno, noverat prius divina tractare.

Ut dignitates ambitiosè non desiderabat diffidens sibi, ità demandata officia, divinâ ope fretus, obstinatè non respuebat; desiderare superbiæ, respuere desidiæ, ac laboris tædio tribuebat.

Anno 1702 à Reverendissimo Francisco de Crillon Venciam vocatus ut ibi, decurrente sacrâ Quadragesimâ, verbi Dei præconem ageret, augendæ pietati plurimùm profuit, ac Venciæ congregati totius penè Diœcesis Parochi spiritualibus exercitiis, Modesto dirigente, vacantes, non levem fructum retulerunt, magnumque in hisce partibus sui desiderium abeundo reliquit. Anno 1715 Patriam, negotiorum causâ profectus, inutili servo me in socium assumpto, tùm ibi, tùm in vicinis Glandevenfis Diœcesis Parochiis, mensibus Julio, & Augusto neglectâ æstivi caloris intemperie, concionari non destitit.

Menses tres, nèc interruptè, in difficillimis habendis mis-

fionibus cùm peregrisset, nullo pacto, nullisque amicorum precibus adduci potuit, ut in Conventu degens, à diuturno labore cessaret, quietique aliquandù indulgeret vir cærori qui ætate provectus (septuagesimum sextum agebat suæ ætatis annum) : novo semper animarum salutis studio succensus, ad locum *de Caumont* Diœcesis Cavallicensis per sacram Quadragesimam concionaturus cùm fuisset profectus ibi pleuritide correptus, ad Thorensen Conventum deportatus est.

Ingravescente morbo, mortisque denunciato periculo, nihil animo conturbatus est. Sed quasi gratæ rei accepto nuncio *Latatus sum*, inquit, *in his quæ dicta sunt mihi, in domum Domini ibimus.*

Mox anteaactæ vitæ noxas, R. P. Reginaldo, prædictæ Domus Priore aurem præbente, generali confessione, profluentibus lacrymis, expiavit, ac sanctissimum Jesu Christi corpus ardentissimè expetitur pro Viatico sumpsit; nèc mora, adventantem mortem præsentiens, inungi ad supremam luctam postulavit, ac præsentissimâ semper ratione placidissimè obiit anno 1725 die vigesimâ quintâ Februarii, postquam annos quadraginta in Vindascino Comitatu, Delphinatu, ac Gallo-Provincia, incredibili zelo, missiones peregrisset. Quod Vicarii Generalis fungeretur officio, ac sanctioris vitæ famâ claresceret, defuncti exequias cohonestarunt Thorensis Civitatis viri nobiles, magnâque Civium frequentia, in communi fratrum tumultu sepultus est.

C A P U T X V I.

Joannes Hyacinthus De Silvestre à B. Virgine.

IN Civitate *de Gordes* Gallo-Provincia, ac Diœcesis Cavallicensis, *Laurentio de Silvestre*, & *Mariâ de Pierrouffet* nobilibus parentibus natus est anno 1673, die vigesimâ tertiâ Februarii.

Grammaticam vixdùm edoctus, Andegavensis pedestris Turmæ subcenturio, dein ejusdem legionis Dux annis circiter duodecim militiam secutus est ad res bellicas proclivis.

Honoris avidus, ac ardentiori gloriæ studio incensus, quod sibi ad cœleste Regnum acquirendum datum fuerat temporis, id ille in rixarum periculis, in sectandâ inani gloriâ, ac seculi vanitate consumpsit.

Verumtamen inter hujusmodi vitia, præclara quædam elucebant religiosæ mentis indicia; Deiparam Virginem peculiari affectu colebat, stytem pauperibus alacri animo erogabat piorum hominum consuetudine, ac colloquiis delectabatur; Elisabetham *Graille* Tertii Ordinis sancti Patris Dominici, præclarâ sanctimoniâ, in Civitate de *Gordes* perlebrem frequentèr adibat, suisque precibus commendabat se, hibernis cum in patriâ uteretur.

Hunc in modum adolescentiâ, ipsoque juventutis flore consumptis, cum annum ageret quartum suprâ trigèsimum, habito cum prædictâ sorore longiori de mundi contemptu, ac seculi vanitate colloquio, sic ad meliora excitatum sensit se, ut à laxiori vivendi ratione, Deo auxiliante, revocatus, relictâ seculi militia, Christum sequi, ejusque in Ordine Prædicatorum crucem ferre, animo statuerit.

Itaque regularem habitum à R. Patre Hyacintho *Merrier* Sanctissimi Sacramenti Congregationis Vicario Generali humiliter petiit, interjectisque ad explorandam ipsius mentem mensibus quinque, obtinuit.

Joannem Hyacinthum præ omnibus filiis suis diligebat pia ipsius Mater; quapropter, quod mortuus revixerit, quodque, qui perierat inventus sit, summopere lætata est, Deoque gratias egit.

Totum probationis tempus partim in perscrutandâ à peritis sapientiâ, partim in sacris libris legendis consumpsit. In spiritualibus rudis, ac peregrinus sanctorum præsertim Patris Dominici, & Ignatii sanctissimæ Societatis Jesu Parentis vitas studiosè perlegens, varia diversarum virtutum exempla diligentèr observata, in notas cogebat. Perutilem de Imitatione Christi libellum sæpiùs revolvens penè ex integro memoriæ commendavit. De erratis corrigi, nedùm patiebatur, verùm etiâ placebat, ut scilicet decerrantes mores in melius reformarentur.

Solemni emissâ professione, in alium virum mutatus apparuit; qui pronus erat ad iram mitissimus effectus est; qui,

nullâ obstrictus lege, aspero fuerat ingenio, ad omnes postmodum docilem, flecti facilem, ac repugnandi nescium præbuit se; ad Religionis officia malè comparatus magnâ in Deum pietate præditum omnes sunt admirati. Arciori pœnitentiâ, cordis humilitate, sui ipsius contemptu, solitudine, silentio, piisque lectionibus Deo placere semper studuit.

Quæ militiæ gessisset mala amarè desiebat, quique se (Gregorii Magni verbis utor) aliqua illicita egisse meminisset, ex ipso suo dolore compunctus inardescit in amorem Dei, seseque in magnis virtutibus exercet, & cuncta difficilia sancti certaminis appetit, omnia mundi derelinquit, honores fugit, contumeliis delectatur, ad cœlestem Patriam anhelat, & quia à Deo se errasse considerat, damna præcedentia, lucris sequentibus compensat; Tantum à se licita abscindit, quantum se meminit, & illicita perpetrasse.

De rebus bellicis, de obsidione urbium, de commisso prælio, de partâ victoriâ, de fugatis hostibus, de inflicto, aut accepto vulnere, de adverso eventu aut prospero, de variis diversarum regionum peregrinationibus hæud unquam est locutus; aded ut eorum planè oblitus videretur.

In Aquis Civitatis Territorio à viro nobili hospitio exceptus istud præbuit modestiæ, ac humilitatis exemplum. Qui aderant viri duo bellicâ laude conspicui, quique ternas unâ cum Joanne Hyacintho militares expeditiones olim confecerant, advenientem hospitem illicdè conveniunt, urbanicè, ut Gallorum mos est, salvere jubent, in illius amplexum insiliunt, de præclarè gestis ipsi gratulantur; mox de bellicis sermonem ineunt, diversos casus, longiori narratione, recensent, quæ evasisent pericula commemorant Ducum periciam, militum audaciam extollunt.

Quasi verò hæc Joannes Hyacinthus nesciret, in hisque foret peregrinus, dejectis in terram oculis conticuit, hæcque tantummodo verba subjunxit & illi quidem, ut corruptibilem coronam accipiant, nos autem incorruptam. Hæc narrabant mihi, qui prædicto adfuerant colloquio.

Joannem Hyacinthum habui quandòque itineris socium. Anno 1710, Novembri ineunte, præcelsum illum Vindascini Comitatus montem, quem Ventosum vocant transcenditibus, ingenti exortâ procellâ, quâ vestes aquâ defluerent, ipsum

lätiozem aliàs non vidi ; pedes, qui equo uti consueverat, nèc vèl minimùm conquestus est. Quod, incumbente nocte, ultrà progrediendi tempus non suppeteret, villulam ingressi, cùm toris ædibus, ipsoque cubili perplueret, totam noctem insomnem duximus, ipsiusque patientiam sum admiratus.

Grammaticam, ut suprà prænotatum est, vixdùm edoctus, quodque animum ad studia refferre ipsi per ætatem non liceret, Novitiorum institutioni præfectus est. Urbanitatis optimè sciens, ut politioris vitæ rationem modestiæ, mansuetudini ac humilitati sociarent, frangerent naturæ impetum, Beatissimam Mariam Virginem colerent, ac seipfos abnegantes, pauperem, ac humilem Christum sequerentur, eos maxime hortabatur.

Ab emissâ professione tenui fuit, aut nullâ prorsùs valetudine. Dolore capitis frequentèr affectus, omnes, ferè cibos, stomacho fastidiente, respuebat, nèc propterà consueta solvisset jejunia, aut necessario fuerit usus solatio, nisi præcessisset superioris imperium. De redintegrandâ sanitate nihil sollicitus, animam suam oderat in hoc mundo, ut eam in vitam æternam custodiret.

Viribus exhaustus, cùm ingravescente in dies morbo periculosius ægrotaret, sacris, quæ ad expiandum animum pertinent, ritè susceptis obdormivit in Domino in Thorensi Conventu anno 1727 die vigesimâ quartâ Octobris.

CAPUT XVII.

Christophorus Brun à Paero Jesu.

IN Oppido de Toudon Comitatus Nicaënsis, Patre Antonio Brun, Matre verò Catharinâ Maurèl humili loco, tenuique fortunâ natus est anno 1643 die decimâ-nonâ Decembris.

Eo Magistro in Saltuensî Conventu regularis Institutis tirocinium posui, ac per aliquot annos unâ sumus commorati; quas proptereâ ejus virtutes ipse novi, brevi narratione complectar.

Quod ab ipso ineuntis ætatis principio, clariora mansue-

tudinis, patientiæ, ac pietatis proderet indicia, bonæ spei puer ab omnibus dicebatur. Adolescens viri Dei Antonii prædictum animo reputans, mundo nuntium remittere cum statuisset, non oblitere parentes, nequè morabantur seculi blandimenta, aut divitiæ.

Anno itaque 1660 Thorum cum venisset, Dominicanæ adscribi familiæ humiliter petiit. Staturâ pusillus, obsoletâ veste indutus, commendatitiis litteris destitutus, repulsam profectò passus sit, si contrâ divinum præceptum, secundum faciem judicassent Thorensis Domus religiosi viri; at verò, divino nunc factum est, ut probatâ pii adolescentis mente, omnium voto admissus, regulari habitu ab ipso Antonio indutus sit.

Exin ejusdem Antonii monitis, ac exemplo eruditus, eximie posuit tirocinia sanctitatis, Deoque nuncupatis solemnibus votis, humilitate præsertim, obedientiâ, pudicitiâ, ac temperantiâ, cæteris præluce visus est. A vanis colloquiis abstinens, Deoque mente conjunctus ipsum recogitare jam cæpit, nequè à sanctiori hac consuetudine, vel negotiis implicatus, ad mortem usquè recessit; hinc modestia, hinc mansuetudo, hinc præclara illa animi pax, quam ipse Christophori vultus demonstrabat.

Cæterum, quod expleto studiorum quinquennio, ac Sacerdotio potitus, peragendis missionibus, præ nativâ corporis infirmitate esset impar, Novitiorum institutioni præfectus, legum observantiam, nedum verbo, verum etiam exemplo (quod profectò efficacius est) ipsis suadere, eosque piis, ac religiosis moribus informare omni studio, ac diligentiam satagebat. Ut Domino servirent in lætitiâ, horisque animi relaxationi præstituris, servatâ modestiâ, oblectarent se, reliquo verò die, piis exercitationibus vacarent advigilabat; Novitios frequentè interrogabat, ut ipsorum judicium experiretur, de rebus piis percunctabatur, ut eorum in spiritalibus progressum agnosceret. Magistri Novitiorum officio annis quadraginta, maximo Religionis bono functus est.

A parentibus, & consanguineis Novitiorum vocationem probari, nec ægrè, patiebatur. Anno 1700 Augusto desinente, quidam adolescens, cum humaniores litteras Avenione didiscisset insciente Patruo, sub cujus curâ, ac regimine adoleverat,

adoleverat, Saltum profectus est regulari veste induendus. Idem Patruus, qui ampliori beneficio nepotem destinaverat, illuc acturum advolat, Magistrum Novitiorum vocat, subiratur advenienti, contumeliis appetit, prætentam subornationem exprobrat. Ità nè verò, inquit, Nepotem carissimum ab Patruo abducis? Nequè hunc à te cive meo expectaveram agendi modum.

Bona verba quæso, Domine mi, humiliter, ac placidè respondit Chystophorus, huc liberè venit adolescens, hinc liberè abire pænes ipsum est nè propterea ipsi quisquam molestus sit. Nepotem accersit, ac Patruum voluntati tradit peritendum; ipse verò Ecclesiam ingressus, & antè Sanctissimum Eucharistiæ Sacramentum, quandiù Patrum inter, ac nepotem perduravit oppugnatio, devotissimè orans, adolescentis in Ordine perseverantiam impetrasse multi credidere.

Qui in malevolam animam non intrare sapientiam, nequè habitare in corpore subdito peccatis optimè sciret neminem vel levi odio habuit; neminem re, aut verbis offendit, neminem circumvenit, seque ab omni lethalis peccati labe immunem servasse, ad majorem Dei gloriam testatus est, qui penè moriturum de totà vità confitentem audivit aberant à colloquiis mendaciuncula, aberant fucata verba, aberant æquivocationes, unum, idemque ferè reputabat ambigueloqui, atquè mentiri.

Diffimulare illud nescio, vel si mihi exaggerationis nota subeunda sit. Universus quà latè patet Ordo Prædicatorum Christophoro pauperiorem non habuit. Peccasse putabat, ac dives nimium sibi videbatur, si Cellula, vel minimo ornamento refulisset; hanc lignea Jesu-Christi è cruce pendentis imago, charraceæ imagines duæ, una Beatissimæ Mariæ Virginis, altera verò sancti Patris Dominici exornabant; prætiosi nihil, exquisiti nihil admitebat; quæcumque sibi usui essent, amicam paupertatem redolebant.

Mira Christophori hæc laus est, quòd, per annos triginta ab emissâ professione, nè carnes, nè pulmenta cocta cum carnibus comedit: hoc mihi anno 1701 jusculum porrigenti gravius decumbens, eà, quà pollebat ingenuitate, confessus est. Tenui victu contentus solum Panem ad refectiunculam adhibebat, vel ætate longævus; veritus maximè, nè sibi

nimum indulgeret, antequam comederet suspirabat; secundarium panem, poenitentiae causâ, primario anteponebat.

Percunctanti mihi, quæ hujusce rei esset causa, ad hanc sanctam Societatem ex paupertate veni, respondit, extrâ culpam non sum, si ea quæram in Monasterio, qui nec foris habere potuerim; mirum sanè, ac detestanda perversitas sit, si dum fiunt divites laboriosi, fiant pauperes delicati.

Alti silentii vir, ac Cellulæ addictus, aut meditabatur, aut legebat. Sancti Thomæ summam Theologicam, cui annis quatuordecim impensè studuit, eâ methodo contraxit, ut in re quavis Theologicâ, aut morali lector è vestigio discernat. Epitome hæc in Saltuensis Conventus Bibliotheca manuscripta asservatur. Secundam secundæ, in quâ de virtutibus, ac vitiis potissimum agitur penè ex integro memorie mandaverat, aded ut, citatis ipsemet verbis, Questionem, vel etiâ Articulum in promptu designaret. Quod experimento compererat, Angelici Doctoris Opera, nedum ad scientiam, verum etiam ad pietatem amplam parare viam, dictitabat senex optimus.

Quod in toto Saltuensi Comitatu pietatis, ac doctrinæ famâ valeret, ad eum veniebant juniores maximè Sacramenti Poenitentiae administri, ut quos vocant conscientie casus dissolveret, ipsiusque stabant judicio. Dissidentes familias pace componere, ac pauperum lites compescere ex charitatis officio nitebatur, ipsiusque agendi modum Saltuensis Curie Judices, de rectâ ejus intentione, ac doctrinâ certiores, quique cupiditati non servirent, non modò non culpabant, quin potius laudarent.

In excipiendis fidelium confessionibus assiduus, rectam salutis viam edocens, ad Dei amorem, ac mundi contemptum omnes excitabat, vitii odium, ac virtutis amorem conscientium mentibus ingenerare omni studio nitebatur: in Saltuensi Conventu annos quinque suprâ quadraginta continuò commoratum, augendæ pietati, vitiisque compescendis plurimum profuisse sæpenuerò attestatus est Saltuensis Ecclesiæ Parochus.

Anno 1727 die vigesimâ sextâ Junii extremum vitæ diem lætus aspexit, ac inter fratrum suorum preces, & lacrymas, cum magnâ apud seculares ipsos sanctitatis famâ, placida morte migravit ad Dominum laborum, ac virtutum præmia percepturus.

CAPUT XVIII.

Antonius Demolis à Sanctissimo Sacramento.

IN eo Sabaudia Ducatus, ac Genevensis Diœcesis Oppido, quod vocant *Manthonoy* catholicis parentibus natus est anno 1653 die vigesima septima Julii. Adolescens Anesium studio- rum causâ missus, sacram Aedem Monialium, quæ à Visitatione Beatæ Mariæ nuncupantur cùm sæpius adiret, antè sacras sancti Francisci reliquias oraturus, mundum fastidians sacro Carthusianorum Ordini nomen dare cogitavit solitudinis, victusque asperioris amicus. Hac susceptâ cogitatione viciniorum Carthusiam frequentare jam cœpit, ut, scilicet, terrestrium Angelorum consuetudine, ac piis allocutionibus in sancto proposito firmaretur.

Alia tamèn fuit Divinæ Providentiæ ratio, exquisito namque Confessarii consilio, fufis ad Deum precibus, ac Sancti Francisci Salesii implorato patrocinio, Sancti Dominici instituta in Sanctissimi Sacramenti Congregatione, cujus famâ Anesium pervaserat, sectari constituit.

Itaque, dimissâ ampliori hereditate, parentibusque ægre ferentibus Thorum profectus, regulari habitu indutus, ac expleto tirocinio, solemnia Deo vota nuncupavit anno 1678 die decimâ sextâ Aprilis.

Sacerdotio initiatus, non leve quàmvis linguæ impedimentum pateretur, unum, quod à Domino talentum acceperat non abscondit, nèc spectatorem otiosum præbuit se, dùm verbi Dei præconio cæteri fratres darent operam. Ingenti conatu, ad populum verba faciens, rectis informandis moribus documenta idoneo ex argumento promebat, angustam, arctamque viam, quæ duxit ad vitam Evangelio testante, omnibus demonstrabat, eâ vi, eoque mentis fervore, ut fructuosa semper fieret oratio.

Cæterùm, quæ in humeros audientium Antonius imponebat onera, jugi sui corporis castigatione ipse portabat, Regnum Cælorum antè homines referabat, ipse prior intrabat. Quod non leve pœnitentiæ genus est, hyeme sæviante, ad

ignem haud unquam venit, ut calefieret, vel ætate provectus. A carnibus abstinētiā, ac præstituta Ordinis jejunia perquam accuratè servavit, itinera, vel longiora, quoad vixit pedes egit regularis disciplinæ observantissimus.

Ergà Beatissimam Mariam Virginem peculiari devorione affectus, de ejus laudibus sat nunquàm se dixisse putabat, ejus sacri Rosarii cultum promovere semper curavit, totisque viribus auxit. Sacellum eidem B. Virgini in Ecclesiā nostrā Vasionensi dicatum, spontè datis eleemosinis extruendum curavit, picturis, ligneo instructu, auraturâ, ac sacra suppellestili adornavit.

Quæ retrò sunt obliviscens, ad ea verò quæ sunt priora extendens seipsum, à suscepto regulari habitu, nèc patriam adiit, nèc parentes invisit; ad aratrum missa manu non respexit retrò, ut aptior fieret Regno Dei. Claustrum patriam fratres consanguineos vocabat.

Mentali orationi vehementer addictus, dum perutili huic exercitio ter quotidie vacaret, in suscepto sanctè vivendi proposito animum obfirmabat; sui miseriam agnoscens fiebat humilior, Dei majestatem demiratus, eum ferventiori mente reverebatur.

Nonnullis Congregationis Conventibus præfectus, demandatum officium diligentissimè exsequebatur. Antonium providentiâ, sollicitudine, ac regularis observantiæ zelo nemo superaverit.

Duobus antè obitum annis, omni corporis sensu destitutus mortì proximus visus est; ad seipsum vi remediorum revocatus, ac redintegratâ sanitate, bono omnibus exemplo esse non destitit. Officiis in communi decantandis, præfinito temporis articulo, diù, nocturne semper interfuit, nequè à choro abesse visus est; in audiendis fidelium confessionibus indefessus, in invisendis ægrotis assiduus, magnum præbuit pietatis, ac charitatis exemplum.

Abundantiori è cerebro humorum fluxu, nècnon provectoris ætatis solito vitio excussis dentibus, solo pane, potuque parciore annis singulis per septem circiter menses ad refectiunculam usus est, nèc ab hac austeriori lege recessit sexagenario major; quatuor dumtaxat, qui obitum præcesserunt mensibus vix adduci potuit, ut ad panem, levius pulmentum adhiberet.

Anno Domini 1727 in Conceptionis B. Mariæ Virginis pervigilio, adornato, de more, sanctissimi Rosarii Sacello proximam mortem præsentiens, antè Altare genuflexus, nudato capite, ac profluentibus lacrymis, me coràm, in omne futurum tempus discedendi veniam à B. Mariâ Virgine humillimè petiit: unus, inquit, mihi animi dolor est, Sacri Rosarii Regina, quod istud observantiæ meæ testimonium exhibere nusquam potero; patrocínio tuo non desis mihi misero peccatori.

Et verò, paucis interjectis diebus, hydropis morbo correptus, jugi pœnitentiâ insignis, disciplinæ regularis studio conspicuus, ac Ecclesiæ Sacramentis resectus inrè manus meas, sereno vultu, placidâque morte quievit in Domino in Conventu Vassonensi anno 1728 die vigesimâ Januarii, horâ sextâ matutinâ.

CAPUT XIX.

Honoratus Alziary à Pucro Jesu.

INtèr præstantiores Antonii à Sanctissimo Sacramento Discipulos, qui institutam ab eo Congregationem pietate, doctrinâ, ac ardentiori proximorum salutis studio illustrarunt Honoratus Alziary à pucro Jesu potissimum commendatur. Hujus vitæ sanctioris elogium, gallico sermone conscriptum, habetur in anno nostro Dominicano parte secundâ mensis Augusti; illud historiæ nostræ attexere æqui ratio postulat. Patre Gerardo Alziary, matre verò Franciscâ Revel piis parentibus anno 1632 die septimâ Januarii in Oppido de Toudon Comitatus Nicænsis natus est. Adolescens R. Patre Joanne Dalmassy de maximo æternæ salutis momento, quo solebat Apostolico zelo, perorante, ejusdem acquirendæ salutis tanto desiderio accensus est, ut relictis parentibus novendecim annos natus Joannem sequi, ac nupèr institutæ Sanctissimi Sacramenti Congregationi nomen dare constituerit. Fratrem suum Albertum natu minorem à suscepto consilio dehortantem suis allocutionibus, animique firmitate itâ superavit, ut Albertus ipse, aliique ex eodem Oppido quinquè

bonæ spei adolescentes Thorum venerint regulari veste induendi.

Honoratus Thorensi Prædicatorum familiæ aggregatus, Antonio Magistro tantum profecit, ut mox in alium virum mutatus visus sit. Conspicua in Novitii facie animi tranquillitas, vitæ innocentia, ac modestia elucebant. Decurrente Religionis tirocinio per duos menses corpus suum accuratissimis licet febribus pergravatum insolito mentis fervore, menti servire cogebat; adeo ut Antonius in maximam amplioris progressus spem adduceretur, nec eum fefellit opinio.

Nuncupatis Deo solemnibus votis, aucto admodum quo agebatur pænitiæ desiderio, inductis suprà Regulam in pane, & aquâ jejuniis vigiliis, cæterisque corporis afflictationibus magnoperè delectabatur. Persolutis matutinis antè Sanctissimum Eucharistiæ Sacramentum ad plures horas orationem protraherat, ibique eâ mentis suavitate afficiebatur, tantusque eum divinæ charitatis incendebat ardor, ut extrâ se rapi videretur.

In Honorato cum hæ, quæ regularem vitam decent virtutes inter sese penè ex æquo certarent, eâ tamèn præstabat animi demissione, ut seipsum despiciens ab alijs contumeliis affici sincero corde desideraret, ac infirma Domus ministeria libenter obiret, ampliorem gloriam reputans, suis preteris, aliorum commodis inservire.

Vir eruditus Philosophiam, ac Theologiam per annos aliquot, non levi Discipulorum progressu professus est, verùm Antonii à Sanctissimo Sacramento, cujus nutu, oreque pendebat, exemplum secutus, quodque non deessent tunc qui ejus vicem implere essent idonei, prædicationi verbi Dei se totum dedit. Magni profectò periculi res est, inquit, si quis Prædicatorum Ordinem professus non prædicet, prædicare cum possit.

Territorium Vivariense à Beatissimo Francisco Regis Societatis Jesu, ineunte seculo decimo septimo, immensis laboribus excultum, nostrisque adhuc impervium, copiosam Honorato messem obtulit; quapropter illud divinæ gloriæ propagandæ studio profectus est Apostolicum munus obiturus. Ibi ejusdem B. Francisci exemplum secutus montanam regionem, vel sævientem hyeme, percurrens solis fidelium

elemosinis spontè oblati victitabat; ibi duriores viæ labores, ac temporum injurias passus, aut equitare, aut carnis vesci, vel etiam præstituta sui Ordinis jejunia solvere nunquam visus est.

Anno 1678 in ampliori Oppido *de Burzet* per sacræ Quadragesimæ dies, vel habendis quotidie ad populum concionibus, vel excipiendis fidelium confessionibus occupatus solo pane ad cibum, merâ aquâ ad potum, perraro pœnitentiæ exemplo, usus est, ibique insequenti anno, adjunctis sociis tribus, nullâ petitâ mercede, tanta hominum frequentiâ, tantoque Auditorum fructu sacram missionem habuit, ut frequentiores in hisce partibus habendi missiones perutilis invaluerit consuetudo, ac D. Henricus *Chabot* Ecclesiæ *de Niaigles* Parochus similes à nostris in omne futurum tempus quot annis nunc hîc, nunc illîc habendas missiones proprio ære fundaverit. Casu contigit aliquandò, ut in pervigilio festæ diei sanctissimi Patriarchæ N. Cœnobium quodam advenit Honoratus longius profecturus; cùmque qui ejusdem Sancti Panegyricam orationem postridiè habere debuerat non venisset infirmitate detentus, rogatus, ut impediti Concionatoris vicem impleret, tanta de Monastici status sanctitate disseruit, quæque vereri debeant gravia mala, qui solutâ regulari disciplinâ, ac neglecto acquirendæ perfectionis studio, ad prava mundanorum desideria redeunt, eâ vi profectus est, ut Monachi quamplures perterrefacti, à laxiori vivendi ratione revocati sint.

Vir in concionando vehemens, in sœnatores, ebriosos, ac voluptati deditos homines cum inveheretur, eorumdem vitiorum horrorem audientium animis ingenerans, reos, auxiliante Deo, à turpi vitâ ad emendatiorem adducebat.

In loco *de Monieux* Comitatus Saltuensîs, ac Diocesis Carpentoractensis de ultimo, ac tremendo Dei judicio eo zelo, tantaque virtute dixit, ut fracta pectoris vena viam morti patefecerit. Tùm ad Saltuensæm Conventum, ubi Priorem agebat, deportatus, sancti Patris Dominici spiritu plenus, verbo, & vitâ clarus, circumstantibus, ac collacrymantibus fratribus sanctissimè obiit anno 1682, die octavâ Februarii. In ejusdem Saltuensîs Conventus Necrologio Vir ferventissimi animi, stupendæ pœnitentiæ, summæ peritiæ,

Apostolici zeli, ac regularis observantiæ rigidissimus, ac renacissimus cultor dicitur.

C A P U T X X.

Hyeronimus Sanlegér à Sanctâ Rosâ.

HOc hominum generi à naturâ datum est, inquit sanctus Anselmus, ut quæ in familiâ laus fortè floruerit, hanc qui sunt ejus styrgis cupidissimè prosequantur. Hinc Hyeronimus auditis quæ de Antonio à Jesu Patruo suo mirabilia dicebantur, eum imitari à primâ pueritiâ constituit, nèc à suscepto consilio seculo blandiente recessit.

Aquissextiis anno 1656 ingenuis parentibus natus est. Decurrente verò ætatis suæ anno vigesimo secundo regularem habitum, quem diù humiliter petierat à R. Adm. Patre Archangelo Gabriel Congregationis Vicario Generali pro votis obtinuit. Instituti sui mentem affecutus, sanctique Patris Dominici verè filius expleto studiorum curriculo, ac Sacerdotio initiatus duo, quæ à Domino talenta acceperat augere magnoperè fuit sollicitus, quodque satius judicaret silere, quàm multum loqui, cellulæ addictus, & ab omnium secularium personarum sequegatus, lectioni, aut conscribendis, quas postmodum haberet ad populum concionibus tempus utilitèr insuñebat; quod verò non valeret memoriâ, eas propterea ediscere, ingenti conatu, ad Dei gloriam nitebatur.

Rudibus, & Agricolis eò libentiùs prædicabat, quò magis spiritualibus auxiliis indigerent. Nedùm in Oppidis, verùm etiam in villulis, congregatâ serotinis horis familiâ, in eminentiori loco stans pro Auditorum capto, de divinis loquebatur. Solutâ verò concione pueros, vél etiam ovium pastores necessarijs fidei capitibus, aut informabat, aut ex tribus sanctissimi Rosarii partibus unam alternis vicibus, ac interjectâ sacrorum Mysteriorum explicatione, recitabat.

Vir fuit simplex, ac rectus, nèc fraudulentè agere unquam visus est. Pacis amans, ac mansuetus ab omni rixâ, & dissidio semper abhorruit. Superioribus, vel in minimis non

non paruisse nefas judicabat, quodque pium in Beatissimam Mariam Virginem affectum certissimum sibi praesidium experimento comprobasset, eam peculiari studio semper coluit, ejusque Sanctissimi Rosarii devotionem omnibus ingerere nitebatur.

In eo Vindascini Comitatus, ac Tricastinae Diocesis Opido, quod *Richerenche* à Gallis dicitur, decurrente sacramissione, habitâ ad populum concione, vix ex suggestu descenderat, cum latherali morbo correptus est. Tùm per ægritudinis molestias vicinam mortem persentiens, Ecclesiae Sacramenta sibi exhiberi humiliter petiit, piissimèque suscepit. His communitus, ac Ecclesiae precibus roboratus ad hujusce vitae transitum animam suam, accommodatis, tùm Scripturae sacrae, tùm sanctorum Sententiis exhortans, coram adstantium, ac flentium civium multitudine obdormivit in Domino anno 1718 die vigesimâ primâ Januarii. Corpus ejus è seculari Domo, omnium penè Civium comitatu, ad Ecclesiam delatum in Tumulo Parochis destinato, intèr missarum solemnia repositum est. Eâ porro cautione fuerat servatum, ut Oppidi obseratae sint fores, nè vi, aut fraude subriperetur.

CAPUT XXI.

Thomas Blanc à Sancto Ludovico.

Buxi, quæ Provinciæ Delphinatus perantiqua Civitas est ingenuis parentibus natus est anno 1659. Qui salutaris Baptismi aquis abluendus Ludovici nomine donatus fuerat, postmodum dùm regulari habitu à R. Adm. Patre Joanne Francisco Bernard Congregationis Vicario Generali indueretur, Thomas à Sancto Ludovico appellatus est.

In Buxensi Ordinis FF. Prædicatorum Conventu prima litterarum rudimenta, ac grammaticam edoctus, bono Religiosorum virorum exemplo, piisque allocutionibus mundum fastidians, eidem nuntium remittere, vix adolescentiam ingressus, constituit.

Augebatur tunc Congregationis Domorum numerus. Antonij à Sanctissimo Sacramento fama longè, latèque manabat,

cumque multi ad ipsum perfectionis studio venirent, Ludovicus, expleto Carpentoracti humaniorum litterarum studio, regularem in Sanctissimi Sacramenti Congregatione observantiam amplexus est, eamque (quod mirum cuique videri debeat) annis novem supra quinquagintâ, nullâ usus dispensatione, indefinenter tenuit.

Ad Prædicatorum Ordinem vocatus, nedum suæ studere perfectioni, verum etiam æternam proximorum salutem, verbi Dei præconio procurare, sui muneris existimavit, cui quidem muneri ut aptior fieret sacrarum Scripturarum lectioni dedit se, ut quæ à Patre luminum didicisset, aut proprio labore comparasset in aliorum utilitatem effunderet. Per annos ferme quadraginta sacris missionibus interfuit, ac decurrente sacrâ jejuniorum Quadragesimâ habuit ad populum conciones. Quod appositè diceret, fructuosa semper fiebat oratio.

Regendis Conventibus admotus regularem observantiam quâ verbo, quâ exemplo fovere non destitit. Mira fuit Thomæ in subditos sibi fratres comitas, ac dilectio : omnibus omnia factus, infirmos suscipere, omnibus necessaria solatia providere summopere lætabatur. Si quis (ut humana fert fragilitas) aliquandò peccasset, sic puniebat, ut à paternâ charitate non abesset castigatio.

In cantandis Dei laudibus vehementer delectatus, ut divinum officium reverenter persolveretur, ac tùm plani cantus, tùm psalmodiæ leges accuratè servarentur diligentèr attendebat. Sacras Ecclesiastici ritus cæremonias, ac Constitutionum nostrarum Textum, variaque ejusdem Textus Commentaria apprimè edoctus, si quæ super his emerisissent dubia, mirâ perspicuitate solvebat.

Ad Congregationis Vicarii Generalis munus à R^{mo}. Patre Antonino Cloche semel, & iterum assumptus nihil de victus asperitate, nihil de consuetâ agendi ratione immutavit. Hoc fungebatur officio, cùm Aquasextias negotiorum causâ profectus, ad nostri Conventus januam cùm advenisset pedes, viatorum baculum manu tenens, unoque Converso mauticulam ferente comitatus, casu contigit, ut supremæ Curiae Consiliarium è Conventu egredientem reperiret ; hic auditâ ab Ofsiario advenientis hospitis Dignitate admiratus est, ac adstantes allocutus Magna profectò, ac laudabilis, inquit, res est in

Dignitatibus non extolli & ampliori honore dignus est religiosus iste vir, quò, abjecto omni fastu majorem retinet iter agens simplicitatem.

Diuurnâ infirmitate exhaustus sanctioris vitæ finem fortitus est in Vasionensi Conventu anno 1740 die undecimâ Decembris.

CAPUT XXII.

Raymundus à Sancto Petro.

IN eo Gallo-Provinciæ, ac Arelatenfis Diœcesis Oppidulo, quod *Grand* vocant natus est. Quo anno, quo die, quibus parentibus? Archangelus Gabriel qui Raymundi vitæ Compendium gallicè primus conscripsit, non refert.

Arch. Gabr.
tom. 2. p. 400.

Juvenis Clericali militiæ adscriptus, mirâ ingenii suavitæ, morumque sanctimoniâ optimi Præbiteri famam apud Cives suos consecutus est. Verùm ad majora festinans, decurrente ætatis suæ anno trigesimo quarto, obtento à V. Patre Antonio regulari habitu virtutum omnium laude in Thorensi Conventu præluxit.

Obedientiam, quam expleto tirocinio Deo voverat aded coluit, ut Sanctum Raymundum, quo nomine vocabatur, imitatus, quamvis in partem à superioribus ageretur, eorumque nutus haberet pro præcepto. Sine fraude, & astutiâ vir, ut alter Nathanaël ab omnibus habebatur, quodque simulationem, omnesque fallendi artes nesciret, ipsius consuetudine, ac colloquiis delectabantur ipsi sapientiores.

Corporeæ constitutionis ingenta imbecillitas ab austeriori victu, vigiliis, cæterisque corporis afflictationibus in Congregatione usu receptis, non modò non retrahebat, quin potius pane, & aquâ contentus frequenter jejunaret, gravemque molestiam pateretur, si Superiorum jussu, ab austeriori hac vivendi ratione recedere cogeretur.

Cæterum, ut asperrimo victu imminuebantur corporis vires, ità spiritali jugis orationis pabulo augebatur mentis vigor, & alacritas. Tanto namquè à miserante Deo affectus est orationis dono, ut juxta Evangelicum dictum, semper oraret, & non deficeret.

Peruili huic exercitio diù, noctùque vacans, eà ipſius mens cœleſtium deliciarum replebatur affluentia, ut orandi finem facere vix poſſet. Quamvis autem tantæ virtutis eſſet, ut vir Sanctus ab omnibus haberetur, demiffè adedò ſentiebat de ſe, ut probris, ac conviciis afficeret ſeſe, merumque nihil reputaret quidquid boni operis inoliretur: *Omnes juſtitia noſtra, ſæpiſſimè repetebat, tanquam pannus menſtruata.*

Pallens, ac macilentæ Raymundi facies, defixi ſempèr in terram oculi, totius corporis habitus ad modeſtiam compoſitus, quodd pœnitentiæ, ac recolleſtionis formam referrent ad earumdem virtutum amorem, intuentium animos excitabant.

Ad paupertatem quod attinet: eos intèr qui ſanctioribus Antonii diſciplinis eruditi ſunt, neminem qui majores in virtute hac progreſſus fecerit, vix quiſquam inveniat. Hujusce rei exempla duo reſert Archangelus Gabriel in eo, quod ſupradiximus, Raymundi vitæ Compendio.

Gravem ægritudinem paſſus in extremo vitæ agone ab horis ſermè quatuor verſabatur, cùm, redeunte animo, de Imitatione Chriſti libellum in perulâ, ac Roſarii ſignum cingulo appenſum habere ſe, animadvertiſſet, læſæ paupertatis pœnitentiâ ductus ea R. Patri Conventus Priori illicò tradidit, nè ſcilicet, ut quidem putabat, proprietatis vitio reus è vitâ diſcederet: alterum exemplum iſtud eſt. Juſculum Cochleari argenteo, ut Medicus juſſerat, ſibi præſentatum, humili- tèt reſpuit; nè hauſit, donec ligneum ab infirmario adhiberetur.

Cæterùm quò propiùs ad mortem accederet, eò magis creſcebant æternæ obrinendæ Beatitudinis deſideria: quod corporis ſui diſſolutio immineret, ac Dominum januaſ pulſantem audiret lætabatur, in cujus quidem læritiæ argumentum teſſâ, ac elegantiori indui veſte poſtulavit. Mox ſacram Jeſu Chriſti è Cruce pendentis imaginem amantiffimè deoſcularus placidè obdormivit in Domino in Thorenſi Conventu anno 1673 die quartâ Aprilis, à ſuſcepto regulari habitu anno nono.



CAPUT XXIII.

Thomas à Sancto Andrea.

Antonii à Smo. Sacramento, ejusque præstantiorum discipulorum vitæ coronidem imposuit Archangelus Gabriel, brevissimo Thomæ à Sancto Andrea Clerici, elogio. Hoc ipse latinè redditum lubens subjungo.

Arch. Gabr.
tom. 2. p. 405.

Patre Alexandro André Matre verò Joannâ Brun anno 1679 die undecimâ Junii in Oppido de Toudon Comitatus Nicæensis piis parentibus natus est.

Vix regularem professionem emiserat, cùm morbo, eo-que gravissimo, correptus est; nam, ut altè Lazarus universali plagâ quæ curationem non admitteret, aded affectus est, ut à plantâ pedis, usquè ad capitis verticem non esset in eo sanitas, ac noxio humore, vitiatis occipitis ossibus, sordus planè effectus sit.

Plagis recrudescentibus frequentiora quamvis adhiberentur à Chirurgo remedia, quæ accerbissimum Thomæ dolorem inurerent, nedùm patientèr, sustinuit, verùm etiam renidenti ore, vultuque semper fuit hilari. Quò magis ingravesceret ægritudo, eò magis augebatur ægrotantis patientiâ, suæque voluntatis cum Divinâ voluntate consensio.

R. Pater Vincentius Maria d'Ollon, de quo suprà lib. 2 cap. 9 non ità pridem vitâ functus, magno circumfusus lumine, in somnis ægrotanti cum apparuisset, *Macte animo, Frater Thoma, inquit, quos pro Christo dolores sustines magna in Cælo consequemur premia.*

Incredibile verba hæc decumbenti gaudium attulere, novosque ad reliqua certamina subeunda addidere animos. Per annos decem Christo confixus cruci, ac diuturniori morbo planè exhaustus, anno 1676 die decimâ quintâ Augusti in Cadenetensi Conventu obiit.



CAPUT XXIV.

Dominicus Thomassia.

DE Dominico, aliisque Conversis quinque dicturo mihi in mentem veniunt, quæ olim Sanctus Augustinus, auditâ Antonii magni vitâ, gemebundus protulit. Quid est hoc? Surgunt indocti, & Cælum rapiunt, & nos in doctrinis nostris sine corde &c. Ut omnis ætas, itâ omnis conditio apta est Regno Dei. Venale est Regnum Dei, inquit idem Augustinus, emit qui vult, omnibus ostenditur, omnibus promittitur, à volentibus percipitur. Quæ à sapientibus, ac prudentibus Dominus Cœli, & terræ abscondit, ea parvulis revelare consuevit, idcirco quod, cum simplicibus sermones ejus sint.

Aupedæ, quæ Vindascini Comitatus Pontificiæ dijonis Civitas est, ad ipsas Luberonii montis radices posita, agricolis parentibus Dominicus natus est anno à Virginis partu 1617, die octavâ Martii. Conversorum primus à famulo Dei Antonio Ordinis habitu indutus, ac, peracto probationis triennio, ad professionem receptus est.

Jâm tùm ad regularis perfectionis apicem, per omnium virtutum gradus contendere visus est, ac sanctiori ejusdem Antonii disciplinâ eruditus, quam semel arripuerit arctam æternæ salutis viam irrevocabili cursu tenuit, ut promissa servis fidelibus præmia consequeretur.

Qui non ad otium, sed ad laborem se venisse recordaretur, Conversorum Officiis sigillatim, vel eis conjunctim per aliquot annos, ob fratrum inopiam, perfunctus, unustrium Conversorum muneri sufficiebat, in agendo promptus, & impiger.

Hilari vultu, ac jucundæ consuetudinis vir, modestiam cum singulari comitate copulavit; obedientiam verò tanti fecit, ut quolibet adimplendo præcepto delectaretur, graviterque peccasse putaret, si eorum, quæ fuissent præcepta, vel minimum præterisset. Obedientiam virtutum omnium matrem, ac custodem vocabat.

Antonij mentem plenius affecutus, ac Instituti sui legum observantissimus nihil unquam per itinera, quæ ad stygiam colligendam frequentè agebat, de consuetis poenitentiae exercitiis remisit. Proprium Conversi Officium, statutis horis, erectâ ad Deum mente persolvens, rejectis vanis colloquiis, socioque procùl aliquantulum à se dimisso, aut cœlestis vitæ gaudia considerare, aut Domini nostri Jesu-Christi amaram passionem meditari. Illinc præ gaudio exultabat, isthinc præ dolore compungebatur.

Expletis per diem muneris sui partibus, ad sacram Crucifixi imaginem noctu orans tanto doloris sensu afficiebatur, ut lacrymas ubertim effunderet. Tùm iratus sibi, & ingratum reputans se, flagellis acriter in sua terga sæviebat; ut scilicet pro doloribus dolores, pro poenis poenas, pro cruciatibus cruciatus morienti Christo rependeret.

Asperimos Delphinatus, aut superioris Gallo-Provinciae montes percurrrens pauperum villulas alacri animo adibat, eò latior, quò viliori testò, ciboque asperiori exciperetur. Tùm in senili, vel hyemali tempore, pernoctans, parco, brevique somno usus aut cœlestia meditabatur, aut sacrum Beatissimæ Mariæ Virgininis Rosarium eo affectu recitabat, ut frigoris accerbitatem mentis fervore superaret.

Congregatos sub vesperam pueros, gregumque custodes, Catechistæ fungens officio, fidei rudimentis imbuere nitebatur, suosque hospites viriis quandòque detentos ad meliorem frugem, piis allocutionibus, non semel adduxit, eosque pascebat spiritu, in carne pascendus. Sanctissimum Patrem Dominicum imitatus statuta Ordinis jejunia, nec festus itinere, solvit.

Cum verò per cujusvis Civitatis, aut Oppidi vicos fratrum victui necessaria colligeret, capite paululum inclinato defixis in terram oculis, ac neminem, seclusâ necessitate, allocutus, patiens, ac humilitatem redolentibus verbis, stygem rogare consuevit.

Ubi ubi fuerit Christi bonus odor effectus, alter Antonius passim dicebatur, quodque Itatus sui partes impleret accuratissime, tanquam regularis perfectionis exemplum, quod cæteri Conversi imitarentur, ipsum sapius proponebat Servus Dei.

V I T A

Hic Parisios, Metas, Romam, aut quodvis aliò profecturus Dominicum, ob virtutum insignia carissimum, itineris comitem delegit; oculatus proinde testis fuit mirabilium, quæ vir Dei operatus est, quæque in ejusdem Antonij vitâ gallicè conscriptâ, fusè describuntur. Dominici testimonium eò verius, quò magis abhorreret à mendacio, quemque à leviori noxâ prohiberet conscientia. Perraro pœnitentiæ exemplo, ab ipso Religionis ingressu, asperioris vitæ rationem tenuit. Annos quindecim, nec interruptè, in pane, & aquâ jejunavit, reliquo verò tempore, cibo tam parcè utebatur, ut jejunium perpetuum servare videretur; annos octo suprà quadraginta carnibus abstinuit. Herbis, ac leguminibus, ut plurimum, vescabatur.

Bonis operibus plenus, Deo, quem semper optaverat, quemque promereri semper stuluerat, purgatam animam reddidit septuagenario major, in Conventu Cadenetensi anno 1687 diè sextâ Decembris. Corpus ejus in cœmuni Conventorum tumultu, ingenti adstante populo, sepultum fuit.

CAPUT XXV.

Angelus Blanc à Sanctâ Maria.

BOnili, quæ Vindaschini Comitatus, Diœcesis Aptensis Civitas est anno 1632 diè undecimâ Aprilis in lucem prodijt. Viri Dei Antonij à Sanctissimo Sacramento ejusque Discipulorum sanctitatis famâ permotus, Sancti Patri Dominici regulam in laicali statu professus est. Hujus virtutes ipsemet Antonius, gallicè scribendo, in eo, quem composuit Relationum libro, brevi narratione complexus est; narrationem hanc ad verbum latine interpretor.

Rel. cap. 42.

Ab ipso novæ professionis exordio, mores ad legum præscripta componens, per omnium virtutum gradus ad sui status perfectionem jam cœpit festinare. Inediâ, alioris, ac vigiliarum patiens, corpori suo novum bellum, novo asperitatum genere intulit, insolitæ pœnitentiæ vir. Flagellis in se adedò acerbè, quater, decurrente hebdomadâ, sæviebat, ut sanguinis rivuli disfluerent, ac post verberationem, vix animi deliquium non pateretur.

Virtute

Virtute abſtinentiæ inprimis Angelus claruit. Antonii à Sanctiſſimo Sacramento Magiſtri ſui, exemplo roboratus, vino, aut abſtinebat, aut parciſſimè utebatur. Singulis diebus Sabbati, in pervigilio Feſtivitatum B. Mariæ Virginis, ac ſancti Patris Dominici pane, & aquâ jejunabat, ipſumque diem omnis cibi, & potus expers quandòque duxit. Longiori fatigatus itinere, oblata à ſuperioribus ſolatia modèſtè reſpuebat. Prælatorum voluntati religioſâ anxietate obſecutus, angelicâ caſtitate, ac peculiari in Beatiffimam Mariam Virginem cultu eximius, ab omni, vel leviori noxâ vehementèr abhorrens ſempèr elegiſſet potiùs, Deo dilecto emori, quàm offenſo vivere. Horto olitorio excolendo admotus, quæ in ſeculo feciſſet mala, amaro animo deſcens, arduam hanc exercitationem pœnitentiæ loco ducebat. Stypem oſtiarim rogans, contemplationis ſtudio, in Cœlo verſabatur, ut, ſi manus vacuas, plenam tamèn piis affectionibus mentem reportaret.

Nihil Deo eſſe charitate acceptius, quod ſciret, ſingulari in pauperes, ac mendicos miſericordiâ ſemper enituit, eoſque, quoquo poſſet modo, ſublevabat, ſubductum ſibi cibum in eorum alimoniam, ſuperiorum permiſſu, diſpertiri, ac rejeſtaneas veſtes à ſecularibus obtentas iſtis diſtribuire lætabatur; ut nudos operiret propriis veſtibus ſeiſum libentèr exuiſſet.

Ab emiſſâ profeſſione, anno altero deſinente, colico morbo, ac ſanguinis exſecratione vexatus, inſignia præbuit heroicæ patientiæ argumenta; eos, qui vicem ſuam dolerent moleſtè audiens, graviora tormenta promereri conteſtabatur, idcirco quòd, pro eximiâ, quâ pollebat humilitate, intèr peccatores maximum reputaret ſe.

Singulis diebus Dominicis, ac qualibet quintâ feriâ, ſacrâ communionem reſectus, tanta tùm animi, tùm corporis alacritate perfundebarur, ut in fortitudine cibi illius acutiſſimas alvi torſiones, annos ſemè duos pacatâ mente pertulerit.

In Sacrà Thorenſi Æde noctu orantem, pridè deſuncta Angeli mater proprio nomine vocavit, ejuſque popoſcit ſuffragia. Fratribus divinas preces in Choro, mediâ nocte, perſolventibus, concinnantes Angelos audiviſſe, iſtius Antonii commentaria meminere.

Vicinam mortem præſentiens, admiſſas à puero culpas ſa-

crâ confessione expiavit, ac Sanctissimam Eucharistiam pro viatico sumpsit. Ingravescente morbo, repentino casu oppressus, omnium Congregationis fratrum primus obiit, in Thorrensi Conventu anno 1655 die quintâ Aprilis.

C A P U T X X V I .

Elzearius Parrét à Providentia.

IN perantiquâ Saltuensi Civitate, quæ Saltuensis Comitatus caput est, anno 1643 die octavâ Novembris ortum habuit. Adolescentiam ingressus, paterno agro excolendo admotus est. Quod verò arduo operi non suppetere vires, magnâ pietatis, ac fidei laude, lanificium fecit.

A pravorum consuetudine, à ludis, ac voluptatibus seculi alienus, divinis officiis, aliisque piis operibus sedulò intentus, frequentiori Sanctissimæ Eucharistiæ usu animam reficiebat.

Antonium de æterno damnatorum cruciatu, Apostolico zelo perorantem cum audivisset, gravi timore perculsus ipsum incunctantèr adiit, & ad ejus pedes provolutus, regularem in Congregatione suâ Converforum habitum enixè petiit, quodque futuram optimi adolescentis sanctimoniam præfigeret servus Dei, paucis interjectis diebus, ei pro votis fecit.

Nequè Antonium fefellit opinio. Seculari namquè veste depositâ, propriæ perfectioni allaborare sceleriori conatu aggressus est. Quæcumque veteris hominis essent exuere ingenti mentis fervore contendit.

Quantùm porrò lætitiæ, & gaudii hæc Elzearii initia Antonio fecerint, haud dictu facile. Fratrum suorum exemplo animatus arctiori pœnitentiæ novus miles devovit se: verùm, quantùm sibi de corporali cibo, ac potu detrahebat, tantùm spiritualibus animæ deliciis jam tùm reficiebatur.

Perpetuum otio bellum indixit, quodque tempus scitè caperet, semper habebat, quid ageret, eumque diabolus semper invenit occupatum. Culinam exercere, eleemosinas conquirere, domum scopis mundare, fratrum vestes lavare, hor-

tum subigere, omnibus ad officia præstò esse.

Quod iussus fuisset, nihil contrà referebat, quominus faceret; prælatorum mandata, nedùm, præclusà omni exceptione, exsequebatur, verùm etiàm, quod maxima obedientiæ perfectio est, voluntatem præveniebat imperantis.

Tanta diversarum occupationum varietate distentus, pia, quæ mentem nutrent, quibusque Dei amor accresceret, exercitia non prætermittebat. Orationi, piarumque rerum contemplationi tempus, aut somno, aut animi relaxationi additum insumebat. Domini nostri Jesu Christi passionis mysterioris aded afficiebatur, ut ipsi conformis fieri vehementer optaret.

Voti compos effectus est; frequentiori quippè annos duodecim infirmitate vexatus, quoddam martyrii genus passus est. Tùm aspiciens in auctorem fidei, & consumatorem Jesum, qui proposito sibi gaudio, sustinuit crucem, ad propositum sibi præmium, per patientiam currebat.

Secum ab infantià cùm crevisset misratio, pauperum neminem ad se venientem vacuis manibus abire passus est; præcipuà verò ergà infirmos Elzearius præstabat charitate; cibi, somnique prorsus oblitus, eorum lectis assidue, ipsis ministrare diligentèr attendebat; ipsis curandis, recreandis, sublevandis aptissimus, afflictum à mœrore animum erigebat, jacentes excitabat, vindicabat à dolore.

Providus admodùm nedùm necessaria, verùm etiam dulciora, consuetos cibos fastidientibus, procurabat, accerbiora de manu suà gratè accipiebant remedia, ipsi, ut perito Medico, vel Superiori proprio obtemperantes. Eos, qui præ ægritudine morosi essent, aut inquieti, lenis ipse ad lenitatem revocabat, eorumque querimonias hilari vultu, tranquillaque mente patiebatur; nec mirùm; charitas enim, Paulo attestante, patiens est, ac benigna.

Eadem Christi charitate, mortuis ipsis operam suam libenti animo tribuens, eorum corpora lavare, vestire, in pheretromachum disponere, per vigilias custodire, ac sepelire pro magno lucro putabat, grandemque jacturam fecisse credebatur, si in his misericordiæ operibus ab alio fuisset præventus.

Totam vitam in adimplendis status sui partibus, sine querela, & dissidio cum laudabiliter insumpserat, anno 1699 die pri-

mâ Decembris, diurnâ ægritudine exhaustus, ad cœlestis vitæ gaudia pervenisse creditum est.

C A P U T XXVII.

Stephanus Sylvestre à Puero Jesu.

IN eo Niceānsis Comitatus, ac Diæcesis Glandevenfis Opido, quod vocant *Lés Cros* anno 1628 die ultimâ Decembris, parentibus perantiquâ pietate conspicuis in lucem editus est.

Intèr Serenissimi Sabaudia Ducis (nunc verò sardinia Regis) milites coactè descriptus, annos tres militiam gessit neminem concutiens, nemini calumniam faciens, contentus stypendiis suis.

Obtentâ dimissione, ac Joannis Dalmassy civis sui exemplo, & virtutum famâ permotus, spiritualis ineundæ militiæ iniit sententiam, assumptoque in Thorensi Domicilio Conversorum habitu, eductum de domo servitutis peccati in libertatem gloriæ filiorum Dei reputavit se.

Eâ animi firmitate corpori suo, velut hosti insensissimo, ipsis rerum primordiis, bellum denun ciavit, eoque fervore quæ mundi sunt, è corde suo divellere nitebatur, ut ad propositam novî status perfectionem, brevi perventurum Antonius Congregationis institutor ominaretur.

Quod Deum serò cognoverit, ut alter Augustinus, vehementè dolebat, pravos seculi mores, Dæmonis præstigia, animarum laqueos, ac innocentia scopulos vocabat, Mulierum colloquia, eâ dexteritate declinabat, ut nullam quantumvis nobilem, aut pietate præstantem exciperet, nisi præcesserit Prælati auctoritas & imperium.

Annos viginti Questoris officio, tùm æstivo, tùm hyemali tempore perfunctus, socium inedia, aut longiori itinere fatigatum, ad majores subeundos labores festivè adhorrabatur. Quæ, inquit, absentes Domo, spiritualia patimur detrimenta, R.R. Patrum orationibus, concionibus, ac sacrificiis, quorum sumus participes, abundè compensantur. Clerici spiritualibus, conversi verò corporalibus exercitiis, si

rectè omnia fiant, æternam salutem obtinebunt. Ut in libro de Imitatione Christi me legiſſe memini aiebat, melior eſt humilis ruſticus, qui Deo ſervit, quam ſuperbus Philoſophus, qui, ſe neglecto, curſum cœli conſiderat.

Quod mirum cuiſpiam fortasſe videatur. Merendo temporalia, ſpiritualia, ſuo modo, diſpariri Stephanus ſatagebat; inſolito namquæ actus ſalutis animarum ſtudio, peccatores revocare à vitiis, ruricolos fidei elementa edocere, Beatiffimæ Mariæ Virginis cultum promovere contendebat; quo factum eſt ut plures, vèl ſceleſtiſſimos, ad pœnitentiam adduxerit, ignaros in his, quæ fidei ſunt, peritos fecerit, ac multis in locis ſacrum Roſarium, aut publicè, aut privatim quotidie recitetur. Intèr montana verſatus, nedùm vir ſanctus dicebatur, verùm etiàm concionatoris nomen obtinuit. Villularum incolæ ſub veſperam veniebant ad eum, ſalutis monita audituri.

Inſtituti ſui legum obſervantiſſimus, unum ex his iota, aut unum apicem non eſt prætergreſſus. Communibus auſteritatibus non contentus, tres cujuſlibet hebdomadæ dies in pane & aquâ jejunabat, diſſimilis flagellis, cilicio, ferroo cingulo carnem domabat, vigilias orando protraherat. Rectè novit vivere, quia rectè novit orare.

Noctes in Eccleſiâ, antè Sanctiſſimum Eucharistiæ Sacramentum genuflexus, aut ducebat inſomnes, aut Altaris ſuppedaneo innixus paululum quieſcebat; edictum in ſacris Conſtitutionibus ſilentium perquàm accuratè ſervans, nutu, & ſignis, ubi verborum deeſſet neceſſitas, loquebatur; nequè enim fieri poteſt, inquit, ut loquacitatem non comitetur peccatum.

Extrâ Clauſtrum degens, nihil de conſuetis abſtinentiis, orationibus, corporiſque afflictationibus remittebat, nèc labore continuo à jejunii lege ſolutum putabat ſe; eò mirabilior agendi ratio, quod de Oppido in Oppidum, de villulâ in villulam pertransiens, gravi collectarum pondere gravatus, quandòque incederet.

E longioribus, ac difficillimis excursionibus redux, nullumque internæ recollectionis detrimentum paſſus, neglectâ de fatigati corporis requie, nullaque diſpenſatione, quâ viatores cæteri, cùm ad propria redierint uti ſolent, corpûs

laboribus fessum exercebat hortum subigendo.

Senio tandè Domi detentus, pauperum, ac rudium institutioni, quoad per statum liceret, consulere non destitit; eos, qui sibi in Questoris officio successerant Conversos enixè deprecabatur, ut animas Christi sanguine redemptas, tùm bono virtutum exemplo, tùm piis allocutionibus diligenter curarent. Superioribus pronus supplicabat, ut, qui de divinis ad populum dicerent, frequenter mitterentur. Juniores Concionatores passim hortabatur, ut commissi ministerii partes, omni curâ, ac sollicitudine adimplerent. Ipsemet ad Conventus januam quotidie, statutâ horâ, eleemosinas distribuens, ut in SS. Sacramenti Congregatione invaluit consuetudo, catechistæ functus officio rudem plebeculam primis christianæ fidei præceptis informare nitebatur.

Gordis humilitatem adeò coluit, ut abjectissima quæque spontè obiret Conventus ministeria, proprios cuique defectus manifestaret, ac inter peccatores maximum diceret se, crederetque; quoddam ab omnibus contemni desideraret, majori non afficiebatur gaudio, quam si gravem injuriam, aut contumeliam pateretur.

Sanctæ paupertatis amicus, inter cibos vilioribus, inter vestimenta asperioribus, ac rejectaneis libenter usus, quæ relictis fratribus superaverint fragmenta, in proprium usum assumebat; vini, aut olei si quid effuderit, aut vas aliquod fregerit, tanto mentis gaudio, vel ab ipsis junioribus, emendationem audiebat, ut felices Stephani culpas dicere omnes cogarentur. Fratrum suorum vitia cautè celabat, si verò Patuissent, insolitâ charitate excusabat.

Variis subindè infirmitatibus, quæ curationem non admitterent gravatus, nè levi quidè gemitu, aut suspirio quem patitur dolorem ostendit; hilaris ipse dat cæteris lætitiâ; non aggravatur animus, nè à pristino fervore recedit; implacabilis sui hostis spontaneis pœnis torquet se.

Has Superiorum jussu moderari coactus, ad sui cruciatum solers, in ipsis sibi exhibitis solatiis jugi pœnitentiæ locum dabat; nedum quadragesimali cibo utebatur, verum etiam Patriarcham Dominicum imitatus, statuta jejunia, nè æger solvebat.

Qui à suscepto regulari habitu, otio, ut prædictum est,

bellum perpetuum indixerat, nullam habebat à labore vacationem; pedem quamvis movere non posset nisi baculo inanius, diversa obibat Conventus munia, ac persolvendis quotidie B. Mariæ Virginis, ac Sancti Angeli Custodis officiis, necnon recitando ter, vel etiam quater ejusdem Virginis Rosario, sat supererat temporis, divinarum rerum meditationi vehementer addictus, Deique semper memor, magnoperè delectabatur; multis præterea gratiis, favoribus, illustrationibus, ac internâ mentis suavitate, quæ corporis molestias deliniret, plerumque afficiebatur; inter orandum, vultum ejus supero fulgore radiantem Archangelus *Gabriel* Cadenetensis Prior, alique benè multi non semel conspexere.

Optatissimâ tandem donatus est gratiâ hac, ut morte martyrio persimili, è corporis ergastulo solveretur: ut ampliori coronâ dignus fieret, percussit eum Dominus plagâ pessimâ, adeò ut à planta pedis usquè ad verticem capitis non esset in eo sanitas; acerbissimis, quos solitâ patientiâ pertulit, doloribus confectus, pièque susceptis Ecclesiæ Sacramentis sanctè obiit in sinu Abrahæ collocandus anno 1699 die octavâ Decembris.

Propalatâ Stephani morte è Cadenetensi Oppido effusè Cives exeunt, turmatim accurrunt alienigenæ demortuo parentaturi. Hujus exequias Illustrissimus Andreas *d'Oraison* Dominus de *Cadenet*, ejusque Germanus frater Franciscus Ludovicus Melitenfis Ordinis Commendator, quippèqui servi Dei Sanctitatem benè noverant, cohonestarunt.

Pia tunc inter adstantes contentio facta est; alii namque defuncti corpus tangere, ac deosculari, alii vestes discerpere, earumque particulas asportare, ardentiori studio curarunt.

Stephani vitæ historia, fusiori narratione à R. P. Archangelo *Gabriel* gallicè conscripta, anno 1701 Parisios missa est, Annalibus Ordinis inferenda. Hanc pro modulo nostro latinè contraximus.



CAPUT XXVIII.

Isidorus Liotaud à Sancto Dominico.

OUæ de Isidoro dicenda veniunt, è diversis Antonii à Sanctissimo Sacramento operibus, gallico idiomate manuscriptis, collecta, sequenti epitome continentur.

Insula, quam percelebris, & abundans alluit Vallis clausæ fons, Vindascini Comitatus, Pontificiæ ditionis amæna, ac locuples Civitas est. Ibi anno 1622 die undecimâ Julii, parentibus minutæ mercis mercatoribus natus est. Piæ indolis ac animam bonam sortitus adolescens arctioris pœnitentiæ, vel in seculo tirocinium posuit. Sui status homines, ut vitia fugerent, ac, quæ Christianum decent virtutes sectarentur piis colloquiis adhortabatur. Qui temerè, aut falso juraverint liberè coarguebat, nè eorum, qui molestè ferrent, injurijs, aut convicijs offendeatur. Feriâ quintâ in Cœna Domini, ablatis duodecim pauperum pedibus, eisdemque pauperibus prandio acceptis labore manuum acquisitæ pecuniæ partem libenter impendebat. Eam tenebat vitæ rationem, quam omnes laudarent, optimoque civibus suis esset exemplo.

Novemdecim annos natus, suscepto Conversorum habitu, ac sanctioribus Antonii disciplinis eruditus uberes ad regularem perfectionem fructus retulit. Novitius flecti facilis, ac virtutis cupidus Magistrum audiebat, eumque studebat imitari, aded ut cognito Novitio, qualis esset Magister, faciliè quisquis dignosceret.

Nondùm emissa professione piissimum Institutorem Romam secutus, non pauca præbuit patientiæ, ac humilitatis exempla. Parisios deindè profectus Ludovicum decimum tertium Galliarum Regem adiit, ut pro nupèr institutæ congregationis incremento commendatitias litteras apud ejusdem Principis Oratorem, Romæ degentem, obtineret. Singularem Isidori simplicitatem, ac modestiam admiratus Rex optimus, postularam gratiam benignè concessit.

Verùm in tot perturbationibus, dimisso regulari habitu, eo scilicèt animo, ut eum, factâ tranquillitate, resumere, paternos

paternos lates regressus, orationi, jejunio, aliisque piis exercitationibus totus intendens, Domi continebat se, ac perrarò veniebat in publicum. Monachum, non de populo unum dixeris.

Redditâ tandem Thorensi Domo, Antonium incunctanter adiit, ab eoque iterum regulari veste donatus, ac trienniali functus tirocinio, Deoque nuncupatis solemnibus votis, verbo, & exemplo cæteris fratribus mirificè profuit.

Vocationis suæ memor, ac laboris amans, quæ conversum decent diligentissimè curabat, opere rustico attritas manus pro peccatorum conversione, ac totius Ordinis incremento, brevi adjunctâ oratione, hortum excolendo, ad Cœlum sapius attollebat. Somno se permittebat brevissimo. Actiones suas omnes promptiori obedientiâ metitus, vel leve Superioris signum habebat pro præcepto, eorum nutu, & arbitrio agebat omnia. Sanctissimum Nomen Jesu cordi arctius impressum, ac pio in Deum animo sapius repetitum, exercitatos Isidori reparabat sensus, vegetabat bonos mores, castas fovebat affectiones. Secundam Sanctissimi Rosarii partem, quæ præcipua Dominicæ Passionis mysteria exhibet, gravi mœrore affectus nunquàm recitabat sine lacrymis; in divinis apprimè versatum quis dixerit, quamvis esset litterarum planè rudis. Eâ in admissis culpis pœnitentiâ tangebatur, ut Dei judicia continuò pertimesceret; itâ tamèn, ut, Antonio adhortante, nimium timorem fiducia minueret. Frequens ipsi fuit cum Dæmone, horribili formâ apparente, colluctatio. Vèl noctu dormiens, in peccatores, & hæreticos invehebatur eâ vi, ut vicini fratres disceptantem audirent.

Continuâ febris, nervorum contractione, ac hydropisi affectus, Beatissimæ Mariæ Virginis Litanias alacritè decantabat, additis hiscemet verbis *ad cœlestem Patriam vado, ad optimum Patrem ibo.*

Dolores acerbissimos mensibus octo patientissimè passus, prænunciato mortis die, vitam Sanctissimè actam beato fine complevit. Antonius à Sanctissimo Sacramento, cui ob insignes virtutes fuerat semper carissimus, Saltum cum advenisset, sacram Ædem ingressus, ac super defuncti tumulum genuflexus, non Psalmum *De profundis*, ut assolet, sed Canticum *Te Deum Laudamus* recitavit. In Oppido de Lagnès.

Deum Isidori precibus vinum multiplicasse memoria prodigium est. Ipsum cœlesti gloria perfrui, eidem Antonio per visum fuisse præmonstratum, perhibetur.

CAPUT XXIX.

Felix Brun à Sancto Antonio.

Patre Hugone Brun, Matre verò Mariâ Brun piis parentibus in Oppido de Toudon, Comitatus Niceensis anno 1648. die decimâ-tertiâ Maii natus est.

Jam tùm à puero eximiam mansuetudinem, ac pietatem præ se ferens, non levem apud cives suos futuræ sanctimonix concitavit expectationem. Pubertatem verò egressus, ac primis litterarum rudimentis imbutus, paterni gregis custodiæ addictus est.

Annos circiter septem ruri commoratus, oratione, piisquelectionibus fundamenta jecit vitæ sanctioris; ab hominum convictu segregatus perutilem, dulciora cum Deo miscendi colloquia, inivit consuetudinem. Undiquè sylvæ, ac solitudo, avium cantus, ipsumque illud silentium, magna fuere adolescenti piarum meditationum incitamenta.

Spiritu Sancto interius edocente, Dei providentiam admiratus, de tot inhumanum genus collatis beneficiis gratias agebat; ovium mansuetudo Domini Nostri Jesu Christi mansuetudinem ipsi in mentem revocabat, ac in ipsis insidiantis lupi fraudulentis, mali Dæmonis in animarum perniciem astus verebatur. Ibi regularis status tirocinium quodammodò posuit, ac rigidiori poenitentia corpus suum in servitutem redigens animam à lethali peccato immunem servavit. Sancti Petri Apostoli Sacellum, in eâdem regione positum, vel noctu, ac hyemali tempore frequenter adibat oraturus.

Hunc in modum adolescentiâ consumptâ, cum annum ageret tertium. Suprà vigesimum, quò arctius Christo conjungeretur, ac æternam animæ salutem in tuto poneret, Ordinem Sancti Patris Dominici amplexus est, susceptoque Conversorum habitu, ad religiosæ vitæ perfectionem pervenire sedulo nirebatur.

Sacra præsertim Dominicæ passionis mysteria, tanto mentis affectu meditari consueverat, ut in eisdem contemplandis corde punctus, maximam lacrymarum vim capitis profunderet. Proximorum æternam salutem vehementer exoptans, preces, jejunia, cæterasque corporis afflictiones pro peccatorum conversione offerebat. Bis, vel etiã ter quolibet hebdomadâ, sacrâ communione refectus, ampliori in Christum amore, ac reverentiâ donatus est.

Quod multiloquium raro absque peccato sit, silentium omni pterumque Sermonè præstantius, perquam accuratè, servans, à vaniloquiis, ac curiosis inquirendis semper abstinuit. Injurias, & convicia tacendo potiùs, quàm respondendo superabat, nec, vir rectus ac simplex fraudulentè agere poenitèns ignorans, technis ad fallendum unquam usus est.

Qui castitatem imprimis coleret, vel levem hujusce virtutis maculam perhorrescens, ubi adessent fœminæ nisi gravi urgente necessitate, non apparebat, tum, sensum custodiæ advigilans, brevi sermone utebatur.

Fœlici annis quatuor cum fuërim à confessionibus, ipsius animi candorem, cordis humilitatem, ac innocentiam sum admiratus. Levioris admissæ noxæ adèd poenirebat, ut corde compunctus in uberes lacrymas erumperet. De piaculi poenâ quod levior esset, conquerebatur. Quæ spiritali profectui, aut æternæ acquirendæ saluti prodesse consilia, grato libentique animo excipiebat.

Ut semel mundo nuncium remiserit, nèc pariam adiit, nèc parentes inisit. De civibus suis quispiam si advenisset, res novas non exquirebat, nèc spontè nunciatas libentè audiebat à curiositate alienus. Parentum negotiis implicari vitium putabat.

Quod præ nimia timiditate stygi colligendæ non esset idoneus, Culinam, ut plurimum, exercebat. Huic additus muneri, charitate, patientiâ, munditiè, vel etiã silentio, ac mentis recollectione præstare visus est. Ut ipsi Christo, fratribus suis serviens, prandii reliquias in proprium cibum assolvebat.

A teneris annis Dei paræ Virginis potenti patrocinio commiserat se, eamque ruri degens, præcipuo cultu venerabatur;

regularem verò statum professus, eundem cultum, nedùm continuavit, verùm etiã auxit. Singulis Sabbati diebus, ac in ejusdem Beatissimæ Virginis festivitatum pervigilio, vel ætate longævus, sedens in terrâ jejunabat pane & aquâ contentus. Antè Sanctissimum Eucharistiæ Sacramentum, aut meditando, aut Sacrum Rosarium recitando, vigiliis longids protrahabat.

Ex virtutis præscripto vitam cùm peregisset, expletisque accuratissimè status sui muniis, septuagenario major, lethargiâ sopitus, obdormivit in Domino in Thorensi Conventu anno 1721 die trigesimâ Januarii.

FINIS.

INDEX CAPITUM

LIBRÌ PRIMI.

Caput	Page
CAPUT I. Orius ejus ac Parentes,	1.
CAP. II. Antonii mores & educatio,	3.
CAP. III. In parisiensi Academiâ studio addicitur,	4.
CAP. IV. In civilis Juris studium incumbit,	5.
CAP. V. Maternam domum repetit,	6.
CAP. VI. Prædicatorum Ordini nomen dat,	7.
CAP. VII. Solemnibus votis obligat se,	9.
CAP. VIII. Philosophia ac Theologia studet,	10.
CAP. IX. Sacerdotio initiatur,	11.
CAP. X. Novitiis præficiuntur,	12.
CAP. XI. Retento Magistri Novitiorum officio, charitatis servit operibus,	15.
CAP. XII. Novam sanctissimi Sacramenti Congregationem instituit,	16.
CAP. XIII. Romam proficiscitur,	17.
CAP. XIV. Romam advenit,	19.
CAP. XV. Lauretum, Religionis causâ, proficiscitur,	21.
CAP. XVI. Bononia è gravi morbo periclitatur,	22.
CAP. XVII. Prima Congregationis domus extruitur,	24.
CAP. XVIII. Quæ sit in domo hac vivendi ratio,	25.
CAP. XIX. Thorum ex oppido de Lagnès domicilium transfert,	27.
CAP. XX. Nova domus propè Massiliam extruitur,	29.
CAP. XXI. Romam iterum proficiscitur,	30.
CAP. XXII. Pedum nuditatem dimittit,	32.
CAP. XXIII. Antonii socii in Galliam remittuntur,	33.
CAP. XXIV. Parisiis mittitur,	34.
CAP. XXV. Thorum remittitur,	35.
CAP. XXVI. Parisiensis Conventus Prior eligitur,	37.
CAP. XXVII. Rectè fungitur Prioris officio,	38.
CAP. XXVIII. Reginam inter & Parisenses pacem conciliat,	41.
CAP. XXIX. Merenses Ordinis Sui. Dominici Moniales visitat,	43.
CAP. XXX. Ex Galliâ Romam discedit,	44.
CAP. XXXI. Ariminum Civitatem advenit,	46.
CAP. XXXII. Thorum regreditur,	48.
CAP. XXXIII. Novum Ordinem Sanctimonialium instituit,	idem.
CAP. XXXIV. Congregatio augetur, nova excitantur domicilia,	51.
CAP. XXXV. Antonius informandis fratribus totus incumbit,	53.
CAP. XXXVI. Susceptam institutionem continuat,	55.
CAP. XXXVII. Sacris missionibus insistit,	58.
CAP. XXXVIII. In Oppido de Merindol sacram missionem aggreditur,	61.
CAP. XXXIX. Regiâ potestate tutatur,	64.
CAP. XL. Inter-	65.

CAP. XLI. <i>Genevam versus progreditur,</i>	Page, 66.
CAP. XLII. <i>Variè ab Hereticis vexatur,</i>	69.
CAP. XLIII. <i>Avenione concionatur,</i>	71.
CAP. XLIV. <i>Genevam ultimùm progreditur,</i>	75.
CAP. XLV. <i>Antonii obitus,</i>	76.
CAP. XLVI. <i>Antonii forma & statura corporis,</i>	79.

INDEX

LIBRI SECUNDI.

CAPUT I. <i>Antonii in Deum charitas,</i>	Page, 80.
CAP. II. <i>Ejusdem charitas in proximos,</i>	81.
CAP. III. <i>Antonii precipuus in sanctissimam Eucharistiam cultus,</i>	83.
CAP. IV. <i>Beatam Mariam Virginem veneratur,</i>	85.
CAP. V. <i>Antonii humilitas,</i>	86.
CAP. VI. <i>Antonii voluntaria pauperias,</i>	88.
CAP. VII. <i>Ejusdem castimonia,</i>	91.
CAP. VIII. <i>Antonii obedientia,</i>	94.
CAP. IX. <i>Qua de Antonio mira pradicantur,</i>	96.
CAP. X. <i>Antonii opera ascetica & historica,</i>	98.

INDEX

LIBRI TERTII.

CAPUT I. <i>Joannes Dalmassy,</i>	Page, 100.
CAP. II. <i>Antonius Sanleger,</i>	109.
CAP. III. <i>Petrus Galbart,</i>	112.
CAP. IV. <i>Joannes Vincencius Bernard,</i>	114.
CAP. V. <i>Josephus Aurivelier,</i>	121.
CAP. VI. <i>Hyacinthus Faumont,</i>	123.
CAP. VII. <i>Joannes Franciscus Bernard,</i>	125.
CAP. VIII. <i>Andreas Blachere,</i>	130.
CAP. IX. <i>Vincencius Maria d'Ollon,</i>	133.
CAP. X. <i>Jacobus de la Valdenne,</i>	138.
CAP. XI. <i>Andreas Olivier,</i>	145.
CAP. XII. <i>Alexius de Guast,</i>	148.
CAP. XIII. <i>Humbertus Couren,</i>	150.
CAP. XIV. <i>Archangelus Gabriel,</i>	152.
CAP. XV. <i>Modestus Alziary,</i>	158.
CAP. XVI. <i>Joannes Hyacinthus Sylvestre,</i>	162.
CAP. XVII. <i>Christophorus Brun,</i>	165.

CAP. XVIII.	<i>Antonius Demolis,</i>	Page, 169.
CAP. XIX.	<i>Honoratus Alziary,</i>	171.
CAP. XX.	<i>Hyeronymus Sanleger,</i>	174.
CAP. XXI.	<i>Thomas Blanc,</i>	175.
CAP. XXII.	<i>Raymundus à Sancto Petro,</i>	177.
CAP. XXIII.	<i>Thomas à Sancto Andrea,</i>	179.
CAP. XXIV.	<i>Dominicus Thomassin,</i>	180.
CAP. XXV.	<i>Angelus Blanc,</i>	182.
CAP. XXVI.	<i>Elzearius Parret,</i>	184.
CAP. XXVII.	<i>Stephanus Sylvestre,</i>	186.
CAP. XXVIII.	<i>Isidorus Liotaud,</i>	190.
CAP. XXIX.	<i>Felix Brun,</i>	192.

Finis Indicis.